

BIBLIOTECA NAZ.
Vittorio Emanuele III

EXII

B

56

NAPOLI

i. II. 37.

S. D. M.

N.

*image
not
available*

LXIII

C

46

NOVA
VARIORVM SCRIPTORVM
CONLECTIO,
TAM
EDITORVM QVAM INEDI-
TORVM, RARIORVM ETIAM,
ET RECENS ELABORA-
TORVM.

QVAE OMNIA INTEGRA
DANTVR.

FASCICVLVS TERTIVS.



HALE MAGDEB. A. MDCCXVII.
PROSTAT IN OFFIC. RENGIERIANA.

1. 1944. JANUARY 17

(1) 1944. JANUARY 17

(2) 1944. JANUARY 17

(3) 1944. JANUARY 17

*VIRO ILLVSTRISSIMO ATQVE
EXCELLENTISSIMO*

**NICOLAO BARTHO-
LOMÆO**

LIB. BAR.

DE DANKELMAN

ET

PRANGIN,

**SERENISSIMO AC POTENTISSI-
MO PORUSSIÆ REGI A CONSILIIS
STATVS INTIMIS, ET REGIMINI QVOD EST
IN DVCATV MAGDEBVRGICO EMINEN-
TISSIMA DIGNITATE PRÆ-
SIDENTI,**

**DOMINO SVO BENEVOLENTIS-
SIMO, MECOENATI MAXIMO**

Salutem dedit plurimam

JOH. PHILIPPVS HEINIVS.

THE
JOURNAL OF
THE
ROYAL ANTHROPOLOGICAL INSTITUTE
OF GREAT BRITAIN AND IRELAND
VOLUME 31. PART 1. 1901.

CONTENTS
OF
PART I.

THE
JOURNAL OF
THE
ROYAL ANTHROPOLOGICAL INSTITUTE
OF GREAT BRITAIN AND IRELAND
VOLUME 31. PART 1. 1901.

THE
JOURNAL OF
THE
ROYAL ANTHROPOLOGICAL INSTITUTE
OF GREAT BRITAIN AND IRELAND
VOLUME 31. PART 1. 1901.



DEDICATIO.



FLapsis prelo ob-
servationibus sacris
 momenti aliquid &
 gratiæ mihi conci-
 liaturo opportune
 succurrebat Pindareum: *Ἀρχομένως ἔρ-
 γα πρόσωπον χρὴ θέμεν τηλαυγές.* Quod
 ita in usum transferebam: *Rite au-
 spica-*

DEDICATIO.

spicato operi PERSONAM *in frons-*
tispicio ILLVSTREM esse *præfi-*
gendam. MECOENATEM itaque
perquirebam, cuius splendido vo-
cabulo fulgeret titulus, & Autorita-
tis aliquid libellus consequeretur.
Tandem in TE, VIR EXCEL-
LENTISSIME, meorum fige-
batur acies oculorum, CVJVS non
solum PERILLVSTRE NOMEN
& FAMA per plures provincias
maxima cum laude propagata,
haud parum celebritatis opusculo
adjungere, sed CVJVS etiam CLE-
MENTIA mihi perquam copiose
demonstrata, hoc, qualecunque de-
mum fuerit, in observantiæ testimo-
nium exhibendum flagitare videba-
tur. Tantum quippe TIBI debeo,
VIR ILLVSTRISIME, ut nihil
tam magnum, tam eximium nihil
a me proficisci queat, quod non, a
DIGNITATIS TVÆ gravitate,
pon-


pondere benignitatis, & ingenti beneficiorum numero longissime multisque Parasangis superatum, summo TIBI jure consecratur. Quanto magis *hæ* laborum meorum *primitiæ*? quibus tantum abest ut aliquid aut CLEMENTIÆ de novo promerendæ, aut explendæ meæ erga TE *obligationi* contineatur idoneum, ut potius ex radiis ILLVSTRISSIMI NOMINIS in titulo micantibus non minimum honoris sint adepturæ. Noli vero indignari, MAXIME MECOENAS, quod PERILLVSTRE NOMEN libello tricis philologicis pleno inscripserim. Speravi, si non omnia, saltem aliqua tibi nequaquam displicitura, probe gnarus, quantum literis delecteris elegantioribus; imo quantum *Sacrorum* lectioni *Voluminum* (qua laude majus dicere nil habeo) tribuas, a quibus

cali-

DEDICATIO.

caliginem hinc inde pro viribus discipuli. Quod si TIBI arrideant conamina, multorum magnorumque applausum merebuntur Virorum. Id Summa animi observantia, & perquam enixe oro, ut acceptum habeas munusculum, nec obtenuitatem, qua polles CLEMENTIA, despicias; mea quoque studia, ut habuisti, ita in posterum de meliori nota habeas commendata. DEUM TRISMEGISTUM, qui omnipotenti imperio rebus humanis præsidet, & quo invito vel inscio nihil cuicunque evenire potest, non simulate precor, ut TE, VIR EXCELLENTISSIME, Bono Publico, ILLVSLRI FAMILIÆ, multorumque solamini diutissime saluum præstet, integrum, incolumem. Valeas ex voto, & faveas.

lif.
co-
m-
ro-
un-
ce-
ob
N-
ut
o-
E-
o-
his
ni-
on
X-
o,
n-
m
a-



CAP. CV.

De Apulejo Madaurensi, philosopho Platonico.



Vixit absque dubio etiam post Hadrianum Apulejus, nam alicubi eum Imperatorem Divum appellat. Non improbable est vixisse sub ipso. atque etiam sub Antonino Pio. Nam quod non nemo existimavit floruisse sub Christianis Imperatoribus, id rejiculum est.

Accusatus est bis. Semel quidem Romæ coram præfecto urbis, qui habebat ut judex cognitionem omnium delictorum. Iterum in provincia, quod scire est ex Apologia, quæ copiosissima & luculentissima est oratio. Neque enim dici debent duæ Apologiae, quemadmodum jam pridem ab eruditissimis viris est animadversum.

Fuisse philosophum Platonicum satis superque scripta testantur. Quamvis autem fuerit Afer, patria Madaurensis, ut propterea se vocaverit semivindex & semigetulum, postquam tamen Carthagini, Athenis hausit Musarum crateres multijugos, uni-

(3). A versa

versæ philosophiæ nectar, mox Romæ studiorum la-
 norum cultor assiduus, & vigilax ad id facundiæ Ro-
 manæ fastigium pervenit, ut eloquentissimus, do-
 ctissimusque juxta conspiceretur. Gratulemur
 tanto viro his versiculis :

*Te quoque Dardanios, Luci, vidisse Quirites,
 Et Capitolinum juvat adire Jovem.
 Bibliothecarum juvat venerarier ades,
 Magnis cumque Sophis aurea verba loqui.
 Nempe patet diæ templum penetrale Minervæ
 His, qui longa via tædia ferre queunt.*

CAP. CVI.

*An Apulejus putarit Aristotelem scripsisse librum
 de mundo ad Alexandrum? notantur quæ-
 dam in Apulejana versione ejus
 libri.*

Scripsit egregium librum Apulejus de mundo, in
 cujus præfatione ait : *nos Aristotelem pruden-
 tissimum, & doctissimum philosophorum & Theo-
 phrastum auctorem secuti, dicemus.* Quæ verba se-
 cundum aliquos satis clarè videntur ostendere exi-
 stimasse Apulejum libri de mundo ad Alexandrum
 auctorem esse Aristotelem, quod tamen alii ne-
 gant.

Dan. Heinsius in Orat. ut rejiciat hoc argumen-
 tum ait Apulejum dicere se sequi auctorem, qui secu-
 tus sit Aristotelem & Theophrastum. Verba Hein-
 sii sunt: *Cum Aristotelem & Theophrastum non se, sed
 autorem secutum ait (neque enim autor sed interpres
 Apulejus) plane significat, neque Aristotelem, neque
 Theophrastum esse autorem.* At-

Atqui hæc sunt verba Apuleji, quibus disertè dicit se in opere de mundo secutum Aristotelem: *quæ nos Aristotelem prudentissimum, & doctissimum philosophorum & Theophrastum auctorem secuti.* Quis non videt nomen *auctorem* referri ad Aristotelem & Theophrastum?

An igitur, inquiet aliquis, putas tu Aristotelem scripsisse de Mundo ad Alexandrum? Ego de hac controversia satis prolixè ago in meo opere Deambulationum in Lyceo, quod tamen adhuc in scriniis meis tetet. Interim dico, nisi repugnantia velimus accurre Aristotelem, non oportere nos existimare librum de Mundo ad Alexandrum recensere inter Acroamaticos, sed dicere esse exotericum, ac proinde Aristotelem videri populariter in eo voluisse disseminare, quod disertis verbis videtur testari ipse cap. VI. us libelli, dum scribit: λέγοντας μὴ δὲ ἀκριβείας ἀλλ' ὥς τυπὰ δὴ μάθῃσιν: *dicentes non accurate sed rursus crassiorem doctrinam.* Quod nunquam protulisset de libro Acroamatico. Nam in primo hic. sic fere etiam loquitur, cum velit dicere eum, qui tradit philosophiam de Moribus cogi crassa Mirra & populariter agere, non accurate, & acroamaticè.

Nam statim postquam talia protulit verba, dictum comit more exotérico aitque universa ἐκ Θεῶ καὶ ἐκ Θεῶ, *ex Deo, & per Deum* constituta. Quod acroamaticè in suo Peripato loquendo nunquam protulit, imo contrarium prorsus plurimis argumentis conatus est probare in libris de Cælo, qui sine dubio Acroamatici sunt. Probatur etiam ex eo, quia

in Acroamaticis nunquam fulcit suam sententiam laudando, citando & approbando Platonem. At in libello de Mundo sub finem inquit: *ut ὁ γυναιὸς πλάτων Φησὶν. Ut eximius Plato ait.* Quod vero sibi tribuit librum de Mundo id novum non est. Exemplum sunt in Terentio, Plauto, aliisque. Superiori seculo Acciajulus suum fecit Eginhardum, qui scripserat vitam Caroli Magni. Sed reperta, & edita ejusmodi vita deprehensum est, unde Acciajulus sumpsisset narrationem omisso nomine Eginhardi, qui primus inter Germanos librum composuit. Neque enim ante Eginhardum ullus Germanus dicitur librum scripsisse.

Libro Aristotelis de mundo quædam inservit Apulejus aliunde, non usus solius Aristotelis verbis.

Cap. VI. sic loquitur: *de rectore quippe omnium non ut ille ait, scire melius est, sed vel parum dicere, vetus opinio est.* Ibidem paulo post: *banc opinionem vates secuti profiteri ausi sunt, omnia Jove plena.* Videtur Virgilii uti auctoritate, apud quem legitur: *Jovis omnia plena.*

Citat Favorinum his verbis: *Favorinus non ignobilis sapiens, hac de ventis refert, quatuor mundi plagas imparem habere ventorum numerum.* Quod testimonium eo gratius est, quia cum de Favorino ageremus id omissum fuit, & ea, quæ Galenus de ipso prodit, dum ait scripsisse de Academica ambiguitate ad Adrianum, ubi etiam Galenus destruere satagit suspensionem illam Academicorum, & adstruere disciplinarum certitudinem.

Adducit aliquid ex Catone in originibus: *Cato autem in originibus.*

Non omittit Ennium: *Namque habitus orantium sic est, ut manibus extensis in cælum precemur, Romanus etiam poëta sic sensit. Aspice hoc sublime candens quod omnes invocant Jovem.*

Quandoque visus Aristotelis sententiam, non prorsus Aristotelicè exprimere. Accipe exemplum observatione dignum.

Non fert Aristoteles ullo modo ignitam esse cæli naturam, dum inquit cap. II. *Cæli porro siderumque substantiam appellamus ætherem non quidem ideo, quod πυρῶδης ignita flagret ipsa, ut aliqui censuerunt plurimum aberrantes circa potentiam illam maxime ab ignea natura abhorrentem.* Postea ait *æthereæ naturæ, quæ mutabilitatis est immunis, & conversionis confinis est natura, patibilis prorsus, & vertibilis.* Statimque agit de natura ignita, hoc est de elemento ignis. Mox de aëre.

Apulejus tamen ait lunam *pascere divinas, & immortales vivacitates ignium.* Mox memorat *fruticulosos æthereos ardores.* Inferius hæc habet: *athericissim ignesque illi immortalis Dei vivacitate flammantur.* Nonne hoc est dicere ætherem esse ignium?

Dices: hæc tamen habentur apud ipsum versa ex Aristotele: *Non ut quidam putant, quod æther igneus sit & incensus.* Respondeo videri sibi repugnare, ut negare ætherem esse igneum, ut ignitus sit aër, de quo postea ait: *ignis aërea densitate confiat.* Quibus verbis non negat dari ignem supra aërem cum A-

ristotele, sed non Aristotelicè asserit *ignes athereos flammari*.

De qua quidem versione, & opinione Apuleji sentiat sane quisque ut vult.

CAP. CVII.

Aristotelem apud Apulejum docuisse licet male, Deum sua substantia esse tantum in cœlo.

QUoniam inter recentiores philosophos non deest, qui utens libro Aristotelis de Mundo conatur ostendere Aristotelem existimasse Deum sua substantia esse ubique non tantum in cœlo, & esse intrinsecam, & essentialem partem mundi, ejusque formam, lubet ostendere ex eo libro Aristotelem diserte Deum, quoad substantiam tantum in cœlo collocare, licet secundum eundem ejus vis, regimen, atque potentia pertingat ad universa. Depromemus autem verba Apuleji vertentis Aristotelem. Sic ergo Apulejus: *nec ambigitur eum præstantem atque sublimem sedem tenere.* Mox memorat in arduis arcibus solium consecratum.

Dices, mox ait: *Deum per omnia permeare, & ad nos tendere.*

Sed verba ipsa, quæ connectuntur ostendunt eum loqui de potentia, de vi, de efficacia. *Honestius est arbitrari Deum sacratum cœli penetralibus, & illis qui longissimè separantur per se, & per alios opem salutis asserre, neque penetrantem, atque adeuntem specialiter singula nec indecorè attrectantem cominus cuncta.* Quid clarius fieri potest? plura vel ex verbis græcis, vel ex versione Apuleji proferre supervacaneum est.

Dices,

Dices, secundum veritatem S. Paginarum Deum cœlum, & terram implere, & esse infinitum sua substantia, & ubique apud nos etiam sua substantia adesse. Cur ergo talia attinet transcribere ex Apulejo & ex Aristotele?

Respondeo, verissima esse, quæ de infinitate Dei tradit nostra sanctissima Theologia, interim non est affingenda sententia Aristoteli, quæ Aristotelis non est. Neque enim veritas de divinis attributis auctoritate gentilis philosophi indiget. Desinat igitur recentior philosophus uti Aristotelis testimonio, ut probet Deum sua substantia esse ubique præsentem etiam extra cœlum. Nam Aristoteles, ut audivimus contrarium sensit, licet erraverit, ut homo gentilis.

CAP. CVIII.

An Author libri de Mundo versi ab Apulejo, dum vocat cœlum quintam substantiam, senserit cum Platone?

PUtant aliqui Platonem & Aristotelem idem sentire de cœlo, quandoquidem quod cœlum appellat Aristoteles, πέμπτην ἔσιν, id Plato: πέμπτον κόσμον, πέμπτον στοιχείον, πέμπτον χεῖμα vocat. Nam ut observat Proclus in Timæo, nihil interest, an quis quintum elementum, an quintum mundum, an figuram vocet.

Nihilominus non est confundenda sententia Platonis & Aristotelis de cœlo. Cur ita? quia cœlum prorsus differt à substantia elementorum, cum dicat

cœlum esse ingenerabile, & incorruptibile, elementa autem generabilia & corruptibilia. Non igneum, non terreum, non aqueum, non aëreum est cœlum secundum Aristotelem, neque habet qualitates, quibus quatuor elementa prædita sunt. At Plato cœlo tribuit elementorum qualitates, aitque ejusdem esse materiæ, hinc cogitur fateri Foxius, qui tamen passim commendat consensionem utriusque philosophi differre inter se, dum Aristoteles nec ejusdem materiæ, neque qualitatum, quibus prædita sunt reliqua, particeps esse docet. Vide ipsum Foxium lib. II. cap. II. de natura philosophiæ.

Apulejus Platonicus, dum transfert librum Aristotelis de mundo, igneam naturam videtur satis clare tribuere secundum Platonem præceptorem cœlo. *Hujus, inquit, divini ignis origine incensi per totius mundi connexa illustribus facibus ignescunt superna.*

Differt igitur Aristoteles de mundo scribens à Platone, nam dum vocat cœlum quintam substantiam, significat prorsus differre ab elementis. Sic dissentit à Platone, cujus sententiam de mundo, deque cœlo explicat etiam Alcinous. Nam cap. X. ut probet Deum esse incorporeum, ait, si corpus est, ex materia constat. Ideoque vel ignis est, vel aër, vel terra, vel aqua, vel aliquid ex iis conflatum, cap. XII. agens de generatione totius mundi, cujus pars præcipua cœlum, ait: *ex singulis quatuor elementis eum compegit integris ex toto scilicet igni, & terra, aqua atque aëre nulla alicujus parte prætermissa, aut potestate.* Hæc ille. Ne ergo putet quisquam Aristotelem in libro de Mundo, quem vertit Apulejus, sensisse cum Platone de cœlo.

Iis, quæ prolata sunt, addendum quod est apud Apulejum in libro de dogmate Platonis: *mundus omnis ex omni aqua, totoque igni, & aëris universitate, unctaque terra esse factum.* Nec omittenda verba Alcinoi cap. XII. ubi de Deo condente mundum, dicit: ἐκ τῆς πάσης ὕλης αὐτὸν ἐδημιόργει. Quod certi potest: *ex tota aut ex omni materia ipsum condidit.* Si veritas, *ex tota* significat Deum exhaustisse totam materiam, neque partem reliquisse, quod assererebant, qui ponebant infinitum. Si autem veritas *ex omni*, indicat Deum ex omnibus qualitatibus, aut ex omni conditione materiæ condidisse mundum. Materia scilicet erat, sed non sine confusione ignea, ærea, aquea, terrea. Talem naturam indidit Deus mundo, ut ipse referret in suo ordine ingenium materiæ, quæ ante ornatum præferebat magnam confusionem. Subjicit enim Alcinoüs: *materiam* sine ordine ullo (ἀτάκτως) & temerè se moventem antequam cælum fieret eripiens confusione (ἀταξία) promovit in optimum ordinem ἀρίστην τάξιν. Interpretes latinus illud *κινεμένην* transtulit disjectam, non satis ex mente Alcinoi. Nam significat Alcinoüs, quod etiam tradit Plutarchus in libro de Procreatione animæ, quod movebatur antea materia, sed osque ullo ordine. Sic concinit Plutarcho Alcinoüs, atque adeo docet materiam quidem fuisse semper, sed non semper fuisse mundum, sed in tempore Deum exornasse materiam, quod tamen frequentior numero Platoniorum videtur repugnare, quemmodum etiam observavi, quando de Plutarcho loqui. Et tamen id Alcinoüs adhuc diserte tradit cap. XIII.

Quamvis postea cap. XIV. videatur corrigere ex sententia Platonis, quod adeo diserte exposuerat cap. XII. & XIII. verba ejus sunt si vertantur latine: quando (Plato) ait, mundum esse factum, id non sic exaudiendum est, ac si fuerit tempus, quando mundus non erat, mox ait, animam mundi semper fuisse nec effici à Deo, sed ornari.

Si antequam mundus fieret secundum Platonem, ut quoque tradit Plutarchus, materies movebatur inordinate, & inordinatus motus proveniebat ab anima, mundus certe hoc est substantia ornata, motus ordinatus animæ, atque adeo mundi non semper fuit, sed cœpit moveri ordinatè, & cœpit habere ornatum materies, quando Deo placuit ordine donare animam, ornareque materiam.

Videant Platonici, quomodo Alcinous, imo Plato ex cujus sententia proficitur semper Alcinous se loqui, ab incommodo repugnantia liberari possit.

Apulejus sane satagit contradictionem detrahere præceptori in libro de Platonis dogmate his verbis: *hunc mundum (Plato) nunc sine initio esse dicit alias originem habere natumque esse. Nullum autem ejus exordium atque initium esse, ideo quod semper fuerit. Nativum vero videri, quod ex his totius natura & substantia constat, quæ nascendi sortita sunt qualitatem.* Videndus etiam Sebastianus Foxius in Timæum, qui tamen non satis videtur facere iis, quæ à Plutarcho disputantur in libro de procreatione animæ, cujus jam non semel feci mentionem. Nec videntur, quæ profert Foxius sufficere, ut nodus, qui reperitur in verbis Alcinoi prorsus solvatur: Cum præfertim

ertim eadem difficultas videatur urgere Apulejum, qui sic loquitur in libro de Dogm. Plat. *Quæ elementa inordinata* (male vulgati codices habent ordinata) *permixtaque essent, ab ædificatore mundi Deo ad ordinem numeris, & mensuris in ambitum deducta sunt.* Hæc Apulejus,

CAP. CIX.

Illustratur dictum Apuleji narrantis etiam fœminas sub disciplina Platonis Philosophatas.

NE quis miraturus sit nos, quando de Plotino agemus, dicturos quasdam fœminas Romæ philosophatas fuisse sub disciplina Plotini, repetendum hic ex Apulejo etiam sub Magisterio Platonis mulieres philosophiæ incubuisse. Qua in re se gesserunt more discipularum Pythagoræ. Hæc scilicet Pythagoras fœminas discipulas in contemplatione rerum. Nec Cynici caruerunt omnino societate talium philosopharum. Certe virgo quædam tanto amore incensa est Cratetis, ut dixerit patri, nisi se traderet uxorem Crateti, licet pauperimo, se non victuram. Quod cum impetrasset, more Cynicorum, & ipsa solum pallium sumpsit, audacterque & magna cum alacritate secuta est maritum, huc illuc incerta sede commeando.

Sed ut mihi videtur, præ omnibus mulieribus, quæ philosophatæ sunt, memoranda est Hypatia, quam *Θείαν* divinam non semel appellat in Epistolis summus

summus vir Synesius, agnoscens se sub ea profecisse in philosophico studio.

Etenim Hypatia ad id fastigium philosophiæ pervenit, ut digna fuerit, quæ doceret publice Alexandriæ in Cathedra philosophica, & Platonis dogmata, tanquam Ammonius aliquis aut Plotinus auditoribus traderet, quæ tamen à plebe tandem occisa est, & obruta lapidibus, cum reverteretur ex Gymnasio, id factum odio superstitionis gentilis, cum Christiani, quibus tunc præerat S. Cyrillus Alexandrinus ferre non possent, ut palam dogmata Gentilium philosophorum in urbe fere tota Christiana exponerentur.

CAP. CX.

De libro Apuleji, quo descripsit Medicamenta ex viribus herbarum. Agitur de antiquitate Medicinæ, & quod Medicina non debeat confundi cum Medicis.

AN Medicum dicemus fuisse Apulejum philosophum? id videtur affirmandum. Nam de medicaminibus herbarum librum reliquit, qui ab eruditis legitur. Respondeo, ipsum non expertem fuisse Medicinæ, sed Medicum non extitisse. Medicum namque vocamus, qui medicinam facit ob quæstum, & invisit ægrotos.

An tu, inquiet aliquis, separas Medicinam à Medicis, & putas esse medicinam, absque medico? locutus sum præeunte Plinio, summo viro libro XIX. cap. I. *Ceu vero non millia gentium sine medicis degant,*

nt, nec tamen sine Medicina, sicut Populus Romanus
tra sexcentefimum, nec ipse in accipiendis artibus len-
s, Medicina vero etiam avidus, donec eam damnavit.
imus sane Medicus Archagathus Lyfaniæ filius Ro-
am venit, anno urbis lxxxv. Vulnerarius ab
itio fuit vocatus, mireque gratus ab initio : mox à
vitia secandi, & urendi transivit nomen in carnifi-
m. Vide plura ibidem.

Nonne ipse Plinius plurima tradidit de virtutibus
herbarum, ut possent prodesse, nec tamen Medicus
it? Cato odit Medicos, Medicinam tamen colu-
eaque feliciter est usus. Audi verba Plinii eo-
em loco: *Quid ergo? damnatam ab eo rem utilissi-
am credimus? minime hercule, subjicit enim qua me-
cina, & se & conjugem usque ad longam senectam per-
exerit iis scilicet, quæ nunc nos trademus.*

Ego certè si secutus forem consilium Medicorum
tim ad purgandos humores confugientium, jam-
u mortuus essem. Non tamen carui, aut careo
Medicina. Non pauca enim observo in victu, in-
ae aliis, absque quibus non diu traducere vi-
m.

Ergo Apulejus consulere voluit amicis scribendo
e viribus herbarum, ut absque Medicorum opera
posset suæ consulere valetudini. Inquit autem :
icimus, medicorum omnes ferme venditationes (sic
go, non vendicationes, ut male vulgo legitur) po-
us esse quam curas. Hos etiam homines inertia ple-
umque & imperitia enixos, certè lucripetas veros nun-
spari, qui etiam à mortuis mercedes expetunt per oc-
casio-

caſionem, & faciunt reditus, tum tempus curationum extrahunt, puto quia ſaviores iſſis morbis exiſtunt.

Dices: qui Medicus non eſt, non ſciет adhibere herbas ad rem, adque morbum, atque adeo ſibi nocēbit. Ergo Medicina haberi non poteſt absque Medicis.

Reſpondeo, Medicinam videri divinitus datam à Deo ad ſalutem hominum. Cur enim viribus mirandis inſtruxit herbas, ſi non erant profuturæ tanquam medicamenta? Certè medicinam puto exiſtiſſe cum ipſo humano genere, eſſi nonnulli, ſed male, ejus initium ad Machaonem, & Podalirium temporibus Trojani belli referant, quos etiam argutantur tantum ſciviſſe vulneribus mederi. Atqui herbarum vis ad multo plura confert, quam ad vulnera. Helena autem, ut diſcimus ex Odyſſeæ lib. IV. habebat pharmaca, quæ acceperat à Regina Ægypti. Repetantur quæſo HomERICA verba:

*Talia Jovis filia habebat pharmaca utilia,
Bona, quæ illi Polydamna præbuit Thonis uxor
Ægyptia, quæ plurima producit fertilis terra
Pharmaca, plurima quidem ſalubria mixta multa
noxia.*

*Medicus vero peritus unusquiſque ſupra omnes
Homines; ſane enim Pejonis ſunt ex generatione.*
Nonne ipſa Helena adhibuit pharmacum nepenthes ad exhilarandos convivas, quod aliqui Bugloſſam fuiſſe exiſtimant? vides valde floruiſſe antiquiſſimis temporibus Medicinam in Ægypto, & pleroſque omnes fuiſſe herbarum, & pharmacorum peritos. Id ſi verum eſt, ut certe plurimum debemus deferre teſtimo-

monio Homérico, non est quod dicamus sero inventionem Medicinam. Nec assentior Plinio putanti temporibus belli Trojani tantum aliquos fuisse peritus medicinæ, quæ curat vulnera, nec amplector ex toto animo sententiam Hippocratis, qui docet veram Medicinam tantum habuisse rationem victus, cum scribit: *principio non fuisset investigata ars Medica, si eadem victus ratio eis offerretur, qua qui valent utuntur.* Atqui etiam Circe, ut narrat Diodorus Siculus lib. V. novit potestatem herbarum, quamvis abuteretur in perniciem. Nam cum ipsa sciret colligere venenatas, oportet illa tempestate facultatem herbarum hominibus notam fuisse.

Dices, antequam innotescerent herbæ, Medicina nota posita erat in ratione victus. Sed quis nescit rem esse controversiæ plenam, si quis loqui velit de statu primo mortalium (de S. literis non loquor, quam cognitionem non habebant Gentiles) quisque nimis sibi fingit pro suo lubitu statum aliquem, ut faciunt etiam Juris-Consulti, dum ajunt captivitates fuisse secutas & bella, & aliquos factos servos. Quasi erit tempus, quando nullum prorsus in toto terrarum orbe erat bellum.

Ne igitur ambigamus, si lubet sequi Homericam auctoritatem, antiquissimis temporibus, & quibus antiquiora ne quidem Hippocrates ex Chronologia referre poterit, fuisse in usu pharmaca, atque adeo medicinæ, quæ pharmacis utitur, saltem Ægyptios expertes non fuisse.

Inveniuntur tamen homines, qui inventionem medicinæ totam tribuunt Hippocrati, qui ipsos con-
tutur,

futur, nam eodem libro de Prisca Medicina inquit, ut alia loca apud eundem omittam: *At vero jam pridem in Medicina omnia subsistunt in eaque principium, & via inventa est, per quam praeclara multa longo temporis spatio sunt inventa.* Hæc ibi.

Rursus dicent Medici, qui Medicus non est, non sciet, uti herbis ad profligandos morbos. Frustra igitur Plinius, & Apulejus de viribus herbarum scripserunt.

Respondeo, rem ipsam clamare sæpe profuisse herbas adhibitas etiam ab eo, qui non facit Medicinam mercede conductus. Quod si contingat quandoque minus feliciter talia administrari, dicam etiam ignaros Medicos (doctos enim & peritos suspicio) frequenter decipi. Quid loquar de concertationibus Medicorum, & dissidio, quando initur consilium de morbo depellendo? hinc ille dixit se turba Medicorum periisse.

Quam etiam celeriter multi medici profiliunt ad purgandos humores, qua temeritate non pauci intereunt, qui non interirent. Hinc Plinius ait: *Nulla præterea lex punit inscitiam capitalem. Discunt periculis nostris, & experimenta per mortes agunt. Medicoque tantum hominem occidisse impunitas summa est.* Quamvis Institut. de leg. Aquil. §. injuria sic sanciat Imperator: *Imperitia quoque culpæ adnumeratur, veluti si Medicus ideo servum tuum occiderit, quod eum male secuerit, aut perperam ei medicamentum dederit.* Non videmus tamen actionem unquam institui. Quod si agendum foret lege aquilia adversus eum, qui ob imperitiam perdiderit aliquis

cujus

ius servum, esset agendum lege Cornelia de Sica-
is adversus eum, qui ob imperitiam & perperam
habendo pharmacum liberum hominem occidisset.
ed, ut dixit Plinius, impunitas comitatur medico-
um imperitiam.

Serio tamen docti Medici monent, ne temere
uis aggrediatur purgationem humorum. Ut enim
umores degeneres vacuare oportet, sic eos, qui è
tura sunt, movere aut etiam novare nefas est. Ac
ericitatur æque is, cui sano aut sine febre cathar-
cum propinatur, atque si eidem, cum opus est Me-
cina non fiat.

Quod si pergant Medici dicere nihil prodesse
osse remedia ex herbis recensita à Plinio, & Apule-
iis, qui Medici non sunt, quia incident in errores,
am volent iis uti, rogabo ipsos, an non ante Ga-
ni tempora Medici fuerint obnoxii erroribus, ut
alistratus, Asclepiades, Thessalus, quique divisi
sectas dissidentium præceptorum sequebantur
iniones? cogentur id concedere, si Galenus, cui
c tempore adhærent, recte impugnavit eos, & po-
simum Hippocraticam àfferuit Medicinam. Non
tur necesse est eum, qui utitur herbis ad pellen-
s morbos, esse positum extra aleam errandi. Cæ-
ro qui oporteret Medicos, quos profligat Galenus,
ustra fuisse. Certe ante ipsum jacebat, aut langue-
t Hippocratica Medicina: Medici tamen mede-
ntur.

CAP. CXI.

*De Crescente philosopho Cynico, qui Romæ accusavit
S. Justinum. Perpenditur quoddam edi-
ctum Trajani adversus Christianos.*

JAm dicendum aliquid de Crescente philoso-
pho Cynico, qui accusavit S. Justinum philo-
sophum, effecitque ut è medio tolleretur.
Quod facinus indignum fuit eo, qui se Stoicum pro-
fiteretur, quæ de re videnda, quæ jam tradidimus
de Egnatio Celere, qui prodidit & perdidit Sora-
num. Sed de Crescente audiamus Scriptores Ec-
clesiasticos. Photius in Bibliotheca sic: (Justinus) *ad-
versarium habuit quendam nomine Crescentem de eorum
genere, qui Cynici vocantur. S. Hieronymus hæc ha-
bet in libro de script. Eccles. (Justinus) cum Crescen-
tem Cynicum, qui multa adversus Christianos blasphe-
mabat, redargueret, gulosum, & mortis timidum,
luxurieque & libidinum sectatorem. Nec omittenda,
quæ traduntur à Nicephoro Callisto histor. Eccles.
cap. XXXII. (Justino) Crescens quidem philosophus vi-
ta morumque emulatione Cynicus insidias struxit.
Cum enim in multis sæpè colloquiis & disputationibus
Crescentem, quod pleraque perperam faceret falsoque
in nostram professionem inveheretur criminans Justi-
nus convicisset. Sed & ipse Justinus mentionem fa-
cit Crescentis, quem appellat arrogantia magis quam
sapientiæ amantem, publicè (ipse) de rebus, quas
ignorat, videlicet quod Christiani athei sint, asseve-
rat.*

Quod

Quod gulosus, & libidini deditus, & ignarus appellatur Crescens, id prorsus consentaneum est non solum iis, quæ protulimus ex Juliano Imperatore, quando de Cynicorum instituto egimus, sed & concinunt iis, quæ inferius depromuntur ex Atheneo, apud quem Cynulcus Cynicus vivis coloribus depingitur, valde similis Crescenti, qui insidiatus est, & contradixit S. Justino.

Quærere autem lubet, qua ratione dicatur struxisse insidias Justino? nonne enim palam Justinus transvererat ad Christianos, & palam tanquam celebris oppugnabat Gentilium errores scribendo, differendo? quibus igitur opus fuit insidiis, ut proderetur & occideretur?

Respondendum est jam olim de Christianis sancisse Trajanum, nempe tales inquiri non debere, sed oblatos, hoc est accusatos puniri. In quod tamen edictum, & rescriptum, ut iniquum invehitur Tertullianus in Apologetico. Nam si Christiani mererentur puniri, cur non perquiruntur? si non merentur puniri, cur accusari debent?

Trajanus tamen sic sancivit, non quod putaret, non esse grave crimen Deorum cultum contemnere, & novæ religioni adhærere, cæcus ipse superstitione Gentili, sed quia videbat valde indies crescere cœtus Christianorum, usus hoc temperamento, ne provinciae, ac præsertim Bithynia, ex qua scribebat Iulinius, ad solitudinem redigerentur. Quando namque aliquod crimen valde gliscit, & magna pars multitudo eo se alligat, non possunt singuli puniri,

niri, ne solitudo, qua nihil pejus fieri potest, in regione fiat. Hinc dixit Lucanus :

Quicquid multis peccatur inultum est.

Et Juvenalis ait, quod peccantes, si plurimi sint, tumentur se veluti *junctæ umbone phalanges*. Apud Romanos veteres sub Republica adulterium gravissimum erat crimen, & valde rarum gravissimeque puniebatur : postea eversa libertate, & investo Principatu cœpit esse adulterium ludus, & jocus propter frequentiam peccantium, ut propterea scripserit Juvenalis :

Ubi nunc lex Julia dormis ?

Quid gravius homicidio ? hodie tamen, quia adeo frequenter in Italia peccatur hac in re, vix unquam videas aliquem extremo supplicio affici, quod alium interfecerit.

Putavit igitur Trajanus Christianos non esse inquirendos, sed oblatos puniendos, quasi non ita grave esset esse Christianum. Perduelles enim, hostes reipublicæ, parricidas, latrones, incendiarios, & hujusmodi Magistratus perquirunt etiam nemine accusante, & offerente. Alios autem non ita gravia crimina perpetrant non trahunt ad carcerem nisi accusentur.

Ergo notus erat Justinus, quod deserta superstitione gentili, Christianus esset, sed molestia non afficiebatur. Crescens autem homo invidus hostisque petulans veritatis Justinum accusavit, qui accusatus gloriam martyrii est consecutus feliciter.

CAP. CXII.

*quid impulerit Justinum ut relicta philosophia
Platonis, & veteri superstitione transfret
ad Christianos? proferuntur nonnul-
la philosophica ex ejus scriptis.*

Quod S. Justinus fuerit Platonicus philosophus, antequam Romæ transfret ad Christianos, id ipse in priori Apologia testatur, in qua etiam dicit, cur Christianus evaserit. Nam & ipse quando Platonica doctrina delectabar, cum audirem plerumque homines appeti Christianos nec mortem horrentes, nec quicquam ceteris terribile cogitabam, esse impossibile tales vitiis servire, quis enim voluptati deditus et intemperans, aut suaviter vescens humanis visceribus posset morte gaudere, ut privetur suis delictis? non potius conaretur perpetuo hic vivere, & Magistratus fallere? quod dictum prorsus illustrat, quod notulimus ex XI. Annal. ubi Lepida hortatur Messalinam, decus mortis quærat, cogitet vitam transisse, et surdæ proferebantur verba. Cur ita? quia animo per libidines corrupto, nihil honestum inerat. Si tantum inerat fortitudo Christianis, ut non recusarent pro sua religione mortem oppetere, oportuit omnia esse conficta, quæ vulgo spargebantur de ipsis, quod noctu convenirent libidinum causa, quodque viderentur infantilibus carnibus. Deprehensa igitur hac ratione à Justino Christianorum innocentia, ad ipsos transivit spreta philosophia Platonis, quod videret adeo inter se dissidere philosophos, ut nihil

certi posset ab ipsis hauriri. Contradicere namque sibi invicem etiam Aristotelem, & Platonem, qui tamen videbantur esse præcipui. Audiamus ipsum Justinum in exhortat. ad gentes: *quotquot inani studio suam infamant philosophiam nihil scire convincuntur, atque etiam ipsi fateri hoc coguntur non solum dissidiis mutuis, sed & inconstanti, ac varia suorum dogmatum expositione. Quod si veritatis inventio confessione omnium finis est philosophiæ quo jure isti, qui veritatis notitiam non assequuntur, philosophi nominari possulant? hæc ille.*

O igitur gloriosum philosophiæ veræ, & non fucatæ, hoc est veritatis Catholicæ atque Christianæ progressum dum videmus insignem philosophum, Platonicæ doctrinæ innutritum, Aristotelicorum dogmatum, ut apparet, peritissimum contempto Platone, insuper habito Aristotele ad Christum veræ philosophiæ fundatorem transire. Gratulor tibi sapientissime Justine, qui relictis tenebris ad lumen, ad solem veritatis tam feliciter, tam fortiter transis.

Cum præsertim sigillatim ostendat idem Justinus fidem non esse habendam Platoni, & Aristoteli inter se de rebus gravissimis dissidentibus. Sic enim scribit in eadem exhort. ad Gentes: *quod si & hos discordes comperiemus, facile opinor eorum manifestam ignorantiam damnabimus.*

Quando Christiani dicebant philosophos Thaletem, Heraclitum, Pythagoram, Empedoclem, Melisum, inter se esse discordes, Gentiles respondebant conquiescendum in Platone & Aristotele. Sic enim narrat S. Justinus, ut dicat, Gentiles putasse Platonem

&c

& Aristotelem esse philosophorum celeberrimos, & absolutissimos, & scire veram perfectamque pietatem.

Objiciebant Christiani, & objicit ipse Justinus Platonem quoque, & Aristotelem inter se dissidere. Hinc extiterunt philosophi Gentiles Ammonius, Porphyrius, & alii, qui conati sunt omnia dicta Aristotelis, & Platonis inter se conciliare, qua de re infra suo loco agemus. Suscipiebant hunc laborem, ut vacillantem errorem Gentilium tuerentur auctoritate tantorum scriptorum.

Sed ostendit Justinus dissidere tantos philosophos. *Plato clamat omnem animam esse immortalem. Aristoteles entelechiam eam nominans, censet mortalem. Ille in perpetuo motu eam esse dicit. Hic immobilem ipsam ait esse motus omnis authorem.*

Plato summum Deum dicit esse in ignea substantia. Aristoteles negat ἐν τῇ πυρώδῃ οὐσίᾳ in ignea substantia esse Deum, fingensque quintam quandam aetheream, & immutabilem essentiam, in qua ille degat. Citatque librum, quo Alexandro Macedoni tradit compendium suae philosophiae. Unde colligere licet existimasse Justinum librum de mundo ad Alexandrum esse Aristotelis. Scio conari Dan. Heinsum evertere hoc argumentum petitem à Justino. Sed nescio, quam rectè respondeat, & num satisfaciat argumentationi valde validæ. Nam quomodo possimus concedere librum illum esse Aristotelis jam diximus in Apulejo.

Quicquid hac de re sit, satis constat Aristotelem in libris etiam Acroamaticis collocasse, primum mo-

torem in extremæ sphæræ parte connexa, & quidem orientali. De Platone autem iterum ait Justinus, quod in prima, summaque cœli sphæra planetis superiore primum Deum cum Ideis collocet, sed Aristoteles post primum illum Deum non Ideas, sed *quædam intelligentiarum numina subjungat*. Hæc & alia legi possunt apud doctissimum sanctissimumque Martyrem, quæ valde faciunt ad excolendum ingenium.

CAP. CXIII.

De ἀδιαφορίᾳ (lat. indifferentia) Crescentis Cynici quid scripserit S. Justinus? plura de rebus indifferentibus proferuntur.

S. Justinus invehitur in Crescentem Cynicum, quod ἀδιαφορίᾳ indifferentiam inveheret. *Verum Cynico, inquit, qui omisso bono sectatur indifferentiam, possibile non est scire aliud, quam indifferens.*

Pro indifferentia autem innuit tunc aliquos sic pugnasse, ut dicerent: *esse diversas leges hominum, & aliis honesta videri, quæ apud alios turpia censentur*. Ipse respondet: *leges malas inductas esse à malis Angelis, quibus delectantur æque mali, sed accedere rectam rationem cui non omnes opiniones probantur nec omnia placita, sed fieri discrimen inter bona & mala.*

Non autem absolute negat dari indifferentiam in quibusdam rebus, cum varietas institutorum etiam apud populos rectè viventes semper viguerit. Sed
non

non est ulterius quam par, progrediendum in ejus-
 modi ἀδιαφορία, Aristo sanè Chius, ut refert Laër-
 tis in Zenone finem dixit esse τὸ ἀδιαφόρως ἔχοντα
 πρὸς τι, μεταξύ ἀρετῆς καὶ κακίας. Indifferenter
 vere ad aliquid inter virtutes, & vitia. Cicero in
 Lucullo: Zenoni summum bonum est, in his rebus
 neutram in partem moveri; quæ ἀδιαφορία ab ipso
 citur.

Veritatem autem profari, non debet poni inter
 differentia, ut quidem videbatur facere Cynicus
 Crescens putans non debere quemquam veritatis
 causa subire periculum, aut mortem, qua tamen in re
 contradicebat Socrati, moralis philosophiæ præci-
 pio auctori.

Dices, Crescens fuit Cynicus, ergo videtur cum
 Zenone ἀδιαφορίαν tantum posuisse in iis, quæ jacent
 inter virtutem & vitium.

Respondeo, indicare Justinum Crescentem meti-
 culosum fuisse, & cum forte apud se agnosceret ve-
 ritatis Christianæ vim, noluisse ejus causa se dare in
 discrimen, atque extendisse ἀδιαφορίαν ad veritatis
 professionem, quasi possit sapiens dissimulare, & inde-
 censam relinquere veritatem. Longe alia mens Ju-
 stino, qui non dubitavit, ut vir generosus Apolo-
 giam pro fide Christianorum Cæsaribus offerre.

Ergò negatio veritatis inter simpliciter mala po-
 nenda est.

Quod verò ad felicitatem indifferenter se habeant
 vitia, & talia disputatur inter Stoicos & Peripateti-
 cos, nec prorsus absurda est sententia Stoicorum, de
 qua suo loco in hoc ipso opere nonnulla protulimus,

ubi etiam Pyrrhoniā indifferentiā rejecimus, Anaxarcheumque ἀστοργον. Quam enim stulte se gerebat Pyrrho μηδὲν ἐντροπόμενος, μηδὲ φυλαττόμενος *nihil declinans, nihil observans*. Unde forte natum est, ut apud Græcos ἀδιαφορέω sit ferre susque deque & negligere quod accidit, sicque fortè quis interpretetur ἀδιαφορίαν illam, qua Cicero conclamata Republica se solatur in Epist. ad Att. addens εὐελπίσιαν : si non placeat dicere Stoice fuisse locutum, ut jam monuimus suo loco.

Nec interim opinandum eum qui indifferenter se habet, non dolere omnino. Certe viri fortes præfenti animo ferunt calamitatem, & adversos casus, non tamen putant idem esse manere in patria cum dignitate, aut dignitate exutum exulare. Absurde namque Pyrrho *publicè aviculas porcellosque vendidit*, quin & scropham lavit, teste Laërtio, ut ostenderet se esse indifferentem.

Cur ergo inquires, succensuit aliquando Philistæ Sorori, immemor sui instituti ? Certe qui ἀδιαφορέως sese habet non irascitur.

Huic objectioni respondit ipse, & dixit audacter fieri non debere ἐπιδείξιν ἀδιαφορίας ἐν γυναίῳ, *in muliercula argumentum indifferentiæ*.

Dionysius autem Metathemenus appellatus, ut scribit Laërtius in vita Herilli, quum in oculorum dolorem incidisset, eo cruciatus acriter noluit dicere dolorem *indifferentem*. Nec tamen ejus sententia est probanda, quando asseruit τέλος εἶναι τὴν ἡδονήν, *voluptatem esse finem*.

Illud antequam huic dissertatiunculæ finem imponam monebo, licet leve sit, Ciceronem græcorum ἀδιάφορον interpretatum *indifferens*. Suetonius autem sic scripsit de Cæsare: *circa victum Oppius indifferentem fuisse docet.*

CAP. CXIV.

De veritate Christiana nitente Mosaica antiquitate quid differat S. Justinus contra gentes? agitur rursus de auctoritate antiquitatum quas scripsit Josephus.

PRæcipuum argumentum, quo utitur S. Justinus ad oppugnandos Gentilium errores, & asserendam Christianorum veritatem petiturum est ab antiquitate Mosis, & sacrarum literarum. Deum namque per Mosem longe ante Platonem, cæterosque philosophos tradidisse hominibus veritatis dogmata. In secunda Apol. sic loquitur: *ut sciatis Platonem hausisse à nostris doctoribus, audite verba Mosis, vatum antiquissimi superioris omnibus scriptoribus Græcorum.* In ead. Apol. paulo antea: *Plato cum ait, culpa penes eligentem est, Deus vero extra culpam, à Mose mutuatus est hanc sententiam. Moses enim est antiquior omnibus Græcorum scriptoribus.*

In exortat. ad Gent. *Jam tempus est à Græci, ut persuasi Mosem ceterosque Prophetas longe antiquiores fuisse omnibus vestris sapientibus, desistatis ab errore.*

Ex Diodoro probat Mosem esse omnium legistorum antiquissimum, quin docet, *nihil Græcos certo pro-*

prodidisse, quod sit superius Olympiadibus, nec eos habere ullos annales veteres de rebus suis, aut barbaricis sola Mosis propheta præcessit historia. Quibus non absimile est, quod scribit Tertullianus lib. de Pallio: *à Nino Beliprogenie (si tamen Ninus regnavit primus, ut autumat superiorum profanitas ferme apud vos stilus non solet.*

Hinc Christiani cœperunt tam diligenter contexere Chronologias, ut ostenderent antiquitatem divinæ, & Mosaicæ legis, docerentque omnia Græcorum monumenta longè esse posteriora.

Eustathius Comment. in Hæxaëmeron ait Clementem, & Aphricanum, & præter hos Tatianum, & ex Judæis Josephum, & Justum proprio quemque modo litteris prodidisse Moysen temporibus Inachi, qui septingentis annis bellum Trojanum antecessit, fuisse.

Mox inhærens diutius Josepho ait eum annorum ordinem ratione, & judicio disposuisse & enumerasse omnium Gentium dominos.

S. Justinus exhort. ad Gent. ut ostendat Moysen fuisse temporibus Inachi, citat Philonem, & Josephum *Judæorum doctissimos.* Mox addit: *Certe Josephus antiquitatem suæ historiæ profitetur ipso Titulo sic: Flavii Josephi de Antiquitatibus Judæorum.*

Quod si Josephus, ut vult Sallianus, & Sallianum imitans Mascardus invertisset, interpolasset historiam veteris Testamenti, frustra ejus testimonio tantum tribuerent scriptores Ecclesiastici.

At Sixtus Senensis in Bibliotheca sic loquitur de Antiquitatibus Josephi: *Servatis simul & Sanctarum scriptu-*

Scripturarum veritate, & historia legibus quandam veluti paraphrasin in omnes ferme veteris Testamenti libros aptavit.

Idem Senensis subjungit Josephum scripsisse adversus Apionem, Molonem, aliosque qui veteres & sacras Hæbreorum historias calumniabantur, proferendo tanta ex Phœnicum, Chaldæorum, Ægyptiorum & Græcorum scriptis testimonia, sacris historiis conformia, ut vehementer admiratus sit D. Hieronymus, quomodo vir Hebræus, ab infantia sacris litteris eruditus tantas externorum autorum bibliothecas potuerit evolvere.

Dices cum recentiori Scriptore, *si verus est in historia Josephus ruunt tempora.* Dices cum eodem fortasse *hominem pessimum* fuisse Josephum.

Non ego Josephum eximo omni errori. Homo enim fuit. Sed miror dixisse scriptorem recentiorum, ruitura tempora, si verus in historia est Josephus. Cur ergo S. Justinus nititur auctoritate Josephi, ut ostendat Mosem esse antiquiorem omnibus legislatoribus, omnibusque Græcorum sapientibus? infirmo fulcro fulcit sua dicta, quisquis nititur eo, per quem si verus est in historia ruunt tempora.

An ruunt tempora per eum, qui teste Eustathio ἐπινοήσας σύνταξιν χρονικῆ καὶ νόμος disposuit tempora omnium gentium? nam qui confundit tempora, efficitque ut ruant illi non tribueris ὠν mentem atque judicium, sed insaniam, aut etiam pravitatem.

Miror etiam à S. Hieronymo inter scriptores Ecclesiasticos recensitum hominem, *fortasse pessimum.* Debebat recentior scriptor saltem indicare cur putet,

ret, aut suspicetur *peffimum* fuisse Iosephum? nec enim vagandum cum periculo alienæ existimationis.

Qui porro commendando Iosephum, præferunt multis scriptoribus tam græcis quam latinis, non ita infaniunt, ut puto, ut eum præferant divinarum literarum auctoritati, quæ maximo intervallo superat quorumcunque aliorum scriptorum auctoritatem.

Sed adduci non potest recentior scriptor, *ut credat in tanta obscuritate scriptorum, varietate temporum, diversitate sententiarum, annorum serie veritatem in omnibus κατὰ τὸν αἰῶνα Iosephum.*

Hæceadem difficultas quemlibet alium historicum, & Chronologum urget. Sic hætenus non prodiit omnibus numeris absoluta temporum supputatio, quandoquidem quilibet cogitur experiri obscuritatem scriptorum, varietatem temporum, diversitatem sententiarum, annorum seriem.

Dicet ipse recentior scriptor, non defuisse nostro tempore qui errores Iosephi in historia notaverint. An igitur qui notant Iosephi errores omni errore carent? non puto affirmabit. Qui autem laudat Iosephum non ei, ut mihi persuadeo, detrahit omnem maculam. Nam in omnibus rectè dicere, & nunquam dormire hoc est proprium eorum scriptorum, qui divinitus illustrati nos docuerunt. Cæteri, inter quos etiam Iosephus, nihil à se humanum alienum putant.

An vero hinc colligendum est vacillare in historia Iosephi auctoritatem, & fusque deque habendas

das ejus narrationes? aut affirmandum cum Saliano, & Mascardo Josephum antiquitates Veteri Testamento invertisse, interpolasse? nequaquam sic ratiocinandum. Quin audiendi sunt de Josepho loquentes tot gravissimi viri, quorum testimonia aliqua saltem ex parte & hic, & suo loco, quando de Josepho egimus, protulimus.

CAP. CXV.

De Disputationibus S. Justinii contra Aristotelem. Perpenduntur duo loci apud Aristotelem de cælo.

DE S. Justino sic Photius: *est autem vir ille ad Philosophiæ tum nostræ tum potissimum profanæ summum evectus fastigium (ἀρρεον) multiplicisque eruditionis, & historiarum copia circumfluens.*

Tradit idem Photius Justinum oppugnasse Materiam, Formam, privationem Aristotelis, quintumque illud corpus motumque sempiternum, *rationibus epicherematicis ac violentis, & densatis, sive conglobatis.*

Specimen esto disputationis Justinii contra Aristotelem hoc. Nam ipsum repugnantiam arguit. In II. de cælo dicit: *cælum igitur neque ortum, neque cer-rumpi potest.* In primo ait: *recte natura videtur id quod futurum erat ingenitum, & incorruptibile ex-misse è contrario.*

Ne videatur hoc effatum illud evertere, forte putandum est Aristotelem locutum populariter, & exoterice. In secundo autem de cœlo scripsit acroamaticè, ne sibi contrarius deprehendatur. Certe hic modus loquendi: *Natura exemit cœlum à contrariis* non est consentaneus germanæ, & propriæ doctrinæ Aristotelis. Nam natura secundum ipsum proprie est tantum forma & materia. Modus autem hic loquendi; *Natura exemit* denotat subiectum perfectum operans. At forma, & materia sunt partes, & sunt substantiæ imperfectæ.

Præterea, si dicas naturam exemisse à contrariis cœlum, nonne asseris naturam fecisse cœlum? & nomine naturæ intelligis Deum? hinc colligere erit cœlum esse factum. Si factum, cur ait cœlum exemptum à contrariis, ut foret ingenerabile & incorruptibile?

Videtur igitur Aristoteles, quando dicit Naturam exemisse à contrariis cœlum locutus exoterice, & non acroamaticè.

Sed nova nos premit difficultas. An enim in libris acroamaticis (Acroamatici sunt libri de cœlo) loquendum fuit exoterice, cum acroamatica valde differant ab exotericis? Nonne qui jam loquitur ex propria sententia, jam ex sententia populari præbet occasionem errandi? Cum præsertim Aristoteles non dicat quosdam dicere Naturam exemisse à contrariis cœlum, sed asserat ipse: Naturam exemisse cœlum à contrariis.

Videant Peripatetici qua ratione sit defendendus Præceptor, nec tam tenaces sint omnium eorum, quæ

quæ protulit Aristoteles, quandoquidem tantus philosophus, qualis fuit Justinus, tam vehementer ipsum oppugnavit.

Perpendant, & illud quod obijcitur à S. Justino ex primo de cœlo: *Necessum est esse aliquod corpus simplex, quod aptum quidem sit circulari motu suapte natura ferri.*

Si aptum natum est cœlum ferri in orbem, cur indiget externo motore? Frustra est illa potentia, quæ non reducitur in actum. Cui bono propensio ad motum in cœlo, si se ipsam in actum reducere non potest?

Quid quod XII. Metaph. videtur omnia evertere, quæ traduntur in VIII. physic. nam si intelligentia movet ut amata, non movet ut physicus motor. Quin necesse est orbem cœlestem amare, & amando sese movere. Quod amat intelligit. Ergo mente, & intelligentia sibi insita præditum est cœlum.

Atque adeo in seipso habet principium physicum, proprium, intrinsecum sui motus, nec movetur à motore extrinsecò. Quod dicitur argumentando ex verbis Aristotelis.

CAP. CXVI.

De quadam repugnantia, quam tribuit Platoni loquenti in Timæo S. Justinus. Perpenditur generica divisio Entis secundum Platonem.

Repugnantia accusat Platonem S. Justinus pro-
latis verbis ex Timæo, quibus nihil decanta-
tius. Dii Deorum, quorum opifex ego:
(3) Quia

Quia generati estis, immortales quidem, & indissolubiles non estis: nec tamen unquam dissolvemini, nec mortis fatum subibitis, cum mea voluntas sit vobis pro vinculo, nexuque validissimo.

Protulerat antea verba Platonis dicentis: *equidem ante omnia differendum censeo, quid sit ens sempiternum, ingenitum, & quid quod gignitur quidem, est tamen nunquam; illud intellectu per rationis indaginem percipi potest cum semper sit idem: hoc opinione per irrationalem sensum attingi, cum gignatur, & intereat, sit tamen nunquam.* Quicquid gignitur, interit.

Omnia præter Deum, qui est prima causa, genita sunt. Ergo etiam dii conditi à summo Deo intereunt: nec potuit eis immortalitatem & incorruptibilitatem polliceri conditor.

Nam quod conditur, conditur ex materia ab Opifice secundum Platonicos. In materiam autem potestatem non habet opifex, quia ipsa æquæva opifici potest ei repugnare, nec potest cogi.

Quibus positis ait S. Justinus Platonem non potuisse. *Ἐκφυγεῖν τῆς ψευδολογίας ἔγκλημα, effugere crimen mendacii.* Nam qui ἐναντία ἐαυτῷ εἰσάγει, qui inducit sibi ipsi repugnantia ψευδόλογος mendax apprehenditur.

Quam Platonis contradictionem transcripsit Stephanus Gobarus apud Photium in Bibliotheca num. CCXXXII. nam primum hæc ponit.

Omne generatum corruptibile est, & mortale, voluntate vero Dei manet insolubile ἄλυστον καὶ ἀφθαρτον & incorruptibile. Et è contrario: natura corruptibile φθαρτὸν (sic malo quam quomodo vertit

Schotus

Schotus corruptum) non potest esse incorruptibile
 βελάσει θεῷ: Dei voluntate. Contraria enim (sic
 subjicit Stephanus) docet hoc asserens, καὶ ἀδύνατα
 impossibilia (Schotus vertit impossibilitatem) χα-
 εῖρεται τῷ δημῷ γὰρ conditori tribuit.

Mox producuntur verba Platonis ex S. Justino. Ad-
 dit Photius confirmans argumentationem S. Justinī
 ipse quidem Martyr Platonicum arguens Sophisma
 ostendit Platonem creatorem inducere ἐναντία λέγοντα
 ἐαυτῷ sibi ipsi repugnare. Velenim necesse est omne
 generatum corruptibile esse secundum priorem defini-
 tionem, vel eum dicendo omne generatum corruptibile
 esse ψεύδεσθαι mentiri.

De verbis ejusdem Platonis differit S. Cyrillus A-
 lexandrinus lib. II. contr. Julianum. Nam Julianus au-
 sus fuerat Mosaicæ narrationi de creatione opponere
 Platoniam, ac si melior foret. Non tamen prolata
 sunt illic, quæ proferuntur à S. Justino, quod Ens vel
 est sempiternum, vel genitum, & quod solum sempi-
 ternum intelligitur, genitum vero non, cum nus-
 quam sit.

Ad rem ipsam autem pronunciat S. Cyrillus, & in-
 quit, *immortale quidem, vel insolubile nihil: voluntas
 autem Dei unicuique creature est natura.*

Platonis interpretes, dum perpendunt illam divi-
 sionem Entis in id quod semper est carens generatio-
 ne, & id quod gignitur neque est unquam, ajunt De-
 um, intelligibiliaque omnia semper esse, principio-
 que carere, & ex ipsis reliqua pendere: mundum ve-
 ro sensibiliaque cuncta principio aliquo constare, ve-
 reque non esse, si cum illorum essentia conferantur.
 Itaque primum potissimumque rerum omnium

principium, unicum, & ratione comprehensum, ac æternum Deum esse: secundum vero in sensum cadens, à primo illo productum esse totius mundi universitatem. Talemque à Platone distinctionem factam esse etiam in Parmenide, cum ens unum æternum, immobile, indivisibile, infinitum, cunctorumque principium hoc est Deum, & Ideam in illo sitam posuit, alterum autem vere non ens, mutationibus obnoxium; finitum, mobileque adjunxit, id est inferiorem hanc materiam rerum corporearum.

Objicies nihilominus mundum ipsum materiam, ac formam nunquam desuisse esse, imo secundum aliquos Platonicos facta non esse. Cur igitur sic dividit ens Plato, ut quoddam sit, quod sit ingenitum, nullo constans principio, aliud autem genitum nunquamque sit?

Responsio admodum difficilis. Dicunt nihilominus scholæ Platonice sectatores comparatione facta cum prima causa cætera dici non esse, cum absque comparatione præstantior sit prima causa iis, quæ ab ipsa pendent.

Quod vero aliqui dicunt mundum secundum Platonem non esse factum, id vero quomodo connecti possit cum divisione prolata ex Platone difficile est docere. Deus enim solus ingenitus dicitur, cætera genita, atque adeo corruptibilia. Nisi ergo mira fingere velimus secundum Platonem, videtur prorsus esse dicendum mundum esse factum, atque adeo sua natura esse corruptibilem, licet non sit corrupendus ob Dei voluntatem conservantis ipsum. Solvenda tamen adhuc sunt objecta S. Justinii de materia

ria ingenita, & Deo ἀγεννα atque adeo non obnoxia Dei potestati.

Viderit etiam Sallustius philosophus Cap. VII. cur mundum ingenitum, & incorruptibilem dixerit sicque ratiocinetur: εἰ γὰρ μὴ φθίσκεται, ὅθεν γέγονεν. ἐπειδὴ πᾶν τὸ γινόμενον φθίσκεται. Si non interit, neque conditus est; cum omne, quod interit, conditum sit. Et tamen mox subjungit per Dei bonitatem θεῷ ἀγαθότητα mundum esse. Si Dei bonitas causa est mundi, mundus factus est cur ergo illum paulo antea appellavit ingenitum, cum præsertim dicat de Deo: *si meliorem* (mundum efficiet corrupto priori) *impossens fuit* (Deus) *qui ab initio non produxit quod præstantius est?*

Quæ prolata ex Sallustio, videntur addere robur argumentationi S. Justinī, qua conatur Platonem *Πευδολογίας falsa sententiæ* arguere, & repugnantia.

Cum porro ostendat in suis scriptis S. Justinus adeo sibi esse notum familiaremque Platonem, & ipse in prima Apol. dicat modestè loquendo se delectatum fuisse, antequam Christianus fieret, Platonica philosophia, non debuit dicere Sixtus Senensis Justinum fuisse Stoicæ sectæ addictum, nec enim id reperitur in secunda Apologia, ut putat Senensis.

CAP. CXVII.

Perpenduntur adhuc verba Platonis: Dii Deorum, quorum ego opifex prolata à S.

Justinō.

C 3

Quo-

QUoniam millies repetita sunt verba Platonis : *Dii Deorum quorum opifex ego, & pater hæc attendite*, etsi jam aliquid ad ipsa ex S. Justino annotatum fuerit, lubet tamen adhuc quædam depromere, cum præsertim summus Deus jubeat minores Deos in hunc modum : *Accedite vos ad animalium generationem.*

Prolixe omnia explicat Proclus in Commentario, ubi conatur ostendere cur immortales sint Dii mundani (Θεοὶ ἐγκόσμοι) nempe quia manarunt ab unitate *δημιουργικῇ*, quoniam prima causa simplicissima est, & prorsus immortalis. Hinc fit, ut quæcunque ipse condit per se, & immediatè eis conferat vinculum suæ substantiæ tale, quod à nullo possit rumpi, & dissolvi, nisi ab eo, qui nexuit, hinc immortalitatem Deorum mundanorum, hoc est mundi colligit Proclus. Nam quod colligatum est à *δημιουργῷ*, id non potest solvi, nisi ab eo. *Παντὶ μὲν ἄλλῳ λύειν τὸ πᾶν ἀδύνατον. Μόνῳ γὰρ ὁ Πατὴρ δύναται λύειν: solus autem pater potest solvere.*

Sed subjicit Proclus, quod mirabile est, impossibile esse à Patre solvi universum, quod rejiceret S. Justinus. Cur enim Pater cum sit liberum agens non possit solvere, quod colligavit? libere condidit mundum, libere etiam posset eum in nihilum solvere.

Sed objicit Proclus: qui colligat bonus est. Ergo qui solvit malus. *Κακῷ γὰρ τὸ λύειν.* Sed Pater bonus est. Non igitur potest solvere mundum. Hinc S. Paulus: *Deus seipsum negare non potest.*

Re-

Respondere nihilominus licet, Deum quia liberum agens est, posse destruere, quod construxit, nam non est absolute bonus mundus, sed pendet à nutu Dei. Qui autem libere agit, ut libere fecit mundum, cum liceret ei non ipsum condere, eadem libertate usus posset eum dissolvere.

Quædam autem prorsus repugnant naturæ divinæ, ut mentiri, seipsum negare, deque illis recte dicitur, quod à Deo procul absint.

Quid vero dicendum de Deo iubente minores Deos facere animalia? si proprie explicentur, sunt rejicienda. Nam secundum Mosaicam narrationem Deus fecit omnia, neque iussit Angelos facere hominem, & animalia. Rejicimus etiam differentiam illam inter summum Deum, & minores Deos. Condidit quidem Angelos, sed ipsi nequaquam dii sunt.

Commodum tamen sensum aliqui tribuere conantur verbis Platonis, dum ajunt, quod quæcunque Deus facit, voluntate sua, & nutu quasi verbo quodam facit, unde ajunt intelligi primam causam immobilem semper manere, levissimoque quasi nutu inferioribus imperare, secundas vero motu, & impulsu prioris incitatas inferiora gignere. Velut in mundo Deus, sive primus motor, voluntate sua cælum movet: cælum autem, utpote secunda causa motu suo inferiorem naturam procreat, ac sustentat, unde prima causa cum firma & immobilis maneat, firmas quoque ac stabiles res efficit, secunda vero quia motu suo cuncta gignit, infirmas, & inconstantes.

Sic illi conantur ad bonum sensum deducere Platonis verba, nam si quis illa proprie utque sonant accipiat, jam diximus nequaquam Angelos fecisse hominem, aut animalia.

S. Cyrillus lib. II. contr. Julian. quia videt apud Platonem Deum alloqui Deos Juniores, qui Dii Juniores secundum eundem Platonem sunt fidera, non permittit mundum esse ratione præditum, quicquid dixerint etiam Stoici. Non fert, inquam, S. Cyrillus Deum proprie alloqui mundum sive mundanas causas, tanquam intelligentia, & anima præditas, ut jussæ, & proprie exaudientes Dei summi vocem, deinceps faciant hominem, & alia animalia.

Jam, inquit S. Cyrillus, quod cælum hoc est mundus, plane non sit animal, neque animatum omnino, etiam absque aliis, quos sapientes vocant, ad reprehendendum sufficit Aristoteles qui dixit, neque animatum totum mundum, neque rationalem, neque mentalem.

Hinc colligit S. Cyrillus Deum nequaquam dixisse, quod aliquid formare debeant.

Aliqui tamen putarunt mundum esse animatum secundum Aristotelem, sed male. Primus quidem motor, & intelligentiæ rationales sunt, sed hinc non est colligendum dixisse Aristotelem mundum esse animatum. Nam nomine mundi intelligimus corpora quæ moventur. Sed secundum Aristotelem primus motor, & etiam intelligentiæ immobiles sunt.

Themistius tamen Peripateticus videtur censere elementa esse animata, non tamen ait esse rationalia, &

& aliqui inter recentiores dicunt mundum esse animatum, sed non rationalem.

Philo de mundi incorruptib. ex verbis Platonis: *Dii Deorum* colligit mundum esse genitum, & incorruptibilem, aitque sophisticè à quibusdam verba Platonis accipi, quasi mundus dicatur genitus, non quod habuerit generationis principium, sed quod si factus est, non aliter quam dictum est confieri potuisse: quandoquidem partes ejus generari & mutari videmus.

Ipse autem asserit meliorem esse sententiam, quod secundum Platonem mundus sit genitus, quia passim in *Timæo* Deus Pater, opifex, conditor appellatur, mundus autem opus ejus & progenies.

Quod comprobatur quoque testimonio Aristotelis, qui amicus de amico non fuisset mentitus, nec scelus indignum philosopho commisisset. Sic ergo Philo confutat eos Platonicos, qui censent mundum esse ingenuum, quos interfuit responsor in disputatione, quæ tribuitur S. Justino.

CAP. CXVIII.

Ut magis intelligantur verba Platonis prolata à S. Justino, queritur, an & quatenus voluntas Dei corporum mundanorum vinculum sit?

Verbis Platonis, quæ protulit S. Justinus, fas quæso sit adhuc immorari, ut sciamus, quare Deus dixerit Diis junioribus, scilicet corporibus mundanis: *mea voluntas vobis est pro vinculo,*

lo, nexuque validissimo. Aut ut verba græca habent: Voluntas mea majus præstantiusque est vinculum ad vitam custodiam, quam nexus illi, quibus estis tunc, cum gignebamini, colligati.

Ejusmodi effatum quo βέλησις voluntas Dei dicitur esse δεσμός vinculum rerum creatarum, sive Deorum mundanorum videtur habere multiplicem difficultatem.

Nam voluntas Dei est quid extrinsecum, incorporeum, simplicissimum, increatum. Qua ratione igitur potest esse vinculum rerum corporearum? vinculum profectò est id, quo duo vel plura nectuntur, & colligantur. Quod necesse est, ut sit ejusdem, aut non prorsus absimilis naturæ cum iis, quæ debent connecti, oportetque, ut cum ipsis habeat proportionem, & affinitatem aliquam. Hinc colligere est vinculum, quo colligata sunt sidera, & corpora cælestia esse corporeum, illorumque partes intimè tangere, & apprehendere, alioqui vinculi munere nequaquam posset fungi.

Quod ergo assumitur ad describendum nexum Deorum juniorum, id removeri debet à voluntate Dei. Quid enim est voluntas Dei, nisi Deus ipse?

Si dicas, Dei voluntatem esse nexum rerum corporearum, quia eas destruere non vult, hoc non videtur sufficere, nam non propterea quia Architectus domum à se constructam non demolitur ejus voluntas est causa cur conservetur. Quin opus est, ut habeat interna principia suæ durationis. Certè qui construxit Amphitheatrum Romanum, quod hodie aliqua ex parte superest, multis abhinc seculis obiit,
moles

moles tamen amphitheatralis non ideo concidit, & interiit.

Philo in libro de mundi incorruptibilitate multis argumentis satagit ostendere mundum habere interna principia suæ perennitatis; ait namque esse expertem senii, nam *mundus insuperabili robore præditus partes suas movet, ipse à nulla earum mobilis.*

Mundus secundum Platonem semper fuit, licet factus sit à Deo, ergo non potest corrumpi. Nam quod non cœpit esse, non potest desinere esse.

Unde videtur colligendum nequaquam pendere mundum à Dei voluntate. Nam si semper fuit non videtur manasse à Dei voluntate, cum videantur hæc inter se stare non posse, semper fuisse, & extitisse Dei voluntate. Si mundus non extitit Dei voluntate, ejus salus nequaquam videtur ab eadem pendere.

Quæ quæso causa mortem possit inferre Diis Junioribus? hinc Philo scribit: *Corpora, quæ morbis lædi possunt, aut sentio, caloribus, & frigoribus aliisque contrarietatibus externe infestantibus subvertuntur: e quibus rebus nullum mundo est periculum, quandoquidem inclusis omnibus, foris nulla relinquitur. Quod si utique aliquid est exterius, omnino inane erit, aut otiosa quadam natura, quæ nec agere, nec pati possit.* Hæc ille.

Respondendum nihilominus est voluntatem Dei non proprie dici vinculum, quandoquidem Dii juniores colligati sunt vinculo cum conderentur. Illud autem vinculum eis absque dubio satis est, cum Deus

Deus perfectum condiderit mundum. Quod autem perfectum est, & perfecte compactum non indiget alio nexu connectente. Monstri enim simile esset, si vincula vinculis adderentur.

Verba autem Dei loquentis apud Platonem ostendunt voluntatem suam longe superare sua dignitate vinculum, quo colligati sunt Dii Juniores quando facti sunt, quodque absolute loquendo indigeant magis ad suam perennitatem Dei voluntate quam nexu, quo connexi sunt. Cur ita? Quia cum Deus eos colligaverit, posset dissolvere, vinculumque rumpere. Hinc consequeretur ipsorum interitus. Perfecti igitur sunt, & imperfecti. Perfecti quidem, quia nisi à superiori agente Deo destruantur, non poterunt unquam interire, imperfecti, quia non sunt simplicissimi, si non sunt simplicissimi, sed colligati, dissolvi possunt ab eo, à quo colligati sunt.

Solus igitur Deus absolute immortalis, quia simplicissimus. Res creatæ ipsæque corpora cœlestia non absolute perennia, quia coagmentata sunt.

Hinc vinculum vocatur voluntas Dei, non quod proprie sit nexus, quo cohærent inter se mundana corpora, sed quatenus habet imperium in corpora colligata, & in ipsum nexum, quo cohærent. Ita vocari potest plusquam vinculum, & plusquam nexus quod colligere est ex verbis Platonis græcis, quibus voluntas Dei appellatur *μεῖζων δεσμός καὶ κυριότερος*, *maius, magisque potens vinculum*. Quod latine forte quis exprimere posset vocando voluntatem Dei non tam vinculum, quam plusquam vinculum, cum vinculum, quo connectuntur corpora mun-

mundana, imo sunt, & constant à Dei voluntate sit factum, atque adeo tolli prorsus queat.

Non interim cum Platone, aut Proclo mundi stabilem statum ex eo petimus, quia semper fuerit. Nam secundum veritatem Mosaicam in tempore factus est, nec tamen unquam interibit, nisi Deus eum destruat.

Objicies cum Proclo, quod sit in tempore, non potest semper durare. Ergo mundus seipso interibit, ut videmus interire corpora, quæ quotidie oriuntur.

Respondendum objectioni est, mundum nobilissimo quodam modo in tempore conditum tanquam ab agente rationali. Hinc perdurabit, nisi Deo aliter visum. Alia est ratio corporum nascentium naturali modo, quæ ut nascuntur, sic etiam intereunt.

Accipimus autem argumentationem Plutarchi, contententis mundum si conditus est voluntate Dei, non potuisse semper esse, accipimus, inquam, nos Christiani ejusmodi rationem, quandoquidem dicimus non semper fuisse mundum. Licet plerique Platonici asserant mundum esse æternum & genitum, quia provenit à prima, & æterna causa. Sic enim differit etiam Foxius contra Plutarchum, & Severum, & Atticum comment. in Timæum.

Quod si modus, quo diximus, voluntatem Dei esse vinculum mundanorum corporum non satisfaciat, asserere licebit Dei voluntatem esse vinculum mundi, quandoquidem ipsum conservat, cum præsertim non desint, qui dicant conservationem tantum

tum ratione differre à creatione, qua de re videnda sunt, quæ traduntur à Theologis.

CAP. CXIX.

Quid de anima genita, vel ingenita secundum Platonem, imo de mundo vel genito, vel ingenito nonnulli protulerint, ut repugnantia nodum tollerent.

Contradiçtionem de mundo corruptibili, & incorruptibili, genito, & ingenito objectam à S. Justino Platoni, & aliquatenus tactam suo loco ex Plutarcho quoque licet sic munire ex verbis in Phædro: *omnis anima est immortalis, quia semper movetur, est aliis principium movendi ἀρχὴ δ' ἀγέννητον. Principium autem est ingenitum.* Ex ipso namque necesse est oriri, quicquid fit, αὐτὴν μὴ δ' ἐξ ἐνός: *ipsum autem ex nullo.* Tandem colligit, quod si ita est, ut non sit aliud quicquam, quod seipsum moveat præter animam ἐξ ἀνάγκης ἀγεννητόν τε καὶ ἀθάνατον ψυχὴ ἂν εἴη: *necesse est, ut sit ingenita, & immortalis anima.*

Quid disertius fieri potest? nonne absolute pronunciat animam esse ingenitam, & carere initio, & motum præbere omnibus, ipsi quoque cælo, quod in se inanime foret atque immotum nisi motum acciperet ab anima tanquam intrinseco principio, non extrinseco, ut videtur voluisse Aristoteles in VIII. physic.

Adde in divisione illa generica entis apud Platonem ens vel esse ingenitum, quod semper est, vel genitum,

nitum, quod interit, & quodammodo nusquam est; quis autem non videt animam cum semper fuerit, semperque sit debere referri ad prius membrum divisionis, atque adeo esse ingenitam? nam posterius membrum divisionis videtur satis clare complecti ea, quæ absolute *ἑνταῦτα* sunt, à secundis causis prolata multiplici operatione, non *ἐνώστες δημιουργικῇ*, quæque oriuntur in tempore, & occidunt, ut rursus alia nascantur.

Cum autem Plato ex eo colligat, animam esse immortalem, & interitus expertem, quia ingenita est, doceatque immortalia esse corpora cœlestia, quæ ipse appellat *θεῶς ἐγκοσμίους*, inde colligendum erit mundum esse ingenitum. Nec enim occidunt sidera. Si non occidunt, ut res ipsa testatur, erunt ingenita.

At Totius Deus appellatur pater, opifex, & in Timæo disertis verbis agitur de animæ generatione, dum inquit Plato, animam à Deo ante corpus procreatam, his etiam utens verbis: opifex, *tam generatione, quam virtute priorem, antiquioremque anima corpore constituit, utpote quæ obediēti corpori esset imperatura.* Deinceps sigillatim describit, quomodo animam condiderit.

Nonne hæc magis ac magis repugnantiam Platonicam detegunt? hinc ipse Foxius Comment. in Tim. p. 112. hæc protulit: *partim æternam vocat animam Plato & ingenitam, partim vero genitam.* Fatetur deinde à D. Augustino lib. X. de CD. reprehensos Platonicos, quod animam æquæ æternam cum Deo faciant. Mox subiicit, Platonem dicere animum esse æter-

æternum, & Platonicos omnes id de ipso asserere, at non tacet genitam animam ab eodem Platone appellari.

Difficultatem quam experimur dum sermo instituitur de anima agnoscit Plato in Timæo, dum fateatur nos multa tanquam μετέχοντας προστυχόντας καὶ ἐκκῆ fortuito, aut temere, & inconsiderate effutire. Hinc ait Proclus interpretans Platonem animam nostram ad rerum intelligibilium cognitionem caligare, propter sensuum naturam errantem.

Quæ confessio Platonis videtur omnem certitudinem de ejusmodi dissertatione tollere, atque adeo ostendere, nos non posse habere fidem Platoni caliganti, & cæco tramite incedenti in tantarum rerum peruestigatione. Si igitur perplexe locutus est Plato in Timæo, inque Phædro atque alibi, magis ac magis videtur muniri objectio S. Justini, quod sibi pugnantia protulerit. Nam qui non recte rem aliquam assequitur, vult tamen eam explanare, fere incidit in scopulos repugantiæ.

Tentarunt tamen etiam Christiani scriptores ejusmodi nodum solvere, ne sibi contrarius deprehendatur Plato, de quibus quidem solutionibus sentiat sane quisque pro lubitu.

Boëtius lib. V. de Consol. Philosophiæ prosa VI. sic scribit: *Non recte quidam, qui cum audiunt visum Platoni mundum hunc nec habuisse initium temporis, nec habiturum esse defectum, hoc modo conditori conditum mundum fieri coeternum putant. Aliud est enim per interminabilem duci vitam quod mundo Plato tribuit: aliud interminabilis vitæ totam pariter complexam*

plexam esse præsentiam, quod divinæ mentis proprium esse manifestum est.

Deinceps profert verba, quæ profecto in schola Christiana non exiguum negotium facessere videntur: *Neque Deus conditis rebus antiquior videri debet temporis quantitate, sed simplicis proprietate naturæ.* An ergo ab æterno factus est mundus? quod videntur etiam dicere voluisse aliqui, qui non ex tempore, sed ab æterno ajunt dici Deum Dominum.

Tertullianus dixit ex tempore Deum vocatum Dominum, quia non ab æterno, sed in tempore condidit mundum.

Boëtius videtur satisfacere difficultati, quam præferunt ejus verba, dum postea inquit: *Deo est semper præsentarius, ac æternus status: scientia quoque ejus omnem temporis supergressa motionem in sua manet simplicitate præsentia, infinitaque præteriti ac futuri spatia complectens omnia quasi jam gerantur in sua simplici cognitione considerat.*

Sic intelligi quoque potest quatenus dominium, quod Deus habet in res à se creatas æternum sit. Nec enim propterea, quia semper omnia veluti præsentia intuitus est Deus dicimus ab æterno conditum fuisse mundum.

Sed Platonis sententiam de mundo vel condito, vel etiam æterno amplius explanat, quasi excusando Boëtius, dum ait ibidem: *si digna rebus nomina velimus imponere, Platonem sequentes, Deum quidem æternum mundum vero dicamus esse perpetuum.*

Bessario in secundo libro pro Platone cap. V. non patitur secundum Platonem dici mundum Deo coæternum, licet existimet, & ipse docuisse Platonem

mundum semper fuisse, & esse æternum. *Plurimum,* inquit, *inter æternum causans, & æternum causatum.* Deinceps vulgaribus exemplis utens ait: *si vestigium pedis æternum foret non tamen coæternum cum pede vestigium diceretur.*

Et paulo ante docuit maxime differre æternum illud, quod omnem simul infinitudinem entis comprehendit, qualem Plato statuit Deum, ab eo æterno, quod suum esse non absolute, sed cum fluxu generationis connexum habet, & ut perpetuum esse possit, aliunde acquirit, qualis, Platonis sententia, est mundus.

Objecit quidem Aristoteles in libris de Cœlo id, quod semper est, non posse dici genitum τὸ ἀεὶ ὂν & γεννητὸν. Et tex. CXII. supponit genitum dici, si quod non erat prius, posterius sit, aut si generatio ipsius sit ex eo, quod non est. Sed debebat meminisse motum in sua schola semper fuisse ob æternitatem motoris, & tamen motus provenit à motore, & est causatus à motore. Ergo non repugnat aliquid semper fuisse, & tamen habere causam.

Nonne secundum ipsum sol est ingenitus? absque dubio. Si sol semper fuit, & fieri non potest, ut non habeat semper comites radios, comitemque splendorem sol, dicere est semper fuisse splendorem solis, cum tamen fluat à sole.

Aliqui, ut Bessario adversus Aristotelem profecerunt, quod materia sit æterna secundum Peripatum, & tamen Deus sit causa materiæ. Sed nescio, an hæc objectio solida sit, cum secundum Aristotelem materia sit ingenita, neque ejus causa sit Deus. Lon-

ge melior est ratio, quam construximus de motu cœli, qui motus semper fuit, & tamen habet causam primum motorem.

Supereſt tamen adhuc difficultas ex Phædro, ubi anima dicitur ingenita. Nam quod ingenitum est, causam nullam habet. Cur ergo in Timæo multis verbis generationem enarrat Plato?

Plutarchus, ut suo loco tradidimus, dixit ingenitam dici animam in Phædro, quod Motrix esset inordinata, & inordinatè moveret mundum, Deum autem prorsus non esse causam animæ inordinatæ: sed dici genitam, quod motu ordinato Deus eam donaverit. Anima igitur ut substantia inordinata non habet Deum causam, sed ut ordinata, & secundum ordinem. In quam rem proferuntur verba ex ipso Platone: *Cum omne quod visibile recepisset minimè tranquillum, sed inordinato quodam, & tumultuario motu agitatum, ad ordinem ex inordinatione redegit.*

Nonne hæc verba indicare videntur non essenti- am rerum atque naturam esse à Deo conditam, sed ordinem duntaxat, atque ornatum datum à Deo rebus: atque adeo in tempore non ab æterno mundum esse factum, nec dici debere æternum, nisi ratione materiæ, animæque inordinatæ?

Huic argumentationi fere visus est dare manus Foxius & cedere iis, quæ Plutarchus habet toto libello de animæ procreatione, quæ tamen si vera forent in schola Platonis, tota ejus doctrina satis disertè exposita in Timæo subverteretur.

Sed audiamus Foxium non admodum Platonice, ut videtur, loquentem: *subjectum ipsum, & essentia*

mundi aeterna est, & initio, quasi rudis deformisque fuit: postea tamen, cum à Deo est in ordinem redacta, informataque generata esse dicitur, quo fit, ut nihil aliud sit mundum generari, quam formam denuo ordinemque accipere. Nam ante factum cælum substantia universi erat, licet inculta & inordinata: tempus quoque minime distinctum, determinatumque tunc extabat. Generato vero mundo; & tempus una cum cælo est ordinatum, & motu ejus distinctum.

Quæ sententia videtur etiam fuisse Philonis in libro de Opif. Dei, dum scribit: *Si quis causam, quare universum hoc creatum sit, velit exquirere, non errabit, si id existimabit, quod quidam ex veteribus protulit, bonum esse creatorem. Erat sua ipsius natura inordinata, informis, inanimata, varia, incongrua, inconcinna. Addit: Creatorem substantiam inordinatam in ordinem formasse.*

Ubi tamen in eo contradicit Plutarcho, dum ait substantiam illam inordinatam, fuisse expertem animæ. Putat namque Plutarchus animatam fuisse, sed motu inordinato, citatque Phædrum, in quo anima dicitur ingenta.

Nonne autem est hoc improprietatem impingere Platoni, quasi anima dicatur tunc genita, quando donata est ordinato motu? nam gigni est produci, non ordinari.

Quod si quis Platonem loquentem de Deo redigente inordinationem ad ordinem ad sensum ipsi, ut apparet, magis convenientem reducere velit, forte dicet cum Bessarione non accipienda verba prout sonant, sed explicanda sic, ut sciamus voluisse Platonem
in

in re tam remota ab humanis sensibus loqui modo humanis auribus conveniente. Nam & Moyſes noſtræ imbecillitati aliquid tribuit, quando creationem rerum enarravit.

Quod vero in Phædro animam ingenitam appellavit, quodque diviſio illa Entis Platonis in Timæo videtur ſignificare mundum ſecundum Platonem debere dici ingenitum, id forte ita exponendum fuerit, ut ſciamus Platonem quandoque vocaſſe ingenitum, quod ſemper fuit, neque oritur in tempore, ut animam mundi, & mundum diſtinguat ab iis rebus, quæ priuſ mortales ſunt, & caducæ quæque dicuntur condi à Diis junioribus, & quotidie oriri & interire.

Quam explicationem conſentaneam eſſe ſcholæ Platonicæ ex eo diſcere fortaſſe licet, quia in Phædro docet animam non habere principium, neque cœpiſſe moveri, ſed ſemper habuiſſe ſuum motum: ne eam facias caducam, ut caducæ ſunt res, quas nos ipſi videmus habere ortum ſui motus, & eundem intra certum temporis ſpatium amittere. Hinc dixit in diviſione Entis generica, illa, quæ genita ſunt, nuſquam eſſe. Cur ita? quia ſi conſideres æternitatem, & cum ea conferas brevem durationem rerum caducarum videntur nunquam nuſquam eſſe.

A cenſu talium rerum caducarum excluduntur illa, quæ ab Opifice ipſo una ſimplicique operatione genita ſunt, quæ cum ſemper fuerint, nunquamque occidant, quandoque ingenita à Platone appellata ſunt, quod maxime diſtent ab iis rebus,

quæ in tempore gignuntur, & intra certum temporis spatium intereunt.

Sic anima, & mundus collata cum Opifice, quamvis semper fuerint secundum Platonem, dicuntur genita, si autem conferantur cum iis, quæ manant à secundis causis, quas Deos juniores dicit Plato, ingenita vocantur, quod nullum fuerit tempus, quando non erant, in schola quidem Platonis.

Quibus, si quis nolit acquiescere, recipiat sanè sese ad S. Justinum, & contendat non prorsus inter se cohærere dicta Platonis, quando quidem ipse fatetur in ejusmodi rebus adeo difficilibus fieri, ut aliqua fortuito, & non prorsus consideratè proferantur.

C A P. CXX.

De argumentatione S. Justinii, qua colligit Aristotelem docuisse animam esse mortalem. De

Ἐντελέχεια non pauca proferruntur.

PERPENDENDA est argumentatio S. Justinii, qua colligit Aristotelem docuisse animam esse mortalem, non esse immortalem, quia scilicet dixit eam esse ἐντελέχειαν.

Ἐντελέχεια est forma, quæ cum materia constituit compositum. Ex physicis autem ejusdem Aristotelis constat ipsum docere formam esse inseparabilem, & ex Metaph. formam quatenus est in composito esse fere ut accidens est, quod interit intereunte composito.

Cum

Cum igitur, anima sit forma corporis, intereunte composito, & ipsam interire necesse est secundum Aristotelem. Nonne enim anima in brutis est forma, 'sive ἐντελέχεια secundum Aristotelem? Atqui ejusmodi forma perit, pereunte bruto. Certe Aristoteles passim ἐντελέχειαν opponit δυνάμει sive potentia, & pro ἐντελεχείᾳ solet etiam dicere ἐνέργεια. Actus autem nullus est rei quæ perit. Adscribamus aliquot locos ex libris de Anima Aristotelicis. lib. II, cap. V. tex. LVII. *Salus magis ejus quod est potentia ab eo, quod est ἐντελεχεία actu, & simili sic, ut potentia se habet ad actum ὡς δυνάμεις ἔχει πρὸς ἐντελέχειαν. Speculans enim fit habet scientiam. Et in actum eis ἐντελέχειαν aut alterum genus alterationis est.* Aristoteles comparat animam scientiæ. Sed scientia interit intereunte composito. Scientia autem est ἐντελέχεια πρώτη, speculatio est ἐνέργεια & ἐντελέχεια δευτέρα, secundus actus.

Tex. LV. ait dividendum de potentia & actu, *περὶ δυνάμεως καὶ ἐντελεχείας.*

Tex. LIV. utitur vocabulo ἐνεργείας, & id opponit δυνάμει, quamvis quod sciam Aristoteles nunquam actum primum appellaverit ἐνέργειαν. Dicit autem motum esse actum ἐνέργειαν, quamvis sit imperfectus. Mox subjungit: *omnia patiuntur, & moventur ὑπὸ τοῦ ποιητικῆ καὶ ἐνεργείᾳ ὄντι, ab activo & actu existente.* Ubi illud actu ἐνεργείᾳ

existere idem prorsus est, quod ἐντελεχείᾳ εἶναι. Atque ita ἐνέργειαν videtur accipere Aristoteles pro actu primo, quod tamen in reliquis videtur vitasse. Neque enim diceret ipse animam esse ἐνέργειαν πρώ-

την primum actum. Cur ita? quia ἐνέργεια est vocabulum valde receptum apud alios quoque scriptores, nec tamen unquam aliter accipitur quam pro operatione. Ἐντελέχειαν autem Aristoteles à se confictam ausus est transferre ad significandam formam, quæ est ἐντελέχεια πρώτη. Quod igitur trito vocabulo non tribuit, tribuit suo, quia minus poterat deprehendi novitas insolens significationis in nomine à se constructo.

Tex. LXIX. ejusdem libri II. de anima : *lumen est actus* (ἐνέργεια) *perspicui, ut perspicuum est* : mox ait lumen esse *actu ἐντελεχείᾳ perspicuum ab igne*. Vides promiscue hic accipi ἐνέργειαν & ἐντελέχειαν, quia agitur de operatione, cum lumen intelligi nequeat absque illuminatione.

Quod si lumen est qualitas secundum Peripateticos, & qualitas accidens est, accidentis autem esse est inesse, nemo non videt sublato perspicuo corpore tolli etiam lumen sive ἐντελέχειαν hoc est actum ipsius perspicui. Igitur apud Aristotelem ἐντελέχεια est inseparabilis.

Sed adversus argumentationem S. Justiniani regere licet.

Nam Cicero apud Aristotelem legit ἐνδελέχειαν, quod significat perennem quandam, & continuatam motionem. Si anima est perennis & continuata motio, immortalis dicenda est secundum Aristotelem. Verba Ciceronis sunt in primo Tusculanarum quæstionum : *quintum genus adhibet vacans nomine, & sic ipsum animum ἐνδελέχειαν appellat novo nomine, quasi quandam continuatam motionem & perennem.* Acce-

Accedit, quod Deus alicubi ab Aristotele ἐντελέχεια dicitur. Cur igitur non voluit dicere animam esse immortalem appellando ἐντελέχειαν? XII. Metaph. cap. VIII. sic scribit Aristoteles: *ipsum vero quid erat esse primum non habet materiam, cum actus sit ἐντελέχεια γάρ.* Cap. VII. tribuit Deo vitam sempiternam, ævumque continuum. Et eodem capite inquit, ἑστίαν πρώτην *primam substantiam esse καὶ ἐνέργειαν secundum actum.*

In III. de anima agnoscit in Mente aliquid immortale & separabile. Igitur anima humana immortalis est.

Occurrere tamen licet his ne S. Justinus frustra videatur architectatus talem argumentationem. Nam lectio illa Tulliana prorsus rejicienda. An enim Aristoteles unquam vocavit cælum ἐνδελέχειαν cum præditum sit perenni latione? Nonne omnis anima in genere apud Aristotelem habet nomen ἐντελεχείας? An anima plantæ tribues perennem lationem? Audiamus Aristotelem in secundo de Anima tex. XXXVII. *Ipsam autem vivere viventibus est esse, causa autem & principium horum anima. Amplius autem actus ejus, quod potentia est, ratio est.* Ubi utitur nomine ἐντελεχείας. Lumen est actus ἐντελέχεια perspicui. An tribues perennem motionem, & continuatam lumini? nequaquam. Incredibile autem est, cum toties utatur Aristoteles nomine ἐντελεχείας in suis operibus, & hodie legatur sic, non autem ut Cicero legit, quod in omnibus illis depravata sit lectio.

Quod obijcitur Deum appellatum *εντελέχειαν* de eo certant interpretes, qua de re ad exercitationes Scaligeri scripsi, dico interim, si Aristoteles vocavit Deum *εντελέχειαν* vocasse ideo, quia ipsius substantia est purus actus, & est sua operatio, quod dici de anima non potest. Nec fas est Ciceroni secundum Aristotelem tribuere Deo perennem motionem, cum immobilis sit Deus, secundum eundem Aristotelem, qui cum in libris de Anima contendit adversus Platonem ostendere animam esse immobilem, plane ostendit in sua schola non posse cum Cicerone vocari animam *ενδελέχειαν*, quasi continuata, & perenni motione foret prædita.

Obiter autem dixerim me nescire, an ad solvendum argumentum Platonis quo vult ostendere animam moveri, quia ipsa movet corpus, sufficiat dicere pulchritudinem movere, licet sit immobilis, nam pulchritudo movet ut amata, non ut physicum agens. Anima autem movet physice corpus.

Ad III. quod obijciebatur, dico me jam nolle disputare de intellectu Agente, ne prolixus minus evadam. Tantum innuo jam notum esse, quid Alexander, quid Themistius, & ipse Averroës de intellectu agente tradiderint, de quorum etiam expositione hic altercari nihil attinet.

Hoc non omitto, ut observem absque dubio diligenter S. Justinum considerasse ea, quæ traduntur ab Aristotele in tertio de anima, & tamen pronunciassse ipsum idem videri docuisse animam esse mortalem, quia eam entelechiam appellavit.

CAP. CXXI.

Non pauca alia de Entelechia Aristotelica; de qua præcedenti capite prolata est argumentatio S. Justinī, depromuntur.

SI S. Justinus perpendendo sententiam Aristotelis, quia vocat animam *ἐντελέχειαν* collegit eum putasse esse mortalem, ut præcedente capite exposuimus, liceat quoque nobis magis ac magis excutere definitionem animæ traditam in secundo de anima tex. VI. his verbis: *Anima est actus primus corporis naturalis organici potentia vitam habentis.* Adversus quam insurgunt omnes hæ difficultates.

Cur enim, ut definiret animam hoc est clarissimè doceret, quid ipsa sit, excogitavit, & finxit ipse novum vocabulum cujus significatum necesse est esse obscurum. Certe suspectus est, quisquis non potest indicare, quid de re aliqua sentiat verbis communī usu comprobatis.

Cicero profecto licet esset græce doctissimus, non potuit intelligere, quid sit *ἐντελέχεια*. Hinc eam in *ἐνδελέχεια* mutavit, ut nosset, quid sibi vellent Aristoteles. Sed deceptus est ejusmodi immutatione, ut præcedente capite ostendimus.

Vocabulum *ἐντελέχεια* apud ipsum est valde ambiguum, nam jam significat substantiam tex. 4. in II. de anima *ἡ δὲ οὐσία ἐντελέχεια substantia est actus hujusmodi igitur corporis actus.* En tibi *ἐντελέχεια* in prædicamento substantiæ. At alibi, ut in tex. 58.

utitur

utitur hoc modo loquendi: *εἰς ἐντελέχειαν ἄγον ἐν δυνάμει ὄν* ☉ : *in actum ducens ex potentia existente.*

Quem duplicem significatum exposuit ipse tex. V. dum dixit *ἐντελέχειαν* dici dupliciter, vel ut scientiam, vel ut speculari.

In tex. autem 69. lumen appellat *ἐντελέχειαν* lumen autem qualitas est. Hinc discere est Aristotelem multos significatus indere vocabulo à se constructo. Qua quæso auctoritate? Etenim si cupit intelligi, debet indicare verbis receptis quid sibi velit. Quod si fas unicuique sit architectari nova vocabula, eaque valde homonyma, tolletur commercium inter homines.

Mirabile porro est idem vocabulum transferri ad significanda illa, quæ sunt in tribus diversis prædicamentis, in prædicamento scilicet substantiæ, qualitatis, & actionis. Cui nescio an in linguis simile possit reperiri exemplum.

Magnum autem coacti sunt exantlare laborem, qui latine voluerunt explicare *ἐντελέχειαν* Aristotelicam, quæ difficultas manavit ex novitate vocabuli.

Aliqui non verterunt latine, cum nescirent, quale esset vocabulum, sed simpliciter retinuerunt græcum. Sic apud eos, qui verterunt Aristotelem apud Averroëem legimus in II. de an. tex. II. *est autem materia quidem potentia, species autem entelechia* alter Interpres itidem scripsit: *est autem materia quidem potentia, species vero entelechia,*

Hoc vero non est vertere, sed fateri se nescire, quid significare voluerit Aristoteles nomine entelechian. Nonne autem se propinaret ridendum, qui volens vertere narrationem Moïsis de creatione sic inciperet: *in principio creavit Elohîm cælum?* nam lector imperitus linguæ Hebraicæ nesciret, quid sit Elohîm.

Alii entelechian reddiderunt perfectionem, ut est videre apud Averroë: *Et materia est illa, quæ est in potentia, forma autem est perfectio.*

Sic materia repellitur à perfectione, cum tamen materia secundum Aristotelem sit substantia, & ex ipsa una cum forma fiat tertium, nimirum perfecta, & completa substantia. Per materiam tanquam partem alteram completur substantia. Ergo etiam ipsa perfectio potest appellari.

Alii omisso perfectionis vocabulo actum vocaverunt ἐντελέχεια. Imo iidem interpretes apud Averroë, quod paulo ante appellaverant entelechian, mox vocaverunt actum tex. III. Qui autem verterat tex. II. perfectionem, idem vocabulum retinuit in tex. 3.

Velim autem scire, unde acceperint vocabulum actus, ut verterent entelechian? Actus certe apud latinos nunquam significavit aut substantiam, aut qualitatem, sed semper significat id, quod est in prædicamento actionis. Ergo valde abutitur vocabulo actus, qui eo significat aliquid, quod est in prædicamento substantiæ, vel qualitatis. Nam quis latine loquens unquam dixit anima est actus, aut lux est actus?

actus? superiora secula quadringentis abhinc annis tales locutiones nobis pepererunt.

Actus recte exprimeret ἐνέργειαν. Cur ergo Aristoteles non dixit animam esse ἐνέργειαν? sed hoc non potuit dicere, quia apud græce loquentes non potuisset torquere id vocabulum ad significantiam substantiam: ridendumque se præbuisset, si asseruisset animam esse ἐνέργειαν πρώτην. Et tamen in XII. Metaph. intelligentias appellavit ενεργείας, quæ intelligentiæ sunt substantiæ. Quid igitur impedivit quo minus animam vocaret ἐνέργειαν πρώτην? Cur etiam formam nunquam est ausus appellare ἐνέργειαν, si intelligentias, quæ substantiæ sunt ενεργείας appellavit? qui autem audit Mentis motrices appellatas ενεργείας, quomodo id dicet latine? formas vocabit. Ergo formam quælibet quæ cum materia constituit compositum, poterit sic dici. Cur ergo Aristoteles formam nunquam dixit ἐνέργειαν? quia norat græce loquentes valde procul abesse, ut substantiæ tribuant vocabulum ενεργείας.

Sed cur Aristoteles non posuit in definitione animæ δύναμιν, potentiam? cum audiverimus ipsum alicubi sic loqui, ut dicat ἀγειν ἐκ δυνάμεως εἰς ἐντελέχειαν deducere à potentia in operationem. Nonne qui incipit loqui, cum non loqueretur, exit à potentia in actum? Ita est. At locutio est actus proveniens ab anima. Igitur recte potuit Aristoteles relinquere nomen ἐντελεχείας, & uti nomine δυνάμεως. Apponamus quæso verba Aristotelis in secundo de anima tex. LIII. *quoniam autem sentire dicimus dupliciter, potentia & audiens, & videns, & quod*

quod jam est operans. Ubi græcè inter se opponit δύναμιν & ἐνέργειαν. At principium quo constituor in eo, ut sentiam, audiam, videam est forma.

Melius igitur fecisset Aristoteles, si in definitione animæ posuisset δύναμιν, vocabulum receptum, quam ἐντελέχειαν nomen proflus novum, & ignotum scholis philosophorum.

Dices nomen δυνάμεως significat qualitatem, non substantiam. Sed anima substantia est.

Respondeo, imo δύναμιν sive potentiam apud Aristotelem significare etiam substantiam. Nam materia est substantia, & tamen dicitur esse δύναμις. Ergo potentia potest significare etiam substantiam.

Omisit tamen δύναμιν in definitione animæ Aristoteles, non una de causa. Nam usus fuerat nomine potentiae, ad indicandam materiam. Ergo non potuit id vocabulum tribuere formæ sive animæ.

In definitione animæ erat collocaturus corpus δυνάμει potentia habens vitam. Ne igitur bis in eadem definitione poneret potentiam, & quidem diverso significatu illam omisit. Rectissime tamen dicere est, animam esse principium, quo quis in eo constituitur, ut intelligat, sentiat, moveatur.

Sed placuerit sane Aristoteli appellare animam ἐντελέχειαν, formam, perfectionemque. Quandoquidem tex. II. in II. de anima postquam appellavit partem illam, quæ cum materia constituit compositum μορφήν, καὶ εἶδος formam & speciem, subiungit τὸ εἶδος ἐντελέχεια, forma autem perfectio. Hinc quæro, si anima est perfectio, & ἐντελέχεια cur in tertio de anima tex. XVII. sic loquitur de anima,

ma, ut in ipsa reperiatur aliquid tanquam patiens, & aliud tanquam agens, aliquid tanquam materiale, & aliquid tanquam formale? cum præsertim cap. IV. tex. I. pollicitus fuisset se velle agere de parte animæ, qua cognoscit anima, hoc est de flore, ut sic dicam ipsius formæ, & ipsius entelechiæ. Sed proferendus est textus ille XVII. *quoniam autem in omni natura est aliquid hoc quidem materia unicuique generi. Id autem est, quod potentia omnia illa. Alterum autem causa & factivum, quod faciendo omnia, quod ars ad materiam passa est, necesse & in anima has existere differentias.*

Anima est perfectio, est forma, est principium operandi αἰτιον, καὶ ποιητικόν operationes enim proveniunt à forma. Et tamen in hac forma, scilicet anima Aristoteles deprehendit materiam, deprehendit δύναμιν, quam tamen cum vellet dicere animam esse ἐντελέχειαν prorsus removet ab ipsa, tribuendo illam materiæ. An forma, quæ perfectio est, potest habere differentias huiusmodi, ut in ipsa sit aliquid passivum, aliquid activum? sicne ipsa transit in naturam materiæ.

Sicne anima, ut intelligat mutila & manca est, indigetque à quodam extrinseco perfici? & ipsa est παθητική, passiva, extrinsecum autem illud πάντα ποιεῖ?

Omnis profecto forma sic informat ut perficiatur compositum in ordine ad operationes.

Sed anima est forma. Perficit igitur hominem. Cur ergo ad operationes advocandum fuit agens quoddam extrinsecum & separabile?

Respon-

Respondent doctissimi viri, ut dissipetur talis nebula, & ne quisquam impingat, in anima ab Aristotele non poni veram materiam. Sed quandam (ut sic vocem) potentialitatem, cum non sit actus simplicissimus, ut est Deus expers non solum materiæ, sed etiam cujuscunque potentialitatis.

Sed misso loco ex Tercio de anima, videtur supervacanea diligentia usus Aristoteles collocasse in definitione animæ instar generis *ἐντελέχειαν*, cum haberet alia vocabula ad idem significandum, quibus sæpe suam sententiam exposuit nam formam, quam primus invenit jam *εἶδος*, mox *μορφήν*, quandoque etiam, ut in libris de cælo *ιδέα* vocavit. Cur igitur non dixit animam esse *εἶδος*, *μορφήν*, *ιδέα* corporis? Certe aut vocabula nova non sunt construenda, aut valde parcè est utendum tali licentia. Aristoteli autem non satis fuit ad novum significatum traxisse vocabula ista *μορφή*, *ιδέα*, *εἶδος*, nisi novum prorsus & græcis auribus non auditum, *ἐντελέχειαν* nempe conformaret.

Quod vero animam dixit esse *πρώτην ἐντελέχειαν* primam perfectionem, aut primū actum, prorsus non est transmittendum absque animadversione, nam ab animæ essentia removet omnem motum, omnem operationem, omnem actionem: quasi anima fingi possit substantia seorsim ab omni actu, sive operatione, longe melius Cicero perennem, & continuatam motionem putavit esse de essentia animæ. Plato etiam omnem motum tribuit animæ, & *αὐτοκίνητον* discretissima sententia censuit esse, hoc est habere principium motus à seipsa.

(3)

E

Quod

Quod si floccificant Peripatetici auctoritatem Platonis, & nihili putent esse dictum Tullii, contendam ego adversus ipsos inseparabilem esse operationem ab anima. Posita enim anima absque dubio ponitur vita. Sita autem est in operationibus vita. Non igitur fingi potest expers operationum anima. Non desunt tamen inter recentiores aliqui; qui miseram animam quandoque alligant corpori sic, ut sic quidem præsens, nihil autem operetur, fatentur interim animam informare corpus. An hæc informatio absque operatione est? an corpus animatur absque ulla actione? Atqui Aristoteles docuit animatum ab inanimato differe *motu & sensu*. Si igitur alicubi collocetur anima absque eo, quod qui anima præditus est habeat ullum motum, erit animatus & inanimatus, animatus quidem quia præditus anima, inanimatus carens sensu & motu.

Quæro etiam ex recentioribus philosophis, qui non negant, ut puto, animam esse superstitem dissoluto composito, an possit anima separata à corpore nihil agere? Atqui secundum Aristotelem incorporeæ substantiæ sunt *ἐνέργειαι & οἰαί*, hoc est in ipsis identificatur (ut sic loquar) substantia & operatio. Qui igitur separat operationem ab anima, ejus destruit substantiam.

Supereffet plura in definitione animæ Aristotelicæ gemina suspendere lance, sed nimis prolixa evaderet dissertatio. Quapropter omitto alia, quæ suo tempore alibi in aciem prodibunt, non quod putem me posse facessere negotium doctissimis nostri

stri seculi Peripateticis, sed ut mihi eam sumam libertatem, quam semper omnibus largita est philosophia, ut de cujusvis hominis dictis, fas sit suam promere sententiam.

CAP. CXXI.

Exemplo S. Justinii exercentis se in examinandis opinionibus Aristotelis expenduntur quedam, quæ proferuntur tum ab Aristotele, tum Averroë de terræ magnitudine.

CUM nobis ob oculos versetur exemplum S. Justinii, qui non segniter legens Aristotelem quedam in eo observavit, quæ accurate veritatis indagatori non videntur prorsus satisfacere, dabitur mihi venia, si vestigia tanti viri secutus itidem quedam annotem, ut aliorum diligentiam potius excitem, quam ut fastigium tanti philosophi ex tota animi sententia oppugnem.

In II. de Cœl. tex. CXI. exponit quam parva sit terra, ostenditque admodum esse exiguam. Probationem tamen hæsitanter, & non prorsus alacriter profert, ait enim eos, qui συνάπλῃσι conjungunt τὰς ἡρακλείδους στήλας τόπω τῷ περὶ Ἰνδιαν, *herculeas columnas loco Indiarum*, quique putant unum esse mare, μὴ λίαν ὑπολαμβάνειν ἅπιστα δοκεῖν, non videri prorsus incredibilia dicere. Loquitur hæsitanter, quia tunc spatia terrarum non erant exactè nota, Geographiaque exiguis limitibus continebatur. Alexander Magnus multa patefecit, sed in

oriente, non in occiduis, & meridionalibus partibus. Quapropter minus sciebat Aristoteles, quo spatio distarent columnæ Herculis ab India. Leviter suspicabatur non magna esse spatia maris sese porrigentis ab Herculeo freto ad Indicum Oceanum.

Cum autem suspicionibus indulgeat nec certa cognitione nitatur Aristoteles, ut ostendat exiguam esse terram, discamus ipsum, etiam in acroamaticis scriptis non semper miti certis rationibus & demonstrationibus, sed uti quandoque argumentis, quæ ne quidem probabilia sunt, aut si probabilia sunt imbecillitate laborant. Hic certe Aristoteles de rebus sibi incompertis loquitur, & tamen vult colligere terram esse parvam. Quam procul autem distant Indi ab Herculeis columnis. Quid verò diceret Aristoteles, si nostri temporis navigationes legeret, si perpenderet spatia prope immensa Atlantici maris? non amplius pronuntiaret adeo esse parvam. Parva quidem ipsa est, si conferatur cum universo sed magna, si à nobis consideretur, qui adeo pusilli sumus.

Apparet etiam, quam parum profecisset in Geographia Averroës, qui tamen vixit anno post Christum millesimo centesimo, sive post exortum falsi Mahumetis anno lxxxx. ut scribit ipse ad hunc locum Aristotelis. Quisque profecto animadvertit Geographos veteres ab ipso lectos non fuisse, cum ne quidem videantur translati in Arabicam linguam. Exiguam igitur eruditionem, exiguam historiarum notitiam ad exponendum Philosophum ipse attulit.

Ait autem, ut explicet tex. CXI. orizontem loci terræ, in quo sunt Idola Herculis, id est finis occidentis istius partis habitabilis esse, propinquum orizonti primi loci habitabilis habitabilium locorum orientaliū. Quod an veritati sit consentaneum quisque judicare potest. Noluit autem censuram exercere in Aristotelem, tum quod Geographiæ vix ullum haberet usum, tum quod nollet, ulla in re reprehendere præceptorem, quem alibi ait nihil unquam protulisse absque solida ratione.

Sed lubet audire Averroëem loquentem de Herculeis columnis. Putat ipse fuisse Idola, hoc est statuas referentes Herculem, positas in ripa sive in porta, qua dividitur Africa ab Europa. Ut autem putaret non fuisse columnas, quod pervulgatum est apud Geographos & apud Aristotelem ipsum, fecit interpres, quo usus est, qui dixit sic: *locus qui dicitur Idolum Herculis.* Qui etiam putavit unam fuisse statuam, non duas. Ut vero pro columna verteret interpres Idolum fecit nomen Herculis; nam sciebat Gentiles solitos ponere statuas Diis, quas etiam tanquam Deos adorabant, hinc vocavit Idolum.

Sed signa ista non fuerunt posita ab hominibus Herculi; sed ipse memoriæ causâ erexit columnas, ut indicaret terminum suorum itinerum, suæque peregrinationis.

At, inquires, fuisse Idolum, hoc est statuam erectam in honorem Herculis oculatus testatur Averroës his verbis: *Unum istorum Idolorum erat in ultimo occidentis Hispaniæ, quod dicebatur Idolum Indiæ & ego vidi ipsum elevatum.* Deinde fuit corruptum in præ-

lio quod crevit inter Barbaros, & homines illius insula in anno MDXXX. à prædicatione Maumeti à quibusdam erigentibus se super quasdam regiones maris in illo tempore.

Sit fides penes Averroëm, aut penes eos, qui ei dixerunt quoddam signum esse columnam Herculis, cum olim etiam esset controversum quid nomine columnarum Herculis intelligi deberet, cum non deessent, qui existimarent duos montes Calpen scilicet & Abylam esse columnas Herculis. Qua de re videnda sunt quæ tradit non solum Nonius in descriptione Hispaniæ sed ipse Strabo. Poterit quis etiam exercitationem meam inspicere, quam Etrusco sermone edidi & inscripsi: *Del Regolari Confini.*

Non igitur est verisimilis narratio Averroïs putantis sua quoque ætate visam fuisse unam ex columnis Herculeis.

Videamus jam qua ratione adhuc probet Aristoteles exiguam esse terram, & Indos non valde distare ab Hispanis petit probationem à generatione Elephantum, qui sunt *περὶ ἀμφοτέρους τὰς τῶνας τὰς ἐξώτας ὀνίας*, circa utraque loca extrema existentia. Ergone apud Gaditanos, ut apud Indos gignuntur Elephantes? Minime gentium. Hinc colligere est, terram non esse adeo exiguam, si Hispania caret animalibus, quibus abundat India. Imo si Elephantemas, & fœmina illuc deportarentur, non gignerent coëundo Elephantem. Valde igitur distant à se invicem Hispania & India. Necesse profecto est valde calidam esse regionem, quæ ferat Elephantes,
cum

cum adeo sint magna animalia vivantque ducentos & plures annos.

Averroës fatetur ingenue in Hispania non esse Elephantes, suspicatur autem esse apud Æthiopes negat etiam esse in terra Barbarorum. Quod si nomine Barbarorum intelligat Mauros, & incolas Mauritaniæ fallitur. En tibi verba Plinii lib. VIII. cap. XI. *Elephantes fert Africa, ultra Syrticas solitudines, & in Mauritania ferunt Æthiopes, & Troglodytæ sed maxime India.*

Cum autem occidens careat Elephantibus, quibus abundat India, videat Scaliger qua motus ratione adversus Cardanum ausus fuerit orientem occidenti postponere.

Certe vel unum hoc argumentum petitum ab Elephantibus sufficit confutando Scaligeri paradoxo.

Qualem enim decet esse regionem, qualem cœli vim, quæ profert ejusmodi animal, de quo admiranda referuntur, sed & visa sunt aliquot abhinc annis ab Italis, cum Anglus unum circumduceret.

Sufficiat recitare verba Plinii lib. VIII. cap. I. *Maximum (inter terrestria animalia) est elephas proximumque humanis sensibus quippe intellectus illi sermonis patrii, & imperiorum obedientia, officiorumque quæ didicere memoria, amoris & gloriæ voluptas.*

Quod si Elephas proxime accedit ad humanos sensus fateamur necesse est præstare ingenia orientalium hominum ingeniis occiduorum, quandoquidem cœlum illud profert Elephantem, qui absque comparatione superat omnium nostrorum animalium solertiam.

Cur non liceat à solertia animalis

ilius argumentari ad ingenium hominum illa loca incolentium?

CAP. CXXII.

De Versione LXX. Interpretum, qua usus est in suis operibus S. Justinus, non pauca notanda depromuntur.

PRæsidium suæ cognitionis in quo collocavit authore S. Justinus, postquam relicta Platonis Academia ad scholam Christianam transiit? in Deo, authore S. litterarum, quæ antiquitate longe antecedunt, & superant quemcunque Græcorum scriptorem. Sed qua editione est usus S. Justinus? hebraicane, cum absque dubio, in Samaria natus, hebraicè sciret? imo græcam LXX. adhibuit, tanquam verissimam. In exhortatione ad Gent. narrat, qua ratione poscente Ptolomæo Rege Ægypti S. Litteræ in græcum sermonem translatae fuerint. Non silet LXX. græce hebraicæque fuisse doctos, & separatim in singulis cellulis positos prorsus concinuisse, & in eadem etiam verba convenisse. Scio narrationem de cellulis à quibusdam rejici, at Justinus testatur Gentibus se nihil fingere, inquit enim: *Nihil hic fingimus viri Græci, nec narramus fabulam, sed quod ipsi vidimus Alexandria, ubi cellularum Phariarum vestigia spectavimus, ex indigenis rem à majoribus per manus acceptam audivimus, quæ & vos ab aliis potestis discere.*

Philo

Philo non memorat quidem cellulas lib. II. de vit. Moſis, ſed ait eos cum concediſſent ſolitarii prophetaſſe, & admirando conſenſu eadem ad verbum protuliſſe. Nec præterit anniverſariam lætitiã, quæ inſtituta fuit ejusmodi verſionis cauſa, quæque peragebatur etiam tunc quando Philo ſcribebat.

Joſephus lib. XII. antiquit. cap. II. de prophetantibus LXXII. Interpretibus nihil habet, narrat autem domum omnibus ſimul assignatam, in qua conferentes inter ſe, & vertentes, perfuncti ſunt labore ſpatio LXXII. dierum, nec omittit perfectam verſionem approbatamque communi conſenſu, ne deinceps quicquam ei vel detraheretur, vel adderetur.

S. Hilarius enarrat in ſecundum pſalmum paucis rem complectitur & ait: *perfecta horum ſeptuaginta interpretum autoritas manet, quod ante adventum corporalem Domini tranſtulerunt, nec adulatio interpretandi adhibita temporì arguitur, tanto anteriores interpretationis etate: dehinc quod illi ipſi principes doctoresque Synagoga, & præter ſcientiam legis, per Moſem quoque ſecretiori doctrina perfecti non potuerunt, non probabiles eſſe arbitri interpretandi, qui certiffimi, & graviffimi erant autores docendi.*

An igitur, inquiet aliquis, Cabalam in S. Scripturam invexerunt LXX. Seniores, qua Cabala ſe ſuperſtitio, & inſcitia perfidorum Judæorum jaçtat?

Reſpondendum, S. Hilarium tantum ſignificare LXX. Seniores, cum à majoribus ſuis didiciſſent, qua ratione eſſent exponendæ S. Litteræ, ſic peregiſſe verſionem, ut omnia concinerent doctrinæ inter

ipſos receptæ. Videre autem eſt in ejuſmodi verſione, nequaquam apparere fabellas recentiorum Cabaliſtarum. Somnia namque quæ occuparunt libros delirorum Rabbinorum non ſunt antiqua, nec attingunt tempora LXX. Seniorum. Quin puto eſſe recentiora temporibus Philonis, & Joſephi. Nam ipſi fabellas, quas nobis nugaciſſimi Rabбини obtrudere ſatagunt, tanquam profectas ab inſtructione ſecretiori Moſis, prorſus non referunt. Unde diſcere eſt excogitatas fuiſſe poſt tempus, quo illi floruerunt. Nam ſi tunc tales narratiunculæ in uſu fuiſſent, abſque dubio earum aliquam feciſſent mentionem vel eas approbando, aut refellendo.

Valeant igitur cum ſuis recentibus ſomniis Cabaliſtæ, & auſcultent LXX. Senioribus, audiant Philonem, præbeant aures Joſepho.

Sed plura ſuppetunt, præter prolata, quæ inſerviant aſſerendæ authoritati LXX. Seniorum, quos ſecutus eſt S. Juſtinus, quosque tantopere commendavit.

Nam tota Eccleſia Catholica uſque ad tempora S. Hieronymi nulla alia editione uſa eſt tanquam authentica, præter græcam LXX. ut quilibet novit: Latini namque non ex Hebraica lingua ante S. Hieronymum, ſed ex LXX. Seniorum verſione græca ſuas verſiones compoſuerunt.

Non audire tunc erat, qui provocaret ad Hebraica, contemptis græcis, ut noſtri temporis Novatores tertio quoque verbo Hebraica, Hebraica ingemitant, & putant ſe tunc eſſe ſe doctiſſimos theologos, quando aliquid ſciunt hebraicè legere.

Certe

Certè in Concilio Oecumenico Nicæno primo nemo rejecit verba LXX. Seniorum : cum tamen de verbis maximi momenti ex cap. VIII. proverbiorum ageretur, in quo sapientia dicit : ὁ Θεὸς ἐντιστάμε ἀρχὴν ὁδῶν αὐτῶν : *Deus creavit me initium viarum suarum.* Si versio LXX. Interpretum sperni debet, cur tunc tot sanctissimi, doctissimique Patres non provocarunt ad hebraicas litteras?

Nec propterea versionis vulgatæ Latinæ minuitur auctoritas: cum nihil prohibeat S. Litteras hebraicæ, græcæ & latinè reperiri authenticas.

Certè hodie psalterium in editione Vulgata Latina non habetur nisi ex versione LXX.

Dicunt aliqui & obstrepunt versionem LXX. corruptam fuisse, & hodie non haberi integram.

Sed dicant, qui talia promunt, quando, & qua in re corrupta sit versio LXX? si conferatur versio, quæ hodie est in manibus nostris, cum dictis, quæ citantur à sanctis Patribus græcis atque latinis invenientur esse eadem, & non esse contraria.

Antequam autem huic diatribæ finem imponam, addam ex S. Justino paucula, quæ magis ac magis nobis LXX. Seniorum laborem commendant.

In disputat. cum Tryphone Judæo, ait Judæos: *negare LXX. Seniores interpretis officio recte functos apud Regem Ptolomæum.* Addit Judæos, *secus interpretari conari, & multas scripturas prorsus sustulisse ex LXX. Seniorum versione.* Vides quæ fuerit sententia S. Justini de LXX. & quæ Judæorum.

In eodem Dialogo etsi agnoscat aliter legere locum quendam Gen. XLIX. Judæos hebraicè, aliterque

que vertisse LXX. non tamen rejicit versionem græcam. Verba ejus sunt ex versione latina : *possum enim vobiscum contendere de hujus loci lectione, cum vos legatis* : ἕως ἂν ἔλθῃ ᾧ τὰ ἀποκείμενα. *Donec veniant quæ reposita sunt ei*, quoniam non ita verterunt LXX. dicentes dictum esse : ἕως ἂν ἔλθῃ ᾧ ἀπόκειται. *Donec veniat cui repositum est.*

Observe quæso dicere S. Justinum, se si suo jure uti velit, posse dicere locum Geneseos accipiendum, non ut legebant Hebræi, sed secundum versionem LXX. adeo ut apud S. Justinum fuerit tutior versio LXX. quam lectio secundum Judæos.

In eo ipso Dialogo non reformidat præsentiam Judæorum citando LXX. Seniores. Quin fatetur palam, se LXX. citare, non Hebraica verba, quamvis tota disputatio ipsum natum in Syria hebraicè scire ostendat. Ait autem : *Amici nunc in scripturis citandis LXX. interpretes secutus sum, nam prius vestrum contextum adhibendo prætentaram, quomodo affecti sitis.*

Receptui canam, si dicam maximi debere fieri LXX. interpretes, quandoquidem S. Justinus, qui hebraicè doctus poterat uti hebraica editione, in suis operibus semper usus est versione LXX.

CAP. CXIII.

Perpenduntur quædam quæstiones proposita Gentilibus philosophis à quodam authore inter opera S. Justin.

Non

Non dubitavit Crescenti Cynico philosopho proponere quæstiones S. Justinus, ad quas cum non posset recte responsum dare, prodidit suam incitiam Canis ille. Audiamus narrationem Justiniani ad ipsos Imperatores: *volo sciatis me cum Crescente congressum in hoc questionum genere, & coarguisse hominis ignorantiam.*

Ejusmodi autem disputatio hodie non extat inter opera S. Justiniani, licet quæ tunc disputata fuerunt inter Crescentem & S. Justinum videantur tradita literis, cum præsertim scribat S. Justinus in Apolog. *Puto ad vos pervenisse nostrum Colloquium. Quod si nota sunt vobis illius responsiones meis citationibus reddita.*

Dices, videri eas esse, quæ dicuntur quæstiones Christianæ ad Gentiles, nam valde doctæ sunt, & philosophicæ. Respondeo, non posse dici esse illas ipsas, cum toties faciant mentionem Manichæorum, qui ebulliverunt anno Christi CCXL. aut ut alii censent CCXL. sub Aureliano, aut sub Probo. S. autem Justinus floruit anno fere CLX.

Quamvis vero S. Justino tribui nequeant, merentur legi & perpendi. Quod ego quoque præstare conatus sum, ejusque opellæ exiguum specimen hæc exhibere.

Agitur in iis de Deo mundi Conditore: nam quærit autor quæst. qui fieri possit, ut Deus sit, qui nihil fecerit? ita interrogat, quia secundum Aristotelem mundus est ingenuus.

Cupit etiam scire, si Deus operatur quia est, non quia vult, hoc est operatur ut ignis, tanquam natura
deter-

determinata, qui potest fieri, ut diversarum substantiarum sit conditor? nam à causa eodem modo se habente non videntur posse emanare diversi effectus.

Si mundus genitus est secundum Platonem, interrogat Author, quomodo Deo coæternus esse possit? cum impossibile videatur, ut qui antea non erat, & postea est, sit coæternus ei, qui semper est. De qua quidem questione videre etiam est quid scribat Boëtius, qui conatur explicare sententiam Platonis asserentis mundum quamvis genitum semper fuisse.

Qui porro legit quæstiones quarum jam fecimus mentionem, scire cupiet, cur autor quæst. nunc urgeat Gentiles tribuendo eis sententiam, quod mundus sit genitus, ut in quæst. secunda, nunc supponendo eos docere mundum esse genitum, ut in quæst. IV. An quisquam potest tradere mundum, & esse ingentum, & esse genitum?

Respondeo in secunda quæstione interrogari Peripateticos, qui dicunt mundum esse ingenerabilem, & incorruptibilem. In quarta proponi interrogationem aliis. Varietas igitur loquentium de mundo inter Gentiles peperit varietatem quæstionum apud Auth. quæst. hinc dixit in quæst. secunda: *Si mundus est ingentus, ut quibusdam videtur saltem Peripateticis.* Quibus etiam verbis videtur innuere communiorem sententiam fuisse inter gentiles, quod mundus sit genitus, cum præsertim Aristoteles scribat omnes dicere mundum esse genitum.

Sed Platonici nunc dicebant genitum, nunc ingentum mundum. Responsor profecto ait, mundum esse

esse ingenum, licet antiquiores docuissent esse genitum. Mox tamen non negat dari causam exemplarem, & effectricem mundi. Imo contendit ideò mundum esse ingenum, quia exemplar, & effectrix causa mundi est ingenua.

Quod oppugnatur ab Anth. quæst. deducendo adversarium ad incommodum repugnantiae, adque nodum difficulter solvendum, qui modus est *βίαιος*, violenterque urget. Qui enim fieri potest, ut quod habet causam effectricem sit ingenum? *si absurdum est, inquit, dicere ingenuam generationem absurdum etiam est dicere ingenum genitum, si quia opifex est ingenuus, etiam opificium est ingenum, eodem modo necesse, fabricatum esse opificium, est enim in fabricatus opifex. Quod si hoc absurdum est, absurdum etiam est dicere mundum ingenum.*

Vide verò, quæ vicissitudo exerceret Gentiles. Nam Aristoteles, qui docuit mundum non esse factum, prorsus siluit de Deo opifice, de causa effectrice, & exemplari mundi.

Platonis autem sectatores, qualis videtur esse responsor, jam agebant mundum esse genitum ob opificem, ob exemplarem causam, mox tamen ingenum appellabant mundum, non tamen negando dari ejus causam exemplarem & effectricem.

Aliam proponit responsionem Author quæst. de Deo degente in cœlo secundum Platonem & Aristotelem. Nam si cœlum non est factum, Deus degit in re non sua.

Eadem quæstione aliqui urgent Peripateticos, qui docent cœlum esse ingenum, & tamen moveri à primo

primo motore. An enim movet rem alienam? unde accepit, quo largitore, cœlum movendum primus motor?

Ad rem ipsam quod attinet, Deus cœlum condidit ex nihilo, diciturque in eo habitare, non quod ejus substantia cœlo includatur, cum Deus sua etiam substantia sit ubique. Sed quia magis ejus gloria illic emicat, ibique beatæ animæ, reliquique cœlites degunt. Hinc etiam responsor non male explicat Homerum, qui cœlum Dei domicilium dixit, quod sit receptaculum nobilissimarum actionum Dei.

CAP. CXXIV.

De duobus principiis Manichæorum quid tradatur ab autore questionum, quæ reperiuntur inter opera S. Justini?

A Zoroastro absurdissimam opinionem petiverunt Manichæi, quod sint duo principia sibi invicem opposita, unum quidem bonum, alterum malum. Id si esset, nec Deus ipse perturbationis esset expers, & molestiæ propter oppositum summum Malum.

Responsoris in quæst. Christian. ad Gentiles, quæ tribuuntur S. Justino hæc sunt verba: μέγιστον κακὸν ὁδὲν ἐστιν. Summum malum nullum est. Nam si inter Bona summum locum obtinet Deus, si ponatur summum malum ἐν ἐξουσίᾳ ἐτέρεᾳ ἀρχῇ ἐναντία τῷ Θεῷ, dabitur alterum principium contrarium Deo, ut absurde asserunt Manichæi. Absurdum namque foret, si Deus non complecteretur omnia, & non omnia sua

sua bonitate illustraret. Καὶ γὰρ ἄτοπον τὸν Θεὸν μὴ πάντῃ καὶ λαμβάνειν, μὴ πᾶσι τὴν ἑαυτοῦ ἀγαθότην ἐπιλάμπειν.

Objicies, Auctorem quæstionum statim dicere: τῷ μεγίστῳ ἀγαθῷ ἀντίκειται μέγιστον κακόν: *summo Bono summum malum opponitur.* Ergo dantur duo principia, quorum unum Bonum, alterum malum.

Respondere est, auctorem quæstionum loqui de malo in qualitate, deque malo non totius universitatis, sed hominum, scribit namque summum Malum hominibus esse ignorare Deum, ut summum Bonum est cognoscere eundem: μέγιστον ἐν ἀνθρώποις ἀγαθὸν γινῶναι τὸν ὄντως ὄντα Θεόν, μέγιστον κακὸν τὸ τῷ Θεῷ ἀγνοεῖν.

Hinc ait autor quæstionum: nos summum Malum scilicet secundum substantiam non posuimus cum Manichæis. Οὐ κατὰ τῆς Μανιχαϊκῆς μέγιστον κακὸν ἐθήκαμεν ἀλλὰ μέγιστον κακὸν κατ' ἐννοιαν εἵπομεν, τὸ κατὰ τῷ Θεῷ ψευδῶς. *Dicimus summum malum secundum opinionem, nempe mendacium contra Deum.*

Sed cur inquit postea de responfore, quod sustulerit duas species δύο εἶδη τῷ μεγίστῳ κακῷ? An Manichæi posuerunt duas species summi mali? Atqui ipsi posuerunt duo principia, unum Bonum, alterum Malum.

Susplicari licet voluisse dicere authorem quæstionum: Responforem rectè sustulisse alterutram speciem duorum principiorum, quæ ponebant Manichæi nempe rectè fecisse, dum evertit summum Ma-

lum, quod ponebant Manichæi secundum substantiam.

Aut dixit duas species summi mali positas à Manichæis sublatas, quia & ponebant summum Malum secundum substantiam, & tuebantur absurdissimum ejusmodi dogma, quod pessima res debet censi inter homines. Has duas species explicat ipse postea, dum ait: *Si summum malum non est in hominibus, cur reprehendisti Manichæos, quod male dicant quæ dicunt? Malum autem istud secundum Manichæos, adeo malum est, ut nullum reperiatur majus.*

Quod si verè dicimus malè loqui Manichæos, verè magnum malum est in hominibus ἐν μὴ κατ' ἐρίαν, ἀλλ' ἐν ὑποθέσει καὶ δόγματι, si non secundum substantiam, saltem in opinione.

Ut porro Manichæi absurdè ponebant duo principia contraria, ita duo genera animarum profitebantur esse, ut tradit S. Augustinus libro uno de duabus Anim. contra Manichæos. *Duo genera esse dicunt animarum, unum Bonum, quod ita ex Deo sit, ut non ex aliqua materia, vel ex nihilo ab eo factum, sed de ipsa omnino ejus substantia pars processisse dicatur. Alterum autem malum, quod nulla prorsus parte ad Deum pertinere credunt.*

Ideo illud summum Bonum hoc summum malum esse asserunt. Cujus absurdi dogmatis confutationem legere quisque apud eundem S. Augustinum potest.

Apud S. Epiphanium hæc. LXVI. hæc legimus de duobus principiis Manichæorum: *Manes inducit duo principia principio carentia, semper existentia, & nunquam*

quam deficientia. Esse autem & constare ex his duobus principiis universa. Habere autem hac duo principia in mundo substantias.

At negat S. Epiphanius malum habere substantiam. *Substantia, inquit, carens reperietur malum, & nullam radicem habens, sed usque ad opera tantum active humane operationis effectivum est. Hæc S. Epiphanius.*

Cum errore absurdissimo Manichæorum dices aliquis habere affinitatem aliquam opinionem item falsam Chaldæorum, qui stellis tribuunt causam malorum, dam quasdam, ut Saturnum, & Martem maleficas appellant.

Contra quos Chalcidius disserit Comment. in Tim. *Nam si mala, inquit, ab his provenirent, utrum ne ipsis volentibus, an invitis? si volentibus, stellæ erunt maleficæ. Sed maleficas esse in illo sancto, & pleno bonitatis loco quatenus convenit? Cumque sidera omnia plena sint cælestis sapientiæ, & malitia nascatur ex dementia, quid perversus dici potest, quam stellæ esse maleficas?*

In quibus verbis Chalcidii, non est recipiendum secundum religionem Christianam stellæ esse sapientia præditas.

Aliqui omnia mala in materiam retulerunt. Nam posuerunt duo principia rerum etiam secundum, ut putant, Platonem, Deum scilicet & materiam. De qua materia Proclus lib. II. in Timæum ait, quod sicut Materia prorsus est αἰδιῶτος καὶ ἄδεος hoc est æterna, & expers Dei, ita Deus est πάντη αὐλῶτος καὶ ἀπλῆς: prorsus immaterialis; & simplex.

Addunt ideo mala fieri, quia materia semper molitur corruptionem, neque Deum posse impedire talem vim Materiæ, cum ipsa non sit facta, neque sub sit ejus potestati.

Sed ejusmodi opinio prorsus rejicienda est. Nam nos persuasi sumus Deum etiam materiam ex nihilo fecisse: atque adeo eam Deo parere, qui non est auctor malorum.

Unde igitur existunt mala? aut loquimur de malis culpæ, hoc est peccatis, aut malis pœnæ, incommodisque vitæ humanæ.

Mala culpæ proveniunt ab hominibus, qui libertate arbitrii præditi defleunt à tramite legis divinæ.

Mala pœnæ incommodaque vitæ humanæ, aut corruptio quarundam rerum habent rationem boni, quatenus puniant peccata, aut non sunt ex consilio naturæ, sed existunt per consecutionem quandam ut ægritudines & morbi. Aut mala non sunt absolute mala, sed minora, & imperfectiora bona, & per vicissitudinem quandam contingentia efficiunt, ut bonum magis elucescat, intereuntibusque individuis species perpetuæ sint.

CAP. CXXV.

Centum, & quadraginta sex responsiones ad orthodoxos non esse Justini, nec quandam expositionem fidei.

QValia sint opera S. Justini Martyris discendum ex Photii Bibliotheca, cujus verba nihil jam necesse est transcribere.

Cum

Cum autem mentionem non fecerit CXLVI. responsionum ad orthodoxos, suspicari licet id opus non esse Justini, cum præsertim id jam pridem Sixtus Senensis in sua bibliotheca tradiderit. Nam in eo opere citantur Irenæus & Origenes, qui vixerunt post Justinum. Origenes sane non semel citatur, tanquam peritus hebraicarum literarum.

Quæst. IV. fecit mentionem pœnarum, quibus afficiuntur hæretici, ne ipsorum sermo, qui cancro similis est, serpere pergat. Certum autem est pœnas contra hæreticos sancitas fuisse à Christianis Imperatoribus, qua de re videri possunt, quæ traduntur in Codice Justiniano. Sanè tempore Justini potestas gladii erat penes Gentiles, non penes Catholicos Christianos.

Alia omitto. Et si autem non sunt Justini, sunt tamen antiqui scriptoris, multaque continent, quæ augere queant thesaurum sacræ cognitionis.

Expositio etiam illa Fidei, cum tam clarè agat de Trinitate, & rejiciat errores Arii, & Macedonii de Filio & Spiritu Sancto, vix existimanda est esse S. Justini. Et si namque tempore, quo ipse floruit, mysterium SS. Trinitatis rectissime crederetur, non tamen adeo disertè ejusmodi mysterium exponebatur, ut postea expositum est ad compescendam hæreticorum temeritatem. Certe nomen *ὁμοῦσιον* tempore S. Justini non ita in usu erat, & tamen expositio ista, quæ tribuitur S. Justino disertè in inscriptione habet ejusmodi vocabulum. Non narrat S. Ambrosius occasione cujusdam scripti propositi ab Ario, & ejus sociis nomen *ὁμοῦσιον* positum fuisse in confessione

à S. Episcopis Catholicis, ut quandoquidem Ariani professi fuerant non esse Filium ὁμοούσιον Patri, ipsi palam dicerent Filium esse Patri ὁμοούσιον.

Certè si S. Justinus edidisset tam disertam expositionem fidei de Trinitate, ejusmodi testimonio clarissimè confutassent Arium.

CAP. CXXVI.

Repetuntur verba quadam ex Timæo Platonis facientia ad repugnantiam de mundo genito, & ingenito, quam objecit eidem Platoni S.

Justinus.

Non ab re erit verba ad repugnantiam Platoniam de mundo genito, & ingenito constructam à S. Justino prolata p. CCLXXXIX. repetere ex Timæo, videreque quid super his scripserit Aristoteles, quidque Simplicius vir doctissimus existimaverit: *Cum omne quod visibile recepisset minime tranquillum, sed inordinato quodam & tumultuario motu agitatam ad ordinem ex inordinatione redegerit.* Arist. primo de cælo tex. 106. hæc habet: *ἐξ ἀτάκτων γὰρ ποτε τεταγμένα φασὶ γενέσθαι.* Ex inordinatis enim aliquando ordinata facta esse dicunt. De Platone loqui Aristotelem censent Interpretes ob verba prolata ex Timæo. Platonem autem sic puto locutum, quod Physici ferè omnes ita visi fuissent sentire Heraclitus, Thales atque alii. Difficile porro est modos novos dicendi invehere cum aures hætenus assueverint talibus sermonibus, talibusque sententiis.

Acci-

Accipit vero verba Platonis Aristoteles perinde ac si secundum Platonem fuisset tempus, quo omnia essent inordinata, ut ab inordinatione redigerentur ad ordinem, hinc sic ratiocinatur contra Platonem: *ἀμα δὲ τὸ αὐτὸ τεταγμένον εἶναι καὶ ἀτακτικὸν ἀδύνατον*: simul autem inordinatum esse, & ordinatum impossibile est, sed necesse est generationem esse separantem, & tempus.

Quod profert, quia Plato, & Platonis discipuli sic explicabant rem totam, ut non assererent fuisse tempus, quando inordinatus motus cuncta obtinebat. Verba Aristotelis tex. 104. sunt ista: *Auxilium autem, quod quidam eorum conantur asserre sibi ipsis, qui dicunt incorruptibilem quidem esse, sed factum, non est verum similiter enim dicunt iis, qui διαγνώμῃσιν designationes describunt, & se ipsos dixisse de generatione non tanquam generato aliquando, ἀλλὰ διδασκαλίας χάριν sed doctrinae gratia.*

Quod videntur dixisse aliqui præter Platonicos, ut Heraclitus & Empedocles, qui tamen assererant esse genitum mundum, sed fore incorruptibilem. Id enim tradit de ipsis Arist. tex. 102. lib. I. de Cælo. Ubi etiam pronunciat omnes dicere (scil.) physicos mundum esse genitum eodem textu.

At in VIII. physic. tex. X. narrat Aristoteles omnes philosophos, præter Platonem docere, tempus esse ingenitum, & sigillatim de Democrito inquit, quod monstret *ἀδύνατον πάντα γεγονέναι, τὸν γὰρ χρόνον ἀγέννητον εἶναι*, impossibile esse cuncta esse facta. *Tempus enim ingenitum esse.*

Quin & Platoniorum non pauci dixerunt semper tempus fuisse, licet non semper fuerit mundus. Nam semper fuisse motum inordinatum, & tempus metitum fuisse ejusmodi motum, postmodum omnia ad ordinem redacta fuisse. Qua de re legi possunt verba Procli in Timæum lib. II. p. 84. 85. Πλά-
ταρχος μὲν καὶ Ἀττικὸς καὶ ἄλλοι πολλοὶ Πλα-
τωνικῶν κατὰ χρόνον τὴν γένεσιν ἤκυσαν. Et di-
cunt esse quæstionem, an mundus secundum tempus sit ingenitus an genitus? esse enim ante conditum mundum inordinatum motum cum motu autem semper est tempus, ita ut fuerit tempus ante mun-
dum. Cum mundo autem factum tempus, quod est mensura motus totius mundi, sicut idem tempus ante factum mundum fuit mensura inordinati mo-
tus.

Quod Anaxagoras putaverit tempus fuisse ante-
quam esset mundus, & Mens omnia ordinaret, tra-
dit Aristoteles VIII. physic. tex. XV. nam postquam
dixit, fortassis & unum principium facientes, ut &
Anaxagoras, sicutique dixerint, subjungit: *infinito
autem tempore quiescente postea motum esse aliquando.
Hujus autem nullam esse differentiam: quare nunc po-
tius, quam prius, neque rursus aliquem ordinem habere
non amplius nature est opus.*

De Democrito vix videtur dubitandum, quin
senferit semper fuisse tempus, semper atomos motas
fuisse, non tamen semper fuisse mundum hunc. Nam
Lucretius ex sententia Epicuri multis argumentis
conatur ostendere mundum non semper fuisse, sed
extitisse tandem.

Sane

Sane si omnes Physici præter Platonem, ut tradit Aristoteles, dixerunt tempus semper fuisse, esseque ingenum, mundum autem genitum adstruxerunt, necesse est, ut tempus fuerit, quando mundus non erat.

Ad Platonem tamen quod attinet satis constanter tradit Proclus ex Crantoris, Plotini, Porphyrii, Jamblichi expositione, etsi idem Plato dixerit tempus esse factum cum cœlo mundumque esse genitum, id tamen sic accipiendum, ut docuerit semper fuisse & mundum, & motum, & tempus, & cœlum, facta tamen dici, ut ait Proclus *ὡς σύνδετον, καὶ ἄλλων αἰτίων πρὸς εἶναι δέον*, *tanquam compactum, & aliis causis, ut sit, indigentem.*

Nec potuit materia prima, cum careat corporea magnitudine, proprie fluctuare & inordinata esse: siquidem nihil incorporeum fluctuare, & inordinatum esse potest, cum hæc corporum compositorum accidentia sint, materia vero accidentibus sit nuda.

Ergo Plato tradidit factum esse mundum inordinatione ad ordinem redacta, non quod vere inordinatio illa præcesserit, sed quia res magis sic intelligitur, si ad explicandam totius compositionem, partium inter se diversarum resolutio fiat.

Sed lubet audire Simplicium scribentem ad primum de Cœlo tex. 104. 105. & 106. *Xenocrates & Plato mundum genitum dicentes, generationem non tanquam ex tempore ajunt oportere intelligere, sed ex suppositione dictam doctrinæ gratia ordinis eorum, quæ in ipso priorumque & magis consistorum.* Sicut in

descriptionibus Mathematicis naturam eorum inquirentes composita in simplicia resolvunt, & quomodo ex illis fierent, siquidem à principio facta fuissent considerant.

Sed quid dicemus de aliis antiquis Physicis? an & ipsi censendi sunt docuisse, semper fuisse mundum, neque tempus prævisse, & extitisse antequam hæc moles existeret?

Simplicius non prorsus est certus Physicos sic sensitse, pronunciat tamen ita videri exponendos, præsertim Empedoclem, & Anaxagoram. Ex suppositione namque locutos, faciendo resolutionem apparentium compositorum ad simplicia, nam in quibus semper existunt ea ex quibus generatio dicitur in his semper est possibile ex suppositione accipere simpliciorum præexistentiam, & temporalem generationem.

Nonne & ipse Aristoteles quando egit de motu cœli, eique assignavit principium in oriente, ex suppositione locutus est?

Adde ipsum loqui de generatione & corruptione quatuor elementorum, de materia ingenita, de forma deque privatione, cum tamen talia semper fuerint secundum ipsius opinionem. Ergo sermonem habuisse videtur ex suppositione eorum, quæ ex tempore generantur.

Quæro etiam, an putet Aristoteles unquam materiam fuisse nudam formis? etsi informitas, ut sic dicam, conveniat naturæ materiæ, non tamen fuit ullum tempus, quando ipsa non fuerit particeps ordinis, & specierum.

Ergo

Ergo quæcunque tradit Aristoteles de materia quod sit neque quid, neque quale, neque quantum, ea profert, non quod unquam extiterit sic spoliata Materia, sed doctrinæ causa ad enarrandam naturam rei sic differuit.

Hinc quis putaverit similiter exponenda, quæ Empedocles, Anaxagoras, & forte alii de principio universi discipulis expediverunt.

Ex quibus sequeretur Aristotelem frustra opugnasse Anaxagoram VIII. Physic. tex. XV. negaret enim se dicere Mentem quievisse tempore infinito, & demum accessisse ad construendum mundum.

Minus etiam rectè dixisset Aristoteles Antiquos physicos docuisse tempus semper fuisse, sed non semper fuisse mundum. Nam utrumque dixissent, licet asseruissent mundum esse genitum, quod haberet causam.

Viderit lector, an hæc rectè proferantur ad defensionem Antiquorum, & legat diligenter Simpliciū.

CAP. CXXVII.

De verbis quibusdam, quæ objicit Aristoteli S. Justinus, in quibus agitur de natura cæli.

INter illa, quæ objicit Aristoteli S. Justinus sunt etiam verba in secundo de cælo tex. XLI. *ut enim ignea dicentes esse ob hoc dicunt, quia id quod sursum est corpus ignem esse dicunt.*

De

De quo loquitur Aristoteles? de Platone, qui tamen sic exponendus est, ne quis putet eum docuisse cœlum esse elementum ignis, cum asserat compositum ex quatuor elementis, esse tamen naturæ igneæ, ita ut ignis ille purissimus diversusque ab inferiori isto sit, quatenus summam formæ perfectionem habet: lucidusque omnino, & aspectabilis sit.

Nam ut ignis splendor in idea artificis est: ita in cœlo positus visibilis sit, inferioremque mundum illustrat. Cui sententiæ Numenius, Plotinusque in libro de cœlo assentitur. Ait enim hic, idcirco à Platone dici mundum sive cœlum ex igne, terraque componi, quod multum habeat igneæ naturæ. Videmus siquidem magnam stellarum cœlique lucem emicare, quæ ex ignea natura provenit. Sic Trismegistus asserit solem esse igneæ naturæ.

Ipsæ Aristoteles forte in Exotericis docuit esse cœlum igneæ naturæ, cum id testetur Plutarchus de Placitis philosophorum.

Simplicius in secundum de Cœlo tex. XLI. quamvis apud ipsum ponatur tex. XXVIII. ait Platonem totum mundum ex quatuor elementis consistentem dicere, cœlum autem ex summitatibus elementorum, & sicut in corporibus hic ex quatuor elementis & ipsis consistentibus, extremis autem existentibus prædominatur elementum extremum scil. quod terreum, ita & divinis corporibus ex summitatibus consistentibus prædominatur primi elementorum summitas scil. ignis. Scribit igitur in Timæo: *Divini quidem igitur plurimum speciem ex igne condidit, ut quod fulgentissimum ubique & pulcherrimum esset.*

Hinc

Hinc Nonnus ætherem πυρῶν igneum appellavit. Unum ex equis solis Pyroëm dixit Ovidius. De iisdem equis legimus, quod ignem elatis naribus efflent. Apud Lucretium hæc leguntur :

*Flammescere cælum,
ardescunt cælestia templa.
Secretique ætheris ignes.*

Æther *multos secum extulit ignes,
inde æther ignifer ipse.
Diffusilis æther.*

Lambinus explicat de aëre. Sed nescio quam bene. Nam ætheris natura si ignea est, estque lucida subtiliorum est partium, & subtilitate superat aërem, & loqui Lucretium de cœlo, sive ætherea regione constat ex antecedentibus; nam dixerat :

*Primus se sustulit æther
Signifer, & multos secum levis abstulit ignes.*

Et postea subjungit :

Hunc exordia sunt solis, lunæque secuta.
Et quod natura cœli sit ignea apud eundem Lucretium hæc itidem ostendunt :

*Inque dies quanto circum magis ætheris æstus
& radii solis.*

Inde mare, inde aër, inde æther ignifer ipse.

Vides distingui aërem, ab æthere.

Mox: *& liquidissimus æther
atque levissimus aëreas super influit auras
nec liquidum corpus turbantibus aëris auris
commiscet*

Ipse suos ignes certo fert impete labens

nam

*nam modicè fluere, atque uno posse æthera nifu,
significat Ponti mare.*

Ad quæ notat Lambinus Epicurum, & Lucretium velle æthera esse igneum, & ex ignibus liquidissimis constare, quod idem putabat Zeno & Anaxagoras, qui aiebant stellas esse igneas. Ex Stoicorum sententia sunt illa M. Tullii II. de Nat. Deorum, *hunc aëra rursus amplectitur immensus æther, qui constat ex altissimis ignibus. Ex æthere igitur innumerabiles flammæ siderum existunt.* Sic Virgilius II. æneid.

*Sustulit exutas vinclis ad sidera palmas
Vos, æterni ignes, & non violabile vestrum
Testor numen ait.*

Manilius non est omittendus lib. I.

*Ignis in æthereas volucer se sustulit auras,
Summaque complexus stellantis culmina cæli.
Flammarum vallo naturæ mœnia fecit.*

Nec agnoscit aliud Manilius quam aërem, ignem, terram & mare, ut sit mundus perfectus.

*Hoc opus immensi constructum corpore Mundi
Membraque naturæ diversâ condita forma
Aëris, atque Ignis, Terræ, pelagique jacentis.
Vis animæ divina regit.*

Adde quod nisi dicatur esse naturæ igneæ cœlum, difficile est explicare, quomodo calor manet à supra regione. Hinc S. Justinus; *si id, quod motum calefacit alia, non potest hoc efficere, nisi prius seipsum motu suo calefaciat, quomodo cœlestis globus, & quæ in eo sunt sidera motu suo calefaciunt aërem, cum ipsa non calefiant?*

Namque

Namque interpretes magnam experiuntur difficultatem in exponendo Aristotele dum ait tex. XLII. in secundo de cœlo: *Calorem generari ab astris attrito aëre ab illorum latione*, addita ratione: *nam natura aptus est motus ignire & ligna, & lapides, & ferum.* Certe Alpinos vertices si conscendas etiam tempore æstivo aërem longe minus calidum deprehendes, quam in imis locis. Imo refocillaberis non parum relictis vallibus quas radii calefaciunt. Oportebat autem, si ratio Aristotelis vera est semper deprehendi calidiorem aërem, quo vicinior est cœlo. Sed legatur Simplicius ad verba illa Aristotelis.

CAP. CXXVIII.

*Novissimè cum S. Justino objiciente Aristoteli
perpenduntur duo loci ex Tertio de cœlo*

Tex. I.

AS. Justino tandem ad alios gradum transfereamus, si prius perpenderimus argumentationem, qua impetit Aristotelem, tribuendo ei quandam velut repugnantiam, prolatis verbis ipsius ex tertio de cœlo tex. I. *dico autem substantias quidem simplicia corpora, & quaecunque ex his καὶ ὅσα ἐκ τῶν οἶον τὸν τε σύνολον ἔχοντων, veluti totum cælum.* Ex quibus verbis sic ratiocinatur: *quomodo nunc ait ex iisdem elementis constare cælum, & quibus, & plantas, & animalia?*

Objicit etiam verba illa, quæ leguntur in eodem textu primo: *περὶ μὲν ἔν τῷ πρώτῳ τῶν στοιχείων*
εἰρη-

ἐλεῖναι de primo igitur elementorum dictum est. Ita autem colligit S. Justinus contra Aristotelem : *si elementum est ex quo fit, quod sit insitum ipsi, quid fieri potest, ut idem sit, & elementum & ingenitum?* nam in hoc in tertio libro tex. XXXI. tradit Aristoteles quid sit elementum : *est illud in quod corpora dissolvuntur, & sunt in eo aut potentia aut actu.* Unde scribit Averroës ad tex. XXXI. *elementum est aliquid in actu, cum compositum dissolvatur in ipsum, sed ipsum non dissolvitur in alia existentia in actu,* græcè S. Justinus loquens usus est verbo Aristoteleo ἐνυπάρχον. Nam elementum ab Aristotele sic græcè definitum est : *ἐἷς ὁ τὰ ἄλλα σώματα διαίρεται ἐνυπάρχον δυνάμει ἢ ἐνεργείᾳ.*

Ut autem agamus de primo locò, in quo videtur Aristoteles dicere cœlum esse compositum ex quatuor elementis more Platónico, sciendum in versione, qua usus est Averroës sic legi : *Intelligo per substantias quatuor corpora simplicia, ut terram, & ignem, & duo corpora alia simplicia, & quod sit ex eis, ut animalia, & plantas.* Vides quam parum fido interprete sit usus Averroës, ut prorsus digni sunt magna reprehensione philosophi nostræ ætatis, qui contemnentes linguam græcam, Aristotelem non possunt audire in sua loquentem lingua, necesse namque est eos, quandoque impingere non inspecto græco fonte. Nec tamen laudo audaciam Francisci Vicomercati, qui cum esset peritus sermonis Græci non pauca correxit ex proprio iudicio & immutavit, quem morem nonnulli etiam notant in Antonio Fabro, ingenioso Juris-Consulto. Qui tamen passim invertit
Juris-

Juris-Consultorum verba, & corrigendo ausus est alio contorquere. Cujus culpæ non defunt, qui dicant non esse immunem ipsum Cujacium. Certè Edmundus Merillus, vir inprimis eruditus ostendit in multis debere retineri lectionem Pandectarum, ex Florentina editione, quæ absque dubio optima omnium est. Sed ad rem.

Et si admodum discrete Aristoteles videatur dixisse cælum esse compositum ex quatuor elementis, quod ei objicit S. Justinus, interpretes tamen recentiores conantur præceptorem suam à repugnantiae incommodo liberare, de quo quidem conatu liberum esto lectori judicare.

Nam Simplicius nodum non videtur voluisse solvere, an tum enim scribit : *Ignem & terram cum dixisset, adjecit, & conjungata his alia tria dicens simplicia scilicet quintum, & aërem, & aquam. Hoc autem & quaecunque ex his composita omnia significat, quæ consequenter nominat, scilicet totum cælum dicens æthereum omne, & partes ejus.*

Diacetius vir doctissimus, ex patritia nobilitate Florentinorum, in sua paraphrasi sic rem totam composuit, ne Aristoteles videatur asserere cælum esse compositum ex quatuor elementis : *sunt autem, inquit, corpora naturalia, quatuor elementa, quæque ex his coagmentantur. Præter hæc totum cælum ejusque partes, animalia, & stirpes.* Ita nodum relinquit insolutum.

Lucillius Philalthæus egregius professor Peripateticæ philosophiæ sic se gessit, ut scripserit cæli nomine intelligi mundum, qui constat ex quinque corporibus.

ribus. Mundana enim coagmentatio ex cælo, & elementis conficitur atque aliter universum constat ex elementis, & corpora mixta: Nam mundus ex his constat velut è partibus perficientibus molem ejus sine permutatione horum inter se, & mutua alteratione.

Fatetur tamen nonnullos putasse cælum intelligi quintum corpus cœleste solum. Idcirco admirati sunt, cælum componi ex elementis, & pueriliter censuerunt id dici ad opinionem Empedoclis. Interpretes sanè, quo usus est Averroës turbatus tali effato prorsus omisit, quod tamen reperiebatur apud Aristotelem. Hinc Averroës ipse nihil plane protulit, quod faceret ad dissipandam nebulam. Tantum scripsit per substantias intelligi corpora simplicia mobilia, quæ sunt quatuor elementa, & composita ex eis, ut animalia, & plantæ. Mox subjicit Naturalem considerare *de corpore cœlesti, quod tantum non est ex quatuor, neque ex composito ex eis.* Atqui Aristoteles in græco exemplari, cui prorsus standum, videtur contrarium asserere. Viderint admiratores Averroës, an fas sit absque hæsitazione ejus premere vestigia in exponendo Aristotele. Ego profecto, si Deus vitam dederit, suo tempore ostendam, quam mutila usus fuerit versione Averroës.

Ad Philalthæi expositionem quod attinet, etsi non negandum sit cælum, quandoque accipi pro toto mundo, quo significatu accepit ipsum Plato in fine Timæi, & Aristoteles in inscriptione librorum de cœlo, tamen in verbis prælatis apparet non debere sic accipi, nam fit mentio elementorum, plantarum, & animalium, & cœli, quod si nomine cœli in-

celli-

telligeretur totus mundus non sigillatim nominaretur cœlum quasi distinctum à quatuor elementis, à plantis & animalibus, quæ composita sunt ex elementis. Valeat igitur Philalthæus cum sua expositione.

Etsi autem nullum viderim, qui mihi satisfaciat, puto tamen facile posse solvi nodum, modo rectè collocentur verba, & ut collocatio requirit legantur. Sic verba habent; dico substantias simplicia corpora, ut ignem & terram, *ὅλον πῦρ καὶ γῆν, & quæ sunt ejusdem cum his ordinis καὶ ὅσα σύστοιχα τέτοις*, id est, quæ sunt partes mundi hoc enim indicat *σύστοιχον* quasi cœlementum, id est simul pars mundi. Subdit: *καὶ ὅσα ἐν τέτῳ, & quæcunque ex his*, hæc referuntur ad illud quod dixerat: & quæ connexa his scilicet quatuor elementis deinde enumerat sigillatim, quæ sint connexa quatuor elementis, & loquitur de toto cœlo, hoc est de octo sphaëris, sive omnibus corporibus cœlestibus, quæ rectissimè dicuntur *σύστοιχα* quatuor στοιχείοις. Nam statim post elementum ignis reperitur corpus cœleste.

Illà autem verba; *& quæ ex his*, non sunt conjungenda cum toto cœlo, & ejus partibus, sed referenda ad animalia, & plantas, quæ componuntur ex quatuor elementis. Vitaretur autem omnis ansa errandi, si quis legeret hoc modo verba Aristotelis: dico substantias simplicia corpora, & quæ sunt ejusdem ordinis, ut totum cœlum, & ejus partes, & quæcunque componuntur ex elementis, ut plantas, & animalia. Qui inspexerit perpenderitque verba græca absque dubio statim mihi assentietur:

Supereſt, ut intelligamus qua ratione interpretentur interpretes Ariſtotelem vocantem cœlum primum elementorum.

Nam quod inexiſtat cœlum animalibus videtur ex eo poſſe colligi, quia Ariſtoteles alibi dixit, *ſemini inſeſſe aliquid reſpondens elemento ſtellarum*. Vides hic nominari elementum ſtellarum, vides aliquid reperi in ſemine, quod eſt à ſtellis. Calorem cœleſtem vocant interpretes. Ergo videtur elementum ſtellarum eſſe igneum, à quo proficiſcitur calor. Iſque calor videtur redire ad ſtellas, ſi diſſoluto composito unaquæque pars redit, & reſolvitur in ſuum elementum, à quo manaverat.

Simplicius fic ſcribit : *Elementum autem cœleſte, ut ſimplex vocat, quia non mundi elementum eſt, ut ait Alexander, ſed pars magis. Nam elementum per totum id, quod elementis conſtat penetrat, & his quæ cum ipſo elementis ſimul commiſcetur. Primum dixit (πρῶτον στοιχείον) tanquam & poſitione, & tempore, & ratione cauſæ.*

Diacetius ſimpliciter ait cœlum dictum elementum, quia pars mundi præſtantiſſima eſt.

Philalthæus diſſerit vocatum cœlum elementum, quia pars eſt univerſi, & elementum pars totius dici ſolet, ceu literæ partes ſyllabarum elementa vocantur. Reprehendit Simplicium, quod dixerit appellatum elementum ob ſimplicitatem.

Cœlum eſt elementum non permixtum, ſed efficientia ſua & poteſtate miſcet, & opportunum eſt ad perficienda omnia. Ergo ſaltem virtute & poteſtate adit mixta. Sol & homo generant hominem.

Vis

Vis ergo cœlestis necessaria est ad permixtionem corporum.

Averroës innuit, sed non diserte dicit dici cœlum elementum, quia corpus simplex.

Quod si dixisset in præcedentibus verbis Aristoteles cœlum componi ex quatuor elementis, non potuisset postea ipsum appellare primum elementum.

Sed quid dicemus de calore cœlesti, qui reperitur in semine, & respondet elemento stellarum? efficitur ejusmodi calor, non autem manat tanquam pars aliqua ab elemento stellarum. Hinc ait vim illam respondere, hoc est affinitatem habere cum stellis. Qui modus loquendi improprietatem denotat. Nec stellæ proprie sunt elementum, sed ob vim, quam exerunt in inferiora corpora, inque animalia prolifica dicuntur elementum eo ferè modo quo Aristoteles appellavit cœlum elementum.

His interpretationibus si quis velit repugnare, contendereque non esse satis æquum S. Justino, me quidem non inveniet morosum molestumque altercatorem.

Potuisset sane Aristoteles abstinere ab eo loquendi modo quo cœlum, elementum primum vocavit, ne quis putaret ipsum docere cœlum commisceri corporibus inferioribus, & venire in compositionem, cum contenderit esse quintam substantiam toto genere distantem ab igne, aëre, aqua & terra.

CAP. CXXIX.

De iis qui pravo more architectati sunt opiniones ex S. Scriptura mala intellecta, & detorta philosophia, Roma se inferentes.

ANtequam Christianam fidem amplecterentur Imperatores, & convocarentur concilia generalia, magna licentia usi non pauci ex iis, qui cupiebant inclarescere & magnifici, dogmata architectabantur, quamvis Christianos se vocarent, & Christi nomen profiterentur. Nempe Gentiles Imperatores, & præfides non ponebant differentiam inter veros Catholicos Christianos, & reliquos qui proprias opiniones excogitabant, nam promiscue omnibus Romani Magistratus aut præstabant securitatem, aut etiam sub communi nomine Christianorum faceiebant negotium. Ita mirum non est, si tam multiplex ante Constantini tempora pravorum sectariorum genus extiterit, neque dubitavit in ipsa Roma suas nugas spargere, cum non præsto esset, qui illos cogeret parere Catholicis dictatis.

Plerique autem omnes à philosophia mutuo sumebant, quæ interpolata, & obducta detortis S. Scripturæ dictis invulgas spargerent, quæ de re dubitare non possumus, quando legimus Tertullianum, qui disertè ait Philosophos esse hæreticorum patriarchas, pluraque in eandem sententiam depromit.

Ita fanatici homines neque veri erant Christiani Catholici, nec veri germanique Philosophi gentiles, fed

sed mixtura quadam perquam inepta ex male intellecta S. Scriptura, ex male prolata philosophia monstra sententiarum construebant, in quam rem legi possunt veteres S. Irenæus, S. Epiphanius, atque alii. Quis nescit magnum philosophum fuisse Origenem discipulum Ammonii, & condiscipulum Erennii, Plotinii, laudatum summopere à Porphyrio? is igitur, si credimus S. Epiphani. lib. II. Tom. I. hæc. XVIII. Mortuorum resurrectionem rejecit, Platonicos proculdubio secutus. Christum creaturam, & Spiritum Sanctum introduxit, teste eodem, impingens in ea, quæ tradit Plato de summo Deo, de Mente, deque mundi anima. Sed missis iis, qui Romæ sese intulerunt, rejehti tamen à Sanctissimis Pontificibus Catholicis. Ita explosus est Novatus Romanus. De Carpocrate sic Epiphanius: *Hujus fuit Marcellina illa in Roma. Imagines fecit occultè Jesu, & Pauli, & Homeri, & Pythagoræ, ipsisque suffitum faciebāt, easque adorabat.* Idem de Cerdone: *Cerdo ex Syria Romam digressus, prædicationem suam exposuit, in temporibus Hygini Episcopi.* Duo autem principia hic prædicat inter se contraria. Marcion sic describitur: quum Romam adiisset, & pœnitentiam, ac veniam petiisset ab his, qui illis temporibus isthic erant, & assecutus non esset, elatus est contra fidem, & tria principia induxit, ac docuit, Bonum, & Justum, & Malum. Tatianus Marcionem est secutus. De Severo narrat, quod libros apocryphos introducit. Adversus autem tenebriones abutentes ad suas nugæ philosophia scripserunt Plotinus quoque & Amelius, imo & Porphyrius. Labet autem transcribere,

bere, quæ idem Porphyrius ea de re narrat in vita Plotini: *Erant Christiani* (non veri sed Pseudocatholici) *eo tempore multi, tum alii, tum ex antiqua philosophia egressi hæretici, Adelphii, Acylini-que sectatores; qui Alexandri, Lybici, Philocomi, Demonstrati, Lydi, plurimos libros circumferebant, & revelationes quasdam Zoroastris, Zostriani, Nichotei, Allogenis, Mesi, aliorumque ejusmodi palam ostendentes, & deceperunt multos, & ipsi decepti jam fuerant: asserentes Platonem intelligibilis essentia profundum minime penetrâsse. Quamobrem Plotinus multas in disputationibus suis in eos argumentationes intulit: scripsitque contra eos librum, quem contra Gnosticos nos inscripsimus, nobisque reliqua discutere, & judicare commisit. Amelius autem libros quadraginta composuit contra librum Zostriani. Ego vero Porphyrius argumentationibus multis ostendi librum Zoroastri ab illis inscriptum adulterinum, novumque esse, & ab eis confictum, qui struebant hæresim, ut institutiones suæ esse Zoroastris crederentur. Gnosticos porro seipsos appellaverunt Valentiniani, ante quos erant primi Gnostici, turpissimè contaminati sinxerunt ipsi Evangelium Philippi, ut tradit idem Epiphanius. Sic minimè mirum est, si confixerunt etiam revelationes sub nomine Zoroastris, & aliorum.*

Quid autem de Carpocratianis protuli adorantibus philosophos cum Christo, id confirmatur etiam testimonio S. Irenæi lib. I. cap. XXIV. *Unde & Marcellina, quæ Romam sub Aniceto venit, cum esset hujus doctrinæ (Carpocratis) multos exterminavit. Gnosticos se autem vocant, etiam imagines quasdam quidam*

dem depictas, quasdam autem, & de reliqua materia fabricatas, habent, dicentes formam Christi factam à Pilato illo tempore, quo fuit Iesus cum hominibus, & has coronant, & proponunt cum imaginibus Mundi philosophorum, videlicet cum imaginibus Pythagoræ, & Platonis, & Aristotelis, & reliquorum.

CAP. CXXX.

De Marci Antonini summa diligentia in discenda philosophia. Agitur de ejus præcepto-ribus.

INcomparabilis profecto videtur fuisse Marci Antonini erga philosophiam, & philosophos propensio. Julianus in Cæsaribus memorat Marcum philosophiæ nomine, dum inquit: *Audiamus hunc Stoicum quid ex illis paradoxis, & mirabilibus opinionibus proferet.* Rursus hæc leguntur apud Julium Capitolinum: *philosophiæ operam vehementer dedit, & quidem adhuc puer.* Nam duodecimum annum ingressus, habitum philosophi sumpsit. Et deinceps tolerantiam cum studeret in palatio, & humi cubaret, vix autem matre agente, in strato pellibus lectulo accubaret. Usus est Commodus Magistro. Usus & Apollonio Chalcideno Stoico philosopho. *Tantum autem studium in eo philosophiæ fuit, ut adscitus jam in Imperatoriam dignitatem, tamen ad domum Apollonii discendi causa veniret.* Audivit & Sextum Chæronensem Plutarchi Nepotem, Junium Rusticum, Claudium Maximum, & Cinnam Catullum Stoicos. Peripateticæ vero studio-

sus audivit Claudium Severum, & præcipue Junium Rusticum, quem & reveritus est, & sectatus, qui domi militiæque pollebat, Stoicæ disciplinæ peritissimum, eum quo omnia communicavit publica, privataque consilia.

Ita scimus pallium græcanicum sine tunica assumptum fuisse philosophiæ causa à Marco. Nam ejusmodi pallium absque tunica communis fuit habitus omnium philosophantium. Principum quoque liberi induebantur ejusmodi habitu, quando versabantur in studio philosophico, quod tradit de Juliano Marcellinus.

Pallio addidit humicubationem, quia tanquam philosophus vitam delicatiorē spernebat. Certe veteres contemnentes delicias vel superduro silice, aut nudo solo dormiebant. Vel stoream aut psithum, aut pelliculas substernebant.

Nec silendus est lectulus pellibus stratus. Nam si humi cubabat, cur utebatur lectulo? Mater nempe impellebat, ut quandoque accubaret studiorum causa lectulo. Notum enim est antiquos habuisse lectos lucubratorios, ut vel locus Persii nos docere potest, dum ait:

Et quicquid denique lectis

Scribitur in citreis.

Quos porro professores, præceptores Marci memoravit Capitolinus, eos in vita non excepit silentio ipse Marcus, ut intelligamus quanta gratitudine profectus sit Magistros suos divinus discipulus.

Quis vero fuit Sextus Chæronensis? an Sextus Empiricus, cujus extat opus? Philostratus appellat
Sextum

Sextum ex Bœotia philosophum. Hic si credimus ipsi Imperatori non pauca excogitavit, quibus augeret philosophica dogmata. At Sextus Empiricus totus in eo est, ut sententias receptas destruat atque evertat. Quare non est putandum Sextum Empiricum fuisse Marci Præceptorem. Sed dissimulandum non est pugnare inter se Julium Capitolinum, & Suidam de Sexto Chæronensi quando agitur. Et enim ille Sextum Stoicis accenset, hic Pyrrhoniis. Sic enim loquitur Suidas: *Sextus Chæronensis, Plutarchi ex sorore vel fratre Nepos, Philosophus, M. Antonini temporibus, Herodoti Philadelphi discipulus Pyrrhonia sectæ, in tanta apud Imperatorem auctoritate, ut una cum eo jus diceret.* Putarim tamen Stoicum fuisse Sextum ob summam familiaritatem quam habuit cum Marco, qui plane Stoicus fuit. At reclamat Suidas, qui ait sceptica ab eodem Sexto conscripta fuisse. Viderint igitur eruditi, quæ opinio melior.

Omittendum porro non est, quod recenset idem Suidas, post obitum Commodi Imperatoris, extitisse quendam, qui diceret se esse Sextum, atque adeo petiisse successionem opum & dignitatis, qua usus est, cum viveret verus Sextus. Ut mendacio fidem inveniret multa rogatus à multis, non inscite respondit: sed cum Pertinax Imperator de rebus Græcis eum procontaretur, quarum ille rudis erat; gravissimè impegit, cum verba ipsa non intelligeret: Usque adeo vultu quidem natura, cætera vero studio illi similis erat. doctrina vero eadem excultus non erat.

Unde

Unde obiter colligas eruditum fuisse in historia, atque etiam, ut videtur, in philosophia Pertinacem Imperatorem, quem scimus à Senatu ad Imperium promotum, & appellatum sanctissimum senem, quem Prætoriani ob severitatem, & studium antiquæ disciplinæ cum ferre non possent, interemerunt. Hauerant enim corruptelam disciplinæ à moribus Commodi, at Pertinax absque dubio sub Marci Imperio laudatissimo artes, quæ facerent ad Imperium, induerat. Tanti porro sceleris dignas dederunt poenas perditissimi Prætoriani, cum Septimius Severus ad fastigium Cæsareæ Majestatis pertigisset. Sed hoc forte est digredi; redeo ad Marcum, cujus nomini parvum epigramma inscriptum volo.

*Candida simplicitas, generosi pectoris ardor,
 Lucida mens, probitas, ingenuusque pudor,
 Cognitio Veri, Superùm sapientia cultrix,
 Socraticæ chartæ, doctificusque labor,
 Pluraque circumdant prælustri nomine Marcum,
 Imperii fulcrum, Romulidumque patrem,
 Qui terras placidus tranquilla pace beavit
 Et traxit promptos in sua vota Deos:
 Aurea quin etiam mandavit dicta papyro,
 Quæ probat, inque sinu dia Minerva gerit.*

CAP. CXXXI.

*Quantus in philosophia fuerit Marcus Antoninus,
 quantus item in gerenda Republica.*

IN summo fastigio honoris tunc fuit philosophia, quando Marcus Antoninus regnavit Romæ. Usque adeo enim ipse Philosophiam complexus est, favitque philosophis, ut philosophus meruerit dici. De eo Julius Capitolinus talia profert: *sententia Platonis semper in ore illius fuit, florere civitates, si aut Philosophi imperarent, aut Imperatores philosopharentur alibi: apud multas (provincias) philosophiæ vestigia reliquit. Apud Ægyptios civem se egit, & philosophum in omnibus studiis, templis, locis, illam sententiam: omnia fui, nihil expedit, quam Severus protulit inservit libris de vita sua, in qua etiam ait se à Sexto philosopho didicisse disciplinas propter se ipsas discendas.* Libro autem IV. refellit eos, qui negarent claritatem nominis, quæ contingit post mortem, bonum esse. Lib. V. laudat orationem ad Deos simplicem, & liberalem, quæ opponitur emaci, sic enim vocatur apud Persium. Quid vero præclarius his fieri potest lib. III. *Assuefacere te debes ea solum cogitare, de quibus si quis te repente interrogat, quid nunc cogitas? libere possis atque statim respondere, hoc & illud: ut ex iis continuo fiat manifestum, omnia in te simplicia esse & mitia, & animanti ad communionem nato convenientia: qui omnia spernat ad voluptatem spectantia.* Quæ autem didicit & scripsit probitate expressit, quod testatur Herodianus lib. I. *solus Imperatorum sapientiæ studium, non verbis, aut decretorum scientia, sed gravitate morum, vitæque continentia usurpavit.* Nec propterea sprevit labores bellicos, quin sibi ipsi vim fecit, nec passus est

se

se abripi à voluptate, quam in philosophando experiebatur ad negligenda Reipublicæ commoda. Julius Capitolinus satis superque testatur, quantus fuerit in bello, quamque assiduus in militaribus expeditionibus. *Gentes omnes ab Illyrici limite usque Galliam conspiraverant. Magno igitur labore etiam suo, gentes asperrimas vicit; accepitque in deditionem Marcomannos. Amici frequenter suaserunt, ut à bellis discederet, Romam veniret, sed ille contempsit, ac perstitit: nec prius recessit, quam omnia bella finiret.* Pervicax nequaquam evasit, & suæ sententiæ non multum tribuit, quin lubenter in omnibus consilio amicorum acquievit. Quod mirum videri debet. Nam scientia superbi multi imo plerique evadunt. Ipse autem planè robusta succinctus philosophia summam moderationem animi, & modestiam est adeptus. Eant nunc contemptores philosophiæ, Proceres ignari, qui putant se tunc conspicuos esse nobilitate, si literarum omniumque artium expertes sint. Sileant etiam illi, qui clamant cognitione disciplinarum homines evadere ad negotia, adque rempublicam ineptos. Quid namque in Antonino, tanto philosopho desiderari potest? summa certe cum laude gessit bella, hostes profligavit, Rempublicam beavit, nihilque in se passus est desiderari, quod ad imperium è dignitate Majestatis Romanæ gerendum faceret. Hinc mihi rursus lubet sic Marcum extollere :

*Induperatorum illustrem superare nitorem
Virtutis radiis, gloria Marce tua est.*

Gloria

*Gloria Marce tua est, contingere Palladis arces,
Inque apice excelsam constituisse domum.
Gloria Marce tua est, perfundere nectare mentem,
Inque Jovis mensa pascier Ambrosia.
Marce tuum est, Verum dictis augere sophorum,
Stoicidisque novas concedere divitias.
Gloria Marce tua est, Germanis dicere leges,
Et constrictum Istri perdomuisse gelu.
Parthorumque dolos generosis frangere turmis,
Ne deinceps repleant Itala castrametum.
Ergo quam volupe est te, te memorare canendo,
Qui ceu sol dulci lumine cuncta beas.*

CAP. CXXXII.

*Valde multos sub Antonino assumpsisse formam
philosophorum, ut ditescerent.*

QUandoquidem tantopere philosophari amabat Antoninus, multi viri sapientes ea floruerunt tempestate, sic enim Herodianus: *Quo factum est, ut magnum sapientum virorum proventum atas illa tulerit. Solent enim plerumque homines vitam principis emulari.* Non pauci etiam ut ei placerent, philosophi speciem assumpserant, ut sua commoda promoverent: Hinc scripsit Julius Capitolinus: *Fama fuit sane, quod sub philosophorum specie quidam Rempublicam vexarent, & privatos, quod tamen ipse emendare non distulit.* Quamvis verba prolata possint intelligi non de præfectis, præsidibusque sub forma philosophica latentibus, & in regimine populum onerantibus, sed de iis, qui pravis religioni-

gionibus vulgi animos inficiunt, ut sæpe ad rerum novarum molitionem impellant. De hoc genere hominum editam fuisse constitutionem à Marco testis est Modestinus lib. I. de pœnis: *si quis aliquid fecerit, ait, quo leves hominum animi superstitione numinis terrerentur, D. Marcus hujusmodi homines in insulam relegari rescripsit.* Ulpianus lib. VII. de officio proconsulis: *Divus Marcus eum, qui de motu Casiano vaticinatus erat, & multa quasi instinctu Deorum dixerat in insulam Scyrum relegavit.* Possit quis etiã accipere verba Julii de iis, quos multos numero valde ditavit Marcus, teste Dione, quibusque tanquam philosophis largitus est immunitates, cum onere aliorum. Certe peccat Princeps, quando ingentem numerum hominum imo partem non exiguam in civitate donat immunitate, fit enim ut reliqui intolerabilem in modum onerentur, quod hodie evenire passim omnes viri boni, & prudentes deplorant sed frustra. Videndus autem est Lucianus, qui in Pseudo-philosophorum greges invehitur aculeatis dictis.

CAP. CXXXIII.

Nonnulla ex libris Marci Imperatoris de vita sua depromuntur & explicantur.

AD alios philosophiæ vel fautores, vel mystas transirem; nisi me detinerent libri, quos Marcus de sua exaravit vita. Etsi namque tres aut quatuor sententiæ ex ipsa depromptæ fuerint in præcedentibus, cum tamen liber ille non ita vulgo

vulgo proster in bibliothecis, præsertim Italicis, non carebit forte commendatione labor, qui ex ipso aliqua dicta depromet, eisque aliquid imponet lucis.

Libro primo plurima bona accepta fert Numini, inter quæ illud recenset, quod magnos in Rhetorica, Poëtica, reliquisque studiis progressus non feci; *quæ me fortasse detinuissem, si me feliciter proficere sensissem.* Quod de poësi id proferat mirum non est, cum jam superius dixisset, se à Rustico præceptore didicisse, poësi esse abstinendum. Cur ita? an non aliquot egregii imperatores poëticam attigerunt? quia sciebat Rusticus apud Poëtas multa legi, quibus mores boni possunt corrumpi, præsertim si legantur ab adolescentulis. Apparet autem non abstinuisse prorsus à poësi Marcum, quia ait se non fecisse magnos progressus in poëtica. Nam de Rhetorica quoque dixerat Rusticus, quod ipsa sit abstinendum. Et tamen in ejusmodi studio fatetur se aliquatenus profecisse. Quod videtur ad Astrologiam quoque transferendum, à qua tamen narrat itidem se avocatum Marcus opera Rustici. Cur vero gaudet, quod non adeo magnos fecerit progressus Marcus? Nempe quia ad hujusmodi studia tanquam ad sirenios scopulos hæsisset. Videnda quæ in hoc ipso libro tradidimus superius, cum de Julio Agricola, & Helvidio ageremus ex Tacito. Quo referendum illud apud Persium:

Non ego curo

Esse quod Arcefilas.

Id est nolo multis philosophari, sed paucis, ne ad vitam civilem evadam ineptus.

(3)

H

Quam

Quam verò minimè suspiciosus fuerit Marcus ex eo satis superque discere est, quia acceptum Numini fert, quod *Uxorem ita obsequentem, mei amantem, ac simplicem habui.* Fuit quidem generosa foemina Faustina, at impudicam fuisse, libidinique magna indulgisse libertate non sinunt nos ambigere annales. An igitur, inquires, suspicionibus debent indulgere mariti? Respondere est, nec oportere esse suspicaces maritos, nec prorsus negligentes in notandis iis, quæ geruntur ab uxoribus. Fallax enim est & subdolum foemineum genus, ac præsertim in libidinem pronum.

Quid vero recitat de somnis Marcus? ait enim sibi data in somnis remedia *contra sanguinis exscreationem, ac contra vertiginem.* Ignorandum non est illa tempestate apud Gentiles cognitione veri Dei destitutos viguisse opinionem, qua putabant in somno immitti somnia, quibus indicarentur remedia contra morbos. Hinc scribit lib. V. *Dicimus Aesculapium huic equitationem, illi lotionem in frigida, alteri ut nudis pedibus ambulet injunxisse, hoc est ordinasse,* ob respectum ad sanitatem. Tali superstitioni mirum non est, si indulsit Marcus. At, inquires, præsto erant Medici. Dixissent ipsi, frequenter decipi Medicos, quod maxima sit corporum varietas prorsus singularis, aded ut quæ profunt uni, alteri potius obsint, vixque humanum ingenium idoneum esse ad explorandam conditionem singularem cujusque corporis. Ergo Gentiles in templis captabant somnia, ut à Diis discerent remedia morbi, qua de re
dili-

diligenter egi in meo libro de somniis, quem Deo dante aliquando publicæ committam luci.

Numini quoque acceptum fert, quod cum animum ad philosophiam adjunxisset, non inciderit in Sophistam, nec in scriptoribus defecerit, vel in syllogismis dissolvendis doceretur, aut in meteoris tractandis.

An non consilii nostri est præceptorem eligere? imo opus est felicitate, ut invenias præceptorem vere sapientem. Quam multi enim evasisent doctissimi, si habuissent egregios doctores. Sæpe enim fit, ut adolescentes iis maxime fidem habeamus quibus minimè oportet. Ego autem Deo quoque gratias ago, quod mihi puero voluerit dare præceptorem per eruditum Petrum Menghinum, & in Germania cum ulterior cultus ingenii esset capeffendus habuerim magistros Othonem Gryphium, Paulum Bombergerum, & Christophorum Vilcoverum. Recensenda quoque felicitas est, quia Romæ incidi in eruditissimum hominem Antonium Quærengum, quem quotidiano comitatu sectatus sum quinquennii integri spatio.

Sed quid de meteoris dicit Marcus? an non fas est de Meteoris agere? forte gaudet, quod non magnam temporis partem tribuerit Meteoris cognoscendis, sed potius appulerit animum ad philosophiam moralem, quæ bonos efficit viros, qua in re imitatus est Socratem, qui apud Ciceronem dicitur philosophiam è cælo devocasse. Seneca porro videtur contemnere philosophiam naturalem, cum parum aut nihil ad nos faciat scire, cur fluat, refluxuatque mare. Ipse vero quasi sui oblitus composuit

libros Quæstionum naturalium, quarum tamen lectio non solvit omnes nodos, quibus Metera involvuntur. Aristotelei etiam multa promunt tanquam vera, quæ nescio an solido nitantur fundamento. Ipsi scilicet sciunt, quomodo fulmen generetur. De Cometis habent omnia explorata, quos non dubitant omnes gigni infra lunam, quamvis sit inter ipsos aliquis ex recentioribus, qui putat esse quosdam cometas supra lunam. Quod si cometae gignuntur in ætherea regione, quid fiet de Aristotelis doctrina, quæ non patitur ullam fieri in cœlo generationem, aut corruptionem?

In V. libro hæc leguntur verba: *Mens quæ mundum gubernat, societatis rationem habuit: itaque & inferiora præstantiorum causa effecit.* Præclara sane verba. Nam Stoici docebant cum Platone effecisse mundum, nec assentiebantur Aristoteli, qui negat à Deo manasse mundum, sed ipsi Stoici commiscebant cum mundo Deum, ac si ejus forma foret, & agebant Deum esse corpus, & ex materia rudi, quæ creata non foret, condidisse hanc machinam, Nos ex nihilo dicimus conditum mundum, & Deum intimè sua substantia adesse rebus creatis, ita tamen ut non commisceatur, nec sit pars, nec confletur. Interim verba à Marco prolata, si nihil ex nugis Stoicorum assuatur, optima sunt & veritati prorsus consentaneæ.

Genium si quis cupiat sibi enarrari à Marco, dicet lib. V. datum à Jove suæ quandam particulam naturæ unicuique præsidem ducemque nimirum mentem atque rationem. Quæ partim Stoica, partim Plato-

Platonica sunt. Stoicum est, quod δαίμων Genius sit ἀπόσπασμα Jovis, aliquid quasi decerptum à Jove. Horatius mentem appellavit divinæ auri particulam. Platonici genius est præstantissima pars animæ, quod tradit quoque Imperator. Probabilius tamen est secundum eosdem Platonicos Genium non esse partem animæ, sed ei assistere, & esse aliquid distinctum ab anima, imo & à mente. Christiana sane religio Angelum Custodem non confundit cum anima. Sed juvat de Genio audire alibi loquentem Marcum libro nempe secundo: *philosophia in hoc consistit, ut genium, qui in te incontaminatum conserves, atque illæsum voluptatibusque & doloribus superiorem.* Appellat græcè ἐνδον δαίμονα. Quæ ostendunt putasse Marcum esse Genium nihil aliud, quam mentem animæ, & rationem, cæteroqui cur juberet nos eum conservare illæsum, & incontaminatum?

Multa de fato profert Marcus, quæ quis putet etiam ad Aristotelicam, sive, ut melius dicam, Alexandream accedere sententiam, nihilque aliud esse, quam nexum causarum naturalium. In quo nexu homini, cum ratione utatur, relicta est potestas abstinendi ab iis, quæ verè mala sunt, hoc est à vitiis, atque adeo virtuti operam dare. *Sunt Dii, inquit, & rerum humanarum curam gerunt, & ut ne homo in ea, quæ revera mala sunt, incideret, id quidem in ejus potestate posuerunt: in reliquis rebus, si quid mali inesset utique & hinc ei prospexissent, ne omnino in malum incideret.* Sicut tueretur Stoicum decretum, quod sola virtus bona sit, vitium malum, reliqua nec bona, nec

mala. Cur ita? quia non est positum in nostra potestate vitare paupertatem, morbum, & talia. Ergo mala non sunt. Nam si mala forent, dii dedissent homini ea vitare.

Quod autem dii sint, & quod curent res humanas probat, quia cæteroqui quid attineret vivere in mundo, Deum ac providentiæ vacuo? absurdum scilicet est dicere nos frustra hic esse, & nullius finis causa. Valeant ergo Athei, abeant in malam maximam crucem Epicuri de grege porci.

Sed si perfusum est Marco Deum esse, & humana curare, cur ait *universa sita esse in opinione*, quod ait patere ex iis, quæ Monimo Cynico disputata sunt? alibi ait, neminem esse certum se quando assensum præbet non errare. Sed ejusmodi effatum cum grano salis est accipiendum, ne evertat, quod alibi tanta cum contentione adstruit. Stoici profecto nequaquam Pyrrhonii & Arciselaï. Ergo de sententia, quod omnia sita sint nuda in opinione sic inquit: *perspicua est ejus, quod dictum est utilitas, si quis eatenus ejus suavitatem admittat, quatenus veritati congruit.* Non absolute igitur accipiendum est ejusmodi axioma.

Quærit lib. XII. cur dii nonnullos homines apprimè bonos semel fato functos non reducunt? respondet Deum aliter instituturum fuisse, si aliter fieri expedivisset. Dolendum est Marco gentili ignotum fuisse de resurrectione dogma, quod tamen apud Judæos Sadducæi rejiciebant. At Phariseorum sententiam asserunt S. Litteræ, & ipse Servator ejusmodi arcanum revelavit.

Plura

Plura recensere supersedeo, ne institutum deferere dicamur.

CAP. CXXXIV.

*De Arriano, qui composuit Enchiridium
Epiſteti.*

GLoriare Nicomedia clarissimo cive Arriano, cujus laudes quis queat digna complecti oratione? An memorem ipsum ob facundiam, & elegantiam sermonis meruisse dici novum Xenophontem? magne sane gloria exæquari Socratico discipulo, quem aliqui putant ne ipsi quidem concedere Platoni. At Arrianus cum eloquentia conjunxit severitatem philosophicam, & probitatem morum excelsam, cum diligenter adhæserit decantatissimo Epiſteto, cujus aurea dicta non est passus interire, sed conflata in exiguum librum vocataque Enchiridium commisit publicæ luci. Cum autem videret ambabus manibus ab omnibus exceptum aureolum libellum, illum ipsum putavit uberiori expositione illustrandum, ne brevitatis cuiquam officeret cupienti pertingere adverticem Stoicæ sapientiæ. Accedit, quod Simplicius, qui diu post Arrianum vixit, explanandum idem opusculum suscepit, ut magis ac magis, intelligamus quanti sit faciendus Arriani labor. Sanctus profecto Carolus Borromæus, cujus Sanctitas universum Christianum orbem superioribus annis traxit, sui profectus non ultimam causam fatebatur fuisse assiduam Enchiridii Epiſteti lectionem. O igitur memorabilem operam Arriani,

qui moribus hominum corrigendis, imo perficiendis, tam feliciter velificatus.

Multa alia monumentis litterarum mandavit ad res gestas, & Geographiam facientia quæ licet non sint Stoica, à Philosophiâ tamen non abhorrent, cum historia & descriptio orbis terrarum videatur esse philosophiæ, quæ de moribus agit, appendix.

Gratulandum porro est Arriano, qui incidit in tempora sanè faventia philosophicæ sapientiæ; claudit namque sub Adriano, Antonino, & Marco laudatissimis, & sapientissimis Imperatoribus, à quibus tanti constat factum Arrianum, ut ad fasces evectus fuerit consulares. Quæ porro pluribus verbis de Arriano dixi, ea Epigrammati includere sum conatus.

*Aurea cum veteris describam tempora Romæ,
Et memorem fastos dia Minerva tuos,
Haud fas est ingens Arri transmittere nomen,
Aut tanti Sophien transfiliisse viri.
Pellei Juvenis narravit gesta secundo
Mercurio, terras dixit & Oceanum.
Gnavus Epicteti libavit candida dicta,
Sedula apis flores carpit ut Hybla tuos.
Hinc adeo felix immensa in luce Quiritum
Floruit, & Consul fascibus emicuit.
I nunc insipidum vulgus, calcaque Lycæa,
Si Sophus æterna Consul in urbe fuit.*

CAP. CXXXV.

De Arnuphi philosopho, vel Mago rejicitur quædam narratio, quæ reperitur apud Suidam.

ARnuphis Ægyptius philosophus apud Suidam dicitur sub Marco Imperatore philosopho floruisse, qui Suidas hæc quoque addit: *Cum aliquando, Romani siti laborarent, effecit, ut subito nubes obscura existerent, & ingentem pluviam effunderent, cum tonitruis & fulguribus crebris alii dicunt, Julianum Chaldaum hoc miraculum edidisse.* Vides qualia sæpe sint Suidæ collectanea, debuisset enim subjungere, quid Christiani scriptores ea de re tradidissent, ut mendacium de Arnuphi confutarent. Dio sanè Cassius, ut refert Xiphilinus, scripsit famam fuisse Arnuphin Magum (forte apud Dionem legebatur philosophum) Ægyptium, qui cum Marco erat, Mercurium præsertim illum, qui est in aëre, aliosque dæmones quibusdam artibus Magicis invocasse, ac per eos pluviam elicuisse. Quem mentiri mox tradit Xiphilinus, quum non posset ignorare, legionem militum, quæ fulminatrix appellatur proprio nomine ex nulla alia causa, quam ex eo, quod in bello contra Quados accidisset. Quæ causa tunc etiam Barbaris exitii, Romanis salutis fuit, non Arnuphis ille Magus, quum nusquam memoriæ proditum sit Marcum magorum societate, aut præstigiis delectatum fuisse. In sua vita certe quæ scribit satis ostendunt se impostorum, & præstigiatorum artibus ne quaquam addictum fuisse.

Xiphilinus porro rem totam deinceps narrat, quæ petita est tum ex Justino, tum ex Eusebio, quæ cum notissima sit, & passim apud omnes eos, qui de veteribus Christianis agunt proftet tali repetitione abstinere. Ejus interim volui meminisse, ne cuiquam narratio inserta collectaneis Suidæ negotium facessat, molestiamque creet.

CAP. CXXXVI.

Non parum Romæ auctam philosophiam opera Galeni. Quando hic floruerit?

ET si Galenus medicus fuerit, & de medicina plurima scripserit in patriam postquam rediit, (Pergamenus namque fuit) tamen quia etiam philosophia excelluit, multa philosophica suis operibus inservit, & aliquamdiu floruit Romæ non semel ad urbem accedens, quandoque etiam illuc vocatus ab Imperatoribus, non est præter rem, si referatur ad dissertationem de statu philosophiæ apud Romanos. Vixit autem narrante Suida sub Marco, Commodò & Pertinace. Ipse profecto in libro de propriis libris ait se cum secundo Romam venisset, recuperasse nonnulla ex suis opusculis. Testatur ibidem se amico cuidam Platonico dedisse libros, & dedicasse opus de voce viro consulari Aristotelicam philosophiam sectanti. Peroravit in urbe publicè contra Martialem, cumque tribus præterea annis Romæ fuisset versatus, docendo publicè, & monstrando, ingruente magna peste, confestim urbe excedens

dens in patriam properavit; agebat tunc septimum, & tricesimum ætatis annum.

Narrat porro ejusdem libri de propriis libris cap. II. literas sibi redditas, quibus evocabatur ab Imperatoribus, & non pauca profert de Vero, de Antonino, & de ejusdem Antonini professione, relicto Commodo, adversus Germanos, cui expeditioni cum diutius immoraretur ipse scripsit libros de Hippocratis, & Platonis dogmatibus. Ne vero diutius Galenicæ vitæ incumbam sufficit dicere non parum accessisse Romæ ornamenti, & incrementi philosophiæ, cum Galenus suam omnibus probaret diligentiam.

Nunc fert animus versiculis eximium virum prosequi. Ipsi ita habent:

Applaudit Galene tibi, quicumque vetustam

Amplexus sophien aurea dicta legit.

Nam Capitolinam bis terve profectus ad urbem

E latebris verum visus es eruere,

Adversusque vafros bellum gessisse sophistas,

Dardaniæ leto Palladis auspicio.

Hinc etiam liber hic merita te laude recenset,

Dum Latia memorat fulcra verenda domus.

Merita Galeni magis hodie agnoscerentur in philosophiam, si extarent omnia, quæ exaravit monumenta. At perierunt pleraque philosophica, perduraruntque libri ad facultatem Medicam facientes.

Inprimis multa ad demonstrationem spectantia composuerat, universamque logicam illustrantia, quorum quædam perierunt, quando templum Pacis conflagravit, ut ipse narrat in libro de propriis libris, ubi

ubi non pauca leges, ex quibus cognoscas, quantus fuerit in Dialecticis, quamque gnaviter Methodum in illustri luce collocare fategerit.

Ex quibus etiam intelliges, non putasse Galenum à solo Aristotele petendam Logicam, ipsumque unum esse Logicæ parentem, cum Galenus in alios quoque scriptores Logicæ suam exercuerit diligentiam. At hodie vulgares homines putant soli Aristoteli tribuendam laudem, quando de Dialecticis instituitur sermo.

Nonne enim diserte fatetur se conscripsisse Commentarios in libros syllogisticos Chrysippi, & aliorum Stoicorum?

Enumerat ibidem opera, quæ composuit spectantia ad moralem philosophiam, quorum pleraque interciderunt.

Nec silet velificantia Platonicæ Philosophiæ & Aristotelicæ, imo Stoicæ. Quid quod ait se evulgasse duos libros de felici, & beata vita secundum Epicurum, & alia itidem conscripta secundum Epicuream sectam.

At, quæret aliquis, qui hæc audit: Cujus sectæ in philosophia fuerit? alicujus ne aut nullius? quod omnium sectarum voluerit cognoscere dogmata, & fundamenta quæ jamjam protulimus ostendunt, ostendunt etiam opera, quæ adhuc hodie in manibus nostris versantur. Nescio enim, an ullus mortalium extiterit avidior Galeno, adeo gnaviter incubuit iis omnibus, quæ quomodocunque possunt hominem erudire, & doctiorem facere. Existimavit profecto debere eum, qui velit esse optimus Medicus, esse philo-
loso-

lofophum, & pecuniam contemnere, ut tradit in libello : Si quis optimus Medicus est, eundem esse philosophum. Philosophiam autem tribuit Medico tergeminam Logicam scilicet, physicam Ethicam. Apparet etiam eum non compellere intra angustias philosophiam, aut uni Aristoteli addicere, sed latissimè velle patere, ut complectatur vastam rerum divinarum humanarumque cognitionem, qualis quidem in ipso emicuit.

Hinc colligimus eos, qui Medicinam faciunt ea præcipuè de causa ut ditescant; & ut ipsorum phrasi utar, ex stercore ægrotorum aurum parent, non posse esse optimos Medicos. Cur ita? quia pecuniæ inhiant, & philosophi non sunt. Mirum autem non est, si nonnulli ex ipsis non Medici sint sed venefici. Verba Galeni disertum sunt: *Si quis arte Medica usus sit, ei philosophia opus est, cum non desint, quos tam pecuniarum cupidos sæpe videamus, ut venefici, non Medici sint.*

Quam multos vero ignari, & avari homines interficiunt. Statim enim profiliunt ad præbenda pharmaca, statim arrepto calamo, ægroto vix viso, in chartula scribunt, quæ petenda sint à seplasiario, & non sine risu, & gesticulatione sanitatem, vires decumbenti spondent perinde ac si sanitas amissa, vix ullo negotio ad pristinum statum revocari posset.

Quæ dum proferuntur non interim culpatur Medicina, nec docti probique Medici reprehenduntur. Tantum monemur ne temerè nostram valetudinem committamus ignaris quibusdam barbaris, garrulisque Medicis, non Medicis, quos videas per urbem
non

non incedere, sed curſitare, ut eadem die plures ægrotos inviſendo maſſupium onuſtum domum referant; cum non ſint ſolliciti de ſalute aliena, ſed de proprio emolumento.

Culpandi vero etiam ſunt, qui tales Medicos conſulunt, nam multi ſuam vitam decurtant, dum eam prorogare absque modo cupiunt; qui enim ob ætatem, ob labores exantlatos in aliquem ſtatum incidit, qui non prorsus reſpondet animo ſuo, & illi ſtatui, quem juvenus & virilis ætas præbebat advocat Medicum, creditque ſe exhaustis pharmacis ad athleticum rediturum robur, ut poſſit præ lubitu cibo, potui, Veneri aliisque indulgere. Atqui debebat noſe mortales nos eſſe, & quotidie noſtris viribus aliquid detrahi. Ergo ſatius eſt qualiquali potius uti valetudine, quam affectando, quæ haberi nequeunt, omnia in corpore noſtro conturbare, & ſe tandem perdere.

Gulæ, & Veneri imperandum, ſi quis nolit immatura morte abripi. Labores ne nimii ſint. Ex uſu diuturno memoria repetendum quid tibi proficiat, quid cuique incommodet eſt enim cujuſque corporis ſingularis conditio, quæ non eſt explorata penitus niſi tibi ipſi. Nam non poteſt Medicus exactè, & ſingillatim noſſe ex una atque altera interrogatione qualis ſit corporis tui conſtitutio. Hinc contingit etiam egregios cæteroqui Medicos decipi, quia quædam ipſis latent, quæ tamen ægroto cognitiffima ſunt. Quibus obſervatis ſæpe tu ipſe absque Medico facili negotio occurrere poteſ morbo imminenti longè melius, quam ſi à nutu penderes Machaonio, quod
ego

ego sæpe ac sapius sum expertus: cum naturæ ipsæ sint morborum medicatrices, exvulgari sententia Hippocratis. Quam quidem naturam si juves detrahendo, aut addendo, ut tibi videtur postulare status corporis tui, in portu collocatum te videbis, & lætaberis. Hinc Tiberius, ut est apud Tacitum. *Ludebat Medicorum artes, eosque irridebat, qui post tricesimum ætatis annum ad internoscenda corpori suo utilia vel noxia, alieni consilii indigerent.* Quæ verba cum publice aliquot abhinc annis interpretarer, non pauca protuli forte profutura, si cum aliis meis recitationibus in eundem Tacitum aliquando in publicam prodeant lucem.

Ad latitudinem autem philosophicam Galeni, ut revertar quæro ex nostratibus Medicis, cur Galeni quem admirantur exemplum non sequantur, cognoscantque omnium sectarum philosophicarum hypotheses, & argumentationes? Cur in philosophia nihil nosse velint, nisi quod adulescentuli audiverunt ab iis, qui Logicam & Physicam Aristotelis exponunt? Ergo Galenum quidem vocetenus extollunt, re ipsa autem deferunt, atque contemnunt. Nam ipse ex omnibus sectis sumpsit, quod videbatur probabilius, & suo Marte multa excogitavit, & defendis parum sollicitus de Peripateticorum decretis; nec ullius scholæ voluit esse discipulus, jam vir factus, nullamque sectam prorsus sibi placere palam ostendit.

CAP. CXXXVII.

Refertur, & aliquatenus rejicitur sententia Galeni de pulchritudine.

IGnoscat lector, si ad ea, quæ superius protuli de Galeno, addam aliquid, quod ut facerem effecit sermo, habitus nuper cum deambularem us ad Arnum aliquot ex numero professorum, verba namque commutata sunt de pulchritudine, quam dicebamus in viro esse dignitatem formæ, & in genere esse proportionem partium cum venustate coloris. Subjunxi ego, non videri Galenum rectè metitum pulchritudinem operatione. Sic enim scribit lib. I. cap. IX. de Usu partium: *Verè pulchritudo nihil aliud est, quam constitutio optima, quam actionibus judicabis, Hippocrati credens, non albedine, non mollitie, vel id genus aliis per quæ non nativa, non vera, sed fucata, & adulterina pulchritudo ostentatur, quo fit, ut alia quidem corpora mango, alia Hippocrates laudaturus sit.* Paulo post pulchritudinem rursus ad actionis bonitatem, & virtutem existimat referendam. Communis autem hominum sententia, & opinio de pulchritudine videtur repugnare Galenicis verbis. Nam corpus quadratum, valde masculum, mediocris staturæ, non procerum, potius infra quam supra mediocritatem constitutum, aptius est in viro ad obeundos labores, præsertim militares, taliaque fere erant corpora veterum Romanorum, qui corpora admodum procera & excelsa Germanorum facile contemnebant, imo superabant. Nemo certe negabit magis sana

sana esse corpora virorum mediocria, quam quæ valde oblonga, & excelsa sunt, scriptores tamen consentiunt ad formæ virilis dignitatem, atque adeo pulchritudinem valde facere proceritatem. Hinc ille de Turno:

Et toto vertice supra est.

Et nota sunt, quæ de Xerxis pulchritudine referuntur, nec nos latent verba Plinii in Panegyri. quibus ait humerorum proceritate suspiciendum fuisse Trajanum.

Candorem genarum ad pulchritudinem facere nemo sanæ mentis negaverit, præsertim in scæminis, robustiores tamen censendæ sunt illæ, quarum cutis non ita candida est, quam Itali appellant aut olivæstræ, aut bronzina.

Cutis mollis itidem sub pulchritudine continetur. Fatetur autem Galenus mollitiem non conducere ad robur, ad virtutem & actionis bonitatem. Ubi dissimulare non possum novæ difficultati involvi Galenum. Nam qui cute subtiles & molles sunt, ingeniosi sunt, atque adeo ingeniosæ bonitatis habent operationem. Iidem tamen imbecilliores sunt, & non ita apti ad obeundas operationes corporis. Ergo Galenus videtur tantum habuisse rationem operationis corporeæ, non ingeniosæ. Quod tamen sit obiter dictum.

Repugnat Galenus Homero, qui quendam ex iis qui proficiscebantur in bellum Trojanum dixit fuisse omnium pulcherrimum, eundem tamen minus aptum ad obeundos labores militares, & pugnandum.

dum. Quod etiam videtur pronuntiandum de Paride.

Supercilia, ut ornent oculos non oportet esse densa, cum densitas illa torvum faciant hominem, sed debent esse rariora, & pilis valde tenuibus. Quod si quis habeat densa supercilia, & quidem constantia pilis crassioribus robustior apud omnes censebitur esse, non item pulcher.

Ad pulchritudinem fœminei corporis facit, si habeat corpus gracile, procerum, rectum, junceumque, qua de re nullus superest ambigendi locus. Sed longe robustior erit, & aptior ad operandum si brevior sit, si musculosa, multaque carne prædita, si ossa non ita subtilia. Nam partes solidæ, & præsertim ossa in corpore humano, quo majora sunt; magis resistunt ingruentibus malis, & morbis. Da mihi corpus molle, tenerum, gracile, quale est illud, quo pulchræ puellæ præditæ sunt, vel una periodo febrili valde concutiuntur & conteruntur. Quod de corporibus densis, crassis, solidis, firmisque dici non potest.

Subtiles, & oblongi digiti in manu puellari ad pulchritudinem manus conducunt, sed non conducunt ad robur firmamque apprehensionem. Quod si digiti non ita sint longi, sed magis ossei, & latiores, sive crassiores longe melius apprehendent, & apprehensa tenebunt.

Laudatur in puella brevis, & exiguus pes, ut dicatur pulcher. At si latior, oblongiorque sit magis conducet ad sustinendum corpus, & ad iter obcurdum. Singula non memoro, quæ ostendunt pulchritu-

chritudinem corporum. Hoc dico Medicorum non esse proprium munus de pulchritudine judicare, sed eorum qui amant, quique diu in observandis pulchris corporibus se exercuerunt.

Adde neminem negare optimos Milites peti ex agro. Cur ita? quia ipsorum corpora durata sunt laboribus, cum tulerint æstus, frigus. Hinc adeo fit, ut aptissima sint obeundis muneribus militaribus. Ipsa tamen rudia existunt, minimeque pulchra. At corpora civilium hominum, quique semper degunt in urbibus mollia sunt, si comparentur cum corporibus rusticorum. Eadem pulchra sunt, sed minus apta bello. Quæ magis ac magis confutant Galenicam de pulchritudine sententiam.

CAP. CXXXVIII.

An Medicina sit scientia, & quidem secundum Galenum?

DE Medicina definienda qui differunt aliqui putant etiam secundum Galenum eam esse scientiam proprie sic dictam. Contra quod effatum, cum nuper exortus esset ea de re sermo; has architectatus sum argumentationes absque multa mora, sed animi causa.

Omnes nationes semper habuerunt Medicinam, teste Plinio. Non tamen habuerunt scientiam, cum multi populi sint expertes scientiarum. Non ergo Medicina est appellanda scientia. Si dicas falsum esse viguisse apud omnes populos Medicinam, quan-

doquidem non omnes habuerunt Medicos. Certe antiqui Romani, & quidem etiam tempore Catonis Censorii caruerunt Medicis, qui valde serò admissi sunt in urbe.

Respondendum est, aliud est carere Medicina, aliud Medicis. Videtur enim posse esse Medicina absque Medicis. Medici namque proprie illi sunt, qui lucri causa inuisunt ægrotos, & præscribunt pharmaca. Plinius ergo putat viguisse Medicinam apud populos, etsi non essent Medici.

Servi & liberti apud Romanos exercebant Medicinam, & Medici erant. Carebant tamen scientia. Hinc consequitur Medicinam non esse scientiam.

Empiricorum secta in Medicina erat secta tolerabilis, ut testatur Galenus, & Empirici verè erant Medici, fatente Galeno, & tamen carebant scientia. Sic asseres non debere connecti scientiam cum Medicina. Dices, si Empirici erant Medici veri, cur eos Galenus passim oppugnat? dico, Galenum putasse sectam Rationalium esse optimam sectam, hoc est, præferendam alii cuivis sectæ in Medicina, non propterea negat Medicos alterius sectæ esse Medicos. Nonne valde vexat Erasistratæo, cum tamen Erasistratus, qui floruit paulo post tempora Alexandri tantam famam sit adeptus, ut Hippocratis gloriam serè funditus everterit, teste eodem Galeno, quamvis sat agente eodem Galeno non parum labefactata fuerit secta Erasistrati, & coeperit denuo majores fieri Hippocratica. Etenim testatur Plinius nullam disciplinam, tantæ varietati fuisse obnoxiam ut fuit Medicina ejus. Fecit igitur Medicinam Erasistratus, & habuit successionem non inter-

interruptam suorum sectatorum serie aliquot seculorum. Quis ergo neget Erasistratos fuisse Medicos, & quidem egregios, quibusque meliores vix censebantur esse tunc? quod protuli, ut ostenderem Empiricos fuisse Medicos etiam secundum sententiam Galeni; ipsi tamen carebant scientia. Quid deducis ex meis dictis? Meeicinam non esse scientiam.

Medicina est detractio & additio, ut fatentur omnes. Non ergo est scientia. Nec est, quod dicas, non sic definiiri Medicinam. Hoc est repugnare veteribus. Non enim definitiones censendæ sunt malæ, etsi forte non semper congruant cum Logica Aristotelis; certè Hippocrates multa definivit absque legibus Aristoteleis, cum ante ipsum vixerit. Ridiculum quis neget esse velle metiri dicta Hippocratica iis, quæ post ipsum excogitavit Aristoteles?

Hippocrates in libro de Natura humana ostendit vanam esse subtilitatem, quæ exercetur cum philosophis, quando de Medicina agitur. Sic videtur existimasse Medicinam non esse scientiam.

Antiquissima Medicina habebat rationem victus, & in morbis confugiebat ad frugalitatem, aut cæteroqui aliquid immutabat in cibo & potu. Hoc si verum est Medicina non est appellanda scientia.

Ipsa animalia habent Medicinam, ut videre est in canibus, felibus, cervis, hirundinibus aliisque felines, quando prodire non possunt, ut sumant herbam, quæ ciet vomitum, instar herbæ decerpunt virgarum extremas particulas, quibus irritatus ventriculus superfluum humorem protinus ejicit, & ita melius ha-

bet. Animalia carent scientia, non carent Medicina, Medicina igitur scientia non est.

Quæ omnia subjicio lubenter doctissimorum Medicorum, quales aliquot habet hoc Gymnasium censuræ, & judicio.

CAP. CXXXIX.

Denuo quedam de Galeni omnimoda cognitione depromuntur. Notantur aliqui Medici, qui Galenum jaçant. Agitur de cognitione linguae Græcæ, & aliarum linguarum.

Repetenda sunt adhuc quedam ex veteribus in laudem Galeni, ut inscitia Critices, philologiæ, historiæ, qua multi Medici laborant, qui tamen pleno ore se Galenicos profitentur, castigetur. Suidas sic: *Galenus celeberrimus Medicus Pergamenus, qui sub Marco, Commodò, & Pertinace Imperatoribus Romæ fuit filius Niconis Geometræ & Architecti. Multa scripsit non tantum Medica & Philosophica, sed etiam Grammatica, & Oratoria. Si Galenus, ut evaderet perfectus Medicus, tantum profecit in philologia, & omnigena eruditione, cujus adminiculo quam multa exposuit in Hippocrate, & quandoque ut non Hippocratica rejecit, quod videre est in Commentario in Aphorismos ejusdem Hippocratis, nonne deploranda est eorum Medicorum conditio, qui Græcè ne quidem legere sciunt, & tamen Galenum putant se optimè interpretari? Quicquid*

quid ipsi arguentur, mutili sunt in Medicina, græcæ linguæ ignari. Certe doctissimi nostræ ætatis Medici eruditione conspicui fuerunt, & græcæ docti. Tales fuerunt Gorræus, Duretus, Rondeletius, Mercurialis, Guastavinus, Heurnius, Hofmannus, Septalius, atque alii.

Videamus jam quid præter Suidam aliquis alius antiquus prodiderit de multiplici rerum cognitione, qua præditus fuit Galenus. Athenæus, qui floruit sub Marco inter dipnosophistas recensuit Galenum. Omnes autem Convivæ, quos induxit, fuerunt variorum rerum peritissimi sive Juris-Consulti essent sive Medici. De Galeno sic epitomator: *Ex Medicis præsentibus fuerunt Galenus Pergamenus, qui tot editis voluminibus philosophiam Medicinamque locupletavit, ut superiores omnes à tergo reliquerit & καλὸς τὴν ἐγμνησίαν interpretationis claritate, & eloquentia nulli antiquorum postponendus.* Sed, inquires, cur non fit mentio scriptorum Galeni philologicorum, & tantum philosophicorum, & Medicorum fit mentio? Suspiceris cum eruditissimo Casaubono addendum *φιλολογικά*. Sed in epitome mirum non est omissum. Certum alioqui est philologica emanasse à Galeno. Tales libri erant de dictionibus Atticis libri XLVIII. Nominum *πολιτικῶν* politicorum, quæ apud Aristophanem libri V. eorum quæ apud Cratinum libri duo. De vocibus, quæ sunt Comicis propriæ liber singularis, & alia ejusdem generis.

Jam interpellat me aliquis non peritus linguæ Græcæ, & ait Galenum tantum Græcè fuisse doctum. Ergo sufficit, ut quis sit Medicus, si unius linguæ sit peritus.

Sed eodem modo argumentandi colligeres, Medicos non indigere cognitione linguæ latinæ, quia quilibet Medicus loquitur aut Italicè, aut Germanicè, aut secundum alium morem suæ patriæ.

Indiget lingua græca Medicus hodie, quia debet interpretari Hippocratem, & Galenum, aliosque omnes Græcos. Si Græci non fuerunt latine docti, potuerunt carere ejusmodi linguæ notitia, quia ipsi non indigebant lectione librorum latinorum, cum non foris quærere necesse haberent, quod domi habebant. Hinc factum ut Græci, qui Romæ floruerunt etiam postquam Latini præclaros libros ediderant, non sint dignati latinorum auctorum facere mentionem, quia latinos nequaquam putabant cum Græcis comparandos. Galenus nunquam meminit Plinii & aliorum. Strabo prorsus præterivit Catonem de Originibus, nec ex Virgilio quicquam inferre voluit. Athenæus ex innumeris prope scriptoribus multa adducit, Plautum tamen, Terentium, Virgilium, Plinium omittit, ignoratque puto etiam tales Græcos ne quidem voluisse loqui latinè, cum quamlibet linguam præ Græca contemnerent. Nec nunquam quicquam ex latino in Græcum vertere voluerunt. Quo magis mirandum jam Italos multa ex Gallico transferre in Italicum sermonem, quo modo agendi palmam in re litteraria videntur Transalpinis concedere. Verterent saltem bonos, & non ineptos scriptores, quos inter quis non explodat Petrum Matthæum indignum, qui inter Historicos recensetur? & tamen vulgus apud Italos non solum avide tales nugas exceperit, sed, & extiterunt non pauci ex
iis,

iis, qui literatī volunt dici, qui ineptas sententias, & intolerabile, cacoëthes imitati sunt, & longe lateque propagarunt magno cum damno veræ eloquentiæ.

Veteres igitur Græci spreverunt cognitionem multarum linguarum, quod suam græcam tantum mirarentur. Latini etiam hanc superbiam sibi sumperunt, ut Punicam, Ægyptiam, Syriacam, Hebraicam, aliasque insuper haberent. Hinc Galenus scripsit in secundo, de differentiis pulsuum: διγλωττός τις ἐλέγετο πάλα, καὶ θαῦμα τῶν ἡν. *Bilinguis olim quidam dicebatur: eratque res miraculo mortalibus, homo unus duas exactè tenens linguas.*

At nostri temporis homines forte plus æquo incubuerunt, & incumbunt linguarum cognitioni, sæpe rerum ipsarum cognitionem negligendo. Cum enim aliqui possent tempus impendere legendis Aristoteli, Platoni, Plotino, Theophrasto, Galeno, Hippocrati, Plinio, Straboni, aliisque. Qui pleno fonte robustam scientiam propinant, malunt ætatem impendere discendæ linguæ Gallicæ, Italicæ, Germanicæ, & similibus. Linguæ ipsæ, ut linguæ, te nihil ferè docent, nisi res conjungas.

Sunt etiam, qui putant se vertice cœlum tangere, quando Hebraica norunt, quæ non sperno, quæque & ipse in Germania adolescens didici, ob S. Litteras V. T. hebraicè scriptas. At nescio an operæ pretium sit tot insignes scriptores Græcos, atque Latinos missos facere, ut consenescas, dum rusparis inepta glossemata, ridiculas fabellas Rabbiorum, negligis interim Historiam Ecclesiasticam, S. Augustinum,

num, Tertullianum, Synesium, Origenem, & similes, à quibus posses doctissimus discedere. Hæc nempe opinio jam viget apud aliquas nationes Europæ, ut si quis aliquid ex Hebraicis, Syriacis, Chaldæis, & Arabicis suis libris inferat, ille videatur esse apex, & punctum omne ferre. Aliqui etiam valde & mire sibi placent, quando gemino sermone græco atque latino citant testimonia scriptorum. At veteres non ita se gerebant, qui tamen doctissimi erant, & disciplinarum præcipui Antistites, imo. Conditores.

CAP. CXL.

De Causa dierum Criticorum, quid protulerit Galenus? An Aristoteles videatur numeris tribuisse aliquam vim?

DE causa Criticorum dierum, & numeri, in quem ipsos incidere videmus, quando instituitur sermo, aliqui fatentur sibi ejusmodi causam prorsus latere. Quis enim dicat, cum potius dies quartus, quam quintus, aut septimus, quam octavus sit Criticus? Ita Aristoteles, ut aliqui referunt, desperavit se posse scire causam motus Euripi, qui quidem Euripus septies quotidie recipitur. Hinc philosophum se in eum conjecisse, his prolatis verbis: *quia ego non capio Euripum, Euripus capiat me*, ajunt.

Galenus ex eo colligit causam dierum Criticorum, quia Natura omnes suas actiones certo ordine instituit, quod videre est in generatione, in nativitate,

te, incrementoque hominis, ut reliqua omittam, quæ miro ordine peragi in universitate rerum res ipsa, & sensus clamat.

Sed hujusmodi responsio non satis esse videtur. Cur enim ordo potius incidit in quartum, septimum, undecimum diem, quam in quintum, octavum, duodecimum? hujus rei nullam causam incidat Galenus. Ergo non prorsus solvit difficultatis nodum.

Pythagoræi putarunt numeris inesse vim, eosque propterea valde commendârunt. Videtur enim Conditor rerum sic res instituisse, ut quando iteratio incidit in hoc potius quam illud momentum exerat suas vires. Aristoteles in primo de cœlo visus est commendare Pythagoræos commendantes ternarium numerum, ad quem ipse quoque confugit, ut sciret causam trium dimensionum, quæ constituunt corpus. Cur ergo alibi numeros Pythagoræorum irridet? profecto si numero, ut numerus est, nulla inest vis, ejus argumentatio pro tribus dimensionibus nulla est.

Dices, est saltem aliqua, probabilis scilicet. Respondeo: si tantum probabilis est, Aristotelem peccasse in suam methodum. Nam libri de Cœlo Acroamatici sunt. Ergo videntur excludere probabilia argumenta, quæ sunt dialectica & Rhetorica, & scientiam non pariunt. Sed libri Acroamatici scientifici sunt. Viderint Peripatetici.

CAP. CXLI.

An sit consentanea doctrina Galenica divisio Medicinæ in Theoricam & Practicam?

Ara-

A Rabes nonnulli Medicinam dividunt in Theoricam & Practicam, eamque divisionem non dubitant aliqui, Arabum hac in parte defensores, tribuere Galeno.

In contrariam partem sic ratiocinabar nuper cum Amico Medicinæ Professore. Non potest fieri, ut una eademque disciplina sit Theorica, & Practica. Nam Theorica est de objecto non operabili, non producibili. Practica est de objecto ab homine producibili. Sed objectum producibile, & non producibile, maxime differt, neque potest esse unum. Medicina autem una est. Unitas porro ejus debet peti ab unitate objecti.

Medicina sua natura refertur ad medendum, ad depellendos morbos, quique medicinæ dant operam, id faciunt, ut medeantur. Hinc Galenus, cum videret se contemni Romæ à nonnullis, quia tantum differebat, & domi docebat discipulos, non autem opere ipso ægris suppetias ferebat, contulit se mox ad faciendam medicinam, ut maledicis hominibus os occluderet. Ergo existimavit frustra tradi præcepta Medicinæ, nisi opere ipso exerceatur.

Dices, olim fuisse quosdam Medicos, qui etiam physici dicebantur, alios Clinicos, qui invisebant ægrotos. Primi illi non medebantur, ergo Theorici, Theoricæque professores Medicinæ. Talem fuisse aliqui dicunt Cornelium Celsum, qui tam doctè scripsit de Medicina, nec tamen exercuit Medicinam.

Respondendum est, Physicos apud Veteres nequaquam fuisse Medicos, etsi peritissimi essent rerum natu-

naturalium herbarum, partium corporis humani. Talis fuit Democritus, qui peritus quidem fuit Medicinæ, à nullo tamen Medicus est appellatus. Bre- viter dicam : Nego ullum fuisse dictum Medicum apud veteres, qui non mederetur.

Certè si Cornelius Celsus non fecit Medicinam, Medicus non fuit. Hinc Plinius eum non recenset inter Medicos, sed simpliciter inter auctores.

Quæ à me animi causa sunt prolata, non ut negoti- um facessam iis, qui contrarium sentiunt.

CAP. CXLII.

*De Laurentio imitante Luculleam magnificen-
tiam in excipiendis Viris doctis sub Marco
Imperatore.*

A pud Romanos cœnas philosophis instituisse primos scimus Lucullum, & Catonem Uti- censem, qua de re suo loco egimus. Ta- lem morem sub Marco Imperatore restituit, & per- quem magnifice est imitatus itidem Romæ Laurenti- us, quam valde laudat Athenæus juxta ea, quæ re- feruntur ab Eclogario. Honoris etenim gloriæque studio apparatu magnifico doctrina nobiles viros in ædes suas vocabat, quos non ferculis tantum, verum etiam colloquiis ac sermonibus reficiebat, adeo ut quæstionum subtilitatem, ac inventionem mirarentur omnes. Idem à Marco Imperatore præfectus est immolandis victimis. Fuit peritus morum non minus græcorum, quam patriorum. Gnarus lin- guæ græcæ atque latinæ. Calluit exactè leges Ro-
manas

manas perspectis antiquis Senatus - Consultis, edictis prætoriiis & plebiscitis. Quarum quidem legum collectionem confecit non eam, quæ confecta est à Triboniano jussu Justiniani, sed aliam, quæ tamen non videtur prodiisse in lucem ; Quandoquidem Tribonianus ex ea nihil transtulit, neque ejus mentionem fecit. Non absimilem Laurentio Romano novi ego Romæ Alexandrum Marchionem Pallavicinum, ejusque filium Sfortiam, qui itidem amabant viros profitentes doctrinas & litteras frequenter invitare ad ædes suas, & perquam hilariter cum ipsis colloqui de omnibus prope, quæ inter eruditos in sermonem venire queunt.

Habuit etiam Laurentius instructissimam Bibliothecam, ut ex illa pro re nata à Dipnosophistis possent Codices peti, qua in re dicitur superasse omnes, qui bibliothecas pararunt Polycratem Samium, Pisistratum Tyrannum Atheniensem, Nicocratem Cyprium, Pergami Reges, Euripidem Poëtam, Aristotelem Philosophum & Nileum.

Unde obiter collige, quam splendide mentiti sint nonnulli, qui dixerunt Aristotelem combussisse libros veterum Philosophorum. Nam si Bibliothecam instruxit, non tradidit Vulcano præclara monumenta.

CAP. CXLIII.

De Athenæo scriptore Dipnosophistarum. Enumerantur aliquot convivia. De iis, qui adstant Principibus cœnantibus.

Qui-

QUicunque multa rerum cognitione est instructus, eum honor collocat jure merito in cœtu Philosophorum. Dipnosophistæ, hoc est docti convivæ valde multa norant cum voluptate audienda in cœnis Procerum Philosophiæ faventium. Quandoquidem ergo suscepimus tractationem de progressu Philosophiæ apud urbem Romanam, postulatur hoc à nostra diligentia, ut Dipnosophistas Athenzi, qui convivia agitarunt Romæ, memoriæ nostrorum temporum reponamus. Præ omnibus dicendus est ipse Athenæus, ejus tamen jam mentionem fecimus, quando egimus de Augusto favente Philosophis. Naucratis dicitur fuisse vixisseque tempore Marci Imperatoris. Etsi autem Grammaticus fuisse dicatur apud Suidam, scripta tamen, quæ Timocrati inscripsit, ostendunt plusquam Grammaticum fuisse, si potuit sermones doctissimorum, & eruditione ingenti insignium Dipnosophistarum tam præclare referre, & recensere. Philosophi profeçd munus est Dipnosophisticas collationes reponere. Nonne Plato convivium, hoc est, Phædrum exhibuit, & Xenophon? ut sileam convivium Epicuri, nam de Macrobio inferius agam. Nostra tempestate homines perquam docti, & perquam eruditi materiam de conviviis expediverunt, Vilhelmus Stuchius Helvetius, I. Lipsius in Saturnalibus. Petrus Ciaconus de Triclinio. Aliqua etiam tradidit Mercurialis in sua Gymnastica, I. Cæsar Bulengerus decessor meus in Cathedra Pisana. Quid referam Johannem Uvoverium multa eruditè annotantem ad Petronii Satyricon?

Ambi-

Ambigendum autem non est, inter veteres aliquos convivia descripsisse licet, nonnulli prorsus ignorantur hodie, aliqui non ita sint noti. Nam qui splendida convivio agitando magnificentiam exercebant, sine dubio etiam cupiebant talia litterarum monumentis mandari. Ego aliquot hic perstringam ex Suida. Alexander Magnus navali proelio victis Lacedæmoniis, muro Piræum circumdedit, hecatombem immolavit, omnibus Atheniensibus epulum præbuit, Alcibiades cum Olympia vicisset, totum conventum convivio excepit. Idem & Leonphron fecit, Olympiæ victor. Et Empedocles Agrigentinus, qui cum Pythagoricus esset; & animalibus abstinere, bovem è thure, myrrha, & pretiosis aromatibus confectum, inter eos qui ad ludorum celebritatem convenerant, liberaliter distribuit. Et Jon Chius, cum Tragœdiam Athenis vicisset, unicuique Atheniensium dedit vasculum Chii vini. Tellias Agrigentinus homo hospitalis, cum aliquando Io. equites hyeme apud eum divertissent, unicuique dedit tunicam, & vas vini. Epicharmus Syracusius ad singula conviviorum fercula verficulos, & adagium adjecit. Id carmen Clearchus Solensis Dipnologiam, alii Opsologiam, Chrysippus Gastronomiam nominibus ab epulis, deliciis, & ventre factis, alii luxuriam vocant.

Cum Dipnosophistis affinitatem habere censendi sunt, qui litteris instructi adstant Principibus prandentibus, & cœnantibus, respondentque interrogati, & colloquuntur cum ipso Principe, & aliis itidem doctrinæ deditis adstantibus. Talis fuit Bryerinus apud

apud Franciscum Primum Maximum Galliarum Regem. Hinc egregium opus de Re Cibaria edidit. Nec silendus Joannes Bodinus apud Henricum Tertium Valesium. Margarita Valesia filia Francisci, Soror Henrici II. incomparabilis Heropina, dum cibum sumeret habebat suos philosophos adstantes, cum ipsa erudita admodum esset. Philippo II. potentissimo Hispaniarum Regi consuevit adstare doctissimus Franciscus Valesius. Cosmus II. Magnus Etruriæ Dux optimus & liberalissimus Princeps delectabatur I. Guastavino Genuensi, Boscalio Florentino, atque aliis.

Ego jam tot labentibus annis meam operam navo Ferdinando II. Cosmi Filio.

Memini autem cum Romæ essem ab Andrea Brugiotto quatuordecim Convivis paratum prandium, quorum nomina hæc sunt : Antonius Quærengus, Hier. Aleander, Abbas S. Amandi Gallus, Vilhelmus Suetonius Scotus, Michael Angelus Tontus Romanus, M. Antonius Capellus Estensis, Ferrantes Caroli Parmensis, Henricus Spondanus, & alii, quorum nomen jam non suppetit, quibus & ego adfui. Non veniente autem Spondano nostra minuta est hilaritas, quod ab omnibus probitatis & doctrinæ causa amaretur.

CAP. CXLIV.

De Ulpiano Tyrio Dipnosophista sub Marco. Deque aliis tribus Ulpianis.

PRæ reliquis inter Dipnosophistas apud Athenæum emicuit Ulpianus Tyrius, dignus profecto qui laudetur, quando de Philosophia apud Romanos agitur. Nam omnes vexabat assiduus quæstionibus, quas in viis, ambulationibus, balneis, librariorum tabernis proponebat, qui illustre nomen Citucitu est adeptus, quia nihil cibi in convivio gustare soleat, quin interrogaret, ubinam ejus cibi nomen extaret dicendo *ποῦ κέται*, vel *ὅπῃ κέται*.

Apparet ipsum maximum habuisse usum librorum, præsertim poëtarum, atque inprimis Comicorum, & philologia valde excelluisse, valuisseque inprimis memoria. Nostra ætate Demesianus Græcus inclaruit eo more in Italia. Vocatus enim ad convivium valde feliciter de iis, quæ apponerentur recitabat dicta ex Plinio, Athenæo, & similibus.

Audimus laudari Ulpianum ab Athenæo, quod quæstionibus amicos exercebat fallendi temporis gratia. Cur ergo vitio id mihi nonnulli homunciones verterunt, quod non patiar esse otiosos eos, quibus cum confabulor, quibuscum deambulo in Gymnasio, ad Arnum, aut quibuscum in Bibliopoliis sto aut sedeo? Nempe qui ignari sunt, ægre ferunt, quando vident in apertam lucem trahi suam in-scitiam.

Nec interrompo, quando in rheda sum Procerum, aliorum sermonem, tantum aliquando sermoni intercedo eorum, qui cum valde docti sibi esse videantur, subinde plebejas quasdam, & vulgares effundunt,

fundunt, & propagare satagunt cogitationes sæpe cum errore, & ignorantia conjunctas.

Quia Ulpianus fuit Tyrius, vixitque sub Marco suspicari licet ex ejus familia fuisse postea Domitium Ulpianum celeberrimum Juris-Consultum, qui fuit summa præditus auctoritate apud Alexandrum Severum Imperatorem, quem subinde nostrum Imperatorem vocat.

Fuerunt alii duo Ulpiani, unus, imo tres, præter duos recensitos. Ulpianus Emesenus Sophista scripsit de patria Emesa, de Heliopoli, de Bosphoritis, & aliis plurimis, Progymnasmata, artem Rhetoricam.

Alius Antiochenus itidem sophista. Alteruter horum duorum Demosthenem illustravit.

Alius Ulpianus fuit frater Isidori philosophi, ingenio promptissimo ad disciplinas Mathematicas. In reliqua philosophia nihil magnopere præstitit. Fuit modestus, & à gerenda republica prorsus abstinuit, qua in re reprehenditur apud Suidam. *Quæ enim in media Republica versatur virtus: civilibus muneribus, & sermonibus exercet animum ad fortitudinem: & confirmatur magis per experientiam: quod in ea sanum & integrum est: quicquid autem adulterinum & fucatum latitat in vita hominum: id omne coarguitur, & paratius efficitur ad emendationem. Jam quanta est utilitas, & beneficentia in gubernatione? fiducia, & constantia quanta? quapropter in angulo sedentes eruditi, & multa graviter admodum de Justitia, & modestia differentes, res aggredi coacti turpiter se dant. Nam omnis oratio, si res absue-*

rint, vanum quiddam videtur, & inane. Hæc ibi. Quæ redarguunt Peripateticos in contemplatione præcipue collocantes felicitatem, & adstruunt, quod Juris-Consultus Ulpianus dixit æquitatis Sacerdotes, *veram & non simulatam philosophiam affectare.*

CAP. CXLV.

De Masurio Juris-Consulto, qui floruit sub Marco, fuitque Dipnosophista.

INter Laurentianos Dipnosophistas fuit Masurius, legum Interpres, in omnibus disciplinis versatus diligenter. Quilibet videt hunc Masurium non esse confundendum cum Masurio Sabino, unde Sabiniani sunt dicti, cujusque mentionem facit Persius illis verbis: *Masuri rubrica.* Imo quem memorat Pomponius ff. de orig. Juris §. 47. dum inquit: *Atejo Capitone Masurius Sabinus successit & La-beoni Nerva adhuc eas dissensiones auxerunt. Mas-furius Sabinus in equestri ordine fuit, & publicè pri-mus scripsit.* Floruit sub Augusto, ut colligitur ex eodem Pomponio.

Cum autem Masurius alter, qui floruit sub Marco dicatur fuisse versatus in omnibus disciplinis, cum esset Juris-Consultus, cur plerique ex nostratibus Juris-Consultis non putant se posse esse Juris-Consultos, nisi reliquarum disciplinarum sint imperiti? Intueantur quæso Cujacium, Balduinum, Gifanium, Hottomannum, Alciatum, Pancirolum, Massinium, aliosque & aliter incipient sentire. Nonne Seldenus, Grotius, Merillus, Salmasius ingenti eruditione hodie

hodie præstant, & tamen egregii sunt Juris antistites? ne prætermittam amicitia conjunctissimum mihi M. Aurelium Galvanum Ferrariensem, qui nunc magna cum laude proficitur in Patavino Gymnasio.

Resipiscant igitur indocti tantis exemplis excitati, si excitari possunt.

CAP. CXLVI.

*De Cynulco Cynico philosopho, qui tanquam
Dipnosophista interfuit cænis Laurentianis.*

DE philosophia apud urbem Romam, qui scribit, cur omittat Cynicos, qui conviviiis Laurentianis interfuerunt? Cynici namque philosophi sunt, quorum etiam mores, institutum jam in hoc libro descripsimus. Nomen porro præcipui Cynici Dipnosophistæ si quis scire velit, is norit Cynulcum appellatum ab Athenæo, qui etiam habuit secum duos Socios. Qua de re Epitomator Athenæi sic ait: *adfuit (Philadelphus) cum uno philosopho Cynico, Cynulcum autor nominat, quem non solum ut Telemachum concionantem ignavi duo canes comitabantur, verum etiam multo plures, quam Actæonem.*

Dicet aliquis non debuisse interesse Conviviali hilaritati ominosum Cynulcum, sunt enim ominosi Cynici, quia sordibus, pædore obfusi, nudi pedibus, maledici, mendici, importuni. Convivium autem totum tendit ad hilaritatem, à quo proinde abesse

debere videntur gibbosi, claudi, cæcilusci, strumosi, similesque omnes ominosi, ut videtur significare communis hominum sensus. Certè quæ malum significant, id ipsum fere efficiunt, teste experientia, & clamante consensione illa mirabili partium omnium universi, qua de re suo tempore accuratius. Videtur igitur Laurentius, qui Cynicos ad suas admisit cœnas, peccasse.

Respondere est, videri Cynulcum istum paulo civiliorem fuisse. Nam Demetrium quoque Cynicum scimus familiariter versatum cum Proceribus.

Adde augendæ hilaritatis causâ debuisse adesse Cynulcum, quia non erat expertus eruditionis, eratque daturus materiam magnam ridendi Dipnosophistis. Hinc enim factum, ut multa jocularia deprompta fuerint ab Ulpiano adversus non tantum Cynulcum, sed universum cœtum Cynicorum. Quorum etiam aliqua transcribere lubet, ut magis ac magis illustrentur, imo comprobentur ea, quæ de Cynicis hoc ipso in libro exposita sunt.

Lib. III. Magnus, facetus & urbanus homo vocat Cynicos illotos pedibus, humi cubantes, sub dio habitantes, impuros, gulosos, alienarum facultatum adventitios, cœnatores, narratque Cynicæ disciplinæ primum Conditorem, cum avidius in cœna placentiam vorasset, interroganti quidnam comedisset, respondisse, panem se mandere scitè confectum.

Rursus ait Cynicos patinarum strangulatores albis aqualiculis suspiciendos alios loqui non sinere, nec unquam esse quietos, donec ut catellis panem, vel ossa aliquis impegerit.

Cum

Cum multa deblaterasset contra Ulpianum Cynulcus, ipse comiter subridens, dixit : *ne oblatrato amice, nec canina rabie incitatus efferator amice canicularibus præsertim his diebus, quibus magis æquum est convivis abblandiri, placidumque ac commodum se præbere.*

Quam vero multa protulit superius Cynulcus ex bonis scriptoribus, & quam false invecus est in Ulpianum, & in alium quendam.

Reprehendit autem Ulpianum tanquam nominum fictorem & novatorem, prolatis verbis Platonis in libris de Republica : *De rerum nominibus ne multum labores : si vitabis, prudentia locupletior ad senectutem pervenies.* Hæc ibi.

At Ulpianus antea jusserat Cynicos tacere, & ossa tanquam canes rodere, esse enim canes & gloriari tali nomine. Objicit ipsis, quod propterea quia inter pocula mutua colloquutione se invicem exhilarare nequeunt ob inscitiam, conducant magna mercede tibicinas, cum nusquam apud bonos probos, & eruditos convivas saltatrices, fidicinæ, tibicinæ videantur.

Excanduit ad hæc Cynulcus, multaque per iram, & rabiem effudit in Ulpianum nominando eum ventrosus, qui nihil sciat fusa oratione recitare, sed subinde ex aliis percontari, ubi hæc vel illa dictio legitur.

Valde lætantur aulici, & cíviliores homines, quando alium non ita peritum vitæ civilis excandescere vident, cum ira multa absurda facere, & dicere cogat. Hinc risus. Iracundi scilicet simplices sunt, &

præbent aliis materiam ridendi. Quando ergo quæritur, an in convivio liceat se invicem convitiis petere, & lacerare: respondendum, si adsit absurdus aliquis homo fas esse ipsum falsè perstringere, ut irascatur. Nam ejusmodi ira præbebit materiam se exhilarandi convivis.

Notare autem est differentiam inter Cynicum & Ulpianum, nam Ulpianus comiter subridens respondet, at Cynulcus excandescit.

Quicumque autem ponit pedem in aula, aut cæteroqui frequentat Procerum palatia, hoc diligenter observet, ne sinat se abripi ad iram, nisi velit suam dignitatem minuere, & imperitus haberi. Sed adulatores Aulici homines pusilli id quoque observant, ne cuiquam unquam ullo verbo contradicant, veriti, ne eum offendant. Parum autem pensi habent Aulici veritatem, modo sua commoda promoveant. Sed de his alibi.

Cur porro non debeas irasci, ea causa est, quia putant Aulici vitandos esse homines iracundos, & non esse aptos, quibus Princeps curanda negotia mandet.

CAP. CXLVII.

De Medicis inter Dipnosophistas Laurentianos.

An & quatenus in convivio liceat de Morbis loqui?

PRÆter Galenum Dipnosophistarum numerum auxerunt Daphnus Ephesius, & Rufinus Nicæus. De primo ait Epitomator *ἰερὸς τὴν τέχνην.*

τέχνην. Dalecampius transfert: *divinos honores ob artis suæ peritiam meritus*. Forte non bene. Sed vertendum. Divinus in arte Medica, & moribus. Non erat purus Medicus, sed Academicorum præcepta & opiniones valde bene affecutus.

Argutabitur aliquis: inter convivas non debere dari locum Medicis, quia videntur ominosi, cum agant semper de morbis. Et qua quæso de re loquentur ipsi? an de febribus, de urinis, de apoplexia, epilepsia, de hæmorrhoidibus, talibusque? Atqui scimus jure merito reprehensum fuisse Epicurum, qui in suo convivio agit de febribus. Veteres dabant operam, ne immensa ulla mentio fieret rerum sua natura malarum, putantes talem mentionem esse inauspicatam.

Respondendum nihilominus est Medicos eruditione excellentes, & non meros Empiricos, aut puros putos Medicos debere adhiberi convivali hilaritati, quia sciunt ipsi de vinis, de facultate alimentorum, de fructibus terræ, de elementis loqui, multasque quæstiones naturales melius norunt solvere, quam philosophi, cum valde multa observent dum morbos profligant; quia etiam facultatem medicamentorum callent, sit ut de plantis, talibusque valde bene loquantur.

Ipsi interim ut prudentes vitabunt sermones de rebus ominosis, ut morbis, & quæ ad morbos faciunt. Ita Stephanus Rodericus Castrensis, & Julius Gaustavinus duo insignes Medici cum viverent valde erant accepti Magno Duci Etruriæ Ferdinando II. qui nunc imperat, quia adstantes præsenti de qualibet re po-

tius, quam Medicina loquebantur: ejusmodique sermonibus ego aliquot annorum spatio interfui. Nam vel solum opus Galeni prorsus doctum de usu partium corporis humani, quam multa suppeditare potest Medico, grata futura convivis.

An igitur dices, non licebit ne verbo quidem loqui de morbis? Nonne contingit, dum cibum sumit Princeps, ut dicatur hic vel ille obiisse, aut animam agere, aut graviter decumbere? Nonne sermo mox illuc ducitur, ut sciatur causa mortis, aut quo morbo decumbat? Ita non videntur posse prorsus vitari verba de morbis.

Respondendum est, si ejusmodi sermo incidat, debere eum censerì minus auspìcatum. Contigit aliquando, ut cum adfìtarem Magno Duci multa proferrentur de febribus, & disputaretur præsertim: An hœtica in multos annos possit porrigi, ut aliqui docent. Ego apud me cogitabam talem materiam minus facere ad ejusmodi locum.

Si igitur aliquid attingatur de morbis præter voluntatem, paucis verbis agendum, moxque omiſſa inauspicata materia colloquium ad alia est transferendum.

Ego sanè semper lubentius usus sum consuetudine Juris-Consultorum professorum, quam Medicorum. Nam facile est eum, qui prope quotidie colloquitur cum Medico, ut ipso suadente ad pharmaca sumenda, ad purgandos humores transileat, & quæ non male habebant, aut saltem non ita malè, mox turbato corpore, & facta violenta innovatione pejus habeant.

Quanto-

Quantopere autem dolui cum hinc anno præterito discederet eruditissimus Juris-Consultus M. Aurelius Galvanus, valde enim quamdiu vixit in hac Academia delectatus sum ejus consuetudine, quod admodum peritus esset omnis antiquitatis Romanæ, nec expers prorsus philosophiæ. Sic licebat cum ipso deambulare, & in multas horas de moribus aureis Romanorum colloqui, talique colloquio ad vesperum deducere diem.

Romæ autem præcipuam temporis partem transigebam, aut apud sapientissimum Ant. Quærengum, aut Marchionem Vincentium Justinianum, omnium eorum, quibus vita civilis constat peritissimum, cum præsertim ejus ædes frequentarentur à Comite Horatio Carpinio, ab Asdrubale Montacuto, à Theodoro Amydeno eximio causarum patrono aliisque.

CAP. CXLVIII.

*Ob Dipnosophisticam materiam commendatur
Martialis, & quædam ex ipso repetuntur
& illustrantur.*

AUtor sum ei, qui Dipnosophistica vult mentem instruere suppellectile, ut Martialem in consilium vocet, legat, sibi que notum non minus, quam digitos suos faciat. Vix enim credi potest, quanta sit in Epigrammatario isto poëta varietas, qua quidem varietate, ut Spartam ornet, quis nescit indigere Dipnosophistam, cui consilium capiendum in arena? nam præter expectationem nunc de hac, nunc de illa materia sermo movetur. Difficile

ficile vero non erit ei, qui scriptorem omnigeno rerum apparatu jucundissimum in succum, & sanguinem verterit, illico aliquid depromere, quod ad rem faciat, de qua Convivæ cœperunt loqui, voluptatemque conciliare toti cœtui. Lubet autem hic nonnulla ex poëta, quem publicè juventuti jampridem & quidem non semel sum interpretatus, transcribere, donec prodeant meæ in eundem annotationes laboris non expertes, si tamen proditurae sunt, cum non amplius videatur indigere interprete explanatus, non tantum à Domitio Calderino, sed aliis viris eruditis recentioribus.

Romani tandem non solum uxores, sed & amicas puellas cœperunt appellare *Dominas* blandiendo & adulando, hinc apud Italos decurtato vocabulo factum, ut quælibet mulier vocaretur Donna; quasi Domina. Sed Donna non prius facta est, quam pronunciaretur apud Latinos jam degenerantes *Domina*. Hoc inde colligere est, quia Itali ex mn, Latinorum faciunt nn, cum lingua Italica, si comparetur cum latina sit fracta, mollis, minimeque sapiat robur in loquentibus. Qualis autem est oratio, talis ferè animus. An enim compares nostros Italos cum antiquis Romanis, cæterisque Italix Incolis? Nequaquam. Sed de Domina proferantur verba Martialis lib. X. Ep. XXIX.

*Quam mihi mittebas Saturni tempore lancem,
Misti Domina, Sextiliane, tuae.*

Sic lib. V. Ep. LXII.

Nescio quid Domina teneram qui garrit in aurem.

Sermo

Sermo est de quodam Crispulo, qui erat adulter uxoris Mariani, cum tamen Maritus putaret esse procuratorem. Ego etiam novi non unum, qui volebat videri litium causa frequentare ædes pulchræ fœminæ, & viduæ; amoris causa ipsam conveniebat. Nec mala conjectura visus est niti Martialis, quando collegit Crispulum esse adulterum, quia teneram garriebat in aurem. Etenim amantes sibi invicem solent in aurem garrere, cum sit argumentum magnæ familiaritatis. Familiaritas autem cum fœmina, quæ non sit sanguine juncta, suspicionem jure merito injicit. Nec profecto honestæ & pudicæ mulieres aut garriunt in aurem, aut præbent aurem cupienti in eam garrere.

Ut vero revertamur ad nomen Dominae, sciendum, Romanos stante Republica valde averfatos fuisse nomen Domini, nec se invicem honoris causa sic appellasse. Labente libertate saltem Imperatorem voluerunt ita nominare, quod tamen non permisit Augustus, ut notum ex Suetonio. Tandem eo res progressa est, ut privati quoque se invicem Dominos dicerent. Adeo degenerarunt à veteri libertatis amore, ut propterea dixerit Tiberius: O homines ad servitutem natos. Audiamus jam Martialem lib. V. Epigr. LIIX.

Cum voco te Dominum, nolo tibi, Cinna, placere,

Sæpe etiam servum sic resaluto meum.

Hodie nihil frequentius in ore omnium hominum, quam ut se invicem servos, & quidem deditissimos, devinctissimos, obstrictissimos appellent: illudque subinde addant: osculor tibi manus. Quod est argumentum

Nec tamen cessi. Ita tandem discessum ex prandio amicitia fere conclamata. Quod retuli ut intelligant, qui morum Italicorum non sunt usque aded periti, nimium coli hodie pulchras fœminas in Italia.

Quod dixi superius de consuetudine offerendi osculum passim, & obviis multis apud Romanos, id confirmatur, ut alia omittam, Epigr. Martialis XCIX. lib. XI.

*Effugere non est Basse, basiatores,
Instant, morantur, persequuntur, occurrunt,
Et hinc & illinc, usque quaque quacunque
Et æstuantem basiant, & argentem.
Non te cucullis asseret caput tectum,
Non consulatus ipse, non tribunatus,
Sævisque fasces, nec superba clamosi
Licitoris abiget virga basiatorem.*

Quod est remedium adversus improbitatem basiatorum? Respondet Martialis:

Facias amicum, basiare quem nolis.

Quasi basia non exigenter ab Amico. Aded scilicet invaluerat consuetudo basiandi, ut inciperet esse testimonium amicitiae non basiare; quæ tamen per hyperbolem prolata sunt à Martiali. Nam verè basium fere amicis, notis & caris offerebatur. Hinc intelligimus, cur S. Paulus jubeat Christianos se invicem osculari in Ep. ad Rom. ob mutuū, & fraternum amorem. Invaluitque mos basiandi inter sacra cumque sacra Eucharistia perageretur, cujus rei superest hodieque vestigium, dum celebratur sanctum Missæ sacrificium solemni more.

Epig.

Epigr. libr. XIV. n. LXVII. memorantur muscaria pavonina. Superbus est pavo, cogitur tamen suas pennas concedere conficiendis flabellis, quibus abigantur muscæ. Cur hodie ex alia materia conficiuntur flabella, & quidem longe viliori? quia pauci admodum aluntur pavones. At olim passim habebantur in villis, imo comedebantur. Vix credi potest, quam multa olim rus dominis suppeditaret. Hodie friget, & jacet agricultura. Lege quæso Varronem, Catonem, Columellam, nostramque miraberis negligentiam.

Appetente hyeme in Germania porci prope innumeri occiduntur, quod eorum caro multiplici sit usui mensarum. Romani mense itidem Decembri mactabant miseros sues, ut saturnalia mensæ essent instructiores. Martialis lib. XIV. Ep. LXX.

Isle tibi faciet bona Saturnalia porcus

Inter spumantes ilice pastus apros.

Singularis autem fuit ratio reddendi sues gratioris saporis apud Romanos. Nam alebantur in sylvis inter apros. Sic fiebant gratioris saporis, & majoris æstimationis. Germani furfure eos pinguefaciunt.

Quæritur porrò, cur Petronius dixerit Judæum *porcinum numen adorare*? cum tamen addat quod advocet cœli puras auriculas. Dicendum, fingere Petronium apud Judæos instar Numinis haberi porcum, quia Judæi nunquam possent adduci, ut occiderent porcum, cum nefas illis sit vesci carne suilla. Nam & Ægyptii allium & cepe inter Deos venerabantur, proculque aberant ab eo, ut ea comederent. Sed quis nescit Judæos ob Dei præceptum vetans abstinuisse à suilla carne, non quod putarent suam esse, Numen?

Numen? Tacitus fingit Judæos detestari suum, quia porrigine laborare quandoque solet, fingitque ob ejusmodi morbum Judæos Ægypto expulsos. Alii dicunt Judæos accepisse hunc morem ab Ægyptiis, qui non occidunt suos, cum invertant rostro terram, & sint instar aratorum. Alii alia prodiderunt.

CAP. CXLIX.

EXERCITATIO DIPNOSOPHISTICA: An testamenta sint Juris Gentium, an Civilis?

Dipnosophistam oportet inspexisse libros, quorum auctoritate sua dicta inter convivas vult munire. Et tamen reperiuntur aliqui Juris-Consulti, qui non solum publicè profitentur leges, verum etiam libros edunt, qui contenti sunt recentiorū citationibus, neque ipsi vident & legunt scriptores, ex quorum narratione dependet veritas. Hoc autem est negligentiae supinae argumentum. An enim, o homo, scis recentiorum Transalpinum ad rem adducere Gellium, Tacitum, Macrobiū, Platonem, & alios, quos non legisti? decetne doctorem & antecessorem niti aliena fide, videre peregrinis oculis? Dies me deficeret, si vellem exempla proferre falsarum citationum, quæ jubent ire præcipitem lectorem in errorem, coguntque eum semper esse puerum, contentus ero exemplo celebri apud Juris-Consultos, qui quærant an Testamenta sint ex jure Gentium an Civili? vix tamen nominatim carpam eos, qui adduxerunt scriptores, ut ostenderent ex jure Gentium esse. Quis-

que enim qui hanc diatribam leget, animadverteret quis hac in re se negligenter gesserit.

Quod igitur sint Juris Gentium testamenta probant Doctores. Nam quo *jure omnes gentes utuntur*, est jus gentium. Instit. de Jur. nat. §. 2. omnes autem populi consueverunt condere Testamenta. In V. Test. Abraham totam suam substantiam reliquit Isaaco, filiis concubinarum dedit munera.

Isaac prætulit sub finem vitæ Esauo Jacobum. Jacob benedixit Filiis suis singillatim, & cuique reliquit aliquid singillatim benedicendo, & propheticè prædicendo; Judæ scilicet regnum, aliis alia.

Esaias dixit Ezechia IV. Reg. cap. XX. *præcipe Domui tuæ, quia morieris.*

S. Paulus ad Gal. III. & IV. & Hebr. IX. ostendit olim in veteri lege fuisse testamentum. Hinc nihil tritius est, quam ut dicamus Testamentum vetus, & testamentum novum. Testamentum vetus fuit conditum, quando dixit Deus: ejice ancillam, & filium, neque enim erit hæres filius ancillæ, cum filio liberæ, Gen. XX.

David quoque condidit Testamentum moriturus, & jussit regnare Salomonem, filium Bersabæ, exclusis aliis filiis, atque in primis Adonia III. Reg. Cap. I. & II.

Cyrus quoque apud Xenophontem condit testamentum lib. VIII. & instituit Cambysem regem, alteri autem filio quandam ditionem relinquit.

Tacitus, ut rem singularem refert de Germanis, quod carerent testamentis.

Tot philosophorum testamenta recensentur apud Laërtium. Leges Atticæ non pauca statuebant de Testamentis. Nec ipsa prætereuntur à Platone lib. XXXIV. de legibus.

Attalus Rex Pergami instituit hæredem populum Romanum, ut refert Strabø lib. XIII.

Micipsa quoque condidit testamentum in Africa, ut legere est apud Sallustium in principio belli Jugurthini.

Alexander Magnus moriens mandata, & annulum dedit Perdiccæ, ut est apud Curtium lib. X.

Nonne hæc sufficere possunt, ut intelligamus testamenta esse juris gentium? cum præsertim accedant secundum quosdam etiam Lacedæmonii cum suo Lycurgo.

In adversam nihilominus partem dicere est primum auctorem Testamentorum extitisse Solonem, ut est apud Plutarchum in ejus vita. Nam ante Solonem Athenienses non condebant testamenta. Quia putabant, ut est videre apud Platonem lib. XI. de leg. bona non esse testantis, sed gentis & familiæ.

A Solone Romani acceperunt usum testandi, ut est videre apud Pomponium l. verbis legis, ff. de verb. signif. & Ulpianum l. lege obvenire ff. eodem, ut omittam alios nec transcribam, quæ jam pridem sunt vulgata.

Et sane ante tempus latarum XII. tab. nullum reperitur testamentum apud Romanos, ut nullum conditum fuit Athenis ante Solonem.

Igitur omne testamentum apud Romanos descendit ex XII. tab.

Quæ testamenta condita sunt à philosophis, de quibus agit Laërtius, à Solonis lege manaverunt. An dicemus id esse juris gentium, quod tantum Athenienses acceperunt à Solone, & Romani ab Atheniensibus? Quæ juris gentium sunt, adeo sunt antiqua, ut eorum initium non possit ostendi. Cur ita? quia peræque observata sunt apud omnes nationes, & à divina providentia instituta sunt. Si omnes populi condiderunt testamenta olim, cur Athenienses & Romani certo tempore, & quidem sero cœperunt testari? An Romani debuerunt discere ab Atheniensibus, quod ubique apud omnes populos observabatur?

Cur etiam Homerus, qui nobis exactè descripsit mores Heroicorum temporum nullam testamentorum fecit mentionem?

Sed obijcitur Lycurgus. Miror potuisse quemquam dicere consuevisse Lacedæmonios testari proferatur quæsq; testimonium alicujus veteris scriptoris, quo probent, qui sentiunt testamenta esse juris gentium, Spartanos solitos testari.

At saltem Judæi testabantur. Id si verum est, cur Philo, cur Josephus nihil de testamentis tradunt? Cur Moses nihil de re tanti momenti sancivit?

Quod Abraham reliquit substantiam suam Isaco, id fecit ab intestato, cum reliqui essent filii ancillarum, etque aded non possent succedere patri.

Erant enim Vernæ. Servus profectò incapax est successionis. Propterea dixerat Deus: *Non erit hæres filius ancille cum filio libera.* Quando ergò dicit Moses, quod Abraham reliquit substantiam suam Isaco, tantum significat eum se gessisse more nationum,
apud

apud quas absque ullo testamento, filii succedebant fratribus non habita ratione Vernularum.

Benedictio Isaaci fuit quid singulare, & quasi propheticum, aut dicendum Isaacum debuisse indicare, quem vellet esse Principem, ne oriretur controversia, & bellum inter filios. Fecit igitur hoc, ut Princeps aliquis, qui tradit uni regnum cum id dividi non possit. Dispositio autem, sive iussum necessarium ad tollendum bellum in re tanti momenti non est testamentum. Qua ratione explicandum, quod refertur de Davide tradente regnum filio Salomoni exclusis aliis, quodque narrat Xenophon de Cyro jubente succedere majorem natu filium.

Dices, notum fuisse maximum natu debere succedere. Cur ergo jubet eum succedere, si res explorati juris? Quin videtur voluisse condere Testamentum.

Respondendum est, antiquissimis temporibus rem fuisse prorsus incertam.

Nam cum ob virtutem deberet deferri sceptrum, ut tradit Justinus consuevisse nationes præstantissimum promovere ad regnum, non præferebatur necessario maximus natu. Hinc sæpe factum est, ut regnum vel alternis vicibus fuerit administratum, vel exortum fuerit bellum, vel à patre æquè uni atque alteri relictum fuerit regnum, aut prælatus maximus natu, quod jam haberet regum usum, & experientia valeret.

Romulus & Remus auguriorem permiserunt, ut nossent cujus deberet esse regnum, aut saltem à quo deberet nominari Roma, licet dici possit fuisse gemi-

nos; quamvis è geminis ille censeatur esse major natu, qui prior ex utero prodiit.

Annibal, cum transiret Alpes discordiam duorum fratrum Allobrogum de regno certantium sustulit, quia ambigebatur: an maximus natu deberet imperare.

Eteocles, & Polynices pactum iniverant, ut alterni regnarent Thebis, nec prælatus est maximus natu.

Micipsa instituit in regno hæredes æquo jure filios, nec unum alteri prætulit.

Cyrus jussio succedere Cambysem. Cur quæso?

Audiamus Xenophontem, sive potius Cyrum loquentem apud facundum Xenophontem: *deceat me relinquere regnum declarando, (quis debeat regnare) ne sit ambiguum, negotium vobis facessat.* Ait autem se *προσάρτεν* relinquere τῷ *πρωτέρῳ γενομένῳ* ei qui natus est prius, & *πλειόνων ἐμπειρῶ* qui habet majorem usum rerum. Vides non tam habuisse rationem ætatis, quam prudentiæ, quam jam adeptus erat Cambyses præ fratre.

Si dicas, maximos natu solere communi consensu nationum præferri, cum Hispani, Galli, Germani, aliique populi præferant majores natu.

Respondebo, morem hunc non esse adeo antiquum, nam Primigenii Hispanorum inveci sunt à Gothis barbaris. Feuda instituta sunt à Longobardis, præter morem Græcorum & Romanorum, apud quos quidem Romanos talia semper sunt ignorata, cum tamen nobilitas nulla unquam fuerit clarior, & major quam Romæ.

Feuda

Feuda scilicet, & Fideicommissa perpetua, & jura primigeniorum, præter quam quod injuriam faciunt minoribus, qui nati sunt iisdem parentibus, non permittunt transferri in ipsos majores natu verum dominium, & perfectum, cum non possint bona immobilia, & alia alienare, sintque tantum domini fructuum. Non ergo in præcipua ratione domini succedunt patribus.

Adde per feuda, fideicommissa perpetua, jura primogeniorum, domos, agros, villas, lacus, & talia poni maxima ex parte extra commercium, cum vendi, emique nequeant. Quod quis non videt valde incommodare urbibus, & felicitati civili? apud Romanos autem pleraque omnia erant in commercio, ut norunt Juris-Consulti.

Quod si omnia, quæ protulimus ostensuri Cyrum testamentum non condidisse, non adhuc satisfacerent, posset quis dicere nequaquam talia dixisse sub finem vitæ Regem, sed sic narrata fuisse à Xenophonte. Docti namque viri dixerunt Xenophontem non prorsus historicè se gessisse, sed descripsisse Regem, qualem decebat esse. Moribus autem Atheniensium post Solonis leges testamenta condebantur. Ergò Xenophontem voluisse Cyro factionem testamenti tribuere, licet verè non testatus fuerit.

Prosequamur jam reliqua, quæ prolata fuerant ad ostendendum testamenta esse juris gentium. Jacobus non condidit testamentum, cum peregrinus nullum patrimonium in Ægypto haberet. Tantum tanquam Vates bene precando prædixit quædam fi-

liis suis. Quod autem circumfertur testamentum Patriarcharum apocryphum est.

Ezechias monitus est, ut præciperet domui suæ, quia morituri quædam solent mandare commendando famulos & amicos, jubendo aliquid de funere. Sic Josephus cum moreretur præcepit, ut suum corpus transferretur in Palæstinam. Res autem ipsa loquitur Ezechiam, non condidisse Testamentum. Ergo de Testamento non est locutus Esaias, quando dixit præcipe domui. Cur enim cum S. Scriptura referat de morte tot Regum nullius Testamenti facit mentionem? quod Attalus, Micipsa, imò Ptolemæus Rex Ægypti testati sunt, secuti sunt Romanos, qui cum ferè totum occupaverint orbem, hinc adeò factum, ut testamenta videantur cœpisse esse juris gentium. Postquam enim Romani longè latèque dominati sunt, etiam persuaserunt nationibus, ut testarentur. Ergo signum libertatis fuit in Germanis, quod non testarentur, quia ejusmodi in re non se gerebant more Romano.

Quod S. Paulus profert de duobus Testamentis, id proculdubio per similitudinem quandam dictum est, ut & illud Rom. VIII. quod simus hæredes Dei, cohæredes Christi. Nam Deus non moritur, atque adeò regnum cœlorum hæreditas stricte loquendo vocari non potest.

Ergo cum Deus mori non possit, quando dicitur testamentum instituisse in Mosaica lege, id per quandam similitudinem prolatum est. Ne dicam Exod. XXIV. non vocari Testamentum, sed fœdus, quod adhibitis victimis sancitur à Mose sanè διαθήκη, quo vocabulo

cabulo utitur S. Paulus æque fœdus, ac Testamentum significat. Quamvis fatear in Epistolis S. Paulum locutum de Testamento, quia facit mentionem hæredis, & quod debeat intervenire mors testatoris, ut ratum sit Testamentum. Quæ omnia prolata sunt non ex Gentium, sed ex jure Romanorum, quod tunc vigeat etiam apud Judæos, & notum erat, propter imperium eorundem Romanorum.

Qui hæc audit forte colliget, quædam quæ orta sunt ex Jure Civili, posse redigi in numerum eorum, quæ sunt Juris gentium. Nam pleræque omnes nationes susceperunt morem testandi. Dicendum nihilominus, plura alia regnantibus Romanis suscepta fuisse à populis, quæ non propterea dicuntur esse Juris Gentium. Quicquid enim ortum habet ab una natione, id non potest dici juris gentium, licet ad multas nationes propagatum sit. Nam quæ Juris Gentium sunt à divina providentia constituta sunt, neque eorum potest reperiri initium.

Ne miremur interim, si aliqui ob memoriam sibi ponentes populos, qui didicerunt testamenta condere à Romanis dixerunt Testamenta esse Juris Gentium. Quod non affirmassent, si alius rem repetentes perpendissent populos ante legem Solonis, antequam Imperium dilatatum à Romanis nequaquam usos Testamentis. Poteram finem imponere dissertationiunculæ, attamen lubet adhuc quædam attingere, quæ ad hanc rem faciunt.

Profertur ab iis, qui putant Testamenti factionem esse Juris Gentium l. verbis legis ff. de verb. signif. quæ ita habet: *Verbis legis XII. tab. uti legas-*

fit rei suæ ita jus esto, latissima potestas tributa videtur, & heredes instituendi, & legata, & libertates dandi, tutelas quoque constituendi.

Respondet recentior Juris-Consultus non aliunde, quam ex gentium moribus eam propositionem legem confecisse.

At quis nescit XII. tab. in plerisque omnibus confectas ex legibus Solonis? Solon autem primus factionem testamentorum introduxit in urbe Athenarum, cum antea Testamenta in illa Republica in usu non essent. Quod confectum ex legibus Solonis, id confectum non ex jure Gentium, sed Civili.

Servus est capax eorum, quæ Juris Gentium sunt ff. si id quod ff. de Condict. indeb. at incapax testamentariæ factionis. Ergo factio Testamenti non est Juris Gentium.

Huic argumentationi est, qui occurrit dicendo servum nullo jure, nec civili, nec gentium testari posse. Quod frustra dicitur. Nam cum controversum sit an Testamenta sint Juris Gentium, non est confugiendum eò ut dicas servum jure Gentium non posse testari.

Deportatus ea retinet, quæ Juris Gentium sunt, vel sunt quidam ff. de pœnis, nec tamen condit testamentum, vel ex Testamento aliquid capit. l. ejus §. in Insulam ff. qui Testament. facere possunt.

Non deest, qui respondet deportatum non posse Testamentum facere, quia cum Testamento conjungitur Jus Civile.

Sed si Testamenta sunt Juris Gentium, cur non potest fieri talis separatio, ut qui non potest condere jure civili, saltem condatur jure Gentium?

Ob-

Objicit: Deportatum ex Testamento militis capere posse l. neque ff. de Testament. milit. Ergo testamentum militis conditum est jure Gentium.

Respondere est, beneficium hoc concedi deportato non ipsius causa, sed intuitu militis. Militum autem privilegia absque dubio sunt ex Jure Civili. Vide ff. de test. milit. l. I.

Absque dubio enim ante Julium Cæsarem miles non poterat instituere hæredem aut deportatum, aut fere quemlibet alium, qui testamenti factionem non habet. Colligitur id ex l. I. ff. de Testam. mil. & l. neque §. deportati, eodem.

Quod si factio testamenti foret Juris Gentium potuissent milites ante tempora Julii Cæsaris, tales hæredes instituere.

Concessum autem hoc est militibus, ut possent suam gratitudinem, suumque affectum manifestum facere erga quoslibet absque discrimine. Cum enim pugnando, & periculum vitæ adeundo pro Republica adepti fuerint bona, Par visum est esse, ut possent in quemcunque conferre talia bona testando, & hæredem instituendo.

CAP. CL.

*Alia exercitatio Dipnosopistica, in qua agitur
de dissidio nationum in aliquo more, ut
intelligamus quenam dicantur esse
Juris Gentium.*

Juris Gentium cum dicantur esse illa, quæ apud omnes populos observantur, Civilis autem quæ sibi quisque populus sigillatim constituit, cujus juris dicemus esse ea, quæ in usu sunt apud aliquot nationes, apud alias, ut contraria rationi damnantur? quid dicendum in ejusmodi dissidio? exemplo res manifesta fiat. Apud Ægyptios, imo apud Assyrios, ut aliqui tradunt, moris erat, ut fratres in uxores ducerent sorores. Id testatur Dio, quando agit de Cleopatra, quæ nupsit fratri Ptolomæo majori, & eo mortuo minori, ut taceam de Berenice. Hunc autem morem non invexerunt Ptolomæi Ægypto, sed inventum ibi & ipsi cœperunt observare. Nam Philo sic de special. leg. *Ægyptius permisit licentiam ducendi sorores, sive per alterutrum parentem, sive per utrumque cognatas, ne gemellis quidem exceptis.* De Atheniensibus Cornelius Nepos in procœmio: *Cimoni non fuit turpe sororem germanam habere in matrimonio, quippe cum cives ejus eodem uterentur instituto.* Idem in Cimone: *Atheniensibus licet eodem patre natas uxores ducere.* Sic differebant ab Ægyptiis, qui eadem etiam matre natas ducebant.

Lacedæmoniorum legislator, teste Philone de leg. special. uterinis non interdicit connubio, sed solis eodem patre genitis.

Quin non defuerunt, qui dixerint apud Judæos quoque fas fuisse nuptias inire cum sororibus, adducto exemplo Abrahæ & Saræ, & alio exemplo ex libris Regum, ubi soror compressa ait: poteras me petere, & ipse Rex forte annuisset tuo desiderio. Sed reclamant de Judæis Philo: *deinceps præcipitur apud Moscm ne sororem*

quidem esse ducendam. Mox ait Mosem omnibus modis prohibuisse concubitum cum sororibus.

Conjugium igitur cum sororibus saltem nititur consensu trium nationum (ut Assyriam taceam) Ægyptiæ, Spartanæ & Atticæ, quæ nequaquam fuerunt barbaræ, ac proindi videntur optimè novisse, quid sit consentaneum rationi. Aliæ autem nationes ejusmodi conjugium rejecerunt. Ergo lex de connubio inter fratres & sorores nec est civilis, quia non unius populi, nec juris gentium, quia aliquot tantum nationes consueverunt conjungere fratres cum sororibus. Quid respondendum? dubitandum non est tales concubitus prorsus esse damnandos, licet apud Gentiles, & Poëtas Juno soror Jovis sit ejus quoque conjux. Nam magno consensu reliquæ nationes ejusmodi congressum rejecerunt.

Hinc autem saltem colligere licebit definitionem juris Gentium sic accipiendam, ut quandoque id sit juris gentium, quod pluribus nationibus, placuit licet etiam tres aliqua in re contradicant, quod patet ex superiori exemplo.

CAP. CLI.

Ad superiorem diatribam appendix, in qua agitur de populis, qui spreverunt conjugia cum peregrinis.

Aliquot nationes damnarunt conjugia cum mulieribus peregrinis. De Judæis Philo de leg. special. *Ne alienigenam quidem uxorem finit Legislator in thalamum recipis ne quando maritus ab ea seducatur, oblitusque pietatis deflectat ad avia.* Athe-

Athenienses quoque averfabantur conjugia cum peregrinis. Peregrinus non poterat civem Atheniensem ducere. Accusabatur, & convictus vendebatur. Peregrina itidem vendebatur. Nec licebat cum illa, quæ peregrinitatis fuerat damnata rem habere, nisi vellet mille drachmas pendere.

Pronunciabant igitur Athenienses, ne civis peregre nuberet, ne inquam, civis Attica externo nubere.

Quid memorem Romanos, de quibus dixit Ulpianus connubii jus non esse inter civem Romanum & peregrinam? hinc dixit Virgilius.

Sequitur (nefas) Ægyptia Conjux.

Spartiani absque dubio etiam conjugia cum peregrinis spernebant, quandoquidem ne quidem ad urbem admittebant peregrinos. Nisi certis diebus, hinc Theoph. Inst. lib. I. *Lycurgus peregrinos expellebat ne mores civium deteriores fierent.* Aliis nationibus aliter visum.

CAP. CLII.

De Commodò contemptore philosophia.

Admoverat Marcus Imperator doctrina illustres viros erudiendo filio Commodò. Teste Herodiani lib. I. *Commodum, Marcus magna cura educavit accitis undique viris doctrina claris, maximaque proposita mercede, uti mores pro se quisque filii, ingeniumque excolerent.*

Sed filius mortuo Patre corruptus ab adulatoribus vitiisque prorsus deditus philosophos expulit
aula

aula, teste eodem Herod. *neminemque non ab limine velut insidiatorem submovebat, quemcunque aut probitas, aut disciplina ulla etiam mediocris illustraret.*

Quantum ergo floruit sub Marco philosophia, tantum sub Commodio languit, quod annotavi, ut intelligamus optime convenire philosophiæ cum bonis sapientibusque principibus, eandem verò valdè invisam esse Tyrannis, degeneribusque Regibus.

Cur enim philosophiæ valde favit Marcus? quia sapiens erat, & probus. Cur ipsam contrivit contempsitque Commodus? quia vitiorum erat mancipium. Perstringamus osorem sapientiæ his versiculis:

Dedecus Æneadum, nec aviti nominis hæres,

Commodus, obliqua luce Lycea videt.

Increpitat Sophien, sapientum commoda calcat,

Dediscit Patrem, jussaque temnit avi.

*O Miserum, atque iterum miserum. Nam vertice
regni*

Dejectus flebit, suppliciumque luet.

CAP. CLIII.

De Maximo Tyrio, ejusque Dissertationibus.

Item de Alcino.

AN igitur prorsus exclusa est urbe Roma omnis philosophia, quia philosophus non auscultabat Commodus? Non ita conclamatus est status sapientiæ etiam sub Tyrannis, ut non aliqui tunc philosophentur. Respice Tiberium, Cajum. Non defuerunt tunc qui philosopharentur. Sic sub Commodio vixisse Maximum Tyrium non ambigit, qui legic

legit Suidam. Apparet autem non semel adiisse Romam, & discessisse Maximum, quod indicant ejus dissertationes. Consueverunt profecto peregrinari philosophi, qua de re non pauca legere est apud Dionem Prusæum. Non ab familia reperiuntur apud Ciceronem. Inspice vitas philosophorum, statim occurrent peregrinationes. Plato ter adivit Siciliam, jam discendi, mox docendi causa. Quid memorem Anacharsim, qui Scyta matre græca natus Athenas se contulit, congressurus cum Solone, quod ex animi sententia obtinuit? Sic existimamus fuisse sub Marco Maximum, cum ipsius in sua vita mentionem fecerit. Cujus sectæ fuerit si scire cupias, veteres manuscripti Platonicum appellant. Quod etiam ostendunt dissertationes doctæ simul, & elegantes dignissimæque Academia Socratica. Subinde enim multa ad Academiam veterem facientia promuntur, quæ magna cum laude auctoris versantur in manibus studiosorum. Videtur tamen magnæ libertati indulgere, ut Carneadem aliquem referre videatur. Ejus morem fere hodie imitantur Itali in cœtibus eruditorum Juvenum, qui extra scholas publicas conveniunt in ædibus viri alicujus Patritii, ut recitent orationes & carmina. Magni nominis est hodie adhuc Academia Furfuraceorum apud Florentinos, & Humoristarum Romæ, quibus quidem ego cum junior essem adscriptus fui.

Maximo Tyrio addo Alcinoum, cujus reperitur introductio ad Doctrinam Platonis, opus sane dignum, quod diligenter evolvatur à studiosis doctrinæ Platonice. An ipse vixerit tempore Maximi dicere non possum;

possum; apud Suidam sanè nihil de ipso reperi. Quando floruerit, dicat qui observavit. Ego cum jam nihil aliud suppetat hominem refero ad seculum Comodi. Erit qui forte melius ad posteriora referat tempora. In maximum porro & Alcinoum, qui uno circumferuntur volumine sic lusi:

*Qui cupit optatum contingere dogma Platonis,
Socraticoque gravem pellere fonte sitim,
Maximo, & Alcinoo impendat noctemque diemque.
Quin memori evolvat grandia verba stylo.
Sic erit, ut gemina plectat sibi fronde coronam,
Doctrina radiis, eloquique micans.*

CAP. CLIV.

*De Septimii Severi doctrina. Quod de vita
sua scripserit Commentarium.*

Imperatorum doctrinæ non expertorum, quique orbi Romano, Romæque præfuerunt auget numerum & censum Septimius Severus, armorum gloria in primis magnus, philosophia etiam non ignobilis, licet in bellis, quæ multa feliciter confecit, gerendis occupatissimus. Fuit quidem ferox, & vitæ duræ, laboribusque insuetus, Afer. genere, Pannonicis imperans militibus, Mathesin tamen litterasque non neglexit. Futurorum præfagia medius fidius observare, & discernere sciebat, ut propterea in maximam spem obtinendi imperii erectus fuerit, quæ omnia recensentur accuratè ab Herodiano lib. II. histor.

Præfagia autem futurorum ipse annotavit, & digessit in libris, quos de vita sua conscripsit.

Et si autem natus fuerit in Africa in urbe Lepti, majorem tamen ejus equites fuere Romani. *Latinis græcisque literis eruditissimus fuit*, teste Spartiano. Romam venit studiorum ergo, Athenas petiit eorundem studiorum causa, quod idem historicus narrat, qui de philosophiæ cognitione non tacet dum ait: *philosophia, ac dicendi studiis satis deditus, doctrina quoque nimis cupidus, vitam suam privatam publicamque composuit.* O fortunatum Principem, qui rara felicitate, res à seipso gestas literarum commendavit monumentis. Nam si *beatos putamus*, quibus Deorum munere datum est, aut facere scribenda, aut scribere legenda, *beatissimum* dicere licebit Septimium, cui *utrumque contigit*, & simul rejicere insaniam ejus, qui non ita pridem asseruit nemini fas, præter prophetas, & fatidicos viros, de seipso scribere, & historiam componere. Inspexerat, puto, vitam Josephi gravissimi scriptoris, ab ipso eodem compositam. Cum autem Septimius armorum gloriæ addiderit decus sapientiæ, nos ei hoc offerimus epigramma:

Septimium duplici circumdat munere lauri

Ætherei Virgo vertice nata Jovis.

Nam bello insignis Romano reddidit orbi

Castrorum leges, militiæque decus.

Ingens doctrina despexit sidera cæli,

Et rerum causas eruit è sinibus.

Hinc etiam duplici nos illum laude vehendum

Dicimus, ob sôphiam, militiæque decus.

CAP. CLV.

De Julia uxore Imperatoris Severi favente philosophis. ! Extemporalitatis oſores, homunciones obſcuri, & ignari in ordinem rediguntur.

Septimio Severo philoſophanti rara laude addi debet Julia uxor, quæ & ipſa philoſophiæ fuit perſtudioſa, & multos philoſophos in ſuo habuit aluitque comitatu. Quod Julia fuerit uxor ſeueri, concinunt hiſtorici; at an fuerit Antonini Caracallæ mater, non conſentiunt ſcriptores. Aliquî affirmant, aliis aſſerentibus fuiſſe ejus novercam, quod inprimis traditum ſcimus ab Ælio Spartiano, qui etiam narrat, qua ratione idem Imperator Caracalla ipſam cum pulcherrima eſſet, licet Novercam in uxorem duxerit, magno incæſtus crimine, quod non potuit excuſari illa ſententia: Imperator leges dat, non accipit.

Sed ad philoſophiam Juliæ accedat oratio. Philoſtratus de vita Apollonii Tianzi ſic ſcribit: *Damidis commentarios quidam familiaris nondum editos Juliæ Reginæ notos fecit, in cujus aula cum frequentiffime verſarer (erat enim Rhetoricæ facultatis ſtudioſa) ut tranſcriberentur mandavit.*

Idem Philoſtratus in vita Philoſophiæ hæc habet: *Philofſus lite conteſtata apud Imperatorem (qui Antoninus erat philoſophi ex Julia filius) Romam miſſus eſt, ut ſua diſponeret. Ibi cum in Geometras ac Philoſophos Julia inciſiſſet.*

Dixerat Juliam fuisse Rhetoricæ studiosam, hoc est sophisticæ, & Sophistarum, qui sophisticæ etiam philosophi poterant dici, nam eloquentiam cum philosophica rerum cognitione conjungebant. En tibi verba Philostrati, in præfatione vitarum ad Consulem Antonium: *Ros qui sub sophistarum nomine philosophiæ incubuerunt*; qui initium suum referebant ad decantatissimum Gorgiam Leontinum, de quo Cicero in II. de finibus: *E numero sophistarum primus est ausus Gorgias Leontinus in Conventu poscere questionem id est jubere, qua de re quis vellet audire. Audax negotium: dicerem impudens nisi hoc institutum translatum postea ad philosophos nostros esset.* Quodque Sophistice suo sinu oratoriam & philosophiam complectatur asserit denuo Philostratus in principio libri primi de vitis Sophistarum: *priscam sophistarum artem esse Rhetoricam philosophiæ deditam putandum est. Nam & de his, de quibus philosophi disputat.* Mox subjicit: *prima sophistarum ars philosophica sibi subjiciens, ea longius & prolixius prosecuta est.*

Profitebantur autem iidem Sophistæ extemporalem promptitudinem, extemporalem orationem, cujus initium aliqui retulerunt ad magnum Periclem, alii ad Byzantium Pythonem. nonnulli ad Æschinem. Constantior sententia extemporalitatis agnoscit auctorem primum Gorgiam, qui cum in Atheniensium prodisset theatrum. proponite quodcunque libuerit, dicere ausus est, teste eodem Philostrato.

Hinc adeò factum, ut ubicunque docebatur Rhetorica, sive Athenis, sive Rhodi. sive Romæ, extemporales declamationes locum haberent. Philostratus

tus profectò dum enarrat vitas Sophistarum, extemporalitatem non omittit. Loca transcribere nihil attinet, cum quisque ea per seipsum inspicere possit. Apud Petronium habes *venisse quendam in porticum ab extemporalis declamatione. S. Hieronym. præf. in librum Esther. quæ dici poterant, & audiri sicut solitum est scholaribus disciplinis sumpto themate excogitare.* D. Augustinus VI. Confess. *Cum medio die Alpidius cogitaret quod recitaturus erat sicut exerceri scholastici solent.* Jacobus Gaudensis lib. III. ærarii: *extemporales dicebantur oratores, qui responderent, ac si meditati essent.* De Augusto Suetonius Cap. LXXXIV. *Mutinenfi bello declamasse quotidie traditur.* Subjungit: *non defecisse eum ad subita extemporalis facultate.* Nero profecerat sub Seneca, eloquentiamque promptam hauserat. Hinc apud Tacitum XIV. annal. ait ipse, dum respondet præceptori: *quod meditata orationi tuæ statim occurram, id primum tui muneris habeo, qui me non tantum prævisa, sed subita expedire docuisti.*

Valuisse Julianum Imperatorem tali facultate exploratum est, cum etiam una nocte doctissimam, & prolixam orationem, quæ extat composuerit. De Tito Imperatore sic loquitur Suetonius Cap. III. *latine græcæque lingue, vel in orando, vel in fingendis poematibus promptus, & facilis ad extemporalitatem usque quam admirandus in ejusmodi calore fuit Statius. Nec celeritate destitutus fuit Sidonius Apollinaris, ut novit, qui ejus Epistolas non ignorat.* Quintilianus lib. X. Cap. VII. docet quemadmodum extemporalis facultas paretur, & contineatur ubi audet pronun-

ciare, *maximum studiorum fructum esse, & velut premium amplius longi laboris, ex tempore dicendi facultas, quam qui non erit consecutus, mea quidem sententia civilibus officiis renunciabit.* Hodie tanta regnat inscitia, ut ne quidem sciant, veteres extemporaliter valuisse facultate. Mos declamandi quotidianus prorsus est omissus. Quod antiqui referebant ad magnam laudem si quis polleret extemporalitate, id obscurissimi quidam homunciones, quos quotidie videmus, culpant & vitio vertunt. Si quem velint reprehendere, dicereque eum non bene orare, non bene scribere, ajunt eum celeritate uti. Quid igitur fiet tot celebribus scriptoribus, qui multa admodum nobis reliquerunt ingenii monumenta? Neque enim tot libros evulgassent, si celeriter eos non composuissent. Respondeant, respondeant hebetes semihomines, qui aliorum promptitudinem sua tarditate metiuntur. Nam nec ætas nostra prorsus caruit celeribus ingeniis, hominibusque qui extemporaliter facultate orandi scribendique valerent. Tales fuerunt in hoc nostro Gymnasio Mazonius, Dempsterus & Bulengerus. Tales sunt multi in Gallia, quæ regio nullo non seculo habuit viros facundos. Sileant igitur deinceps calumniatores, tardigradi detractores, nec in aliis culpent quæ ipsi otio, & vitiis dediti præstare nequeunt. Desinant meis laboribus detrahere apud Principes, & Proceres. Nec enim nego mihi, & in Germania, in Insubria, Romæ, atque alibi, & hic præsertim usurpatam extemporalitatem, contemptis insulsissimorum nebulonum, & ignarissimorum tenebrionum latratibus.

Opor-

Oportet autem magnam rerum cognitionem sibi comparare, si quis velit ex tempore aut dicere, aut scribere: quid autem est multiplex rerum cognitio? Philosophia, ut tradit Strabo lib. I. Hinc rursus Philostratus suos Rethoras non avellit à philosophia. Nam dicit: *Dias Epbesius philosophiæ quidem suæ fundamentum jecerat, ex Academia.* Mox de Carneade: *Carneades Atheniensis inter Sophistas scribitur. Philosophica enim mente præditus fuit, & orationis vim ad summam evexit gravitatem.* De Philostrato quod philosophatus fuerit cum Regina Cleopatra, Sophistaque appellatus. De Phavorino sic: *Phavorinum philosophum eloquentia inter Sophistas prædicavit.* Ergo merito de Julia Imperatrice dixit, quod habuerit philosophos in suo comitatu, & Rhetoricæ fuerit studiosa. Cui etiam acceptum debemus referre Commentarium Philostrati de vita Apollonii, quem non potuisset simplex Rhetor componere cum tam multa petat ex philosophia, non ego excuso fabulositatem ejus libri, quando auctor multa videtur cum suo Damide fingere de impostore Apollonio, ut suo loco latius exposui, negare tamen non possumus quin in eo multa utilia contineantur ad Philosophiam facientia, si quis ea secernere sciat à fabulositate, quod sigillatim jam indicare non possum, cum sit res alterius argumenti. Cur verò qui philosophiam profitentur talem librum non legunt? Novi causam, suum Aristotelem solum cognoscunt, & ab aliis auctoribus, per quos proficere possent, diligentissime abstinent.

CAP. CLVI.

*De Alexandro Aphrodisiensi. Aliquid additur
de Oppiano poeta.*

Alexandrum Aphrodisiensem memorat Suidas, nec reticet Porphyrius in vita Plotini. Legebantur scilicet ejus commentarii Romæ sub Plotino, tanquam optimi interpretis Aristotelis. Floruit sub Septimio Severo, & Bassiano Antonino Caracalla. Nam octodecim annorum spatio regnarunt simul hi duo Imperatores. Ad eos dedit Epistolam Alexander, quum eis offerret librum de Fato, ubi dicit: *cujus philosophia* (Aristotelicæ scilicet) *præfatus sum, vestro testimonio doctor illius pronunciatus.* Mox subjicit: *si autem per ocium operam dantibus vobis libro, oportere videbitur dictum fuisse aliquid clarius, peto ad me scribere de quaesitis.* Hæc ille.

Tanti porro interpretis opiniones hac tempestate videntur à plerisque postponi Averroicis glossematibus, nescio qua de causa, cum præsertim doctissimi sint viri, deque philosophia Peripatetica non male meriti, malintque Averroistæ, quam Alexandrei appellari. Sed quis non miretur mentem Aristotelis latuisse Alexandro adeo antiquo, & innotuisse tandem, & tam serò Arabi Averroi? Meum non est hic de hujusmodi vicissitudine Peripateticorum axiomatum disputare. Hoc interim ausim pronunciare multa visa ab Averroe excogitata, additaque de quibus nihil cogitaverit Aristoteles, quod meum effatum ostendet suo tempore liber de Averroica Peripateticæ doctrinæ extensione. Mihi namque placet Alexandrum

drum longe Averroi præferre. Quod testor jam
his versiculis:

Quisquis Alexandrum, quem florida secula tulerunt.

Averroi postponere

Haud dubitas, ferri à recta ratione videris.

Nam quis Pelasgo præferat

*Mollem Arabem, aut Maurum, quem barbara natio
jactat?*

Quin dignus aure Cæsaris

Regnet Alexander, doctum det jura per orbem,

Silcatque Arabs Averroës.

Cum Severo non occurrisset pater Oppiani poëtæ,
eum in insulam relegavit. Filius composuit insigne
poema de piscibus quod mortuo Severo obtulit Cara-
callæ, à quo donatus est ingenti pecunia, ut de Patre
revocato ab exilio nihil dicam, dicta propterea sunt
carmina illa aurea.

Quid hæc recensere attinet, inquires, quando de
philosophia agitur? philosophus profectò fuit Oppi-
anus, qui de piscibus tam doctè potuit disserere.

CAP. CLVII.

*De Heliogabalo persequente eos, qui Alexandrum
in disciplinis erudiebant.*

FAnaticus fuit homo Pseudantoninus Helioga-
balus, de quo ridenda, & prorsus in digna di-
ctu narrant historici. Mammæa Alexandri
mater, quem adoptaverat Heliogabalus, filium à scœ-
ditate omni vindicare satagebat. Qua ratione? sub-
mittendo philosophos viros doctos. Sic enim He-

rodianus: *submissis clam doctoribus omnium disciplinarum, græcisque eum pariter, latinisque literis instituens.* Quid ad hæc Heliogabalus? Magnopere indignabatur, jamque adoptionis, imperii participati pœnitebat, quapropter omnes illius doctores aula exegit, quosdamque illustriores, partim morte, partim exilio affecit ridiculas allegans causas, quod filium ipsius corrumpere, neque agitare eum choros, atque ebacchari sinerent, sed ad modestiam componerent, & virilia officia edocerent. Hinc in Heliogabalæam insaniam, quæ valde imperium afflixit Romanum sic ludere placuit:

*Solisne mystagogus
Vocaris Imperator,
Qui fervidus baccharis,
Ceu Mænas mentis impos?
Colisne solis orbem,
Velut peculiare
Numen tibi que gratum;
Procul interim Sophum vinum,
Qui splendent solis instar,
Procul jubes abire?
Ne quis gravi furori,
Quo te videt perire,
Opem adferat, & medelam,
Ergo peri furendo,
Pœnasque da furoris
Dejectus arce Regni,
Exutus ipsa vita,
Dum cætibus sophorum
Infers furendo damna.*

CAP. CLVIII.

De Mammæa, quæ filium Alexandrum sapientiæ præceptis curavit imbui.

BEat nos philosophiæ Romanæ progressus. Quandoquidem veridica narratione illuc nos deducit, ut sciamus Mammæam existimasse ope sapientiæ posse effici, optimum Imperatorem filium Alexandrum, iisque instructum artibus, quæ regna, & nationes sine sanguine in pacata tranquillitate regunt juxta legum sanctissima jussa. Etsi verò alias quoque scēminas habeat memorare philosophia, illisque suam augere gloriam, nescio tamen, an ulla mulier cum Mammæa comparanda promoverit sapientiam, tantumque ipsius profecerit auspiciis. Laudamus matrem Agricolæ, quod filium Massiliam miserit ad capeßendum ingenii cultum sub disciplina philosophorum. At ille Dux tantum extitit belli contra Britannos, non præfuit orbi Romano. Admovit philosophum erudiendo filio Agrippina, scelestæ cæteroqui, & pessimis artibus infamis, pudenda prorsus philosophiæ. Custodivit libros patris filia Pythagoræ, sed egestate pressa non potuit amplius de sapientia bene mereri. Audierunt Plotinum mulieres nonnullæ Gemina mater, & filia, Amphidia, sed sibi vacaverunt, neque magnopere fructum, qui ex philosophia percipitur uberri-
mus, ad alios porrigere potuerunt. Hypatia docuit Alexandriæ, discipulumque præter alios magnum Synesium habuit, sed umbratica tantum fuit
magi-

magistra, lapidibus tandem misera à furente plebe obruta. Mammæam autem in lucem, inque splendorem immensum produxit philosophia, qua sic curavit imbui filium, ut evaserit Romanorum Imperator omnibus numeris absolutus. Ergo gloriæ Mammææ comitentur versiculi, quos observantiæ in tantam foeminam plenus effudi, calore extemporalis, quorum tenuitati si lector non succensuerit faciet rem sua humanitate dignissimam. Neque enim nobis licet esse tam felicibus, ut de rebus arduis scribentes soluta oratione, mox mentem, calammumque ad sublime possimus transferre earmen.

*Mammæam Aonia victuro extollite Divæ
 Carmine, Mammæam Phæbus & ipse vehat.
 Induperatricem, qua non præstantior ulla
 Exitit, haud repens dicere debet epos.
 Nam Natum genitrix primis instruxit ab annis,
 Ut rectum haud segnis carpere vellet iter.
 Quo vocat excelsas animas Tritonia virgo,
 Quo sophiæ invitât, sanctæque jura trabunt.
 Candida quo virtus signato tramite ducit,
 Quo cives latia lege Quirinus agit.
 Artibus his fretus Cæsar se more probavit,
 Quem rigidus Censor, vel probet ipse Cato;
 Imperioque regens populos tria lustra peregit,
 Qualia Saturni sæcla fuisse ferunt.
 Ergo Mammæam, generosam Heroida, Musa
 Dicite, Mammæam Phæbus & ipse canat.*

CAP. CLIX.

De Alexandri Severi philosophico studio. Quod coluerit Apollonium Tyaneum, de quo plura proferuntur.

Alexandro Severo absque dubio cari fuerunt Philosophi. Nam Lampridius ait eum cum convivaretur *adhibuisse doctos homines.* Legebat libros Platonis de legibus eodem teste, & Ciceronem de Officiis, & Republica, habuit etiam præceptorem in prima adolescentia, seu pueritia philosophum Stilionem. In Larario suo habebat *animas sanctiores* (inquit Lampridius) *inque eis Apollonium*; scilicet Tyaneum; quem profecto Gentiles, ut divinum hominem, & plusquam hominem venerabantur. Sic enim Eunapius in procæmio: *Apollonius Tyaneus non jam philosophus, sed mediæ inter Deos ac mortales naturæ particeps: quippe qui Pythagoræ disciplinæ Sæctator, illius divinitatis famam, dignitatemque adauxit: de quo atnè perscripsit Philostratus Lemnius, editis libris, quibus titulum fecit: vitam Apollonii, cum debuerit verius inscribere, Accessum Dei ad homines.* Narrat Flavius Vopiscus Aurelianium de evertenda Tyana cogitasse, sed Apollonium Tyaneum, celeberrimæ famæ, auctoritatisque sapientem, veterem philosophum, amicum verum Deorum, ipsum etiam pro numine frequentandum recipienti se in tentorium ea forma, qua videtur subito adstitisse, atque hæc latinè ut homo Pannonius intelligeret dixisse: *Aureliane si vis vincere, nihil est, quod*
de

de meorum civium nece cogites. Aureliane, si vis imperare, à cruore innocentium abstine. Aureliane, clementer te age, si vis vincere. Norat vultum philosophi Aurelianus. Cur ita? quia eum in multis templis viderat. Ergo Gentiles effigiem Apollonii collocabant in templis perinde ac si Deus foret, aut Heros. Subjicit Vopiscus Aurelianum mox mutasse propositum evertendæ Tyanae, imo & imaginem, statuas, templum pollicitum. Quod ait se legisse in bibliothecæ Ulpiae libris. Mox exclamat: *quid illo viro sanctius? Venerabilius, antiquius? diviniusque? ille mortuis reddidit vitam. Ille multa ultra homines, & fecit & dixit.*

Sic scribere Vopiscum non miramur. Nam cum Gentiles viderent quotidie magis ac magis propagari Christianam veritatem, & adorari Servatorem nostrum, Christum Jesum, ipsi in furorem acti passim Magum, & impostorem illum Apollonium, ut divinum, imò ut Deum commendabant. Sed frustra fuisse, res ipsa docuit. Hodie enim Apollonius prorsus negligitur, & inter magos recensetur: Christus autem ut verus Deus, & æterni Patris filius adoratur ab omnibus ferè Nationibus.

CAP. CLX.

De Gordiani Imperatoris philosophia. De Sammonico Sereno, patre & filio, quorum hic fuit præceptor Gordiani.

Gordianum Seniore deditum fuisse philosophiæ asserimus præeunte Julio Capitolino, qui sic loquitur: *Hic enim vita venerabilis*
cum

cum Platone semper, cum Aristotele, caterisque veteribus agens, alium quam merebatur exitum passus est. Nam cum vidisset interfectum filium in proelio seque imparem Maximini viribus in Africa laqueo vitam finivit, vitamque cum imperio amisit.

Mirum autem non est dedisse operam senioremi Gordianum, ut nepos quoque philosopharetur, nam ei dedit præceptorem Q. Serenum Sammonicum. Qua de re iterum Julius Capitolinus. *In studiis gravissima opinionis fuit, memoria singularis. Sereno Sammonico, qui patri ejus amicissimus fuit nimis acceptus, & charus usque adeo, ut omnes libros Sereni Sammonici patris sui qui censebantur ad LX. & duo millia Gordiano minori moriens ille relinqueret, quod eum ad cælum tulit. Siquidem tanta Bibliotheca copia, & splendore donatus in famam hominum literatorum decore pervenit.*

Vides duos fuisse Serenos Sammonicos, patrem, & filium, & filius quidem paternam bibliothecam reliquit Gordiano Juniori. Qui vitam Q. Sereni Sammonici conscripsit confudit patrem cum filio, nam dixit Q. Serenum Sammonicum fuisse Junioris Gordiani præceptorem, & ejus meminisse Spartianum in Caracalla. Nam Spartianus loquitur de patre non de filio. Pater autem non fuit Præceptor Gordiani, sed filius. De patre sic Spartianus: *occisi sunt, & in balneis plures, & in cænis inter quos Sammonicus Serenus, cujus libri plurimi ad doctrinam extant. Idem Spartianus in Geta: Sereni Sammonici libros familiarissimos habuit, quos ille ad Antoninum scripsit.*

Inter eos libros erant, qui agebant de Reconditis, citantur enim à Macrobio, qui ejus quoque meminit lib.

lib. III. Satur. Cap. XVI. ostenditque Seniore Sammonicum floruisse sub Severo, adque eum scripsisse. Audiamus Macrobius: *temporibus Severi principis, qui ostentabat duritiam morum Sammonicus Serenus, vir, ut eo seculo doctus, cum ad Principem suum scriberet faceretque de Acipensere sermonem verba Plinii premisit & ita subjecit: Plinius ut scitis ad usque Trajani Imperatoris venit etatem, nec dubium est quod ait nullo honore hunc piscem temporibus suis fuisse, verum ab eo dici; apud Antiquos autem in pretio fuisse, ego testimoniis palam faciam.*

Hodie Sammonici nihil extat præter præcepta Medicinæ inter quæ reperitur amuletum adversus hemitritæum ex Magorum petito disciplina, vult enim chartæ inscribi Abracadabra quod putat vir eruditus fictum ex Abraxa qui erat Deus Basilidis, & Valentini. Ipsi autem religionem ejusmodi nugis inquinârunt sub Adriano, & Antonino Imperatoribus. Dubium autem non est, quin tale amuletum quod magiam sapit, debeat rejici. Sed discedat à Sammonico calamus, ex aratis tamen versiculis tanti hominis famæ dicatis.

Sammonicum resonet Parnasus, namque Serena.

Luce micat, veluti Cynthia nocte micat.

Ast, varia chartas quas scripserat arte Serenus.

Invida rugoso secula tulere situ.

Ergo nequicquam Sophiæ pallefcimus umbra,

Si nos Parca rapit, si pereuntque libri.

CAP. CLXI.

De Plotino, quando se contulerit Romam, quamdiu ibi vixerit?

Ro-

Romanæ civitatis felicitas philosophica tunc potissimum visa est esse in meridie, imò in cellissimo fastigio, quando Romana juvenus pendit admirationis plena ab ore docentis Plotini. Is enim Gordianum proficiscentem ad bellum Persicum comitatus est, quo perempto Antiochiam se contulit, inde Romam imperium tenente Philippo, ut narrat Porphyrius in ejus vita, atque tunc quadragessimum ætatis annum agebat. Perseveravit autem in urbe nihil scribens, ad colloquium quidem admittens nonnullos, colloquiisque inferens Ammonii præceptoris sententias. Permittebat amicis interrogare, atque inprimis Amelio, qui apud ipsum vixit viginti quatuor annis. Venit etiam Romam Porphyrius cum Antonio Rhodio è Græcia, reperitque Amelium. Agebat tunc Plotinus quinquagesimum nonum annum, decimo anno Galieni imperantis, sed Porphyrius impleverat tricesimum. Tuncque idem Plotinus scripserat unum, & viginti libros, quorum compositionem aggressus fuerat primo anno Imperiû Galieni. Sic viginti & uno libris decem annorum spatium impendit.

Quod certè omitti non debuit quandoquidem sic augetur, & illustratur philosophia Romana. Cur enim philosophiam Plotini Romanam non vocem, si Romæ composita est? incredibili profectò benevolentia Romani viri, imò mulieres philosophum persecutæ sunt. Nam in domo Geminæ, quæ ab ipso discebat cum filia, habitabat.

Multi etiam tam mulieres quam viri cum morti propinquarent filios suos, tam Mares quam scæminas

unà cum omni eorum substantia Plotino tanquam custodi tradebant, atque commendabant. Quocirca Plotini domus plena erat puerorum virginumque incoluit Romam sex & viginti integros annos, diremit plurimas multorum controversias, nec tamen ullum habuit inter cives inimicum. Ergò à summo antequam discedamus philosopho, recitetur Epigramma, ejus dicatum honori:

*Plotinum quicumque legit, putat esse Platonem,
Aurea qui quondam dogmata composuit.*

*Usque adeò Plato Plotini versatur in ore,
Plotinum ut jures mente Platonis agi.*

*Ergo Plotini versa sublime volumen,
Qui cupis Aëtæi pandere dicta senis.*

CAP. CLXII.

De Amelio Gentiliano, qui fuit familiaris Plotino.

A Melius fileri non debet. De eo sic Suidas: *Amelius Apamensis philosophus, discipulus Plotini, praeceptor Porphyrii, aequalis Armonii, & Origenis.* Is etiam vocatus fuit Gentilianus, teste Porphyrio in vita Plotini, dum inquit: *inscribitur sane liber (Longini) de fine ad Plotinum, Gentilianumque, cognomento Amelium.* Vixisse Amelium Romæ satis constat, cum dicatur fuisse Plotini familiaris. Sunt verba Longini apud Porphyrium: *præterea & qui etiam nunc Romæ vivunt, Plotinus, & Gentilianus Amelius, Plotini familiaris:* Scripsit non pauca egregia, si fides eidem habenda.

benda. Nam ait: *Plotinus, & Gentilianus Amelius propositionum copia referti sunt, scribendique munus serio elegerunt, proprio quodam more contemplationis utentes.* Visus est Amelius vestigia Plotini sequi, sed ambitu prolixiore verborum abreptus, induit contrariam Plotino formam. Contra eundem Amelium scripsit Longinus de Justitia apud Platonem posita.

CAP. CLXIII.

De Longini vita, scriptis, & morte. Aureliani gloriam non parum obscuratam tanti viri cade.

Longinum referimus in hoc opusculo de statu philosophiæ apud Romanos, quia licet non videatur unquam fuisse Romæ, tamen quia interfectus est ab Aureliano Imperatore Romanorum, eum omittendum non existimavimus, verba Flavii Vopisci in Aureliano hæc sunt: *Grave inter eos, qui cæsi sunt, de Longino philosopho fuisse perhibetur, quo illa Magistro usa esse ad Græcas litteras dicitur.* Quem quidem Aurelianus idcirco dicitur occidisse, quod superbior illa epistola ipsius diceretur dictata consilio, quamvis syro esset contexta sermone. Zosimus etiam in Aureliano ejus eruditionem, scripta, & constantiam in subeundo supplicio laudat. An fuisse Christianus dicendus, aut saltem semi Christianus? affirmet aliquis, quandoquidem in libello de sublimi genere dicendi facit de scriptis Mosis judicium. Id tamen non satis est, nam & Themistius ex S. litteris in orationibus profert testimonium, nec ta-

men Christianus fuit. Claudianus etiam poëta composuit Epigramma de Miraculis Christi, Gentilis tamen fuit.

Suidas porrò sic de ipso loquitur : *Longinus Cassius philosophus Porphyrii Magister, vir magna doctrina, & acri judicio.* Fuit sub Aureliano Imperatore, ab eoque occisus est per causam conspirationis cum Zenobia Odenati uxore. Recenset quædam ejus opera ibidem. Ex vita autem Plotini scripta à Porphyrio constat nonnulla contra Porphyrium ab ipso composita fuisse. Sic enim ipse apud Porphyrium : *Tyrinus Basilius* (hic est Porphyrius) *non pauca Plotinum imitando tractavit, atque Plotinum ipsum magis, quam viam regulamque nostram probans libri cujusdam compositione conatus est opinionem de Ideis Platoniam veriore esse quam nostram.* Hunc, inquam, rescriptione quadam opposita, mediocriter arguisse videmur, ut qui non recte scilicet recantaverat. Hæc ibi Longinus.

Longini ea singularis laus, quod eruditissimus simul, & doctissimus fuerit, & philologiam cum philosophia conjunxerit, quod suo loco etiam de Annæo Cornuto protulimus. Eapropter præterire non possumus verba Eunapii in vita Porphyrii : *Longinus, inquit, cæteris omnibus suæ ætatis antecelluit : & librorum ejus ingens circumfertur copia, illique ipsi admirationem obtinent, quod si quis vetustum auctorem aliqua in parte reprehendisset, non prius rata atque firma haberetur opinio, quam Longini illud confirmasset judicium.* Et paulo antea : *Ea tempestate erat Longinus spirans quadam Bibliotheca, ac vivum Musæ-*

um, cui de veteribus judicandi potestas permiffa erat, quo munere ante illum Dionysius è Caria perfunctus fuerat.

Tu tamen, Aureliane Imperator, talem tantumque virum è medio tollere non dubitasti, quo facto nemo dubitat tuum de Zenobia triumphum obscuratum fuisse. Quæ namque gloria non tenebris involvatur, si adjunctam habeat sapientissimi hominis mortem omnium præclarorum virorum lacrymis deflendam? Longini gloriæ velificetur hoc Epigramma:

*Longino atheream præbet sapientia dextram,
Et generosam animam collocat in gremio,
Atque sinu mentem fovet, ut caliginis umbra
Heroëm haud tangat, quin nigra regna petat.
Nempe viros, vitam qui transmissere per artes
Palladio in solio gloria, luxque manet.*

CAP. CLXIV.

Romæ fuisse Porphyrium non semel, profecisse sub Plotino, vixisse usque ad Probum.

BIs Romam se contulisse Porphyrium ambigere nos nequaquam par est. Primum illuc est profectus, ut ab ore Plotini docentis penderet, quod ipse testatur in vita ejusdem Plotini, nosque cum de eodem ageremus non reticimus. De secunda profectione proferre licet testimonium Eupapii in vita Porphyrii. Nam postquam aliquot annos transegit in contubernio tanti præceptoris, trans-

misit in Siciliam. Inde Lilybæum contendit, ubi jacuit in suspiriis vitam trahens, inedia se macerans, nihil cibi admittens, ei in tanto periculo vitæ constituto supervenit Plotinus, ac locuplete verborum copia evolaturum jamjam corpore animum à mortis lumine revocavit, ipsumque adeò corpus animavit, vegetumque reddidit. *Romam igitur reversus interruptum studiorum cursum, dicendique facultatem prosecutus fuit, sæpe in publicum prodians, ut doctrinæ specimen daret.*

Videtur autem ipsum præceptorem superasse, quandoquidem Plotinus involuta scribebat ratione: *sed Porphyrius tanquam Mercurialis quædam catena ad mortales dimissa, omnigenæ eruditionis beneficio, cuncta apertè, dilucidè, clareque explicabat.*

Cur discesserit Roma, reliqueritque Plotinum, id causæ fuit, quod atra laboraret bile, cujus causâ iussus est ab urbe discedere, ut ipse testatur, subjiciens hæc verba: *Quo quidem factum est, ut ab hoc animi proposito desisterem, sed interea impediret, quo minus Plotinus usque ad obitum ejus adessem.* Mortuus est Plotinus triennio post Porphyrii discessum ab urbe.

Quod profectò conciliari non potest cum narratione Eunapii, qui testatur Plotinum Porphyrio mori volenti circa Lilybæum supervenisse, hominemque revocasse Romam.

Ita potest esse controversia bisne aut ter, aut tantum semel se Romam contulerit Porphyrius.

Ubi autem obiit? Respondet Eunapius, videri extremam senectutem attigisse, dicique *Romæ vitam cum morte commutasse*, tradente itidem Eunapio. Sic

Sic vita ejus amplexa est imperium Galieni, Taciti, Aureliani, & Probi Imperatorum, ut discimus ex eodem Eunapio. Quamvis non defuerit, qui scripserit pertigisse usque ad tempora Constantini, & ab ipso revocatum ab exilio, religionem Christianam suscepisse. Quæ sententia jampridem explosa, ut futilis alia non indiget confutatione. Detestati autem prius odium Porphyrii in religionem Christianam, ejus in reliquis doctrinæ sic applaudimus:

*Purpura Porphyrium circundet, purpura Reges
Si facit, hic Rex est, qui sapit usque saphus.
Qui sapit atque animum magnis virtutibus explet,
Sceptrigerum est dignus Regis habere decus.
Sed qui mentis inops, vitiis obnoxius annos
Transigit, est servus mancipiumque merum.
Salve ergo Sapiens, regione exorte Syrorum,
Regalisque nitens nomen honoris babe.*

CAP. CLXV.

Examinatur, & confutatur paradoxum Porphyrii docentis hominem esu carnium pollui. Agitur etiam de hæresi Encratitarum.

SI disputare luberet de iis, quæ in suis operibus tradit Porphyrius, eaque ad veritatis expendere lancem, volumen aliud scribendum esset. At hic historiam successionis philosophicæ congerimus. Liceat tamen aliquod effatum ex Porphyrianis examinare. In libro de abstinentia ab animatis eousque patitur se à contentionis studio abripi, ut pronunciet

carnium esu nos sœdari, pollui, & immundos reddi his verbis: *Quare corruptio etiam, & inquinatio contrarii mixtio est, hoc est mortuorum in animalia, & eorum quæ sensu vixerunt, in viventia, & carniū mortuārum in viventes injectio merito nostræ naturæ pollutionem, & iniquationem inducit.* Quod profectò abhorret à communi ipsorum Gentiliū sensu, quandoquidem perquam frequentia erant convivia, quæ ab ipsis instituebantur ex victimis mactatis. Hinc scribunt viri eruditi olim Athenis, quando ad celebrandam aliquam publicam solemnitatem conveniebant, magnam inter tribus fuisse de præstantia victimarum contentionem. Itaque naturali victimarum altitium habitudine non contenti, artem adhibebant, qua pinguiore, & opimiores videbantur. Incisa bobus cute, spiritum arundine in viscera immittebant, pinguescere eos hac ratione autumantes, ut narrat Philosophus hist. de an. lib. 8. Cap. 7. Scimus etiam consuevisse olim amicos invitari ad sacrificiorum epulas. Hinc Eupolidis versus apud Athenæum dicunt: *victimæ cura coquendas: ut ex visceribus una simus, & epulemur.* Viscus profectò apud Suetonium de victimæ parte accipitur, quæ non adolebatur, sed convivis apponebatur. De Vitellio: *Ne in sacrificio quidem aut itinere ullo temperavit, quin inter altaria ibidem statim viscus & farra pene raptæ à foco manderet.* Sic de Latinis Feriis qui scribunt, ex Dionysio Halicarnasseo lib. IV. memorant Tarquinium Superbum designasse templum Romanis, & Latinis commune, ut convenientes quocunque anno in locum designatum nundinarent, unaque

vesce-

vescerentur, ac de communibus extis partem quæ eorum caperent. Nam non reticet Dionysius urbes quæ participes erant ejusmodi solennitatis, & sacrificii fuisse quinquaginta. Plura in ejusmodi rem quid attinet congerere? sacrificiis homines expiantur, non polluantur. An peractæ sacrificio statim seipsum polluere voluissent comedendo carnes, si carniū esu homo polluitur? Cur etiam Marcus Imperator qui fuit philosophus, cujusque auctoritatem contemnere non potest Porphyrius, tot hecatombis sibi reddere satagebat Deos propitios, quæ quidem hecatombæ & sacerdotibus & populo præbebant epulas, si carnes comestæ immundos reddunt homines? Julianus & ipse philosophus imitatus est Marcum. Sic enim Marcellinus libro XXV. *innumeras pecudes mactabat, ut estimaretur de Parthis si reverteretur iam boves de futuros: Marci illius similis Cæsaris, in quem id accepimus dictum: Candidi boves Marco Cæsari: si tu viceris nos perimus.*

Vides ipsos philosophos Gentiles inter se dissensisse de rebus gravissimis, ut propter ejusmodi dissidium facilius Christiana veritas potuerit de superstitione triumphare. Nam Porphyrius magnus philosophus docebat non esse fas mactare pecudes, aliaque animalia, putabat etiam pollui eos, qui mactatarum victimarum carnibus vescerentur. In alia omnia abibant Marcus, & Julianus Imperatores, & philosophi.

Christus Servator noster dixit: Nihil quod ingreditur per os, coinquinat hominem. Comedit ipse in suprema cœna agnum Paschalem. Omnes Patres-

familias quotannis eum mactabant, & ex eo vescabantur eum familia.

Sed objici possunt quædam pro paradoxo Porphyriano, quorum solutio veritatem magis ac magis illustrabit.

Gen. VII. fit mentio animalium immundorum etiam sub lege naturæ. Ergo saltem quædam animalia, si eorum carnibus quis vescatur, polluent. Nam Deus dixit Noë: *Ex omnibus animantibus mundis tolle septena.* Ergo quædam erant immunda.

Contactu, imo præsentia cadaverum polluebantur sacerdotes non tantum apud Gentiles, sed etiam Judæos. Ergo multo magis esus carniū fœdat, & reddit immundos.

S. Ecclesia vetat ne quibusdam temporibus vescamur carnibus. Videntur igitur nos polluere.

Tatianus S. Justinī Martyris discipulus, & Tatianum secuti Encratitæ perquam diligenter abstinebant ab animatis, ne sibi damnationem attraherent. Videntur igitur sensisse esu animatorum omnium, etiam piscium hominem pollui.

Eleazarus voluit potius mori, quam vesci carne suilla.

S. Apostoli Act. XV. edixerunt ut omnes abstineant à sanguine & suffocato. Christiani Veteres averfabantur botulos, & quælibet potius tormenta ferebant, quam ut eos comederent.

Hæc, & ejusmodi facile dissipantur, nec tuentur Porphyrianum paradoxum. Nam quædam animalia erant immunda in V. Testamento non natura sua, sed propter divinam interdictionem. Nunc autem

in

in novo Testamento ejusmodi differentia sublata est, abolita lege Moſis.

Contactu cadaveris humani polluebatur olim Pontifex & ſacerdos. Quod non recte transfertur ad cadavera animalium brutorum, quæ maſtantur. Etenim olim ſacerdotes ſemper verſabantur circa viſtimas non hominum, ſed brutorum animalium. Hodie nec contactu ſive præſentia cadaveris humani ſub Nova lege ſœdantur ſacerdotes.

Eccleſia nos vetat veſci carnibus quibusdam temporibus propter ſobrietatem, non quod putet abſolute nos pollui eſu carniū, cæteroqui non permitteret, ut unquam veſceremur carnibus.

Tatianus cum ſuis Encratitis damnatus eſt ab Eccleſia, & inter hæreticos repositus. Et S. Doctores dicunt S. Paulum Doctorem gentium de ejusmodi hæreſi vaticinatum, quando dixit. 1. Tim. IV. *in noviffimis temporibus diſcedent quidam à fide loquendo mendacia abſtinere à cibis, quos Deus creavit.* Ejusmodi errorem videntur Encratitæ hauſiſſe à ſectâ Pythagoræorum, quorum dogma conatus eſt prolixè defendere Porphyrius. Ergò dum S. Paulus ait fore, ut aliqui mendacia loquantur, dum volunt perſuadere, ut abſtineamus à cibis, quaſi nos polluant, viſus etiam eſt vaticinari de Phophyrio contendente hominem pollui eſu Carnium.

Sectarii noſtri temporis valde male transferunt verba S. Pauli ad oppugnandam Eccleſiam Romanam, quæ non dicit nos pollui eſu carniū, nec abſolute vetat nos veſci animatis, nam veſcimur in quadageſima piſcibus. Igitur S. Paulus intelligendus eſt

est de Encratitis. Audiamus de ipsis S. Patres S. Augustinus Her. XXV. ad quod vult : *Taciani non vescuntur carnibus, easque omnes abominantur.* Nos Catholici etiam si jejunii tempore abstineamus à carnibus non propterea eas abominamur. Nam extra jejunii tempora præscripta à S. Ecclesia iis vescimur, putamusque errasse Porphyrium, dum dixit, pollus hominem esu carniū.

De iisdem Tacianis sunt hæc verba S. Epiphanii hæresi XLVII. Encratitæ *animatis vesci prohibent; non temperantiæ studio neque peculiari ex instituto vitæ, sed falso quodam & affectato metu, ne ob animatorum esum sibi damnationem attrahant.* Hæc ille, quæ valde notanda sunt. Unde etiam intelligimus rectè pronunciaſſe Tertullianum, plerasque hærefes à ſectis philoſophorum ad Chriſtianos manasse, hoc est multos cum Catholici eſſent defeciſſe à Catholica veritate, dum incautè philoſophos Gentilos ſectantur. Encratitæ namque videntur hauſiſſe ſuum errorem à Pythagoræis.

Eleanzarus renuit comedere carnem ſuillam, quia tunc vigeſbat lex Moſis.

S. Apoſtoli fanciverunt, ne quis veſceretur ſanguine & ſuffocato, & id aliquandiu obſervarunt Chriſtiani ad honorandam legem Moſis, quæ tandem prorfus abolita eſt.

Imponam ſinem diſſertationi, ſi reverſus ad Porphyrium, dicam eum à propria confutari ſuperſtitione, quæ obſervabatur in cultu Matris Deūm, quæ tamen nihil ſanctius apud miſeros Gentiles cenſebatur eſſe. Nonne enim qui talia peragebant myſteria

ria carnibus vescerentur? an diceret Porphyrius eos pollutos, qui talem cultum Cybeles peragebant? si audeat affirmare non ferent eum sacerdotes, non Romæ, non Athenæ ubi Mater Deum accuratissimè colebatur. Sed prodeant verba Juliani Imperatoris orat. V. *Carnibus vesci* (in cultu Matris Deum) *sic lex sacra concessit, ut leguminibus interdixerit.* Quam legem ibidem adversus quorundam objectiones defendit Imperator, & forte sub nomine hominum non vulgarium, adversus quos disputat, intelligit Porphyrium, qui si velit censorem agere eorum, quæ peraguntur in sacris suæ religionis non audietur à quoquam, sed tanquam homo nimium tribuens suo iudicio explodetur.

CAP. CLXVI.

Putasse Porphyrium, consentire inter se Platonem, & Aristotelem. Adversus ejusmodi opinionem inferitur huic libro exercitatio.

DOlendum inter alia opera Porphyrii, peritissè etiam septem libros de Platonis & Aristotelis consensione. Cum enim ipse peritissimus fuerit non minus Aristotelicarum, quam Platonicarum opinionum, & inscribendo dederit operam, ut nodos Platonicos solveret adminiculo Aristotelicarum interpretationum, ut testantur Veteres. Si superesset ejusmodi opus, multum lucis nobis suppeditaretur ad intelligendum utrumque philosophum. An verò verè inter se concinant Plato, & Aristoteles, ut quidem docuit Porphyrius de eo vehementer

menter cogimur ambigere, cum aliter alii doctissimi philosophi senserint, sentiantque qua de re cum jam pridem exaraverim exercitationem, lubet eam hic insertam cum studiosis communicare, & in certa membra distinguere.

Num. I.

Quinam antiquis temporibus discordes, aut concordēs fuisse Aristotelem, & Platonem putarint, quinam nostra tempestate? non utilitate carere hanc disputationem. Laudatur Sebastianus Foxius.

DE consensione, aut dissidio quando agitur Platonis, & Aristotelis, dissidere inter se, & certare videmus doctissimos viros non minus antiquos quam recentiores. Nam magni Ammonii, qui præceptor fuit Plotini, temporibus, novimus consuevisse inter se acerbè rixari Platonicos, & Aristoteleos, qui propterea fieri non posse putabant, ut in amicitiam, & fœdus coire possent duorum philosophorum dogmata. Aliud visum Ammonio, atque Porphyrio, ipsique etiam Boëtio. Interpretes quoque Aristotelis Themistius Simplicius, Philoponus in suis commentariis dederunt subinde operam, ut idem videretur dixisse discipulus cum præceptore. Non eadem fuit antiquorum Patrum Ecclesiæ sententia. Nam in suis voluminibus, quibus Gentiles oppugnarunt, subinde dissidii Platonici, & Aristotelei fecere mentionem Averroës porro, ut subsequuta me-

memoremus secula, cum unum suspiceret Aristotelem, unumque putarit nusquam errasse, nusquam à veritatis tramite devium incessisse, millies cum suo Magistro in suis Commentariis vellecavit Platonis decreta, & opiniones. Sanctus autem Thomas, Theologicæ Scholastici, quia in non paucis conati sunt ad Religionem Christianam dicta, & scripta Aristotelea trahere, dederunt quoque operam, ut intelligeremus non aded male convenire Platoni cum Aristotele. Aquinatis vestigia hodieque sequuntur illi, qui non sigillatim, & perpetua serie Aristotelem interpretantur, sed quæstionum fluctibus ingenia adolescentum adhuc imbecillia turbant. Qui autem aliam ineunt in docendo dogmate Aristoteleo rationem, & non interrupto filo libros Philosophi exponunt, planè ad dicti Aristoteli frequenter significant, in quibus alitercetur discipulus cum Magistro. Sic se gesserunt, qui superiori quoque ætate floruerunt Peripatetici Patavii, Ticini, Bononiæ, Pisis, atque etiam Parisiis. Puri enim putique sunt peripatetici, Platonicam doctrinam, atque scholam insuper habentes, non tam odio atque contemptu Platonis, quam studio obeundi muneris, obeundæque provinciæ, sibi à moderatoribus Gymnasiorum impositæ. Non defuere tamen, qui suspicientes Aristotelem contedere non dubitaverunt nomen Platonis, inque ipsum magna convicia jecerunt, simulque dissidium tantorum hominum magis ac magis ob oculos ponere studiosis sunt conati. Talis fuit Trapezuntius. E contra Donatus Veronensis, Gemistus Plethon exploserunt Aristotelem, ut suspicerent Platonem, sicque

que dogmata Aristotelis descripserunt, ut præ Platonis sorderent. Franciscus quoque Patritius cum profiteretur Ferrariæ Platoniam Philosophiam omnem lapidem movit, ut opprimeret Aristotelem, eveheret Platonem. Ipse igitur in eorum ponendus est numero, qui stant à discordia Platonis & Stagiritæ. Sunt alii, qui æque admirantes Platonem & Aristotelem, laborem exantlant ingentem, ut concordēs fuisse in philosophico curriculo palam faciant. Talem se præbet Jac. Mazzonius in libro de vita activa & contemplativa, & in præludiis ad Platoniam philosophiam. Eadem mens fuit Sebastiano Foxio Hispano, virò profectò sapienti, in libro de natura philosophiæ, in quo totus est in exhibenda consensione duorum summorum virorum. Etsi autem Bessarion Cardinalis putet dissidere inter se Platonem & discipulum, ipseque magis adhæreat Platoni, non tamen invehitur in Aristotelem, dum insaniam castigat Trapezuntii. Nec silendus est Buratellus, qui pro concordia composuit, evulgavitque disputationes, nequaquam cum opere Foxii conferendas; sive namque stylum, sive doctrinam respicias, non est quod quis sollicitè chartas illas evolvat. Expertes enim sunt eruditionis, non Platonicas, non Aristotelicas opiniones rectè sciunt.

His sic expositis, videndum deinceps, quæ momenta pro concordia depromi queant, quæ vicissim rationes pro discordia deduci possint, dispiciendum. Cum enim viri docti pro utraque sententia militarint, atque inter se luctati fuerint, ambigendum non est non deesse modum, quo quis dissidium duorum philo-

loso-

lofophorum, aut etiam confenfionem tueri fit potis. Dicemus tandem, quid nobis videatur, ut eliquata veritate norint deinceps ftudiofi, diffideantne an concinant inter fe tanti viri, philofophiæ Principes.

Sed quæres, cui bono velificetur hæc differtatio? Nihil enim videtur pro futura, cum confenfio ipfa aut diffenfio nihil nos doceat. Dicendum potius foret à cujus partibus ftet veritas, quemque potius fequi nos deceat. Utilitate tamen non carituram hanc difceptationem ex eo intelligere licet, quia facem præfert tam Aristoteli, quam Platoni. Quis enim ignorat multa obfcure dicta fuiſſe à ſummis viris? Qui autem dogmata ipſorum inter ſe componit, magis ac magis, quid ſenſerint, intelligit. Nonne Beſſarion, nonne Foxius (ut alios omittam) dum Platonem, cum Ariſtotele componunt magna fruge bonarum rerum, magna copia philoſophicæ meſſis nos ditaverunt, multaque feliciter depulſis tenebris illuſtrarunt? Ne igitur quiſquam hanc exercitationem, antequam eam legerit, ut inutilem rejiciat atque contemnat.

Num. II.

Quæ Concordiam Platonis & Ariſtotelis tueri videantur.

Expenditur auctoritas Ammonii, & Porphyrii pro concordia facere Themiftium, Simplicium, Philoponum. Non facile poſſe ſolui, quæ pro Con-

cordia proferuntur à Foxio. Concordiam esse urgendam, ne Aristoteles videatur fuisse impius, & ingratus.

PRO Concordia Platonis, & Aristotelis quæ militant prodeant, felicibus auspiciis in aciem. Quis enim paci, consensionique non faveat? facit ipsa ad dignitatem philosophiæ, cujus antesignani fuerunt Plato, & Aristoteles. Nam si semel intellexerimus eadem tantis viris placuisse, quis in ipsorum sententia non conquiescet suaviter, remota, proculque jussa ire omni ambiguitate? si verò audiverimus non idem visum fuisse tantis Magistris, si persuasum nobis fuerit dissidii omnia esse plena dogmata Platonica, & Aristotelea, à nobis exulabit quies, concutietur mens, ad scopulos perplexarum cogitationum allidetur cimba nostra, de veritate invenienda desperabimus. Cum namque plus uno verum esse nequeat, & utriusque Sophi summa sit auctoritas, quis ausit de rerum natura aliquid certi, ex animi sententia pronunciare? Necesse profecto est si dissident, alterutrum errasse, si erravit aut Plato, aut Aristoteles uterque apex, uterque summus. Quisquam ne erit, qui iudex sedeat, unique punctum ferat, alterum damnet? Nonne temeritatis notam apud omnes eos, qui iudicio, prudentiaque non destituuntur subibit? Non ulterius progrediar declamando, cum unusquisque facile videat, quæ nobis mala immineant, si dicamus dissidere inter se Platonem, & Aristotelem. Pro consensione igitur ipsorum, tanquam pro aris, & focis pugnandum est.

Quis

Quis etiam sapere velit supra Ammonium Plotini præceptorem, supra Porphyrium, consummatæ doctrinæ philosophos, quos nihil latebat arcanorum Platonis, & Aristotelis? utriusque enim volumina, tam nota habebant, quam proprias ædes, ipsi cum pervassissent cuncta, in omnem partem se vertissent, dixere consentire Platonem, & Aristotelem. Cur dissentire asseremus nos, & tanquam suos docebimus Minervam? nam Ammonium introduxisse modum conciliandi præceptorem, cum discipulo testatur Hierocles, qui & ipse valde reprehendit eos, qui dissidere aiebant Platoneam, & Aristotelem.

Cum Ammonio, & Porphyrio idem sensisse apparet Themistium, Simplicium, Philoponum, quos cum in explicando Aristotele veluti fideissimos sequamur duces, non dissideamus ab ipsis, quando sæpe Platonis opinionem ad illustrandum Aristotelem adesse jubent. Nonne turbabitur omnis nostra tranquillitas in explicando summo philosopho, si contemnamus tantorum interpretum testimonium? ibimus per avia, si hanc deseramus viam. Paucis dicam, si sentias dissidere inter se Platonem, & Aristotelem, cogeris in quam plurimis deserere Themistium, Simplicium, Philoponum. Hos si linquis, hos si vitas, quos sequeris? num novitatem Arabicam Averrois, græcæ antiquitati illorum præferes? vide quid agas. Ne dicam ipsum Averroëem sæpe per vestigia tantorum hominum incedere. Boëtius in lib. II. de interpr. est pollicitus se demonstraturum consentire Platonem, & Aristotelem, & non dissentire, ut plerique tunc putabant,

Consensionem Aristotelis, & Platonis cur revocas in controversiam, si jam doctissimi viri prolatis utriusque testimoniis bellè inter se concinere ostenderunt? sume in manus, nè alia memorem, Foxii quoque libros, quos elegantes, accuratosque de natura philosophiæ exaravit, maximam profectò experieris difficultatem, si dirigas opinionem tuam contra disertissimam egregii doctoris expositionem. Solvenda tamen sunt illa omnia, quæ valdè multa ibi reperiuntur, si obstinatus obduras, affirmasque Platonem cum Aristotele dissentire.

Nisi consensionem urgeas Aristotelis cum Platone, Alexandri præceptorem ut impium, ut Epicureum, ut Religionis rerumque divinarum contemptorem cogeris abjicere; conterere, damnare, Scholis excludere. An enim Christianæ juventuti commendabimus ut præceptorem, qui asserat mundum factum non esse à Deo, nullos esse dæmones, genios nullos, animam humanam esse mortalem, cumque corporibus extingui. mundum plane incorruptibilem esse, neque destrui posse, nulla esse post hanc vitam præmia aut pœnas, ignorare Deum, quæ singillatim apud nos geruntur, neque ejus providentiam ultra lunæ orbem descendere, Deum esse affixum Sphæræ stellatæ versandæ in orbem, nihilque aliud agere. Ejusmodi, inquam, effata cogeris palam tribuere Aristoteli, non absque everfione Christianorum dogmatum, si non satagas eum cum Magistro conciliare.

Ut ingratum quoque Aristotelem volens traduces, pessum dabis, qui ausus fuerit erigere molem dogma-

gma-

gmatum contraria plane fronte cum decretis Magistri pugnantium. Damnabis ut audacem, qui voluerit novitatem architectari adversus Academiæ leges, & ejus fundamenta evertere. Quam enim ingens est Platonici dici gloria, quam diffusus splendor. Si putas dissidere Aristotelem à Magistro te in hos loqueos induis, ut dicas voluisse sapere supra divinum præceptorem juvenem Stagiritam. Quid verò turpius potest de quoquam dici, quam si affirmes, oppugnatum ab ipso eum, per quem profecerat, per quem doctus evaserat? Ingratos profectò homines omnium seculorum consensus summopere detestatur. Ad ingratitudinem autem Aristotelis, si verè bellum gessit adversus Platonem, nulla accessio fieri potest.

Intelligi sic debent dicta Platonis, ut à doctissimis Platonice exponuntur; non ut videntur in pessimam partem æstu contentionis ab Aristotele trahi. Conqueruntur enim frequenter Scholæ Platonice proceres à peripateticis non rectè exponi sententias Platonis, ut absurdæ videantur. Si porrò explicentur secundum id, quod dicere voluit Academiæ fundator, omnia benè habent, & non solum concinunt vero, verum & Aristotelis approbant enunciata. Cur enim Aristoteles sibi finxit inepta dogmata, eaque impegit Platoni aliisque veteribus, ut ipsis destructis gloriam nominis sibi pararet? Philosophum decet candor, decet probitas, dedecet calliditas, vagaque agendi ratio. Hanc querelam adversus Aristotelem legere est apud multos gravissimos scriptores, ut reipsa niti non possis dubitare. Verba scripto-

rum cum passim prostant, & oculis omnium obvia sint, non exscribo.

Hæc dicta sunt in gratiam eorum, quibus cordi est Platonis cum Aristotele consensus. Deinceps quid diffensionem defendat, recensere non dubitabo.

Num. III.

Quæ discordiam Platonis, & Aristotelis manifestam reddant?

Extollitur Alexander Aphrodisiensis, qui solus videtur olim recte exposuisse Aristotelem. Aristotelem palam fateri se dissidere à Platone. Exemplis asseritur discordia Aristotelea à Platone. Plurimos stare à discordia, valde paucos à concordia. De duabus scholis una Platonis, altera Aristotelis. Platonem hodie jacere, Aristotelem placere.

Non minoris ponderis censenda sunt esse, quæ pro discordia differuntur. Nam præsto statim est Alexander Aphrodisiensis, qui vixit temporibus Severi, & Antonini Imperatorum. Is ob antiquitatem, obque summam doctrinam visus est semper principem sedem inter professores peripateticæ philosophiæ obtinere. Certe si quis ullum ei prætulit, satis superque ostendet, se nescire, quid distent æralupinis, ignorare, quid sit Aristotelem probe interpretari. Scio subinde ejus dicta vellicari à Simplicio, Philopono, sed nequaquam novitii homines, qui sub Mauritio Imperatore vixerunt cum Alexandro comparandi sunt. Quæsi verunt illi quidem gloriam ex ipsius oppugnatione, sed nihil promoverunt.

Nam

Nam maximi Peripatetici, qui superiori ætate, atque etiam nostra longè melius exposuere dicta Aristoteleæ, quam Simplicius, & Philoponus longè reliquis prætulerunt Alexandream præstantiam, Alexandream acumen. In illustri loco collocata sunt opera Zabarellæ, aliorumque qui verum me dicere abundè demonstrant. Mirum verò non est non incessisse per vestigia Alexandri Simplicium, & Philoponum, cum habuerint præceptorem Ammonium Hermiæ filium, non tam Aristotelicum quam Platonicum. Alexander verò purus, merus germanusque fuit peripateticus, neque Platonica cum Stagiricis importune, affectata diligentia commiscuit. Eum quisquis sequitur, ut certe doctissimus quisque peripateticus sequitur in eruendis sententiis Stagiritæ facile intelligit, nequaquam eadem esse Platonis, & Aristotelis placita. Id adeò exploratum esse videtur, ut quisquis conjungere, conciliareque Platonica cum stagiricis satagit, jam dici debeat à Peripato, à Lyceo ad Academiam transfugere. Explorare ergò, quisquis non ambigit cum Alexandro decreta Aristotelis, protinus dissidere discipulum à Magistro edicere non differt. Si quis verò nolit præeuntem sequi Aphrodisium ducem, protinus à via, quæ ducit ad templum peripateticum aberrabit devius, decedet nescius, & ignarus recti tramitis. Si consentiunt Aristoteles, & Plato, cur Julianus Imperator, & Isidorus philosophus longè majoris fecerunt Platonem Aristotele, & acquieverunt magis in sententiis Platonis, quam Aristotelicis? Cur etiam idem Julianus putavit Aristotelem refe-

rendum esse ad Platonem, non viceversa Platonem ad Aristotelem?

Toties Aristoteles disertis verbis fatetur se dissentire à Socrate, à Platone, & nos contra consilium ipsius luctamur, herculeumque laborem nequicquam exantlamus, ut dicatur idem cum Platone dixisse. O malesuadam diligentiam, ò infelicem conatum. Certe dum inire gratiam apud Stagiritam volumus, hominem magnopere offendimus, irritamus. Hanc enim putat suam gloriam oppugnare tanquam falsa, veritatisque expertia dicta Platonis, melioraque discere cupientibus ostendere. Nonne exclamat palam : *Amicus Socrates, amicus Plato, sed magis amica veritas?* Si idem sentit cum ipsis, dissentit à veritate, nam ait sibi acceptiorem ipsam esse. Ergo à veritate putat abire Socratem, abire Platonem, sibi que benevolentiam parat, depellitque superbiæ notam. Dum enim insurgit disputando adversus tantos viros, possit quis fastum, arrogantiam, petulantem audaciam interpretari. Ipse contra ait à se quidem magnifieri excelsum fastigium Socratis, Platonis, sed præferri merito quibuscunque etsi maximi sunt, veritatem; ne dubitemus de discordia Platonica, atque Aristotelica. Sane si hodie volumina Platonis & Aristotelis in omnium manibus non versarentur, posset forte quis credulis cupidisque obtrudere decantatam, multisque optatissimam consensionem. Nunc cum nos clam esse nequeant ea monumenta, cur consentire dicimus, qui apertissime dissentiunt? cur amamus cæcutire in meridie? cur tacti nescio qua religione, potius dicerem
super-

superstitione delitias nobis facimus. ficta concordia, quæ nusquam in dictis Platoniceis, & Aristotelicis se conspiciendam præbet?

Transmigrare animas, ab æterno factas purgari apud inferos, redire superas ad auras, subire cælum, rursus descendere, exploratissimum est apud Platonem dogma. Apud Aristotelem ejusmodi de rebus altissimum silentium. Si semper, ut credit Plato, fuisse animæ, scientia semper aliqua præditæ fuisse dicentur apud eundem, ut tunc discere exstitemur, cum reminiscimur. In adversam opinionem dirigit brachia Aristoteles, animamque tabulam rasam, in qua nihil plane exaratum sit, appellat. Hæc quis pacificus civis conciliare possit aut velit? Gradus Divinitatis, summum Deum, Mentem genitam, genitam à Mente mundi Animam, mediam naturam inter materiam & animam mundi animæque mundi inservientem in Academia, in Schola Platonis quis non audivit? cuncta hæc ignorantur in Lyceo, potissimum dante quam gnave operam, ne multitudo Entium supervacanea in universitatem rerum invehatur.

Cœlestium corporum, atque etiam elementorum motum nonne cum Platone imputamus Animæ mundi ubique diffusæ, cuncta scienti, cuncta animanti? apud Aristotelem primus motor hæret non in centro, sed circumferentia stelliferæ Sphæræ, eam sic agit in orbem, ut ulterius vim non porrigat, cum vertendis aliis orbibus, imo singulis ipsorum lationibus præsit intelligentia. Exempli tantum causa hæc delibavi, ne dubitemus de discordia Platonica Aristotelea,

statuamusque infelicitè sudare, fatigari eos, qui ad concordem sententiam revocare satagunt discordes animas, nunquam in amicitiam, & fœdus ituras.

Exigui numero stant à concordia, Ammonius, Porphyrius, Boëtius, Mazonius, Foxius, & unus atque alter alius. Plerique omnes tam veteres, quam recentiores dissensionem Platonis, & Aristotelis non dissimulant. Taurus Berytijs, teste Suida, composuerat librum de differentia dogmatum Aristotelis, & Platonis. Eusebius sæpe citat librum Attici Platonici contra Aristotelem à Platone dissidentem. Nam Themistium & Simplicium, cum Philopono non omnino asseruerim recensendos inter concordie auctores. In castris igitur dissidii sunt Platonici Aristotelei omnes, qui florebant, cum floreret Ammonius Plotini præceptor, & qui docebant tempore Boëtii, ut jam superius docuimus ex ejus verbis. Instar omnium non abest Alexander Aphrodisius, sequitur Plotinus, quo quis peritior fuit Platoniarum opinionum? accurrunt omnes Averroistæ, qui conficiunt magnum agmen omnium propè Arabum. Achillinus, Pompognatius, Cremoninus, Buccaferreus, Mercenarius, Genua, Zabarella, Vicomercatus, & ut breviter eloquar, quotquot post barbariem depulsam Peripatum instaurarunt. Qui enim verum germanumque dogma rimati sunt Aristotelis, sua sponte discessere à Platone. Adjungendi sunt peripateticis Platonici Marsilius Ficinus, Diacerus, Bessarion, alique qui dum Platonem præferunt discipulo, maluerunt Platonici dici, Platonem sectari, atque adeò fateri non esse, quod quis putet in-

inter se tumultuantes, & luctantes Platonem & Aristotelem ad consensionem conclamandos.

Nec dissimulandum est perpetuum duarum familiarum inter philosophos discrimen. Nam si idem fuit duorum animus, cur abiverunt in geminam sectam discipuli, ut pars diceretur esse Platonica, Aristotelea pars? Nemo profectò peritus historię quique sanæ sit mentis peripateticos confuderit cum Platoniciis. Qua verò in re differunt, si dogmatibus, quæ à principibus hauserunt, non dissident?

Subjunxerim, inque cumulum jusserim ire, nostri seculi doctores plerosque omnes hospites plane esse in scriptis Platonis, eumque insuper habere & negligere, Aristotelis verò nomen semper in ore habere, ejus dogmata apud juvenes in scholis profiteri, atque exponere. Concordes si essent duo Duces, uni qui militat, in alterius quoque castris mereret stipendia. Nunc verò tantum abest, ut Platonis latus stipent, ut potius palam à Platone se abhorre afferant, atque affirment. Quæ omnia, quibus plura non alligo, discordiam Platonis & Aristotelis comprobant, evehunt, concordiam dejiciunt, humi affligunt.

Num. IV.

Dissoluuntur ea, quæ pro Concordia Platonis, & Aristotelis facere videbantur.

Philosophorum proprium esse dissidere. Dubitare eos, qui scire volunt Ammonium voluisse conciliare Aristotelem, & Platonem gentilis superstitionis causa.

sa. Foxium non probare consensum Platonis, & Aristotelis. Respondetur nonnullis, quæ ipse profert. Non offendi pietatem Christianam etiam si Aristoteles ab ipsa dissideat. Aristotelem libere philosophando non fuisse ingratum in præceptorem.

INfitias non eo, me sentire cum iis, qui putant conciliari cum Platone nequaquam posse Aristotelem. Ne ergo mutila mancaque exeat dissertatio de discordia summorum hominum, cogor ultimam laboris partem subire, disjicereque nubem earum argumentationum, quæ pro concordia stabant in acie. Neque verò est, quod quisquam putet magnam nobis in ejusmodi opera exantlandam esse difficultatem. Tales etenim sunt, ut non sit defectura ratio, quæ ipsas ratione carere ostendat. Age ergo rem aggrediamur veritate, ut puto, annuente, favente.

Cur solliciti simus de Pace, concordiaque philosophorum? Sancti Patres Ecclesiæ frequentes in eo sunt, ut dissidia philosophorum memorent, evertantque auctoritatem eorum, qui sic inter se belligerantur. Bellum gerant inter se Plato & Aristoteles; an idè periclitabitur veritas? Nobis nulla est veritas planè explorata, præter illum, qui dixit: *Ego sum veritas*. Ex eo nata est philosophia, quia homines cœperunt dubitare. Tolle libertatem ambigendi, universam philosophorum rationem everteris. Quod si ut philosophemur, ambigendum est, cur velis in amicitiam, consensionemque ire philosophos? ambigere sibi putavit licere Aristoteles de effatis Magistris,

ftri, quia viderat præceptorem, ut philosophus esset, ad ambiguitatem animum appulisse.

Ammonius, Porphyrius, cum dolerent male audire apud Christianos Platonem, & Aristotelem diffensionis causa, ideo dederunt operam, ut eos conciliarent, sicque inservirent Gentiles, cæcæque superstitionis incolumitati. Ausim tamen spondere non ex tota animi sententia id præstitisse Ammonium, Porphyrium, qui sicut acuti erant, facile animadverterunt facilius jungendos gryphes equis, quam ut veri Peripatetici cum Platonicis concinerent.

Sumantur quæso in manum libri eorum, qui velificati sunt argumento tractato ab Ammonio. nihil eos promovere cogaris intra exiguum temporis spatium fateri. Legi nuper libros Foxii optimos omnium, qui in hanc rem prodierunt. Vis dicam, quod sentio? vacillant. Erit forte tempus cum nactus otium id singillatim ostendam, deducam. Interim ne plane jejunus à mea discedas pollicitatione, accipe tractationis suscipiendæ exiguum specimen.

Collocat Plato naturam inter Animam mundi, & materiam, aut docet naturam esse ipsam mundi animam. Nihil ejusmodi reperiens apud Aristotelem. Vide significatus naturæ V. Metaph. Cap. IV. & II. physic. ubi reperiens formam maxime dici Naturam, formam, inquam. principium internum, quod unicuique rei largitur esse. Ait tamen Foxius primum Motorem ab Aristotele appellari primam naturam. Nego hoc apud Aristotelem inveniri. An enim diceres primum Motorem esse formam cœli? nequaquam. Nam perfectus actus est, perfectæque substantia,

stantia, nec potest cum cœli corpore coalescere. Adde naturam secundum Platonem esse seminariam vim ubique diffusam; ubique animantem, aut saltem Animæ mundanæ inservientem. Primus autem Motor Aristoteleus est tantum in oriente, aut saltem in circumferentia Stelliferæ Sphæræ.

Idem Foxius lib. II. cap. III. docet Platonem asserere cœlum esse quintam essentiam, ut videatur cum Aristotele concinere. Mox fatetur illum tradidisse esse igneum cœlum. Non ergo est quinta substantia, quam Aristoteles prorsus ita inficias esse igneam. Frustraque ad auctoritatem Plutarchi confugit, quasi Aristoteles cœlum ex igne esse factum tradiderit. Nam id forte tradiderat Aristoteles in aliquo opere exoterico, ex quo tamen non debent peti germana dogmata Peripati. Utinam vero, qui Peripatetici volunt videri, non uterentur testimonio exotericorum.

Ait Foxius apud utrumque cœlum esse æternum, ita est. Sed magno discrimine. Nam Platoni sic cœlum est æternum, ut sit factum, Aristoteli non est factum. Sic toto cœlo dissident, in re gravissima, qua quæritur, cœlumne sit factum an non?

Sed inquit Foxius, lib. II. cap. I. videri ejusdem ferè, cum Platone esse sententiæ Aristotelem, *nisi quod plane mundum esse æternum affirmat, nulla Dei opificis, aut illius ab hoc dependentia, ut sic dicam, habita ratione.* Dixerat supra de Platone, ipsum concludere mundum esse factum, *quatenus à Deo pendeat.* Imo idè pendet à Deo, quia factus est, nam si factus non esset, an penderet à Deo? quod pro-

profecio à se est, à nemine pendet. Quapropter ex sententia Platonis mox melius subjungit, mundum esse *æternum*, quatenus ad illius exemplar æternum factus sit æternus. Vides secundum Platonem mundum esse factum, atque ided pendere à Deo.

Juxta verò Aristotelem, non factus est mundus, atque adeò non pendet à Deo. Imo ided æternus est, quia factus non est. Nam si factus esset, æternus esse non posset sic quidem, ut puto, existimante Aristotele, nullum quod factum est, æternum esse posse, cum Plato non hæc putet inter se pugnare, æternum esse, & factum esse. Disertè namquæ docuit mundum factum esse, æternumque esse.

Talia plura possem ad Foxium, quem cæteroqui suspicio, exarare. Sed jam lubet paucis reliqua enodare, quæ nexueram pro Concordia Aristotelea & Platonica.

Aristotelem docuisse animam esse mortalem aliqui scriptores Ecclesiastici tradiderunt, atque alia multa in ipso deprehendimus, quæ prorsus pugnant cum Religionis Christianæ decretis. Non est, quod nos hoc turbet. Nam dum Juventuti ejus opera prælegimus, simul monemus, in quibus vir tantus erraverit lumine Evangelicæ veritatis destitutus. Etsi vero concineret Platoni, tamen devius abiret in gravissimis dogmatibus à tramite Catholico. Qualia enim, quæ occurrunt in Platone de æternitate mundi, de Pythagoræa æternitate, circuitu omnium animarum. Talia abjicienda penitus sunt nobis, dum Catholica profitemur dogmata, ut eadem difficul-

cultate laborare pronunciemus Concordiam Platonis cum Aristotele, cui obnoxia est discordia.

Ingratitudinis notam à cervice Aristotelea depelles, si cogites, nihil esse magis consentaneum philosophiæ, quam si cum libertate dubitandi, oppugnandi jungatur. Quod si exigas fidem, neque patiaris doctos homines à te dissentire, non jam scientiam præfers atque profiteris, non philosophi personam sustines, sed imperium exerces, ut Principes & Magistratus, in cujus leges conceptis verbis jurant subjecti populi. Nec sprevit Aristoteles Platonem, cum ei statuam tanquam optime de se merito posuerit; sic enim conatus est apud posteritatem testari gratum animum erga summum divinumque virum.

Quod si quandoque videatur torfisse verba Magistri Aristoteles, non desunt tamen plurima, ut exponuntur ab ipsis Platoniciis, quæ plane luctantur cum pronunciatis Aristoteleis; delinant igitur deinceps docti homines nequicquam inani se lassare opera, nec sperent se posse impetrare, quod cum re ipsa palam pugnare deprehenditur.

Appendix.

Dixi in superioribus num. Simplicium non esse prorsus addictum concordie Aristotelis cum Platone. Contra quod objicies, in principio Commentarii in prædicamenta monere ipsum, ut qui philosophiam interpretatur satagat Aristotelem, & Platonem ad consensionem revocare. Adde Simplicium passim in libros de cœlo, & physico

fico auditu sic se gerere, ut ostendat Platoni bene cum Aristotele convenire. Respondendum puto, dedisse quidem operam Simplicium, ne videatur cum Platone dissentire Aristoteles, non uno tamen in loco tueri Platonem adversus Aristotelem, faterique Aristotelem non pauca protulisse contra Platonem, ut ea, quæ videntur esse contraria suæ scholæ oppugnaret. Non obscure autem indicat Aristotelem, undique arripuisse occasionem invadendi præceptorem, potuisseque in multis abstinere ab oppugnatione.

Ubi Aristoteles impugnat Platonem, quod materiam dixerit esse locum formarum, ait Platonem non proprie locutum, quemadmodum non proprie locutus est ipse Aristoteles, quando vocavit intellectum locum formarum.

Commentario in VIII. physic. prolixè disputat Simplicius, an Deus secundum Aristotelem sit non tantum causa finalis, sed etiam efficiens mundi, quemadmodum etiam docuit Plato? Respondet affirmando, adducendoque auctoritatem Alexandream, quæ asserit, Deum esse causam efficientem motus cœlestis.

At longe aliud est, esse causam efficientem motus cœlestis, aliud mundum condidisse. Nusquam Aristoteles dixit Deum esse causam efficientem mundi.

Quod si contendas existimasse Simplicium concinere Aristotelem & Platonem, & id ostendisse in suis Commentariis, respondebo multa desiderari videri in ejusmodi concordia, quam frequenter videtur molitus Simplicius.

CAP. CLXVII.

*De Memoria Philosophorum celebrari solita
quotannis.*

Celebrium philosophorum natales puto celebratos fuisse Romæ conviviis, hilaribusque conventibus. Nam satis constat celebratum natalem Virgilii, Lucani, ut & Cassii, & Bruti. Cur non idem transferamus ad Philosophorum illustrium natales? Athenæus profecto lib. V. in principio sic scribit: *Sunt autem multi philosophorum conventus Athenis Diogenistarum, Antipatristarum, Panetiaistarum, legavit ad hæc conventicula pecuniam Theophrastus.* Non deest, qui verba Athenæi accipit de statuto die anni; sed quid vetat transferri ad Natales, in quibus memoria tantorum hominum hilariter renovabatur? Dices hæc nihil facere ad statum philosophiæ apud Romanos, nam tales conventus, teste Athenæo, instituebantur Athenis, non Romæ. Respondeo & dico Romanos, quandoquidem sese Athenas philosophiæ causa conferebant, absque dubio intervenisse talibus conventibus. Probabile etiam est eos, qui studiorum causa illic versati fuerant, domum reverbos sic sese quotannis gessisse, ut coleretur memoria insignium professorum. Plotinus certè Romæ degens & docens Platonis natalem celebrabat, ut scriptum reliquit in ejus vita Porphyrius, qui narrat à se tunc recensitum de connubio sacro Poëma, quo audito Plotinus ait cunctis audientibus: *Demonstrasti simul poëtam, Philosophum, Sacerdotem.*

CAP.

CAP. CLXVIII.

De bibliothecis in urbe Roma. Quot fuerint, quæ ratione sublata?

ET si bibliothecæ complectantur omne genus librorum, quia tamen inter eos Philosophorum scripta videntur principem locum sibi jure merito vindicare, non hanc negligentiae culpam mihi patiar impingi, ut dicar, quando de philosophia Romanorum ago; præterisse bibliothecas, quas instituerunt Imperatores.

Quis dubitet à Lucullo, qui summus erat philosophus, valde multos libros philosophorum compertatos ex Græcia, collocatosque in bibliotheca, quæ licet non omnino publica esset, ad eam tamen non difficulter admittebantur Græci, quorum colloquiis luentissime se inferebat Lucullus.

Sed prorsus publicam voluit esse Asinius Pollio teste Plinio lib. XXXIV. Cap. XI. qui memorat liberalitatem Augusti, cujus causa ait superesse memoriam Octaviæ, Palatinæque bibliothecæ.

Novimus quoque Tiberianam bibliothecam pacis, ad quam conveniebant viri docti confabulandi causa, præ qua tamen celebris valde fuit bibliotheca Ulpia, à Trajano dicta, de qua non pauca jam alii prompserunt.

Domitianus tamen ante Trajanum magnam curam in reparandis bibliothecis posuit, misitque Alexandriam, qui exemplaria describerent, emendarent. Ita discimus tempore Domitiani non ca-

ruisse bibliotheca Alexandriam; nam semper urbs illa plurimos professores aluit.

Sic aut non prorsus omnes libri exusti sunt, cum exureretur bibliotheca à militibus Cæsaris, aut provida liberalitate Augusti, vel alterius instaurata est immortalium monumentorum sedes.

Quis vero non mireretur à Domitiano in exilium actos philosophos, cum tamen eorum libros, undique magna diligentia conquireret?

Nec putemus unam atque alteram fuisse Romæ bibliothecam. Nam P. Victor recenset undetriginta.

Tantus Thesaurus, qua ratione periit? Gothis diripientibus desolantibus æternam urbem. Sed & ingens affectus Pontificum erga religionem Christianam sustulit libros, qui de Gentili agebant doctrina. Sacrisberienfis lib. II. de Nug. Curial. narrat, *sanctissimum Gregorium non modo Matthesin ab Aula, sed ut traditur à majoribus, incendio dedisse probatæ lectionis.*

Scripta, P. latinus quæcunque recepit Apollo, in quibus erant præcipua, quæ cælestium mentem, & superiorum oracula hominibus videbantur revelare.

CAP. CLXIX.

*Concussam philosophiam Romæ postquam Constantinus migravit Byzantium. Aliqua de The-
misto proferuntur.*

Vultus non exiguum, quis dubitet inflatum fuisse philosophiæ, tunc quando Roma migravit Byzantium Constantinus. Nam
quam-

quamvis philosophi profiterentur se spernere honores, & divitias, videmus nihilominus plerosque omnes lubenter sectatos fuisse magnos Principes. Sic ergo postquam Romæ desierunt esse Imperatores, & ferè Constantinopoli vixerunt, etiam desit florere Romæ Philosophia paucissimos profecto numerare est, qui Romæ philosophati sint post migrationem Constantini. Scio Themistium ibi docuisse, sed tandem sedem fortunarum suarum Byzantium transtulit, neque amplius ab urbe regia passus est se avelli. Carus autem fuit Constantio, Joviano, Valenti, Theodosio, Valentiniano, Arcadio, licet ipse Gentilis esset ipsi autem omnes Christiani. Quid quod Theodosius institutionem Arcadii ei commendavit, quod mirum profecto est. Donaverunt hominem statua, senatorem renunciarunt, ut virtutem eximiam honorarent, Principes Christianissimi, quod omnino à me memorandum fuit, ut sciremus, non prorsus à Cæsaribus Catholicis contemptos, & explosos professores philosophiæ. Ipsi profecto Antistites, inter quos Gregorius Theologus, Themistium sua amicitia non indignum judicaverunt.

Sed cur de benevolentia Juliani Imperatoris erga Themistium adedè celebrem illis temporibus philosophum nihil diximus? imò scimus ipsum scripsisse ad Julianum, & ab eodem responsum accepisse affectus plenissimum, quod reperitur inter Epistolas Juliani Imperatoris, quæ tamen Epistola mihi non fuerat visa, cum ederem libellum de illius Principis philosophia.

Appendix de Themistio.

Diu multumque peregrinatus est Themistius, more philosophorum, de quo more jam quædam in hoc libro prolata sunt. Professus est Antiochiæ, Nicomediæ, Galatiæ, imo Romæ. Romæ quidem tanto hominum applausu, tamque erga eum inflammato studio, ut cum honestissimis conditionibus eum apud se retinere frustra essent conati; Imperatorem ipsum interpellandum putaverint. Sed cum nihil ne sic quidem promoverent reversus Constantinopolim, ubi viginti jam annos antea manserat, se ad usitatum munus docendi contulit, uxorem duxit, filios procreavit. Valentis in Orthodoxos rabiem aliquoties oratione, autoritateque compescuit. Patrem habuit Eugenium, egregium itidem philosophum filii educatorem, & præceptorem in philosophia. S. Gregorius Nazianzenus Ep. CXXXIX. ei Eudoxium juvenem erudiendum in philosophia commendavit. In ea Epistola Themistium μέγαν *magnum* appellat. Epist. CXL. ait: ὁ βασιλεὺς τῶν λόγων, *tu es Rex sermonum*. Subjicit Themistium pollere & philosophia, & potentia, rogatque ut confirmet dictum Platonis asserentis felices futuras Respublicas, si philosophia cum potentia conjuncta sit, S. Augustinus quoque ejus meminit Cap. III. de Categoriis. Sozomenus lib. VI. ait oratione Themistii ad humanitatem perductum Valentem, nam ostendit orando longè magis inter se dissentire Gentiles, quam tunc dissensionum esset inter Catholicos & Arianos. Occurrit Themistius
Jovi-

Joviano Imperatori, cum Senatu recitata oratione. Photius testatur eum relatum inter Senatores à Constantio, lib. VI. Cod. Theod. tit. IV. ea de re leguntur hæc verba : *Themistius philosophus cujus scientia auget dignitatem.* Photius non omittit in Platonem quoque ab eodem Themistio editas expositiones, quæ tamen perierunt magno cum detrimento studiosorum. Disce inde insignes illorum temporum philosophos etsi explicarent Aristotelem, consuevisse Platonem quoque excolere, & passim exponere etiam tunc quando versabantur in Lyceo. Quod quam verè à me dicatur norunt omnes, qui aliquem usum habent in operibus Simplicii, qui vel solus intelligendis opinionibus Platonis sufficeret, & tamen explanat Aristotelem.

CAP. CLXX.

Expenditur ex Epistola Juliani Imperatoris sententia Themistii præferentis Actuosam philosophiam Contemplanti. Et num Jurisprudentia possit vocari philosophia?

DE Themistio quandoquidem præcedenti locuti sumus capite, cogor quædam repetere, ex quadam Epistola Juliani Imperatoris ad ipsum exarata, in qua Imperator præfert quidem Contemplationem Actuosæ, & politicæ vitæ; narrat tamen ipsum Themistium aliter sensisse, quandoquidem volebat persuadere Juliano, ut Imperium susciperet, & Rempublicam capefferet. Repetam autem quædam, ut intelligant aliqui philosophi, an

merito nomen philosophi auferant Jurisconsulto, ne-
gentque absolute Jurisprudentiam esse philoso-
phiam, quamvis Ulpianus dixerit Jurisconsul-
tos veram, & non simulatam affectare philosophiam.

Afferit Themistius Herculem, & Bacchum una phi-
losophatos, & regnâsse, terramque universam ab im-
probitate, quæ tunc regnabat, repurgâsse. At
constat Bacchum dedisse leges Indis, eosque ad ci-
vilitatem vocasse. Nonne & Jurisprudentia
hoc agit, ut bonostueatur, & improbos conte-
rat, reprimat? Non desunt autem nostra tem-
pestate Politici, qui exemplo Herculis moti ajunt
esse fas Regibus bellum inferre alii Regi siquidem
crudeliter, & more Tyrannico sese gerat adversus
populos subjectos, de qua sententia non hic est di-
sputandi locus.

Solon, Pittacus, & alii legislatores nonne philo-
sophi fuerunt? Negari non potest. Cur Jurispru-
dentiam à censu philosophiæ excludemus, cum le-
geslatas antiquitus illustret afferat, interpretetur? ad
idem profectò genus videtur, referendus is qui con-
dit leges, quique eas interpretatur, iis utitur ad
publicam salutem, dignitatemque Juremeri-
to reprehenditur Epicurus, qui volebat philo-
sophos latendo vivere. Quod si philoso-
phum decet actuosam amplecti vitam, erit politi-
cus & prudens, quo munere non poterit rectè fungi
absque legum exacta cognitione.

Nec est, quod quis objiciat multos, qui accesser-
unt ad rem publicam, cupiditatibus cessisse, & su-
perbos, insolentesque evasisse. Nam multi tem-
peranter, & modeste se gesserunt, quorum vitam si
sibi

sibi ante oculos philosophi Jurisprudentes posuerint, rationem semper sequentur ducem:

Philosophia dat operam, ut hominem divinum efficiat, eumque doceat Deum imitari. Quis verò magis imitatur Deum, quam ille, qui sapienter regit populos? Deus enim curam gerit nostri, Geni- osque bonos præfecit provinciis, quibus similes evadunt boni Principes, sapientes Reipublicæ moderatores.

At objicit Aristoteles lib. X. Cap. VIII. Moral. Nicomach. à diis prorsus removendam esse actuosam vitam, cum tamen vivant, & non dormiant, vita autem ipsorum nihil aliud sit, quam contemplatio. Quo referendum, quod XII. Metaph. tradit Deum nihil præter seipsum contemplari, ac proinde nihil aliud nosse. Quæ profecto Epicuri dementiam videntur sapere. Fatemur quidem Divinitatem non facere commercia, non reddere deposita, non exercere se circa temperantiam, & alia, quæ propria hominum sunt. Sed num actuosam vitam Numini propterea detrahemus, quia non exercet ea, quæ sunt hominum? curam gerit universi more suo, hoc est divino. Non enim propterea molestiam experitur, & laborem, non defatigatur, non inquietatur, quæ de re videnda, quæ pulcherrime traduntur ab auctore libri de Mundo ad Alexandrum.

Quod verò actiosa Vita, quæ bonum Reipublicæ procurat sit præferenda contemplationi, quæ unius hominis bonò velificatur, probare est verbis ipsius Aristotelis lib. I. Ethic. ad Nicomac. Cap. II. *Bonum civitatis, & acquirere, & conservare majus, quid ac divi-*

nus videtur. Ac contentus quidem esse etiam unusquisque potest si uni soli: pulchrius tamen ac divinius, se genti ac civitatibus efficiatur.

Contemplatrix philosophia secundum Aristotelem subest Activæ, sive Politicæ, quæ quidem politice Architectonica est. Audiamus Aristotelem ibidem sic loquentem: *Civilis maxime principalis, maximeque architectonica est, quippe cum ea sit, quæ quasnam esse in civitatibus scientias oporteat: tum quales quemque discere, & quousque constituat.* Hæc Aristoteles.

Idem in III. polit. Cap. XV. asserit divinam prope virtutem requiri, ut quis regno rectè præsit. Ac philosophia conatur hominem divinum, quatenus fieri potest efficere. Maxime igitur philosophi erunt, qui rectè imperabunt.

Quæ omnia confirmantur puncto ipsius Themistii, ut testatur Julianus, cujus hæc sunt verba in eadem ad Themistium Epistola: *Cum vita genus illud, quod in actione versatur, philosophico te anteferre dixisses, ejus sententiæ testem Aristotelem citasti, qui felicitatem in eo, quod rectè agatur, sitam putavit.* At quia alias Aristoteles contemplationem videtur præferre, putat Themistius Aristotelem, non prorsus disertè exposuisse, quid de ea re sentiret, quasi super tanta controversia ambiguus & incertus foret.

Eadem Epistola Julianus Legumlatores, & politicos appellat philosophos. Cur ergò non appellabimus ita Juris, & legum consultos?

Ut verò finem scribendi faciam, quæro ex philosophis, qui uni contemplationi incumbunt, an
non

non putent sibi etiam si multi forent præferendum Ulpianum Jurisconsultum, cujus consilio usus Alexander Imperator tam sapienter rexit, tot annorum spatio Imperium Romanum, & innumerorum hominum salutem, & felicitatem procuravit, & perquam feliciter obtinuit?

Hinc ipse Ulpianus putavit sibi fas esse Actuosam philosophiam, veram minimeque simulatam appellare, cum illa, quæ altercatur de rebus obscurissimis, & nunquam aliquid exploratum depromit forte simulata dici queat.

Sed de tota controversia, quam hætenus exposui, sentiat sane quisque pro lubitu, exque animi sui sententia.

CAP. CLXXI.

De Sopatro, qui præfuit scholæ Plotinianæ, & occisus fuit à Constantino.

Si locuti sumus de Plotino, qui philosophiæ quidam sol fuit Romæ, non tacebimus de Sopatro, de quo refert Sozamenus lib. I. Hist. Eccles. Cap. V. quod, *Plotinianæ Scholæ præfuerit*. Quæquidem Schola duabus in urbibus dicitur fuisse Alexandriæ scilicet & Romæ.

Sed quem habuit præceptorem Sopater? Jamblichum, clarissimum prorsus in Platonica Philosophia. Eunapius in Ædesio postquam dixit de Jamblichi philosophia, deque Jamblichi discipulis ait: *At Sopater cæteris eloquentior, natura sublimium bonorum appetens*. Suidas: *Sopater Apamensis, sophista & philo-*

philosophus, Jamblichi discipulus. Vides fuisse eloquentem, quia Sophista, quod confirmat testimonium Eunapii, qui magnam eloquentiam tribuit Sopatro. Refert deinceps Eunapius, quod se ad Constantini aulam contulerit, quodque tam acceptum eum habuerit, *ut assessorem publice ad dextram haberet.* Suidas asserit & ipse, quod Sopater Constantino *familiaris fuerit.* Contendit tamen Sozomenus verisimile non esse in colloquium Constantini yenisse Sopatrum, quod Imperator tunc esset ad Oceanum, & Rhenum, refellit idem quandam narrationem Gentilium de Constantino interrogante Sopatrum: an expiari posset cædes commissæ contra cognatos, & respondisse Sopatrum: non posse. Vide lector totam narrationem Sozomeai.

Scripsit quædam Sopater teste Suida: scilicet de providentia, & iis qui propter meritum felices, aut infelices sunt, quæ materia semper visa est plurimum difficultatis habere, deque ea multa non solum Platonici, & Stoici tradiderunt propter Epicurum, qui ex eo colligebat non esse providentiam, quia malis bene est. Stoicos tuetur contra Epicureos Tacitus in sexto Annal. cujus verba expendimus suo loco adversus Famianum Stradam, qui Tacito impingit Epicureismum, cum tamen Historicus pugnet pro providentia contra Epicurum.

Magnificeri porrò par est Sopatrum in philosophia, quia prodiit ex schola Jamblichi, quem admirata est illa ætas, & si germana Platonica philosophiæ dogmata respicias prætulit, ut videtur Porphyrio, cujus sententia quandoque ad paradoxa accedunt, quod
quis-

quisque perspicere potest, qui legit responsionem Jamblichi ad Epistolam à Porphyrio exaratam ad Anebonem, & ex libro de abstinentia ab animalibus, qui quidem non pauca continet paradoxa. Tam vehementer enim oppugnat Porphyrius eos, qui occidi posse animalia asserunt, ut putet sacrificia, quæ peraguntur victimis mactatis, à malis dæmonibus esse excogitata, & præter jus fasque ad decipiendos miseros cœcosque mortales in orbem terrarum esse inuenta. Sic namque Porphyrius damnat suam ipsius religionem. Nos autem concedimus à malis dæmonibus inuentam fuisse superstitionem Gentilium, sed nequaquam ei in genere concedimus victimarum cædendarum omnem morem inuentum fuisse à malis Geniis; nam in V. Testam. jussu veri Dei cædebantur victimæ, & ita sacrificarunt Patriarchæ viri Sancti, sic edocti à Deo. Sed quid dicit Porphyrius de Heroicis temporibus? Nonne enim Heroes apud Homerum victimas mactarunt? cogitur damnare suos Heroes, & antiquissimum scriptorem Homerum, quem tamen ipse ut philosophum suspexit.

Reprehendit etiam Jamblichus in eo (ut multa alia omitam) magistrum, qui dicebat Genium uniuscujusque deprehendi à puncto genituræ, atque adeo approbat nugæ Chaldæorum, qui ex sideribus deducunt eventus hominum. Chaldaicam autem disciplinam non apparet approbatam fuisse à Platone, aut reliquis Platoniciis. Hinc etiam fit, ut vix fidem habeam quibusdam asserentibus Julianum Imperatorem, à Maximo didicisse disciplinam, quæ eventus hominum scrutatur ex sideribus, cum præfertim

sertim appareat longe alia ratione Imperatorem illum conatum fuisse indagare res futuras, quam ex inspectione siderum.

De talibus gravibus quæstionibus cuperem nobis differere eos, quibus sic noti sunt Plato, Plotinus, Jamblichus, Porphyrius, Proclus, ut censeantur perigisse ad omnia hujusmodi mysteria. Ergo præter emendationes & annotationes historicas, etiam contemplationes ab ipsis licet expectare.

Sed revertamur ad Sopatrum, quem interemit Constantinus. Cur ita? Suidas ait: *ut confirmaret se non amplius esse religioni Gentili addictum.* Ergo antequam fieret Christianus Constantinus habuit familiarem Sopatrum, quod tamen aliquis visus est velle negare.

Eunapius prolixè describit insidias, quæ paratæ fuerint ab aulicis, atque inprimis Ablavio Præfecto Prætorii, quodque persuaserint Imperatori arte Magica victos fuisse ventos à Sopatro, hincque fieri, ut naves appellere nequirent Byzantium: *quo audito Credulus Constantinus securi Sopatrum percuti mandat.* Quæ narratio debet esse suspecta, cum profiscatur ab Eunapio Gentili, qui omnia conquirit, quæ poterant facere ad obscurandam claritatem famæ Constantinianæ, cum ægerrimè ferrent Gentiles. Constantinum spreto veteri Deorum cultu suscepisse sanctitatem religionis Christianæ.

Apparet autem florente ætate occisum fuisse Sopatrum, nam discipulus fuit Jamblichi, & tamen Jamblichus vixit usque ad imperium Juliani, & à Juliano fuit maxime factus, quod testantur Epistolæ ab Imperatore ad clarissimum philosophum datæ.

CAP.

CAP. CLXXII.

De honore, quo summum philosophum Proæresium affecerunt Romani tempore Constantis Imperatoris.

TAm multa de Proæresio Eunapius nobis narrat, ut non liceat singula transcribere, cum præsertim pleraque ad Romanam non pertineant philosophiam, sed Græcam potius. Aliquid tamen inserit vitæ tanti hominis, quod si omitteretur, videremur maligne id transiliisse, nec satisfacisse meritis Romanorum erga sapientiæ professores.

Ergo cum Constans filius Constantini in Galliam vocasset Proæresium, summo eum afficere honore, cum animadverteret nescire illius cœli mortales satis pro dignitate admirari Proæresium, constituit excelsum philosophiæ Heroa Romam ablegare, ut isthic magis agnosceretur. Magna enim Roma sub Cæsarum postquam fuit potestate maximos semper aluit philosophos, optimeque cujusque meritum scivit metiri. Gallia non ita felix fuit, quod non haberet proprios Reges, propriosque Principes.

Qua autem ratione exceperint Romani Proæresium scire si cupias, dicet Eunapius nihil habuisse, quod singulariter in ipso admirarentur. Adeo vir ille totus quantus quantus erat, miraculum erat. Tandem cum varias ob dotes virum honorare decrevissent; statuam illi erexerunt ex ære pari prorsus magnitudine (erat enim magnæ staturæ Proæresius)
cum

cum isthac inscriptione : *Regina rerum Roma Regi eloquentiæ.* O decus æternum philosophiæ, quæ dedit Regem Eloquentiæ Proæresium, iudicibus ipsis met Romanis, quorum iudicium omnium punctorum, quæ à cunctis populis proficisci possunt, instar est. Maeste hoc apice, hoc lumine, hoc triumpho, O Dux vitæ humanæ, Magistra morum, veritatis præpugnatrix, errorum averruncatrix philosophia. Tu nos asseris in libertatem, non pateris cum servili vulgo humi hære, tu nos fluctibus humanarum perturbationum subtrahis, tu cymbam nostrarum cogitationum in portum deducis, tu nos vitare scopulos vitiorum doces, ventos affectuum compescis, omnia denique agis, ut beati felicesque simus. Te ego pronus veneror, tibi milito, omnem operam deferro, adhæsurus sancte, quamdiu regentur artus à spiritu: quin & cum anima à corpore discesserit, non desinam tuam extollere dignitatem, tuumque me profiteri alumnum.

CAP. CLXXIII.

De segete philosophica, quæ reperitur in Commentariis Servii Mauri Honorati.

QVando vixerit Servius interpres Virgilii dicere jam non habeo. Hoc scio floruisse post Domitianum, nam profert testimonia ex Statio, velut ex scriptore classico. Etsi autem Grammatici munere functus fuerit in explicando Virgilio, ambigere tamen non possumus eum Romanis discipulis (credibile namque est docuisse Romanæ)

mæ) propinasse non pauca ex multijuga philosophia, adeo ut si quis vellet fungi hoc labore, posset librum integrum conficere ex annotationibus Servianis, qui complecteretur veterum philosophorum varias sententias & opiniones. Ego hoc capite paucula degustabo, plura deinceps propositurus in V. æneid. ad illa verba: *salvete recepti. Nequicquam cineres.* Scribit: *Secundum Epicureos, qui dicunt omnia perire cum corpore.* Ad illa verba, quæ mox sequuntur: *animæque umbræque paternæ*, ita differit: Plato & Aristoteles, & omnes periti dicunt in homine quatuor esse animas, unam vitalem, ut in vermibus, qui tantum moventur, aliam sensualem, ut in brutis animalibus, in quibus est sensus & timoris, & gaudii: tertiam intellectualem, ut in hominibus qui & cogitare, & judicare possunt, est etiam quarta infra omnes, quæ physica dicitur, ut in herbis, & arboribus: quæ etiam motu carentes, vitam tamen habent, nam & nascuntur, & crescunt, & pereunt. Hæc ibi, quæ an vero sint consentanea, non est locus hic disquirere.

Observat paulo post, *secundum Pythagoram, de medulla hominis quæ est in spina, anguem creari.*

Cur par numerus sit sequior impari, sic exponit: *par namque numerus divisibilis, per quem mortalitas significatur, impar dividi non potest, per quem immortalitas significatur.* Nunc in Servium sic poëtice ludamus:

*Servius ingenti Sophia inflammatus amore
Sic repetit magni carmina Virgilii,*

*Ut saepe expediat divini dicta Platonis
Dogmataque enarret, quæ tibi Zeno placent.
Ergo sic Servi veniunt monumenta legenda,
Sic volvenda tibi est pagina Grammatici,
Ut saties animum jucunda fruge Cleantbis,
Eaque Academia mellea dona petas.*

CAP. CLXXIV.

De magno anno Platonis expositio Servii. Rejicitur quorundam opinio de regno Christi, per mille annos duraturo in terris.

Quid vetat adhuc inhærere Servio, & aliquid ad philosophiam faciens ex ipso depromere? in Ecloga IV. magnum annum Platonis, de quo cum Plutarchum memoraremus aliqua protulimus, exponit his verbis: *dicunt philosophi completo magno anno omnia sidera in ortus suos redire, & referri rursus eodem motu. Quod si est idem syderum motus, necesse est omnia, quæ fuerunt habeant iterationem. Universa enim ex astrorum motu pendere manifestum est.* Sed num redire possunt eadem in individuo actiones, iidem prorsus singulares motus? id si asserunt philosophi, ne igitur putent esse absurdam mortuorum resurrectionem, quam asserit religio Christiana; si redibunt etiam secundum Philosophos Platonicos eadem individua corpora, quæ quondam extiterant in hoc mundo, quæ etiam eadem numero actiones obibunt.

Antiquiores autem philosophi, qui floruerunt ante Platonem, non locuti sunt de syderibus primum cursum repetentibus, sed Heraclitus quidem dixit,
mu-

mundum conflatum ex igne per decursum Seculorum totum ignescere, & redire in ignem, rursusque ex eodem igne prodire mundum; hocque futurum infinities per innumera secula labentia. Sic fere etiam Democritus locutus est de Mundo conflato ex atomis. Ne de aliis philosophis loquar, secundum quos non licet talem ponere iterationem eorum, quæ evenerant, qualem voluit ponere Plato, secundum quem scripsit Virgilius:

*Alter erit tum Tiphys, & altera quæ vehat Argo
Delectos Heroas: erunt etiam altera bella:*

Atque iterum ad Trojam magnus mittetur Achilles.
Quem locum dum aliqui exponunt, dicuntque specialia pro generalibus poni, non recte videntur verba interpretari, si forte sic cecinit poëta de omnium rerum, & quidem singularium volubilitate proveniente à syderibus secundum Platoniam opinionem.

Subjicit postea non pauca de rediviva aurea felicitate, qualem finxit Antiquitas fuisse ab initio, à principiorum rerum.

Omnis feret omnia tellus.

Sponte sua sandyx pascentes vestiet agnos.

Dixerat antea:

Et duræ quercus sudabunt roscida mella.

Cumana Sibylla hæc cecinerat eventura nato Christo Salvatore humani generis, & à Sibylla talia petit Virgilius. Dices: non evenerunt sub Christo. An enim omnis tellus tulit omnia? Nequaquam. Respondendum: evenisse non secundum litteram, sensumque proprium, sed secundum intelligentiam

myfticam. Destructo namque veteri errore mira felicitas beavit homines, qui deinceps beatitudinem æternam potuerunt adipisci; sic cecinit Ifaias de temporibus Meſſiæ, Cap. XI. *Habitabit lupus cum agno, & pardus cum hædo accubabit: vitulus & leo, & ovis ſunul morabuntur*, & quæ plura ibidem ſequuntur. Scio aliquos ex veteribus ſcriptoribus Eccleſiaſticis accepiſſe, tam verba Ifaiæ, quam Virgilii de renovatione Mundi veniente Chriſto ad iudicium, ut regnet mille annorum ſpatio in hoc mundo, quem ſtatim prolixè deſcribit Lactantius lib. VII. divin. Inſtitut. Cap. XXIV. atque inter cætera ait: *Terra uberrimas fruges ſua ſponte generabit, rupes montium melle ſudabunt. Per rivos vina decurrent, & flumina lacte inundabunt. Non beſtiæ per hoc tempus ſanguine alentur, non aves præda. Denique tunc ſient illa, quæ poëtæ aureis temporibus facta eſſe jam Saturno regnante dixerunt.* Citatque Virgilium, deinceps de præmit Erythrææ Sibyllæ verba, Cap. XXVI. docet ſpatium mille annorum regni fore ſeptem millium annorum. Neque prius terminandum mundum, quam Roma corruat, quam Romam tyrannus abominandus deſtruat, & illud *lumen effodiet cujus interitu orbis lapſurus eſt.*

Quæ tamen ſententia Lactantii de regno Chriſti in his terris duraturo per mille annos, aut ſpatium ſeptem millium annorum jam pridem exploſa eſt, & locus Apocalypſis, quo non bene intellecto aliqui errârunt, eſt expoſitus ab eruditis interpretibus.

Miſſo autem factò Lactantio, annus magnus Platonis ex eo concutitur, quia cum Plato ſecundum

com-

communioſiorem ſententiam Platonicoꝝ dixerit mundum eſſe genitum ab æterno, non poteſt quicquam conſtituere momentum primum, in quo fuerint ſidera. Etenim æternitas excludit omnem poſſibilitatem (liceat ſic loqui cum Scholaſticis) & ſemper eſt in actu. Initium autem ſupponit non ens, & potentiam adeſſe. Ergo ab æternitate excludendum eſt omne initium hinc adedò fit, ut non poſſimus dicere ab initio fuiſſe in hoc vel illo ſitu, & ſtatu ſidera. Certè ſi ſemper mota ſunt, nemo poteſt dicere, cum inciperent moveri, tali vel tali motu fuiſſe mota.

Ut tamen conſulatur imbecillitati humani intellectus, S. Litteræ vocabulo principii uſæ ſunt, in primis S. Johannes, quando dixit: *In principio erat Verbum*. Sed Verbum ſemper fuit. Non igitur propriè accipitur principium, quando de Verbo, quod æternum eſt, ſermo inſtituitur.

CAP. CLXXV.

Perpenditur ſententia Servii, atque alioꝝ, qui videntur rationem tribuere animalibus.

Ejuſmodi opinio rejicitur.

A Latere Servii nondum diſcedo, quin perpendo, quæ profert ad IV. Georg. & VI. Æn.

Virgilius non pauca recenſet de apibus obſervantibus, & ſectantibus ſuum Regem :

*Ille operum cuſtos, illum admirantur, & omnes
Circumſtant fremitu denſo ſtipantque frequentes.*

*Hiſ quidam ſignis, atque hæc exempla ſecuti
Eſſe apibus partem divina mentis, & hauſtus
Ætherios dixere.*

Ad quæ verba notat Servius omnia animalia à divi-
no spiritu trahere ingenium, quod quia est in apibus, si-
cut in hominibus namque metuunt cupiuntque dolent,
gaudent quæ probantur ex his quæ faciunt, dimicant
enim colligunt flores prævident pluvias fateamur neces-
se est etiam apes habere partem divinitatis. Differit
autem prælixè in VI. Æn. de tota materia, quodque
omnia animalia prædita sint animo æterno, ostendit-
que quare non omnia animalia sentiant similiter, quia
scilicet dissimilitudines non sunt in animis, sed in
corporibus, quæ prout fuerunt vel vivacia, vel tor-
pentia, ita & animos faciunt.

Justinianus in Institut. de Jure natur. *Videmus enim
cetera quoque animalia istius juris peritia censer.* Hoc
est conspicua esse juris naturalis cognitione. Id si
verum est, ratio non videtur detrahenda animantibus.

Porphyrus in lib. III. de abstinent. contendit ani-
malibus inesse non solum sermonem internum, sed
& externum, convenientem tamen ipsis, & absolute
hoc effatum tuetur: omnia quæ prædita sunt sensu
esse etiam prædita intelligentia, dum inquit: *omni-
bus quibus est sensus, intelligentia quoque adsit neces-
se est*, prolata ratione Stratonis physici; qui ait sæpe li-
teras oculis occurrentes nos latere, quando aliò ani-
mum intentum habemus.

Similia protulerat ante Porphyrium Plutarchus
in libello: quod animalia utantur ratione, & longè
diligentius in alio opusculo, in quo quærit: An ani-
malia marina sint sagaciora terrestribus.

Galenus in orat. suas. ad artes hæsitanter hac de
re loquitur: *An animantium generi, quod irrationale*

le appellatur, nulla omnino ratio data sit, sanè dubium est. Nam et si caret ea, quæ in voce versatur, quam sermonem nominant, quæ tamen animo concipitur, quam ratiocinium appellant, ejus fortasse particeps omne genus animalium est, quamquam aliis parcius, aliis liberalius tributa sit. Hæcille.

Forte quis etiam adducet pro hujusmodi sententia, quod legimus in S. Littoris, nempe serpentem fuisse callidiorem omnibus animalibus. Adde Davidem dicere Deum dare escam *corvis invocantibus se*. Invocare Deum, escamque petere ab ipso, rationis est munus.

In adversam partem præsto sunt verba Senecæ lib. II. de Ira Cap. XVI. *Errat qui animalia in exemplum hominum adducit, quibus pro ratione est impetus, homini pro impetu ratio est.*

L. I. §. III. ff. si quadrup. pauper. fecerit legimus, quod animalia injuriam facere non possunt. Cur ita? *quia sensu carent*, hoc est ratione. Verba Ulpiani sunt: *nec enim potest animal injuriam fecisse, quod sensu caret.*

Receptissimum est, ut in definitione hominis ponatur rationale, dum homo dicitur esse animal rationale, quamvis aliqui, inter quos ipse Boëtius, addant illud Mortale. Ergo hominum sapientum communi sententia differt homo ab animalibus, quia rationalis est, ut intelligamus cætera animantia esse expertia rationis. Hinc etiam factum, ut hujusmodi animantia præter homines brutorum nomen adepta fuerint.

Peripatetici & Stoici itidem docuerunt, rationis esse expertia animalia, quod discere est ex iis, quæ ipsis tribuit Porphyrius. Docuerunt enim Peripatetici, & Stoici hominem habere imperium in animalia, & ipsa posse occidere & comedere, quia homo præditus est ratione, qua animalia reliqua carent.

Solus homo capax est felicitatis, & beatitudinis, quod magno consensu traditur, & Christiana quoque religio nos docet solum hominem creatum à Deo, ut tandem æternam in cælo consequatur vitam. Ab huiusmodi felicitate cur excluduntur animalia? quia rationis sunt expertia.

Plura depromere supervacuum est, cum præsertim librum de tota materia composuerim suo tempore evulgandum. Nunc breviter occurrendum iis, quæ contrarium suadere videbantur.

Servius secutus est Virgilium, Virgilius Pythagoræos & Platonicos, qui posuerunt animarum transmigrationem. Licet non sit certum rationem tributam animalibus à Platone, & Platonici saltem omnibus. Nam etsi dicerent easdem animas humanas migrare etiam in corpora animalium, usum tamen rationis videbantur eis detrahare, quod corpus brutorum ineptum sit, ut fungatur animal muneribus rationis.

Quemadmodum autem transmigratio Pythagorææ & Platonica animarum explosa est, ita explodendum etiam paradoxum Porphyrii, quod animalia utantur ratione. Et rejicienda etiam auctoritas Plutarchi in duobus opusculis ea de re conscriptis.

Verba Ulpiani prolata à Justiniano, quæque reperiuntur ff. de Inst. & Jure Lib. I. §. 3. intelligenda sunt, de quadam similitudine, quam habent animalia, quò ad usum Juris naturalis. Cæteroqui Ulpianus sibi contradiceret, cum adfirmet quadrupedes non posse facere injuriam.

Quod si diceres alibi aliter Ulpianum, hoc est uno in loco docuisse animalia esse prædita ratione, in alio ea carere, responderem secundum varias sectas philosophorum, forte sic locutum cum Gentilis esset: & forte minus caute talia verba, quæ animalibus, & feris peritiam juris tribuunt translata fuisse ab Imperatore Justiniano.

Quæstio autem est: An Stoici existimaverint rationem inesse animalibus? Quod videtur negandum, si consulimus Porphyrium, & verba prolata à me ex Seneca, qui Stoicus fuit. Sed quæ leguntur apud Servium in IV. Georg. & VI. Æn. videntur contrarium docere, qua de re tamen nolo hic ulterius altercari.

Galenus, si tamen libellus ille Galeni est, nihil decedit in hujusmodi quæstione.

Ad S. Litteras quod attinet, non negamus animalibus inesse aliquam similitudinem earum virtutum, quæ reperiuntur in homine. Sic callidissimus dicitur fuisse serpens.

Corvi invocant Deum modo quodam naturali, & sensuali. Deus autem suppetias fert ipsis quoque animæ, & eorum desiderium explet largiendo escas, quia regit & conservat universum orbem.

Atque hæc dicta sint ob verba Servii ad IV. Georg. & VI. æneid.

Q 5

CAP.

CAP. CLXXXI.

Existimâsse Servium cum Stoicis superiora corpora aliquid accipere ab inferioribus, qua occasione queritur: an repugnet Lunam aliquid accipere à terrâ?

AD verba Virgilii:
Polus dum sydera pascet.
 Hæc verba annotat Servius, *pasci aquis marinis sydera, id est cælestes ignes physici docent; secundum quos ait Lucanus, atque unda plusquam non disgregat aër.* Physicorum nomine intelligit Stoicos, nam & Stoicus videtur fuisse Lucanus, quem Boëtius de Consol. Philos. philosophis annumerat. Marcus Imperator apud Julianum in Cæsaribus: *πείθομαι ὅτι καὶ τὰ ὑμέτερα σώματα δεῖται τῆς ἐκ τῶν ἀναθυμιάσεων τροφῆς: persuasus* (Deos alloquitur) *vestra quoque corpora egere alimento ex exhalationibus.* Omitto testimonium Strabonis, de quo egi cum loquerer de ipso Geographo, ostenderemque fuisse Stoicum.

Peripateticis quintam substantiam adstruentibus prorsus diversam à quatuor elementis absurdum videtur lunam, aut alia corpora cælestia quicquam accipere à terra & inferioribus. Cur ita? quia terra regitur, non regit. Absurdum est perfectâ, & divina aliquid accipere ab imperfectis. Quæ differunt materia inter se non possunt agere & pati. Hinc inter recentiores Auctor putat falsam esse sententiam celebriorum Mathematicorum nostri temporis asse-

afferentium lumen solare, quo illuminatur terra, vicissim vibrari in Lunam, ut à Luna lumen itidem solare jacitur in terram. Nam sequeretur ex tali lumine percussio à terra calefieri regionem, in qua meteora frigida gignuntur. Profert etiam nonnulla de distantia terræ à Luna.

Antiqui plerique putarunt ex quatuor elementis constare totum mundum, ut videre est apud Servium in VI. *Æneid. Quatuor sunt elementa, terra, aqua, aër, ather, & Deus, præter hæc nihil est aliud.* Utiturque pro fundamento suæ opinionis verbis Virgilio, quæ incipiunt sic:

Principio cælum ac terram.

Si secundum Servium quatuor sunt elementa tantum, quæ animantur à spiritu divino, profecto in se invicem agere possunt, nihilque prohibet superiora aliquid accipere ab inferioribus. Quod de Deo tanquam anima mundi dicit aut Virgilius, aut Servius id nos non transferrimus ad nostram religionem, nostramque philosophiam, tantum ajo veteres plerisque putasse constare mundum ex quatuor elementis, dixisseque ætherem esse unum ex ipsis, nec sollicitos fuisse de quinta substantia Peripateticorum. Idem numerus quatuor corporum ex quibus conflatus mundus adstruitur à Virgilio ecloga VI. à Philone in libello de mundi incorruptibilitate, à Scholiaste Pindari in primam Oden, ab Ovidio lib. I. *Transform.* Manilio lib. I. *Astronom.* à Macrobio lib. I. in somnium Scipionis, ubi ait hanc fuisse sententiam Pythagoræorum, qui solebant jurare per quaternarium, quem numerum propagavit, & commendavit

Plato

Plato in Timæo, in quem legi possunt interpretes, ne quis contemnat Virgilium, Servium, & tales scriptores. Nam & Empedocles vir summus universum composuit ex igne, aëre, aqua, & terra. Fuit enim ipse Pythagoræus. Pythagoræos autem cæteris prætulit Plato in physicis. Hinc physica suæ præfixit nomen Timæi Pythagorici.

Stoici porro disertissimè dixerunt superiora aliquid accipere ab inferioribus, ut jam didicimus ex verbis Marci, Virgilii, & Servii.

Manilius lib. I. Astron. docet ab aëre temperari Stellas his verbis:

*Mixta ex adversis consurgunt viribus astra
Hinc vicina polis, hinc cæli proxima flammis,
Quæ quia dissimilis, qua pugnant, temperat aër
Frugiferum sub se reddunt mortalibus orbem.*

Ptolomæus ait Lunam ideo humectare, quia terræ vaporibus vicinior est, traditque Saturnum minus humectare, quia remotissimus est à terræ vaporibus. Cardanus autem sic interpretatur Ptolomæum, ut senserit Lunam trahere ad sese vapores à terra. Quamvis Scaliger talem interpretationem rejiciat, cum Ptolomæus dixerit ideo calescere Lunam, quia afficitur radiis solis, & humectare, quia vicina est terræ.

Apud Plutarchum in libro de Facie, in orbe Lunæ legimus Clearchum docuisse, ejusmodi faciem esse simulachra specularia, & imagines magni maris in Luna apparentis. Putavit igitur aliquid à terra posse accedere Lunæ.

Luna illuminatur. Ergo perficitur à Sole. Si potest perfici, etsi vocetur ab Aristotele divinum corpus, non repugnat ei fieri aliquam aliunde accessionem. Id si verum est, ut fatentur Peripatetici, & sensus docet, illuminari scilicet, à Sole Lunam, quid fiet Aristoteli asserenti cœlum esse ἀναλλοίωτον inalterabile? respondent, & admittunt alterationem perfectivam. Ergo non absolute debuit pronunciare Aristoteles cœlum esse inalterabile. Nonne enim quod illuminatur, perficitur? Cur ergo ipse removit omnem alterationem à cœlo, quia divinum corpus est?

Regerunt alterationem perfectivam, non esse indignam cœlesti corpore, sed respondere licebit, repugnare esse divinum & esse imperfectum, in schola quidem Aristotelis. Cur enim tantopere extollit cœlum facta comparatione cum elementis, nisi quia perfectum, divinumque est? At Luna jam amittit, jam recipit perfectionem, cum nunc clara sit, nunc lumine destituatur. Nonne quod amittit lumen, & obscuritati involvitur, alteratur, & quidem alteratione non perfectiva, sed ad deteriore[m] statum deducente?

Dicent, non repugnare Lunam perfici à Sole, tanquam à corpore cœlesti, & divino, sed repugnare eam lumen accipere solare à terra, quæ imperfectissima est. At parum videtur referre, unde quis aliquid accipiat, modo fiat accessio, & quis ex ejusmodi perfectione commodum sentiat. Cum præsertim fateantur Peripatetici lunam esse simillimam terræ, eamque quandoque cœlestem terram appellant.

lent. Averroës tex. XXXI. de substantia orbis hæc habet: *Et Luna videtur esse densa, & obscura, & recipiens lumen ab alio scilicet Sole, & in libro de animalibus dixit Aristoteles, quod natura ejus est unigenæ naturæ terræ plusquam cæterarum stellarum.*

Simplicius ait corpus Lunæ esse medium inter *caduca & cælestia*, quod repetit ex ipso Maynettus ad **Tex. 41.** libri Averroës de subst. orbis.

Nec deest inter Recentiores Peripateticos, qui asserit Lunam esse impurissimam & imperfectissimam: præstantissimi autem Mathematici tradunt prorsus esse obscuram, & destitui omni lumine proprio, prorsus ut destituitur terra. Si ergo tanta est similitudo inter terram & Lunam, quo abit quinta substantia Peripati toto genere differens, & distans ab elementis? quid etiam vetat à terra aliquid accedere Lunæ, ut à Luna accedit terræ?

Sed metuunt peripatetici, ne si dicamus aliquid Lunæ accedere à terra, Luna senescat, corrumpatur, pereat. Inanis metus est hic. Nam terra, ut docent Sacre Litteræ, stat manetque in æternum, etiam si solare lumen impingens in Lunam, ab ea jaciatur in terram. Sensus enim docet terram non senescere, quod etiam tradunt Philo, Columella, Arnobius, atque alii. Unde etiam sit, ut rejici posse videatur efflatum Peripateticorum asserentium cum suo Magistro solum cælum esse expers senii: & tamen nos non videmus senescere terram, cum nunquam destituatur suâ juventute, semperque pergat nos alere.

Quando autem disputatur de aliqua controversia, non accipienda sunt effata Peripati controversa pro fun-

fundamentis. Nam nil valet controversa opinio ad solvendos nodos.

Tu negas posse lumen solare revibrari in Lunam à terra, quia tale lumen calefaceret regionem aëris, & tolleretur meteora. Atqui lumen solare, quod revibratur à Luna in terram ipsa non tollit. Cur tolleretur id, quod jacitur à terra in Lunam?

Dices, ætherem, qui ambit Lunam, non atteri à radiis solaribus, ac proinde non transmitti calorem, supponis enim id quod cœleste est atteri non posse, nec in cœlesti regione excitari calorem, quia calor convenit tantum inferioribus.

Hæc dicuntur ex controversis hypothesibus Peripati, quibus proinde non cogimur assentiri, cum Mathematici doctissimi non desint, qui putent diffusilem, aëreamque esse regionem, quæ ambit Lunam, ut si asserat Peripateticus atteri aërem circa terram ex radiis solaribus reperiussis, idem debeat pronunciari de radiis solaribus impingentibus in Lunam. Quod si dicas Lunam ambiri à purissimo, candidissimoque æthere, si etiam asseras cum Aristotele Lunam constare ex substantia ejusdem ætheris, quæro qui fiat, ut Luna sit opaca, obscura, sit imperfectissima, imò impurissima, ut aliqui ex Peripateticis loquuntur? an potest aliquid conflare imperfectum ex perfecto? impurissimum ex purissimo?

Rursus quod terra agat in Lunam aliquatenus, imò omnes partes mundi inter sese ex eo etiam non absurde colligas, quia mundus unus est essentialiter, ut nemo non fatetur. Quis autem nescit omnes partes ejus substantiæ, quæ una est aliquatenus inter se affi-

ci?

ci? quod res ipsa clarissimè testatur in omnibus corporibus, quæ sensibus nostris exponuntur.

Quæ à me prolata, sic sunt, ut nolim cum quocumque vehementer altercari, quin paratum me fateor ejusmodi in rebus sanè difficilibus doceri à doctis, rerumque fiderearum peritis, quos inter libenter numero Vincentium, Renerium, jam notum Mediceis tabulis editis Florentiæ, Mathesin in hoc Gymnasio cum laude profitentem, nec omitto Johannem Baptistam Lavellum, mihi multorum annorum amicitia conjunctum, nunc Romæ in luce hominum versantem.

CAP. CLXXVII.

Definitio mortis à Servio petita ex Platone expenditur, & magis ac magis adstruitur animarum humanarum immortalitas.

IN verbis Servii ad VI. Æneid. definitio mortis reperitur. *Ex corporum conjunctione & animi hebetudine Varro, & omnes Philosophi dicunt quatuor esse passiones, duas à bonis, duas à malis opinatis rebus. Nam dolere & timere due opiniones male sunt, una præsentis, alia futuri. Item gaudere, & cupere sunt opiniones bonæ, una præsentis, alia futuri. Hæc ergo nascuntur ex ipsa conjunctione. Nam neque animi sunt, neque corporis propria. Pereunt enim facta segregatione, id est anima a corpore: quam mortem esse definit λόσιν σώματι καὶ ψυχῇ. Mors igitur apud Servium est solutio corporis & animæ.*

Sed

Sed definitio ejusdem mortis paulo aliter reperitur apud Platonem in Phædone, ubi Socrates sic loquitur: *Putamusne aliquid esse mortem? aliquid certe, inquit Simmias. Numquid aliud, inquit, quam anima a corpore solutionem? esseque id mortuum esse, scilicet solutum ab anima corpus per se seorsum esse? Seorsum quoque a corpore animam solutam ipsam per seipsam existere? Numquid mors præter hac aliud est? Nihil aliud, inquit Simmias.* Græcè sic habet definitio: ἀπαλλαγὴ τῆς ψυχῆς ἀπὸ σώματος. Deinceps legere est ἀπαλλαγῆσαν τὴν ψυχὴν ἀπὸ τοῦ σώματος. Negligenter ergo se gessit Servius, qui mortem appellavit λύσιν σώματος καὶ ψυχῆς. Probabile vero est, cum scriberet non inspexisse Phædonem, sed vel ex Varrone, vel alio aliquo scriptore eam definitionem tanquam Platoniam transcripsisse. Et si autem λύσις σώματος καὶ ψυχῆς videatur coincidere cum ἀπαλλαγῇ ψυχῆς ἀπὸ τοῦ σώματος, longe tamen clarior, & disertior est ipsamet definitio petita ex Phædone, quam illa transcripta ex Varrone. Nam clarius elucere jubet animæ immortalitatem, docetque superstitem manere animam, postquam sejuncta fuerit à corpore. Longe diligentior fuit S. Epiphanius, qui hæresi LXIV. disputans contra Origenianos, laudavit definitionem mortis Platoniam, & ἀπαλλαγῆς vocabulum non præterivit p. 10LXXX. ex editione Petaviana. Aristoteles, in cujus schola dolendum est, non ita esse exploratam animæ immortalitatem, ut explorata prorsus est in Academia Platonis, lib. de Juvent. & Senect. Cap. XV. appellavit quidem mortem ἀπόλυσιν

ἀναισθηλον τῆς ψυχῆς dissolutionem insensibilem animæ, sed ἀπολύσεως nomine nescio an voluerit significare ἀπαλλαγὴν Platoniam. Nam sic loquitur de morte paulopost: *Mors autem & corruptio violenta quidem calidi extinctio & marcor, quæ autem secundum naturam ejusdem hujus marcesfactio, propter temporis longitudinem facta & perfectionem.* Ubi mirari lubet, in morte fieri mentionem perfectionis. Atqui in plantis ariditas ipsis finem imponit, ut & animalibus mors. Statim enim inquit: *in plantis igitur ariditas, in animalibus mors.* Exulet ergo perfectio à versione Aristotelica. Nam græce usus est τελειότης vocabulo, quod deducitur à τέλος. Τέλῳ autem finem significat, quo nomine utitur Aristoteles, quando in Ethicis agit de morte, quam appellat τέλῳ, quia ipsa finit omnia, quasi ultra ipsam nihil sit. Igitur τελειότης non erat vertenda perfectio, sed potius finis, aut finitio, aut absolutio.

Plato autem de immortalitate animæ disertissime docuit, non omnia finiri morte, neque mortem esse extinctionem, sed esse segregationem animæ à corpore, quæ anima existit, & est superstes etiam post ejusmodi segregationem. In tertio tamen de anima Aristoteles videtur agnoscere talem segregationem, quæ relinquat animam superstitem. Dixit enim intellectum Agentem esse χωριστὸν esse separabilem, esse interitus expertem, & immortalem.

At intellectus possibilis interit. Dixit autem velle se agere de parte, qua anima intelligit, ejusmodique partem conflat ex intellectu passibili, & agente.

te. Intellectum passibilem multi interpretantur vim imaginativam animæ, quæ imaginativa cum corporea sit, interit in morte secundum Aristotelem, superstitæ tamen intellectu agente. At intellectus agens non est tota anima, sed potius pars partis intellectivæ, & quidem extrinsecus superveniens ad efficiendam intellectionem, ut sol supervenit coloribus, quos illuminat. Ad adstruendam immortalitatem animæ debuisset dicere, clarè cum Platone Aristoteles animam in morte ita segregari à corpore, ut segregata seorsim à corpore existat, sit superstes intelligat, operetur, beata sit.

Pater, & Magister Johannes Donatus Antellensis, optime de Metaphysica, quam in hoc Gymnasio explanat, meritis, valde prudenter censet dandam nobis operam esse, ut quæ Aristoteles de intellectu passibili, & Agente profert, sic exponantur, ne immortalitati animarum exploratissimæ officiant. Cujus sententiæ lubens subscribo, moneoque lectorem, ut in consilium vocet ea, quæ à doctissimis philosophis christianis ad tertium librum Stagiritæ de anima exarata jampridem sunt, iisque acquiescat.

CAP. CLXXVIII.

Quid de fabulis cum philosophia conjunctis Servius proferat? notatur nimium allegoriarum studium in Philone &

Origene.

A Pud Virgilium Eclog. VI. postquam Silenus egit de mundi origine, transilit ad fabulas:

Hinc lapides Pyrrhæ.

R 2

Cur

Cur ita? respondet Servius exprimere voluisse Epicureos, aut indicasse pueros delectari fabulis. Sattius dixisset philosophiam antiquam, non sejunctam fuisse à fabulis. Hinc Sallustius philosophus Cap. III. ait philosophos usos esse fabulis, & philosophi esse inquirere, *Cur fabule sint?*

Dices, poëtarum proprias videri esse fabulas. Responderit aliquis: Fabulas quatenus fabulæ, esse poëtarum: explicationem pertinere ad philosophos, qui ajunt narrationes illas veras non esse, si perpendas corticem narrationis, quandoquidem absurdæ ferè sunt, & indigna de Divinitate referunt; sed si penetres significatum continere ingentia arcana. Quade re accuratè & prolixè egit Julianus Imperator Orat. V. quæ est de Deum Matre. Sic autem loquitur: *Cum antiqui rerum assidue causas sub ducibus diis indagarent: ubi eas adepti sunt, incredibilibus involuisse fabulis.*

Dionysius tamen Halicarnaseus vehementer eas oppugnavit, quade re suo tempore ager meus liber de legibus Romuli jam conscriptus.

Manilius conqueritur à terra repletum esse cœlum, quandoquidem sidera constant nominibus petitis à fabulis.

Arnobius prolixè disputat adversus absurditatem fabularum vulgarum apud Gentiles, ostenditque frustra eos confugere ad allegorias ut absurditas excusetur. Lege eum lib. V. p. m. 178. 179. gravissime differentem.

Dolendum autem Philonem apud Judæos, & Origenem apud Christianos imitando Gentiles conatos fuisse

fuisse veritatem divinæ historiæ ad meram allegoriam transferre, quasi res quæ narrantur à Mose non evenerint, ut narrantur. Vide Philonem in libris de legis Allegoriis, ubi ait inter alia *rusticana simplicitatis esse putare sex diebus, aut utique certo tempore mundum conditum.* Hæc & alia respuenda sunt; cum repugnent veritati historicæ.

Origenes conatur tueri suas allegorias, contempta veritate historica homel. XV. in Josuam, & alibi. Sed passim confutatur ab interpretibus Catholicis.

CAP. CLXXIX.

De quibusdam ominosis signis, quid Servius referat ex suorum temporum anili superstitione?

REpentina evigilatio ex somno an ominosa? id negaveris, si cogites naturaliter fieri, ut qui crassis humoribus urgetur, & velut obsidetur, qui sibi videtur mergi undis, aut occidi, aut premi ab hoste, turbata scilicet humorum harmonia derepente evigilet. Cur ergo quod naturaliter evenit trahendum est meticulosa ratione ad triste signum? Nam tunc natura videtur suppetias ferre nobis laborantibus in somno, ne opprimamur à vi turbatorum humorum, aut copia cibi non perducti ad coctionem.

Veterum tamen superstitio nescio, quomodo talia ad malum omen referebat, putabatque Deum uti rebus naturalibus ad nos monendos. Sic simplex Pastor Eclog. prima à cornice, à tactis quercubus ra-

tiocinatur, aitque sibi imminentem calamitatem significatam fuisse. Ubi Servius ait esse mire compositam significationem in illis verbis:

De cælo tactas memini prædicere quercus.

Quercus tactas esse leviter fulminatas, indicarique temporale damnum. Citat autem Ciceronem, qui fulminatas arbores exposuit amissionem, aut interitum agrorum. Sed missa simplicitate pastorali in III. æneid. ait Æneas se attonitum formidabilibus visis corripuisse è stratis corpus, & turbatum evigilasse non satietate somni. Ad quam narrationem Servius secutus suorum temporum anilem superstitionem, ait: *quoties ex abrupto somnus aufugerit significat omen infelix, ut ecce hoc loco tempestas sequitur.* Et in secundo, excutior somno, & sequitur civitatis excidium, & tamen putat Servius ratione niti tales observationes; *Nam si somnus, inquit ipse, Deorum munus est, non sine infelicitate ex abrupto Deorum munus abscedit.* Ignoscendum aliquatenus Servio sequenti deliram opinionem suorum temporum.

Et tamen à nostris quoque temporibus non possunt talia prorsus depelli, subinde enim tam nobiles quam plebeji aliquid simile referunt, quorum non parvum numerum recensuit Azorius, quæ legi apud ipsum possunt.

Quæ cum audimus danda nobis opera est, ut nec prorsus contemnamus ejusmodi signa, nec tamen meticulosa opinione, quæ nos impediat in susceptis negotiis, animum impleamus.

CAP. CLXXX.

Servium cum Virgilio docere Deum nequaquam includi cælo. Argumentationem Aristotelis pro incorruptibilitate cæli petitam à sede Deorum imbecillam esse.

Servius ad IV. Georg. ad verba illa:
*Deum namque ire per omnes.
 Terrasque tractusque maris, cælumque profundum.*

Notat idem tradi in VI. æneid. profertque verba Lucani:

Jupiter est quodcunque vides, quocunque moveris.
 Ad illa autem in VI. Æn.

*cælum, ac terram, camposque liquentes
 spiritus intus alit.*

Observat: Deum esse divinum spiritum, qui per quatuor infusus elementa gignit universa. Thales, ut tradit Lærtius, docuit Deorum omnia esse plena. Apud Plautum dicuntur esse Dii alii superi, alii inferi, alii medioximi. Macrobius lib. I. Cap. XIV. in somnium Scip. sic scribit: *Bene autem universus mundus Dei templum vocatur propter illos, qui existimant nihil aliud esse Deum, nisi cælum ipsum, & cælestia ista que cernimus.* Alexan. Aphrod. de Misticione docet Stoicos docere spiritum quendam per omnia penetrare, & immixtum esse Deum materiæ perque eam universam pertransire, ipsamque figurare. Manilius in secundo libro non absimilia docet. Fuit enim, ut apparet, additus Stoæ. Sallustius de Dijs, & orbe Cap. VI.

Hi (Dii) cum ante alios mundum possideant, eorum orbes intueamur. Vestæ terram, Neptuni aquam, Junonis aërem, Vulcani ignem. Pervulgatum est apud Gentiles mundum divisum inter tres fratres; Jovi autem obvenisse cœlum, Neptuno aquam, Plutoni orcum.

Aristoteles tamen in libris de cœlo vult probare cœlum esse ingenerabile, & in corruptibile, quia sedes est Deorum, cum tamen superiora ostendant veteres nequaquam inclusisse cœlo Deum, quin totum mundum cogetur pronunciare Aristoteles esse incorruptibilem, si ei argumentationi inest robur, nisi velit contradicere magno scriptorum consensui, qui numen non terminant cœlo.

Ipsa autem quia totum cœlum asserit esse incorruptibile, ubique in cœlestibus cogetur ponere Intelligentias, quas tamen in parte orbium convexa, nec tota ponit.

Objicere est pro Aristotele, quod oraturi cœlum intuentur. Et Homerus ait in VI. Odyss. Deos habere sedem firmam in Olympo, hoc est cœlo.

Respondere est ritu illo aspiciendi cœlum non significari Deum tantum in cœlo esse, sed in cœlo magis elucere Dei gloriam, nec universim verum est oraturos semper cœlum aspicere. Certè qui apud Gentiles sacrificabant, Diti non intuebantur cœlum.

De Olympo apud Homerum sede Deorum disputant Grammatici, & ferè docent, ut tradit Eusthatus cœlum dici ab Homero spatium illud, quod est à nubibus usque ad partem fideream. Quæ sententia non prorsus concinit Aristoteli, nam non totum aërem excludit à sede Deorum.

Secun-

Secundum veram nostramque Theologiam Deus ubique est, nusquam inclusus, nusquam exclusus, omnia continens à nullo contentus, omnia permeans, nulli tamen permixtus. In cœlo Empyreo, exerens inter beatos cœlites suam gloriam, non tamen absens ab universo. In quam rem proferuntur hæc ex S. Litteris. Cœlum, & terram ego impleo. *Quo ibo à spiritu tuo? in ipso sumus, vivimus, & movemur.*

Quæ omnia ostendunt argumentationem Aristotelis de cœli incorruptibilitate petita à sede Deorum imbecillem admodum esse.

CAP. CLXXXI.

De Conjunctione animæ cum corpore, quid ex sententia Platonis proferat Servius? Explicatur Christiana sententia.

INter difficultates summas, quæ exercuerunt humanum ingenium ea non ultima est, qua quæritur: quâ ratione fieri possit, ut anima immortalis, incorporea jungatur corpori, & cum ipsa constituat compositum naturale, scilicet hominem? nam præter naturam videtur res incorporea, & immortalis conjungi cum corpore, cum præsertim Platonici dicant à corporis contagione affici animam. Respondebit aliquis cum S. Irenæo: Christianum ad multa cogi dicere: Deus scit.

Panætius quod videret animum irasci, insanire, timere colligebat non esse immortalem, obstrepebatque Platoni, quem cæteroqui admirabatur.

Aristoteles nihil de ea difficultate protulit, quia nusquam videtur diserte dixisse animam immortalem conjungi cum corpore mortali. Nec est, quod quis objiciat illud ex primo de anima, ubi ait intellectum esse antiquissimum. Nam non in tota latitudine loquitur de anima. Tantum in genere vult ostendere animam non esse in tota sua latitudine conflatam ex elementis probat id, quia Anaxagoras locutus est de mente, quæ condidit omnia, & est immixta. Multa namque in primo de anima profert ex dictis aliorum, ut tantisper quasdam opiniones rejiciat de anima. Certe si Aristoteles putavit animos esse æternos, hoc est, ab æterno conditos, & in tempore corporibus jungi, debuisset alicubi explicare, quomodo fiat, aut fieri possit, ut substantia incorporea, immortalis jungatur corpori? Nihil autem in eam rem reperire est apud ipsum, licet multi recentiores longe aliter sese gerant in lectione operum Aristotelicorum quam ego, qui non propterea pernix cum ipsis volo altercari.

Plato in Timæo docet Deum jussisse Diis junioribus, ut construerent animabus vehicula, corpora scilicet de quibus vehiculis videnda, quæ tradit Sebaſt. Foxius ad Timæum Platonis.

Servius, ut solvat nodum Panætii, quo conatus est immortalitatem animæ evertere ait ipsam non pati, nisi quatenus à corpore afficitur. *Animus*, inquit, *non transit in vitia corporis, sed ejus conjunctione impeditus, non exercet vim suam.* Mox subjicit passionem non resolvere æternitatem, *quia animus per se nihil patitur, sed laborat ex corporis conjunctione.* Ani-

mus quamdiu est in corpore, patitur ejus contagione, postquam autem deposuerit corpus, recipit suum vigorem, & natura utitur propria. Docet deinceps animum apud inferos pati, quia cum diu fuerit cum corpore non potest statim ad suum nitorem reverti.

Theologi autem Christiani rem totam sic explicant, ut asserant statum animæ cum corpore conjunctæ esse naturalem, & maxime beatum fore quando in resurrectione corporibus jungentur illæ animæ, quæ æterna beatitudine sunt fruituræ in cœlo.

Platonici, quos videtur sequi Servius, non putabant esse statum naturalem animæ cum corpore conjunctæ, sed præter naturam, molestum supplicii instar, quod significavit Aristoteles I. de anima, quando ex sententia ipsorum dixit animæ esse melius extra corpus, quam in corpore. Ideo Cleombrotus, atque alii se interemerunt, ut eximerent animum carceri. Exititque tempore Ptolomæi in Ægypto, qui tanta contentione, tantaque vi ea de re differeret, ut homines passim se interimerent.

Cui malo occurrit auctoritas Regia. Hinc etiam factum, ut Origenes imbutus Platoniciis hypothesebus negaverit corporum resurrectionem, quia putabat præter naturam, & cum molestia conjunctam esse animæ conjunctionem cum corpore. Contra quem latè disputat S. Epiphanius, qui tamen non exposuit, quis fuerit in Origene fons erroris.

Quia ergo tuemur dogma de resurrectione negandum est adversus Platonem, adversus Servium conjunctionem animæ cum corpore esse præter naturam. Nam si prorsus præter naturam esset, non essent

essent beatæ animæ conjunctæ corporibus in cœlo,
contra quod sentit, & sancit Christiana fides, & cer-
tissima veritas à Servatore tradita.

CAP. CLXXXII.

*Quando Macrobius videatur vixisse. Non ab
ipso neque etiam philosophiam. Fit mentio
Disarii Medici.*

MAcrobium par est credere vixisse sub Im-
peratoribus Christianis, quandoquidem
alicubi refert sua tempestate non consue-
visse amplius comburi cadavera, qui mos proculdu-
bio tunc cœpit antiquari, quando passim invaluit
religio Christianorum, qui non solent comburere,
sed integra sepelire cadavera.

Nullus etiam dubito Romæ floruisse Macrobi-
um, nam vir fuit consularis, & latine scripsit. Sed dicet
aliquis ipsum non debere adjici philosophicæ tracta-
tioni, quandoquidem potius interpretatur ritus ve-
teres Romanorum, & illustrat Homerum, Virgi-
liumque responderim, tamen non pauca ex philo-
sophiæ adytis deprompta fuisse, cum scriberet Satur-
nalia lib. septimum, in quo Disarius Medicus pror-
sus philosophum agit, naturæque arcana revelat.
Quærit an satis rectè scriptum sit à Platone, cibum per
Stomachum trahi, potum vero per asperam arteriam?
ovumne prius fuerit, an gallina? simulachra cur sub
aquis majora esse videantur, quam revera sint? &
quomodo visio fiat? Cur ii, quos pudet, aut qui
gaudent, rubescant? at metuentes pallor invadat?
Cur

Cur foeminis atque Eunuchis vox sit, quam viris exilior?

Talia qui solvit acutè, annon de philosophia bene meritis esse dicitur? certe qui convivii interdum adfunt, eos oportet in Macrobio non esse hospites, nec in Symposiis Plutarchi, ex quibus non pauca transcripsit idem Macrobius, quod quisque deprehendet, qui inter se septimum librum iaturnaliū, & convivales illas controversias compararit, atque contulerit. Addendus est Athenæus, quem aliqui alterum Plinium, atque Varronem appellare non dubitant, qui tamen longe ante Macrobiū sub Marco scilicet Imperatore famam scribendo est adeptus.

Nostrates verò philosophi, imò Medici tales scriptores nunquam in manus sumunt, ineruditi propterea dicendi, & vix digni qui ad convivia illustrium hominum admittantur. Nam nisi de Aristotelis libris de anima, de cœlo, de physica auscultatione differatur, aut de secunda vena, de pharmaco præbendo agatur, magis muti coguntur esse ipsosimo pecore Neptuni.

C A P. CLXXXIII.

An Macrobius rectè tutatus sit concentum cœlestium corporum, de quo Pythagoras primus est locutus?

A Latere Macrobiū avelli me non patiar, antequam aliquid de cœlestium corporum sono, & concentu proferam. Etenim sonus

us iste magnos habet assertores Pythagoram, Platonem, Ciceronem, Macrobiū, qui non destituuntur rationibus, nec carent modo, quo solvant, quæ ab adversariis, quos inter præcipuus Aristoteles in secundo de cælo tex. LII. LIII. & sequ. objiciuntur.

Scipio igitur apud Ciceronem sic loquitur: *quis hic est, inquam, quis est, qui complet aures meas, tantus ac tam dulcis sonus?* occurritque objectioni: *Hoc sonitu opplata aures hominum obsurduerunt, nec est ullus hebetior sensus in vobis.* Illustrat exemplo.

Nam qui accolæ. Nili habitant apud Catadupa non exaudiunt cadentem fluvium ex altissimis montibus.

Quis neget multa effugere sensus nostros, sensusque mortales, vel quia exigua tenuissimaque sunt, vel quia magna valde? visus noster multa non cernit in animalculis, quæ tamen ibi sunt, prorsus exigua. Nam usu perspicilli, sive Telescopii non pauca deprehensa sunt in apibus, in pulcibus, muscis, quæ nostris oculis antea latebant.

Vicissim quis credat magnos sonos exaudiri à muscis, à publicibus, à formicis? redibile profecto non est à formicis, huc illuc commeantibus in terra exaudiri nostrum sermonem, aut alios sonos. Ita fas fuerit loqui de sonitu cœlorum, quem aures nostræ adeò exigua non percipiunt.

Instat tamen Aristoteles, & clamat, à nobis ejusmodi sonum non audiri. Quo argumento si licet destruere sonum illum, etiam quis everterit ignem supra aërem collocatum, infra tamen cœlum. Nam nos oculis nostris ejusmodi ignem non videmus. Si non datur concentus in cœlo, quia non audimus eum,

eum, nec datur ignis ille, quia à nobis non videtur.

Vel invito ergo Aristotele narrat Macrobius in lib. II. Cap. I. commentarii in somnium Scipionis, qua ratione primus Pythagoras concentum cœlestium corporum deprehenderit; id quisque per se cognoscere potest apud Macrobius.

Pythagoricæ successionē doctrinæ nixus deinceps Plato, & ingenii proprii profunditate excitatus in Timæo animam mundi per numerorum contextionem ineffabili providentia fabricatoris instituit. Hinc ait Macrobius lib. II. Cap. II. Comment. ejusdem, mundi animam, quæ corpus hoc universitatis ad motum impellit, contextam numeris musicam de se creantibus concinentiam, sonos musicos de motu, quem proprio impulsu præstat, efficere.

Certè quod Plato dixit in Timæo, non omisit in libris de Republ. ubi ait, singulas Sirenas, singulis orbibus insidere.

Adde Theologos voluisse esse novem Musas octo sphærarum musicos cantus, & unam maximam concinentiam. Iidem Theologi ea de causa sacrificiis sonos adhibuerunt. Nec silendum apud veteres in hymnis metra canoris versibus consuevisse adhiberi. Mortuos quoque ad sepulturam prosequiebantur cum cantu multæ gentes persuasionē hac, qua post corpus animæ ad originem dulcedinis musicæ, hoc est ad cœlum redire credantur.

Reclamat tamen acer Aristoteles & ait fore, ut propter ejusmodi concentum omnia tremore apud nos turbarentur, percellerentur, dissiparentur exemplo

plo sumpto à tonitru, quod valde concutit, cum tamen sit minor ejus sonitus.

Sed debebat cogitare Aristoteles, dulcem esse illum sonum, minimeque violentum, talemque qui maximè decet divina corpora. Tonitru autem violentum est.

Argumentatur etiam ex eo, quia Stellæ sunt pars suorum orbium, & ipsis infixæ. Hinc sonitum edere non possunt.

Dicere posset aliquis respondendo: sonitum edi ab ipsis orbibus, qui tamen etiam tribuitur stellis. Nam anima mundi orbem impellit ad motum. Ergo objectio illa frivola est.

Ipse autem Aristoteles depromit aliud argumentum Pythagoræorum lib. II. de cœlo tex. LII. Corpora enim quæ sunt minora in magnitudine, & velocitate, faciunt, cum moventur sonos magnos. Cur non sonum ederent cœlestia, quæ sunt velocissima, & maxima?

Ait etiam asserere Pythagoræos nos propter consuetudinem sonum non audire, nam nobis quoque nascentibus cœlum edit concentum. Ita fabri minus turbantur sono, quem edunt mallei, quia consueverunt eum quotidie audire.

At regerit ipse, saltem deprehendunt ipsi privationem, id est norunt, quando malleus edat sonum, & non edat. Nam quando feriantur, non exaudiunt ullum concentum, incude non percussa.

Legatur Averroës exponens Aristotelem, legantur alii interpretes. Sed nec omittatur Elias Vinctus, dum somnium Ciceronis, post Macrobiū explicat.

plicat. Ita quisque sibi consulat, statuetque Pythagoræisne sit adhærendum cum Platone, Cicerone, aliisque magnis viris, an acquiescendum iis, quæ Peripati fundator diligenter in secundo de cœlo disse-ruit.

CAP. CLXXXIV.

De Animarum immortalitate, & sede in cœlo, quid Scipio apud Ciceronem dicat, & quo modo ea exponat Macrobius; cuncta tamen esse exigenda ad theologiam Christianam.

MIrari subit, quod junior Africanus in somnio edocetur de animarum magnarum sede, & beata immortalitate, cum tamen videatur prorsus contrarium didicisse à suo præceptore Panætio Stoico, qui deferens Platonem obnoxias morti esse animas docuit, easque interire contendit, quæ quidem sententia videtur imbuisse discipulum Africanum juniorem. Cur ergo Cicero in libro de Republica eundem Africanum sic inducit, ut erudiat divinitus de immortalitate animarum? Cur audit ipse in somnio, quod exposuit luculento commentario Macrobius, omnibus, qui patriam conservaverint, adjurverint, auxerint certum esse in cœlo, ac definitum locum, ubi beati ævo sempiterno fruuntur? cur talia dum auribus haurit cupit dissolvi, ut protinus ad cœlestem transferatur patriam?

Respondere est Ciceronem minimè approbasse Panætianam sententiam de animarum mortalitate, quin imo eam Platonem secutum cupivisse, ut im-

piam ex animis hominum evellere, persuadereque suis civibus non interire animas, sed eas, quæ bene de republica fuerint meritæ ad fidereas migrare sedes, corporeis postquam fuerint vinculis solutæ.

Nec certum est Scipionem assensisse præceptorī oppugnanti animarum immortalitatem, nec enim semper discipuli suorum Magistrorum effata amplectuntur, cum discant ab illis ipsis educatoribus, non esse in cujusquam hominis verba jurandum, quando philosophicæ suscipiuntur disceptationes.

Unde verò hausit Cicero, quæ tradit in hoc somnio? unde didicit animas excelsas in cœlum redire, aut cœlesti donari sede? ex Timæo. Ejus verba sunt: *atque illum, qui recte curriculum vivendi a natura datum confecerit, ad illud astrum, cui accommodatus fuerit (συνομένον ἄστρον) reversum beatam vitam acturum.* Hæc Plato, qui videtur in genere docere omnes animas, quæ rectè vixerint redire ad cognatum astrum. Cicero autem videtur tantum loqui de animabus magnorum hominum, illustriumque Procerum. Quod etiam confirmatur, quia locum mox designat, dum ait esse circum lucentem inter flammæ splendore candidissimo, qui orbis lacteus nuncupatur. Jam Manilius ad lacteum circulum nonnisi animas magnas transmittit, libro primo, dum sic loquitur:

Quapropter lacteus orbis

Dicitur, & nomen causa descendit ab ipsa.

An major densas stellarum densa Corona,

Contexit flammæ; & crasso lumine cander

Et fulgore nitet collato clarior orbis.

*An fortes anima dignataque nomina cælo
Corporibus resoluta suis, terræque remissa
Huc migrant ex orbe, suumque habitantia cælum
Æthereos vivunt annos mundoque fruuntur?*

Mox recenset illustres homines, tam græcos, quam latinos. Ubi etiam vides existimare Manilium ex sententia sui seculi cælum esse igneæ naturæ, lacteumque orbem nequaquam esse in aëre, ut non benè sentiunt Peripatetici, sed nihil esse aliud, quam candorem ex numero stellarum, quæ cum exiguæ sint, si cum aliis conferantur, non possunt à nobis distincte cerni, cernitur tamen candor ille lucens, quem vicinæ spargunt.

Sententia nihilominus Platoniorum de animabus saltem aliquibus remeantibus in cælum potest oppugari, quia antiquissimus scriptor Homerus, animas Heroum non remittit in cælum, sed ad subterranea loca, ut videre est XI. Odyssææ. Nec videntur esse ibidem beatæ, quandoquidem Achilles summopere optat interesse hominibus, cupitque fieri bubulcus aliquis modo fruatur vita, adeo contemnit vitam illam extra corpus constitutam, quamvis cum imperio in mortuos conjunctam.

Virgilius quoque præter elysios campos in subterraneis locis non agnoscit ullam sedem animarum beatarum etiam Heroicarum, quas tandem docet posse longum ævum incipere rursus in corpora velle reverti. An contemnere fas est Platoniciis tantorum vatum auctoritatem?

Dicerent Platonici se majoris facere sui præceptoris dicta, quam ut velint dogmata metiri ex fabulosis

piam ex animis hominum evellere, persuadereque suis civibus non interire animas, sed eas, quæ bene de republica fuerint meritæ ad fidereas migrare sedes, corporeis postquam fuerint vinculis solutæ.

Nec certum est Scipionem assensisse præceptorî oppugnanti animarum immortalitatem, nec enim semper discipuli suorum Magistrorum effata amplectuntur, cum discant ab illis ipsis educatoribus, non esse in cujusquam hominis verba jurandum, quando philosophicæ suscipiuntur disceptationes.

Unde verò hausit Cicero, quæ tradit in hoc somnio? unde didicit animas excelsas in cœlum redire, aut cœlesti donari sede? ex Timæo. Ejus verba sunt: *atque illum, qui recte curriculum vivendi a natura datum confecerit, ad illud astrum, cui accommodatus fuerit (συνομένον ὄστρον) reversum beatam vitam acturum.* Hæc Plato, qui videtur in genere docere omnes animas, quæ rectè vixerint redire ad cognatum astrum. Cicero autem videtur tantum loqui de animabus magnorum hominum, illustriumque Procerum. Quod etiam confirmatur, quia locum mox designat, dum ait esse circum lucentem inter flammæ splendore candidissimo, qui orbis lacteus nuncupatur. Jam Manilius ad lacteum circulum nonnisi animas magnas transmittit, libro primo, dum sic loquitur:

*Quapropter lacteus orbis
Dicitur, & nomen causa descendit ab ipsa.
An major densas stellarum densa Corona,
Contextit flammæ, & crasso lumine candelæ
Et fulgore nitet collato clarior orbis.*

*An fortes animæ dignataque nomina cælo
Corporibus resoluta suis, terræque remissa
Huc migrant ex orbe, suumque habitantia cælum
Æthereos vivunt annos mundoque fruuntur?*

Mox recenset illustres homines, tam græcos, quam latinos. Ubi etiam vides existimare Manilium ex sententia sui seculi cælum esse igneæ naturæ, lacteumque orbem nequaquam esse in aëre, ut non bene sentiunt Peripatetici, sed nihil esse aliud, quam candorem ex numero stellarum, quæ cum exiguæ sint, si cum aliis conferantur, non possunt à nobis distincte cerni, cernitur tamen candor ille lucens, quem vicinæ spargunt.

Sententia nihilominus Platoniorum de animabus saltem aliquibus remeantibus in cælum potest oppugnari, quia antiquissimus scriptor Homerus, animas Heroum non remittit in cælum, sed ad subterranea loca, ut videre est XI. Odysseæ. Nec videntur esse ibidem beatæ, quandoquidem Achilles summopere optat interesse hominibus, cupitque fieri bubulcus aliquis modo fruatur vita, adeo contemnit vitam illam extra corpus constitutam, quamvis cum imperio in mortuos conjunctam.

Virgilius quoque præter elysios campos in subterraneis locis non agnoscit ullam sedem animarum beatarum etiam Heroicarum, quas tandem docet post longum ævum incipere rursus in corpora velle reverti. An contemnere fas est Platonicis tantorum vatum auctoritatem?

Dicerent Platonici se majoris facere sui præceptoris dicta, quam ut velint dogmata metiri ex fabulosis

poëtarum narrationibus. Se ergo assentiri Magistro, quem voluit sequi eloquentissimus Tullius. Non dissimulamus autem variè de sede animarum altercatos Platonis discipulos, ut accurate admodum enarrat rem totam Macrobius comment. in somnium Scip. Cap. XI. ubi ait: *inferos autem Platonici non in corporibus esse* (ut quidem visi sunt sentire Pythagoræi) *id est non à corporibus incipere dixerunt: sed certam mundi ipsius partem ditis sedem, id est inferos vocaverunt.*

Nam dividentes mundum in duo immutabilem, scilicet partem & mutabilem; immutabilem dixerunt eam quæ est à Sphæra, quæ aplanæ vocatur usque ad globi lunaris exordium. Mutabilem censuerunt esse à Luna ad terras, usque & vivere animas, dum immutabili parte consistunt mori, autem cum ad partem ceciderint permutationis capacem. Sed legendus est Macrobius ne eum transcribam, & simul cognoscendum, qua ratione secundum Platonicos animæ ab orbe lacteo, à superiori parte in terras inque hanc regionem delabantur.

Quæ tamen sic cognoscenda sunt, ut semper in hujusmodi rebus, quando scilicet de anima agitur, non conquiescamus, vel in Platone, vel Poëtis, sed potius nos conferamus ad sanctissimos Theologiæ Christianæ mystas, qui depulsis tenebris mentem nostram in regione veritatis jam pridem collocarunt. Ergo, quæ à me prolata sunt ex Platone, ex Cicerone, exque Macrobio deprompta, historicam narrationem, non veritatis expositionem complectuntur. Prodest autem nosse quid Gentiles dixerint,

et facta comparatione magis ac magis Christianæ philosophiæ splendor elucescat.

CAP. CLXXXV.

De studio publico philosophiæ in urbe Roma sub Christianis Imperatoribus.

Themistium docuisse Romæ sub Imperatoribus Christianis nihil mirum. Nam nec tunc prorsus siluit philosophia, etsi philosophiam profitentes gentiles essent. Etenim Theodosius, & Valentinianus ediderunt sanctionem, quæ est in C. de studiis liberalibus urbis Romæ & Constantinopolis, quam quidem sanctionem appellant ipsi *divinæ sanctionis assatus, & cælestia statuta*. Sic autem loquuntur, ne eos putemus philosophiam neglexisse: *profundioris quoque scientiæ atque doctrinæ memoratis magistris sociamus auctores. Unum igitur adjungi ceteris volumus, qui philosophiæ arcana rimeatur.* Ita cum olim prorsus contemnendam putarent Christiani philosophiam, vigente adhuc Gentilium superstitione, postquam invaluit Religio Christiana auspiciis, & auctoritate Imperatorum, recepta quoque est philosophia.

CAP. CLXXXVI.

De Boëtio Romano Consule, qui bene de Aristotelis meritis est philosophia. Non præteritur Symmachus ejus Socer.

Boëtium facundia, probitate, doctrina, plurimum excelluisse nemo non fatetur. Addunt

viri docti, ipsum fuisse ultimum omnium, qui ex antiquis Romanis aliquid litterarum monumentis consecrarint: primum omnium, qui Aristotelicam disciplinam latinis litteris illustrare cœperint: tantæque apud posteros auctoritatis, ut ab ejus sententiis nulla fermè sit provocatio. Incidit in ea tempora, quibus Italia à Barbaris oppressa tenebatur. Natus est enim non ita multis post annis, quam ab Alarico Roma caperetur, floruitque Theodorici Regis temporibus. Hic Rex quamvis Gothus, si Arianum errorem seponas, civilitatis, & doctrinarum fuit amantissimus, ut propterea existimandum sit ipso regnante in Italia nutu Zenonis Imperatoris, Boëtium mentem honestis disciplinis applicuisse. Exstat Theodorici Regis ad Boëtium Epistola, quæ & Ptolomæi Syntaxin, & Archimedis Mechanicem ab eo latinitate donotam affirmat. Certe injuriam facit Theodorico is, qui vitam Boëtii conscripsit, dum putat eum detestatum tyrannidem Theodorici tantquam barbari hominis solatium conatum capere. Nam cur scripsisset Epistolam ad Boëtium Theodoricus, qua ostenderet sibi ejus placere in illustrandis scientiis laborem, si aversatus fuisset doctrinarum studia? Quin visa est sub ejusmodi Rege respirare Italia, & ad pristinam elegantiam, quantum quidem permittebat desolatio à Barbaris illata, reverti, quod nos docere queunt Cassiodori Epistolæ, & Ennodii panegyricus, ut alios omittam scriptores.

Errant illi quoque, qui putant omnia conscripta fuisse, quæ philosophiam illustrent, cum custodiæ traditus esset. Atqui satis constat ipsum Romæ consulem

sulem creatum, cum prædicamentis manum admo-
visset. Cupio autem nostrates Proceres philoso-
phiæ contemptores, si non plane mentis expertes
sunt relegere hominis Christianissimi, & in fastigio
consulari collocati verba, quæ sic habent: *Et si nos
curæ officii consularis impediunt, quo minus in his stu-
diis omne otium plenamque operam consumimus, per-
tinere tamen videtur ad aliquam Reipublicæ curam, clu-
cubrata rei doctrina cives instruere, nec male de civibus
meis merear, si cum prisca hominum virtus urbium cæ-
terarum ad hanc unam Rempublicam, imperium transtu-
lerit: ego ad id saltem, quod reliquum est græcæ sa-
pientiæ artibus, mores nostræ civitatis instruxero.*
*Quare ne hoc quidem ipsum Consulis vacat officio, cum
Romani moris semper fuerit, quod ubicunque gentium
pulcherrimum esset, atque laudabile id magis ac magis
imitatione honestare.* Hærent utinam talia dicta
Romulidarum imis infixæ medullis. Placuisse por-
rò Theodorici mores (Arianam hæresin semper ex-
cipio) Boëtio ex eo etiam constat, quia in curia Re-
gem Romam accersitum S. P. Q. R. nomine magna
facundia laudavit: & in circo duorum Consulum
(filiorum) medius triumphale convivium multitu-
dini exhibuit. Quin Consul etiam fuit cum Sym-
macho socero.

Fateor utrumque jussu Theodorici interemptum.
Quod nemo non vituperat; in suspicionem scilicet ad-
versus optimos viros lapsus Rex tam graviter pecca-
vit, seque innocenti sanguine effuso polluit. Nunc
recitemus pusillum carmen, quo profiteor meam er-
ga Heroem Romanum observantiam.

Multum Roma tibi debet, generose Boëti,

Teque vocat merito

Novissimum Quiritem.

Nam primus Latio deducens flumine lymphas

Pandis Aristotelem,

Antistitem Sopororum.

Sic Tyberis tua facta refert, nomenque reponit,

Atque vocat meritò

Novissimum Quiritem.

Legantur, & relegantur non tantum, quæ scripsit in prædicamenta, sed & Perihermynias, quæque exposuit de divisione, de differentia Rhetorices, & Logices, non spernatur labor in Topica Ciceronis, quem sic præeuntem sequitur, ut bene de Juris civilis studiosis mereatur. Quid memorem pietatem & doctrinam, qua tueretur contra Nestorium, & Eutychem dogma Catholicum de persona, & naturis in Christo?

Comitetur Boëtium, generum Socrer laudatissimus Symmachus, qui non tantum excelluit sacrarum litterarum cognitione, ut colligitur ex Boëtio, sed & præstitit absque dubio philosophia, quandoquidem Priscianus, qui illis temporibus vixit, extollit in ipso ingentem multijugamque doctrinam, dum præfatur ad libellum de Ponderibus præferentem Symmachiani nominis fulgorem. Eadem porro, ira præceps, & Tyrannica Theodorici, quæ sustulit è medio Boëtium, exitio & morti involvit Symmachum. Sed non impune tulit Rex, mox abreptus à divino judicio illuc unde negant redire quemquam. O male consultum Principem, qui occisis duobus Heroibus philosophis æternam suo nomini cæteroqui glorioso

rioso (si Arianam hæresin excipias) inussit ignominiam, nullo unquam seculo abolendam, quamdiu namque historia erit, historici quoque factum ejusmodi in Theodorico detestabuntur, ut discant Reges non foedare suas manus sanguine sapientum virorum. Ita Tiberianam damnamus sævitiam, qui coëgit è vita excedere Cremutium Cordum; Valerianum notamus, qui Longinum vita spoliavit; Neronem execramur, qui ad mortem adegit Thraseam, Senecam, sapientiæ antistites.

CAP. CLXXXVII.

Laudandos esse Proceres Christianos doctrina & eruditione conspicuos, qualis fuit Boëthius. Laudantur Nicolaus de Antella, & Cardinalis de Richelieu nuper mortuus.

Perquam lubenter impendi antecedens caput gloriæ sapientissimi Consulis Boëtii, ut magis ac magis contundatur fastus quorundam Procerū cum inscitia conjunctus; nam Boëtius etiam fuit Christianus, atque adeo ostendit philosophiam à Principibus esse excolendam in Republica christiana, esse doctrinas comparandas. Sic aliquot abhinc annis, cum obiret vir illustri genere natus Nicolaus de Antella, Florentinus Senator, & Magno Duci ab intimis consiliis, ejus memoriam profecutus sum carmine, quod eruditione, doctrinaque multiplici esset instructus, peritissimus rerum civilium, & plurima nosset ex historia omnium temporum, quæ feliciter transtulit ad gravissima negotia tractanda, & perficienda.

Idem institutum laudandi sapientes Proceres sum-
nuper secutus, cum fato concessisset celsissimus Prin-
ceps Cardinalis de Richelieu, nam inter alia hoc Epi-
gramma latinum exaravi :

*Mortuus est Richelieu, nunc Vulgi ubicunque loque-
le*

Dicunt, & golidus bella ciere nequit.

*Mortuus est, fateor, Richelieu, claususque se-
pulchri*

Angustis latebris heu iacet exanimis.

Sed non mortua sunt facta, immortalia facta,

Liligeri regni queis decus asseruit;

Dum tumidos Rupellæ animos parere cœgit,

Et pressit Proceres seditione truces.

Quin ultra fluvium Rhenum, & juga Pyrenæi,

Grajas cisque Alpes protulit Imperium.

Ergo plebs sileat, plebs vera nescia vitæ,

Nec repetat verba hæc: mortuus est Richelieu.

Nam superest Heros Richelieu, super usque futurus,

Veridicæ historia maxima materies.

Addidique Etruscos versiculos:

Allor si veggon stabilirsi i regni

E forger le Republiche famose,

Quando chi sà le meraviglie ascosse,

E sparge raitra gli elevati ingegni

Le posse tien per inalzar i degni,

Dà leggi, per spronar l'alme ritose

E per far le città liete, e gioiose.

Tempra con la ragion di Marte i sdegni

Quindi candidi giorni per più lustri

Goder s'è visto il Gallicano Impero

*Di Richelieu ne' fatti chiari illustri:
Di Richelieu, ch' esplorator del Vero
Tra' saggi eccelsi, e letterati industri
Fiorì sottil Statista, almo guerriero.*
Quibus alios subjunxi in hunc modum:
*Se muta la favella de' mortali
I fatti de' Guerrier non più narrasse,
Se l' oblio vincitor fiero auventasse
Contra il giorno del Ver notturni strali,
Se l' istoria, che può far immortali
I nomi degli Eroi, dir non osasse,
E se lo stil di Pindo non s' alzasse
Per render i successi al sol uguali:
Di Richelieu con suon novello, e strano
Dall' anima del ciel fatti eloquenti
Favellerian i monti, i fiumi, e' il mare;
Poiche ceder fur visti al suo sourano
Eroico valor, e spesso intenti
Secondaro l' imprese e' l' grand' oprare.*

CAP. CLXXXVIII.

*Boëtium non locutum de Categoria vocabulo de-
torto ad alium significatum. An liceat
philosophis nova vocabula archi-
tectari?*

NEscio an quis facile à se ipso impetret, ut in-
scriptionem libri, quem prædicamenta ap-
pellarunt interpretes latini, sit approbatu-
rus, dicturusque universales voces rectè fuisse vo-
catas Categorias, cum Categoria sit accusatio, quæ
in

in judiciis instituitur, cui opponitur defensio: quid verò commune habet accusatio cum generibus, universalibus? Cur non est securus Architam Aristoteles, qui melius videtur inscripsisse καθόλως λόγους? vocabula ex usu communi petenda sunt. Neque enim privati licet architectari sermonem, cum sermo sit tacitum quoddam pactum, tacita sponsio totius nationis. Conantur tamen tueri Aristotelem, qui detorsit ad rem suam communem significatum Categoriarum, Porphyrius, Dexippus, Simplicius. Nam Boëtius nihil in eam rem profert, quod miror. Porphyrius ait philosophos, *quia abdita ac plerisque ignota exponunt novis vocabulis indigere ad ea exprimenda: atque idcirco vel ipsos verba nova & insueta finxisse, vel positis in alium significatum detortis abusos fuisse.* Idem fere profertur ad defensionem Aristotelis à Dexippo, & Simplicio. Sed cum veritas sit antiquissima non videtur exponenda novis, aut insolitis verbis. Id profectò verum est, quod prius, id prius quod ab initio. Ergo qui invehit nova vocabula, videtur etiam novas opiniones invehere.

Negare tamen non possumus præter philosophos alios quoque saltem, parcè detorquere vocabula recepta ad alium significatum. Videmus etiam crescere linguas plerasque, omnes hoc fit, dum construuntur nova vocabula, novi dicendi modi. Sed viderint philosophi, ne cerebri sui commentis, nova vocabula imponant: nam talis licentia poterit officere communi sententiæ de veritate.

Porphyrius, Dexippus, Simplicius, ut defendant Aristotelem depromunt ex eodem ἐντελεχείας, vocabulum

cabulum quod ipse prorsus novum composuit. Sed si quis velit esse contentiosus, dicet non defendi, sed potius magis accusari factum Aristotelis tali exemplo. Suo certè loco disseruimus de invento, & conficto ab Aristotele ἐντελεχείας nomine. Labet tamen audire defensores, Porphyrium præcipuè: *ipse nomen hoc ἐντελεχείας, id est perfecti habiæ ad huiusmodi actum significandum finxit, quod in usu antea non erat. Capitatum item, quod de alio dici consueverat ipse de eo, quod habet caput præter consuetudinem usurpat, capitatæ rei caput accommodatius dici asserens quam animalis. Nam caput habentis signum est capitatum: quippe cum capitati caput sit: propterea quod non omnia animalia caput habent, cuiusmodi sunt echini, & urtica marina, & id genus cætera: unde etiam ipse inquit: Interdum verò etiam nomina fingere opus est.*

Sic se gessit Plinius, sic Lucretius, sic Manilius, sic etiam Theodorus Gaza, Julius Cæsar, Scaliger. Quid memorem Juris-Consultos, quorum nova philosophia peculiarem significatum indidit vocabulis detorquendo significatum, aut etiam non pauca nova construxit.

Videant jam docti viri, an ἐντελεχείαι, & κατηγορίαι Aristotelis excusari queant.

CAP. CLXXXIX.

Ad Boëtium exponentem Ciceronis definitionem de Æquitate proponitur controversia, an nulla æquitas sit scripta?

DE æquitate, quando agitur, videntur inter se luctari philosophi morales & Juris-Consulti. Philosophi pronunciant nullam æquitatem esse scriptam, nitunturque auctoritate Aristotelis lib. V. Eth. Cap. X. ubi ait ἐπιεικὲς, æquum bonum esse jus, non quidem legitimum, sed in quo legitimi correctio potius contineatur. Ad quem locum interpretes Ubertus Gifanius non dubitat asserere falsissimum esse æquitatem, partim esse scriptam, partim non scriptam.

Ego malo assentire Juris-Consultis affirmantibus non repugnare æquitati, ut scripta dicatur. Nam præsto est auctoritas Ciceronis, qui in Topicis jus civile sic definivit: *Jus civile est æquitas constituta his, qui ejusdem sunt civitatis ad res suas obtinendas.* Concinit Ciceroni Boëtius, qui Ciceronem interpretatur. Munitur Boëtiana interpretatio auctoritate Ulpiani ff. de just. & jur. lib. I. *Jus est ars æqui, & boni*, §. 2. ait: jus privatum tripartitum esse, & collectum ex naturalibus, præceptis, aut gentium, aut civilibus. Præcepta absque dubio scribuntur. Sed jus continetur præceptis, quod jus est ars æqui & boni. Ars etenim est collectio præceptorum ad aliquem finem in vita humana utilem. Constituenda ergo est quædam æquitas scripta, nec negandum æquitatem non in tota latitudine scribi. Nam quædam in Jurisconsultorum scriptis elucet, eaque jus scriptum, saltem quo ad partem constituit, à qua non licet recedere justo judici: altera est non scripta, quæ in singulis circumstantiis rei vel personæ spectata est, cujus possunt tot esse regulæ, quot hypotheses occurrere possunt. Propterea certæ regulæ vix constitui possunt, sed religioni judicis com-

mit-

mititur ex
fis ex æq
legibus lat
meis con
possunt ff.
naturalite
His legib
bus, &
Quod r
confessio
vixit &
enim à
tacuit le
habe
gum
servat
niente
involv
Hinc
agno
non
com
quan
tion
axio
requ
vul
caru
pro
be
te

mittitur examinandum, quid in singulis controversiis ex æquo & bono præstandum sit. Non omnia legibus latis potuerunt comprehendere, ex quibus omnis controversia posset decidi, & terminari. Non possunt ff. de leg. Ideo interpretatio prudentum, quæ naturaliter leges sequi solet ff. de orig. jur. lib. 2. §. His legibus multa colligit, quæ omiſſa erant à legibus, & æquitate dictante legis instar confirmavit. Quod recte factum videtur confirmari posse confessione ipsius Aristotelis, qui æquitatem vocavit νόμος ἔλλειμμα, id quod præteritum est à lege. Cur enim à prudentioribus non possint colligi ea, quæ tacuit lex? Urbs profecto Athenarum ex nobilibus habebat aliquos, qui exorta ambiguitate de sensu legum responderent. Sed non erat moris tales observationes tradere scriptis. Nolebant enim Athenienses excrescere leges, ne multis difficultatibus involveretur jus, & inde oriretur longitudo litium. Hinc mirum non est, si absolute Aristoteles non agnovit æquitatem, nisi non scriptam; Romani autem non contenti simplicitate XII. Tabul. non pauca commentando addiderunt, tandemque pepererunt quandam novam philosophiam constantem definitionibus, divisionibus, illationibus, principiis, axiomatibus, aliisque, quæ ut rectè percipiantur, requirunt ingenium non mediocre, diligentiam non vulgarem, tempus non exiguum. Tali autem arte caruisse nationes, excepta Romana, non dubitari pronunciare.

Quod si approbemus morem Romanorum in scribendis nonnullis ad æquitatem facientibus, debet saltem esse aliquis modus interpretationum & com-
men-

mentationum. At hodie, proh dolor! Jus abivie in miserabilem altercationem, dum quotidie doctores protrudunt ingentia volumina complectentia controversias scholasticas, forenses. Exeunt etiam subinde sententia iudicum, quas decisiones appellant, quod caeoëthes nisi reprimatur vix deinceps, feretur sententia in aliquo tribunali, quæ non mox late exposita, & per multam disputationem dilata non edatur.

CAP. CXC.

De statu animarum exponuntur verba Boëtii. Explicatur etiam Petrarcha.

Videntur difficultate laborare verba Boëtii, quæ leguntur in primo dialogo in Porphyrium à Victorino translaturum, quæ sic habent: *animæ humana cum prioris illius intellectibilis substantiæ fuissent, corporum tactu ab intellectibilibus ad intelligibilia degenerarunt.* Nonne his verbis videtur significare animas humanas antequam conjungerentur corporibus fuisse beatas in cœlo, & lapsas in corpora pollutas tali hospitio? quod docuit post Platonem Origenes, qui Mosaicam narrationem de creatione Adami, & Evæ ad Platonismum traxit, quod visus etiam est facere Philo. Idem quod superius protuli videtur tradere Boëthius lib. V. de Consol. Philos. p. 76. *Humanas animas liberiores quidem esse necesse est, cum se in mentis divinæ speculatione conservant, minus vero cum dilabantur ad corpora, minusque etiam cum terrenis artubus colligantur.*

Puto

Puto verba Boethii sic exponenda, ut voluerit significare animas, si secundum suam substantiam & naturam considerentur aptissimas esse, quæ contemplationi rerum divinarum feliciter inhæreant. Quando autem colligantur corporibus experiuntur multiplicem difficultatem. Doctrinæ igitur causa sic loquitur Boëtius, non quod fuerit tempus, quando animæ nondum colligatæ corporibus beatæ essent. Sic quoque exponendus est Petrarcha, qui non uno loco videtur dicere animam suæ Lauræ è cælo fuisse dimissam, ut sua præsentia terras illustraret. Neque enim credidit Petrarcha, animas antequam conjungantur corporibus esse in cælo. Ita etiam poëtica libertate usus, quasi Platonice animas remittit non ad cælum Empyreum, sed ad Planetas, & sidera errantia. Quod condonandum est poëticæ libertati.

CAP. CXCI.

Prædicamenta, quæ interpretatur Boëtius, tradita fuisse ante Aristotelem ab Archita Pythagoræo. Confutatur quadam narratio Themistii.

Vulgus interpretum putat Logicam omnem ad Aristotelem velut unicum auctorem esse referendam. Quod quam falsum sit, norunt qui aliquem usum habent in scriptis Platoniceis. Sed & confutantur ex eo, quia constat de prædicamentis, siue generibus entis, aut καθόλοις λόγοις Architam Pythagoræum Tarentinum longe ante Aristotelem scripsisse. Id fatentur plerique Veterum.

Audiamus Boëthium lib. I. ad prædicam. Arist. *Architas* duos composuit libros, quos κατόλως λόγος inscripsit, quorum in primo hæc decem prædicamenta disposuit. Unde posteriores quidem non esse Aristotelem hujas divisionis inventorem suspicati sunt, quod Pythagoricus eadem conscripsisset, in qua sententia Jamblicus philosophus non ignobilis est. Hæc ille

Simplicius eadem de re sic loquitur in præcæmio comment. in prædicam. Nam cum etiam *Archita* Pythagoricus ante Aristotelem in eo libro, quem de omni re, vel de universo inscripsit divisionem in decem prima genera fecisset, & explicationes eorum generum per exempla evidenter, & aperte declarasset ac ostendisset, quem ordinem inter se habeant, & quæ sint uniuscujusque generis differentie specificæ, & quæ eisdem communiter, & propriè insint, iste magnus scilicet Jamblichus convenientibus suisque in locis adducens *Archita* dicta. Paulo post fatetur, videri ubique Aristotelem sequi *Architam*. Vidit, ut puto, Simplicius librum *Architæ*, aut saltem Jamblichi commentarium, & fassus est Aristotelem, sibi plerumque visum sequi *Architam*. Miror verò Porphyrium, cum accurate librum de prædicamentis Aristotelicum exponeret nullam fecisse *Architæ* mentionem. Nec Dexippum Platonicum discipulum Jamblichi quicquam de eodem scriptore deprompsisse, cum tamen versaretur in manibus omnium Jamblichi labor.

Sed multo magis miror Themistium ausum dicere *Architam* auctorem prædicamentorum fuisse quendam Peripateticum, qui scripserit post Aristotelem. Nam non videmus à quoquam factam

men-

mentionem ullius Architæ peripatetici, Architam autem Tarentinum, Pythagoreum celebrem novimus. Oppono Themistio judicium Jamblichi, nec fileo Simplicium assensisse Jamblichio non vero Themistio.

Componantur verba Architæ, quæ extant apud Simplicium cum Aristotelis, deprehendens non semper esse concordēs, & Architam proponere doctrinam Pythagoræam, non peripateticam. Nam primæ substantiæ apud Architam sunt Idææ incorporeæ, & immateriales; secundæ autem substantiæ sunt sensibiles, & individue substantiæ. At apud Aristotelem secundæ substantiæ sunt genera & species, quæ destructis primis substantiis nihil sunt. Primæ autem substantiæ sunt individua. Ergo Architas ille Pythagoricus fuit, non peripateticus.

Unde obiter discere est Aristotelem, vix candidè se gessisse, quandoquidem nulla facta mentione Architæ, rivos ejus in sua fata derivavit, & stravit viam suis hypothēsibus, quas erat propositurus contra Pythagoræam, & Platoniam sapientiam.

Quæ lubenter exposui, ut nostrates Peripatetici deliberent. An deinceps omnem Logicam inventam velint imputare Aristoteli, & num meliora fuerint, quæ tradidit Architas iis, quæ supposuit Aristoteles?

CAP. CXCI.

Existimasse Boëtium Naturam secundum Aristotelem tantum dici de Corporeis substantiis.

De tota questione aliquid profertur.

IN opusculo de duabus naturis Cap. I. ait Boëtius: *Corporeas tantum substantias naturam habere, secundum Aristotelem, ceterosque & ejusmodi multimodæ philosophiæ sectatores.* Inde colligere est existimasse Boëtium in schola Peripatetica, nequaquam dicendum esse Deum, & intelligentias, & primum motorem habere naturam, aut esse naturam. Nam extra peripatum ipse natura vocabulum tribuit Deo optimo Maximo. Quicquid enim facere potest, natura est. Deus facere potest, & facit. Igitur natura est. Sed longe aliud est loqui cum Christiana religione, aliud ambulare in Lyceo.

Dices, Boëtium in ejusmodi opusculo agere Theologum non philosophum Peripateticum: non igitur voluisse definire, an primus Motor sit natura in umbra lycei.

Respondeo, Boëtium quandoquidem agebat Theologum voluisse simul significare secundum Aristotelem Deo nequaquam tribuendam naturam. Ergo indicavit sibi exploratam esse mentem Aristoteleam, neque secundum Peripati Moderatorem, primum Motorem, & substantias incorporeas, quales sunt Intelligentiæ, esse appellandas Naturas XII. certè Metaph. tex. XXXVIII. dixit cælum, & naturam pendere à primo principio, hoc est Motore, atque adeò Motorem non esse naturam, quod nuper etiam rectè animadvertibat P. Augustinus de Saluthio præclarus Metaphysicæ interpres.

Sed objicies contra Boëtium Aristotelis verba VIII. physic. tex. 48. *ἐν γὰρ τοῖς φύσει, δὲ τὸ πεπρασμένον ὑπάρχειν μᾶλλον: oportet in iis, que natura*

natura finitum esse magis. Unde colligit unum esse motorem cœli, & non infinitos. Quod si motor non esset natura, nihil promoveret argumentatio Aristotelica.

Respondeo, Aristotelem sic ratiocinari: Mobile, scilicet cœlum, est finitum. Ergo non est dicendum Motores esse infinitos, aut valde multos. Nam quod Aristoteles sub nomine eorum, quæ *Φύσες*, hoc est natura sunt, non intelligat primum Motorem, discere est ex lib. I. de Cœlo tex. I. *eorum quæ natura dicuntur, hæc quidem sunt substantiæ, dico autem substantias, ut simplicia corpora, & cœlum, & rursus animalia;* Quid apertius fieri potest his verbis?

Quod si Natura esset secundum Aristotelem primus Motor, esset etiam finitus, atque aded esset corporeus, quod prorsus ab ipso rejicitur in VIII. physic. pluribus allatis argumentis. Et tamen Aristoteles, ut probet non esse infinitos motores, imo non plures ait tex. 48. *unum autem magis (movens) quam multa, ex finita, quam infinita.* Quamvis quando egit de infinito dixit finitum, & infinitum esse affectionem quantitatis. In hoc verò textu utitur finitudine, ut ostendat esse unum Movens. Ubi etiam subjungit: *sufficiens autem est, etiamsi unum* (movens) cur ergo in XII. Metaphys. conatus est ostendere esse quinquaginta sex Motores secundum numerum latiorum? in hoc vero tex. 48. physic. VIII. videtur sibi contradicere, dum ait unum Movens sufficere, mox subjicit id esse primum Movens inter immobilia, & esse aliis principium motus. Nam si datur unum primum movens immobile cæteris tribuens motum, non

erit primum inter immobilia: cum enim unum id immobile reliquis omnibus tribuat motum, erit tantum unum immobile, non plura immobilia: nam quod accipit motum ab alio, nequaquam immobile dici debet.

Averroës non tetigit difficultatem, sed simpliciter scripsit hoc modo: *si iste motor, qui declaratus est esse æternus, fuerit unus, æternus erit unus, & si plures, æterna erunt plura.* Sed hæc obiter.

Quæres, an absolute in schola Aristoteles Motor assistens non possit dici natura? nobilissimus professor philosophiæ in hoc Gymnasio Alexander Marfilius Senensis putat probabiliter sustineri posse sententiam ejus, qui motorem vocat Naturam.

Proprie tamen non vocabitur Natura, sed per quandam assimilationem; ut enim Averroës existimavit intelligentiam per assimilationem dici in Peripato animam cœli, unde cœlum appellatum est animatum ab Aristotele, sic eadem intelligentia appellari utcunque poterit Natura. Atque ita explicari debet, quomodo Averroës in libris de anima cœlestia corpora appellavit immortalia animalia, quia habent intelligentiam assistentem, quæ quodammodo anima est & instar animæ, non proprie anima movet cœlum. Quibus expositis carmen subjiciam de controversia inter celebres philosophos Licetum, & Liliolum super naturæ significatu in Lyceo non ita pridem exorta:

Mentes atque Deum Naturæ nomine signat

Licetus, quem quis ledere sustineat?

Liliolus pugnat Liceto, telaque torquet,

Quæ tamen an feriant, dicere jam renuo.

Quem sequeris lector? viridem cui porrigis herbam?

Candida cui tribuit puncta magister venos?

Me

*Me mage Lilioli sententia, grata Lyceo,
Detinet, & Veri congrege luce beat.*

CAP. CXCIH.

*Quatenus videatur Boëtius definivisse hominem
animal rationale mortale.*

UT sit perfecta definitio hominis Boëtius lib. II. in Top. Cicer. ait ponendum esse rationale, mortale. Ergo ex ipsius sententia videntur dari quædam animalia rationalia, immortalia. An ergo putavit Angelos esse animalia? aut saltem cœlestia corpora? Ergone existimavit cœlum conflare ex anima & corpore, tanquam partibus, & animam ejusmodi esse rationalem? quod tamen ex scholis Christianis explosum jam pridem est.

Respondeo vix credibile esse Boëtium putasse, Angelos esse animalia, cum non consentent ex corpore, & anima, quicquid dixerint nonnulli illis temporibus, qui putabant Angelos esse præditos corporibus subtilibus.

Nec dicendum putasse Boëtium corpora cœlestia informari anima rationali, ut existimavit Plato. Potest tamen fieri, ut opinatus fuerit corpora cœlestia posse dici animalia immortalia, quatenus moventur ab intelligentia, quæ per assimilationem vocari potest anima cœli, ut quidem rem totam est interpretatus Averroës.

CAP. CXCV.

*An tantum fuerint tres modi conferendæ liber-
tatis tempore Boëthii?*

T 4

Si

SI quis velit probare, aliquem non esse liberum ait Boëthius lib. II. in Top. Cicer. satis esse, si quis ostendat non esse liberum testamento, non vindicta, non censu. Quod supponit non fuisse plures modos conferendi libertatem. Censu sanè conferebatur libertas, permittente Domino, ut servus in censum nomen deferret, nam antiquitus nonnisi cives Romani censebantur. Per- vulgatum etiam erat servis suis in testamento relin- quere libertatem, ut liberi sequerentur funus. Quo referuntur nota verba Persii:

hesterni subicere Quirites.

Vindicta erat modus manumittendi coram Pratore, quod etiam Tirones sciunt, sciuntque Persianum ver- ficulum:

Vindicta postquam meus à Pratore recessi.

Talis tamen enumeratio videtur mutila, si respicias tempora Boetii. Nam tunc manumittebantur Servi etiam in Ecclesia coram Episcopo, quod notissimum est ex C. de his, qui in Eccles. lib. I. quæ lex lata fu- it à Constantino. Ergo tempore Boetii erant qua- tuor modi conferendi libertatem. Reprehenden- dus igitur, quod talem modum omiserit.

Respondendum est Boetium tantum interpreta- tum fuisse Ciceronem, neque voluisse ex posteriori- bus temporibus quicquam addere. At tempore Ciceronis erant tantum tres modi conferendi liber- tatem. Igitur bene locutus est Boetius.

Observent interim studiosi oportere nos, ut simus non insulsi Juris- Consulti scire immutationes, quæ variis temporibus contigerunt. Valde autem im- mu-

mutarunt Jurisprudentiam Romanam tres Imperatores, Augustus, Constantinus, Justinianus, quorum proinde vita debet esse exacte nota omnibus ijs, qui volunt feliciter versari in castris Astræ & Ennomiæ, & cupiunt mereri stipendia in togata militia.

CAP. CXCV.

Nonnulla de philosophiæ divisione Platonica, & Aristotelica observantur ad ea, quæ profert Boëtius.

Boëtius Dialog. in Porphyry. à Victorino translatus proponit divisionem philosophiæ faciendū duas ejus species, Theoreticam & Practicam. Logicam scilicet non dignatur philosophiæ nomine, nam postea ait: *Hanc artem quidam philosophiæ partem, quidam non partem, sed ferramentum, & quodammodo suppellectilem judicârunt.* Plato tres fecit philosophiæ partes, unam naturalem, moralem alteram, tertiam rationalem, ut testis est Cicero, in quæst. Academ. nec silet Laërtius. Partes singulas à diversis accepit, Moralem à Socrate, intelligibilem tractationem, & rationalem à Pythagora, sensibilem rationem ab Heraclito; ut testatur Apulejus in libro de dogmate Platonis.

Aristoteles non talem fecit divisionem. Nam Logicæ nomine nequaquam accepit scientiam intelligibilem, sed facultatem, quæ agit de divisione, definitione, de syllogismo, de demonstratione, quam nec dignatur appellare philosophiam, sed potius instrumentum philosophiæ.

At Plato nomine rationalis intelligit quidem eam facultatem, quæ agit de sermone, qualis etiam est Rhetorica, sed præcipue extollit Dialecticam, quæ dialecticè apud Platonem est regina omnis philosophiæ. Meminisse scilicet oportet, apud Platonem Logicam presse sic dictam significare artem regulas nominum, orationum, argumentationumque disponentem: Dialecticam vero sagacem philosophantis indaginem, regulis his utentem ad indagandas rerum rationes præsertim divinarum, ut dialecticè nihil aliud sit quam Theologia, quam solam etiam certam esse profitetur. In Phædro sic loquitur: *Magnæ qualibet artes exercitatione dialectica, contemplationeque sublimium in natura rerum indigent. Ipsa enim mentis sublimitas, & vis efficax in quavis re perficienda, hinc quodammodo proficisci videntur: quod Pericles ad ingenii acumen adjunxit.* Addit eum consecutum talem scientiam familiaritate Anaxagoræ, qui ejusmodi res indagavit. Sane Anaxagoras teste etiam Aristotele, videtur cognovisse mentem immixtam & incorpoream; quapropter graviter errant, qui Metaphysicæ initium ad Aristotelem referunt. Nam si Anaxagoras agnovit substantiam incorpoream, & Metaphysica præcipue agit de incorporeis, nequaquam dicendus est primus auctor Metaphysicæ Aristoteles.

In VII. de Republ. præ omnibus Dialecticam Plato laudat, & evehit supra omnes disciplinas. Ait enim: *Dialectica sola sublati suppositionibus omnibus ad ipsum principium, ut compertum habeat sese transfert,*
ac

ac revera animi oculum cæno barbarico obrutum paulatim sursum trahit ac ducit. Quam solam ibidem putat esse scientiam, cæteras artes ait propter consuetudinem scientias appellari, sed proprie dialecticæ solam esse scientiam, quæ purissima est, supra sensum sensibiliaque quæ fluunt, & caduca sunt, confurgens, ut intelligibilia, perennia, immutabilia, contempletur. Sola dialectica definit, cæteræ artes, quæ respiciunt opiniones, & cupiditates hominum, circa essentiam rerum quodammodo somniant, nihil autem cernunt sincere, hærentes suppositionibus.

Aristoteles contemptim videtur de Dialectica loqui, nam definitiones dialecticas parvifacit, easque physicis longe postponit in libris de anima, quia nituntur cogitatione, at physicæ ipsa re se fundant.

Plato scilicet, ut est videri in Phædone, Naturæ philosophiam utpote incertam, probabilemque cum Socrate contempsisse videtur; seseque contulit ad contemplationem rerum intelligibilium, in quibus vera est scientia.

Unde videre est, quantopere in re gravi dissident Plato, & Aristoteles, quamvis Simplicius in primum physicorum conetur conciliare, hac quoque in re Aristotelem Platoni, quasi Aristoteles non omnino certam putarit esse physicam, quandoquidem nititur principiis indemonstrabilibus; sed ejusmodi conciliatio vacillat. Nam proculdubio physicam in primo physicorum Aristoteles conatus est ostendere esse apodicticam, certam, demonstrativam. Secus sensit Plato, qui in suo Timæo acturus de mundo

do ait se rationes exactissimas & probatissimas afferre non posse. Et pollicetur tantum probabiles rationes, quia de sensibilibus non existimavit dari demonstrationem, & scientiam certam, sed tantum de intelligibilibus, parvi enim vero facit sentius Plato, non illis fidit, at fidit menti, ejusque contemplationi in Phædone, traditque nullam fore scientiam, si non darentur Idææ.

Aristoteles autem tantum tribuit physicæ, ut subjectum Metaphysicæ motorem scilicet immaterialem, ab ipsa putet sumendum. Hinc etiam factum, ut suam theologiam post-physicam vocaverit, quasi non liceat esse Metaphysicum ante physicam. Contrario ordine progressus est Plato. Nam ab intelligibilibus tanquam prorsus certis existimavit nobis esse progrediendum ad sensibilia, tanquam fluxa, & incerta, mutabiliaque.

Disce autem Aristotelem nequaquam intelligentias, & primum Motorem docuisse esse naturam, quia postphysica, id est Theologia distinguitur à physica, nam Theologia agit de incorporeis, de corporeis substantiis Physica.

Propterea Boethius, ut dividat philosophiam secundum antiquos non silet tres esse species contemplativæ philosophiæ, una agit de intellectibilibus, alia de intelligibilibus, alia de naturalibus. Intellectibile vocat, quod unum atque idem per se in propria semper divinitate consistens nullis unquam sensibus, sed sola tantum mente, intellectuque capitur, quæ res ad speculationem Dei, atque ad animi incorporalitatem, considerationemque veræ philosophiæ inda-

dagatione componitur, quam partem Græci theologiam appellant. Sic quidem Boethius, quæ an prorsus faciant ad Methaphysicam Aristotelis ambigere licebit, cum in ea tantum de Deo, & intelligentiis Motricibus cœlorum differuerit, Animæ autem incorporalitatem, ut utar vocabulo Boethii, præterierit.

Secunda pars contemplativæ philosophiæ secundum Boethium agit de intelligibilibus, *quæ sunt omnium celestium superna divinitatis operum cause, & quicquid sub lunari globo beatiore animo, atque puriore substantia valet.* Addit hac philosophia, quoque comprehendere animarum humanarum conditionem, atque statum.

Quæ an concinant omnino Peripateticæ scholæ jam disquirere supervacaneum puto.

Tertiam theoreticæ philosophiæ speciem, Boethius docet esse eam quæ naturas corporum, passionisque declarat.

Deinceps recenset species practicæ philosophiæ.

Talia volui ex Boethio repetere, ut simul cum studiosis nonnulla ad divisionem philosophiæ, adque diffidium Platonis, & Aristotelis ejusmodi in re facientia communicarem, quæ tamen à vulgo interpretum admodum negligenter prætereuntur.

CAP. CXCVI.

De divisione sectarum, & librorum Aristotelicorum, quam omisit Boëtius, quadam depromuntur ex Simplicio, & illustrantur.

Divi-

Divisionem philosophiæ quidem proposuit Boethius, ad sectarum partitionem omisit, nec censum inivit librorum Aristotelicorum. Ejusmodi laborem suscepit Simplicius, qui tamen videtur tralatitiam operam in ea re posuisse. De sectis profectò, quando agit silentio involvit Ionicam philosophiam à Thalere profectam, quod non oportuit factum; Democriti quoque nullam mentionem facit. Dices eum, dum memorat Epicureos memorare voluisse Democriti scholam. Sed sciendum Simplicium voluptatis potissimum institutum tribuere Epicureis, quod de Democrito non legitur. Cæterum Epicureos tuetur Simplicius, ne quis putet eos tantum voluptatem, quæ in cibo, potu, Veneris reperitur sectatos. Simplicii verba sunt: *nam Epicurei per voluptatem non venabantur voluptatem, sed summis laboribus, & continentia eam adipisci contenderunt.* Minus tamen rectè videntur semper usurpasse, & in ore habuisse nomen voluptatis, cum absque dubio certum sit non omnem voluptatem esse honestam, dignamque quam quis venetur, cum etiam videntur esse certum ultimum finem humanæ vitæ, non esse in ea collocandum. Legenda igitur sunt, quæ accuratissime disputata ea de re reperiuntur in Dialogis Platonis.

De Cynicis autem verba Simplicii non adeo sunt obvia. Ait enim: *Alius est finis, quem animo, & conjectura intendunt, & alia est institutionis suæ forma, & modus.* De eorum instituto suo loco egimus, cui addas velim dissidere inter se viros eruditos, dum aliqui putant eos solo usos pallio absque interula, sub-

cula-

culaque lineâ, alii in aliam habeunt sententiam, quâ de re non est hic disputandi locus.

Sed quis fuit finis Cynicorum diversus à forma institutionis? cogitatione ditissimi erant, liberi, Reges, supra omnes mortales collocati. Reipsa autem pauperes erant, abjecti, sordidi, viles, seminudi, expertes domus, & tecti. Sic quidem puto explicanda verba Simplicii.

At videnda nunc est divisio librorum Aristotelicorum, quam proponit Simplicius. Miror autem eum non dixisse alios fuisse exotericos, alios acroamaticos, quæ partitio ceteroqui decantatissima est. Existimo autem exotericos, ut & acroamaticos dictos, vel à materia, vel à modo scribendi magis vel minus exacto. Quæro enim, an libri Moraliû sint Acroamatici, an Exoterici? si modum scribendi respicias, Acroamatici sunt, quia non poterant exactiori modo conscribi. Sed si respicias materiam exoterici dicendi, quia scientifici & demonstrativi non sunt, & non nisi crassam recipiunt Minervam, quia Mores hominum habent magnam varietatem.

Libri de anima tres, qui extant, prorsus Acroamatici sunt, sive respicias materiam, sive tractationis modum. Dialogus autem Eudemus de anima exotericus fuit, quia populariter in eo Aristoteles disseruit de anima. Non igitur rectè facit, qui ex Eudemo citat verba, eaque putat esse ultimam certamque sententiam Aristotelis. Nam de anima nihil perfectum, & exactum hodie extat Aristotelicum nisi tres libri de anima.

Quinam autem fuerunt Memoriales libri, de quibus agit Simplicius? puto eos ad exotericos referendos, nam suæ memoriæ consulens eos congescit Aristoteles, non quod in ipsis explicaret sua peculiaria dogmata. Audiamus Simplicium: *Memoriales sunt quoscunque ad suam, & peculiarem rerum memoriam construxit.* Mox subjicit: *videntur libri memoriales non esse digni, ut eis operam demus, idcirco interpretes non credunt ea, quæ in illis docentur, fuisse dogmata, instituta, sententiasque philosophi.* Hoc si verum est, cur dixit superius, memoriales libros constructos fuisse, *ad exactam rerum indagationem*? Respondendum est, aliud esse, facere ad indagationem exactam, aliquidque conferre, aliud continere exactam rerum cognitionem. Memoriales libri conducebant, conferebant ad exactam rerum cognitionem, sed eam non complectebantur. Tales fuerunt *Θαυμάσια ἀνέσματα* de admirandis auditis. Neque enim præstat ipse ejusmodi narrationum veritatem. Sic idem teste Varrone lib. IV. de lingua latina conscripsit *νόμιμα βαρβαρικά*, exaravit etiam non pauca de Rebuspublicis, sive de moribus institutis Rerumpublicarum. Hinc Cicero de fin. lib. V. *omnium ferè civitatum non Græciæ solum, sed etiam Barbariæ ab Aristotele mores, instituta, disciplinas.* Ejus operis fragmenta à viris doctis collecta sunt.

Ad memoriales libros Aristotelis referendæ sunt ejus *διδασκαλίαι*, de quibus Laërtius. Conferebat is liber non solum ad cognitionem Poëtarum Dramaticorum, sed etiam ad successionem temporum. Nam notati in eo erant anni, quibus editæ fuerant fabulæ, hocque mirificè conferebat ad Chronologiam.

Pergit

Pergit Simplicius, atque librorum Aristotelicorum alios fuisse rite, & rectè coordinatos, alios confusos. Et coordinatos alios esse dialogicos, alios *ἀυτοπερσώ-
πες*. Etsi autem dialogici essent bene dispositi, populares tamen erant, nec ultimam sententiam auctoris complectebantur. Non igitur potest induci liber dictus Eudemus, quasi complectens ultima, & germana dogmata Aristotelis, quicquid dicant nonnulli ex recentioribus.

Sed de libro ad Alexandrum de Mundo quid dicendum? puto esse verum opus Aristotelis, sed ab ipso nondum sane compositum, cum Alexander adhuc non suscepisset expeditionem adversus Persas. Ergo in ipso non ita procul recedit à Præceptore, quia magnificè de Deo omnium rerum conditore, & conservatore loquitur. Postea senior factus magis accessit ad novitatem, magisque removit gradum à Platonico dogmate, tantumque locutus est de primo Motore, & de intelligentiis. Igitur mihi videtur liber ille meliora continere dogmata, meliora, in quam iis, quæ postea ab ipso tradita sunt in physica, Metaphysica, & libris de cælo. Sed qui vult exigere postremos libros ad anteriorem illum, invertit ordinem, quem secutus est Aristoteles, qui semper magis ac magis discessit à vetustate novitatem amplexus. Dici enim vix potest, quam nova sint, quæ novissime exarata sunt à Peripati conditore.

CAP: CXCVII.

De divisione philosophia, & de operibus Aristotelis plura depromuntur ex Ammonio, & rejicitur paradoxum Fr. Patritii.

(3)

U

Liceat

LIceat mihi iis, quæ in superioribus duobus capitibus tradita sunt de divisione philosophiæ, & de operibus Aristotelis addere aliqua ex Ammonio, doctissimo philosopho, qui fuit discipulus Procli, & præceptor Simplicii rara sana laude.

Procemio in Porphyrium ait philosophiam à nonnullis in duas, à plerisque in tres partes fuisse distributam. Qui dividunt in duas partes sunt proculdubio Peripatetici, qui negant Grammaticam, Rhetoricam, & Logicam esse partem Philosophiæ. Communior est divisio, qua dividitur in tres partes philosophia à Platoniciis, Academicis, & Stoicis, qui omnes ajunt philosophiam aliam esse contemplativam, aliam activam, aliam denique rationalem.

Quicquid verò sit de controversa divisione, Ammonius in duas partes philosophiam partitur, cujus divisionis duplicem affert rationem. Nam philosophia conatur hominem Deo facere similem, quantum fieri potest. At Deus, & cognoscit, & providet regendo inferiora. Ergo & philosophia partim est contemplans, partim operans. Animæ duæ sunt actiones una cognoscens in intellectu, altera vitalis posita in voluntate. Philosophia nos perficere cupiens partim exornat intellectum cognitione, partim dirigit voluntatem, ne in appetitionibus impingat.

Contemplatricis porrò philosophiæ tres sunt partes, una de divinis, altera de Mathematicis, tertia de naturalibus agit. Divinæ omnino materia carent, & se pulcherrimè sustentant, *naturales nunquam separari à materia, neque per se constare intelligique possunt.*

Unde

Unde obiter discere est, quod primus Motor, & intelligentia extra naturalium rerum censum collocanda sunt, cæteroqui oporteret dicere eas esse sic adiectas materiæ, ut per se constare intelligique nequeant.

Mathematica est pars contemplatricis philosophiæ, quæ complectitur separabilia, & non separabilia, quæ intermedia vocantur. Sic autem nuncupantur quoniam à naturalibus ad divina nullo medio interjecto nequimus conscendere. Plotinus sane Mathematicas disciplinas adolescentibus tradendas esse censuit, quoniam si eos statim à naturalibus ad divina traducere voluerimus, cæcos faciemus. Quemadmodum autem, si quis ex domo maxime tenebricosa in ipsplendidissimam exire voluerit, in ea prius morari debet, in qua mediocrem lumen sit, in lucidissimam postea devenire: ita etiam juvenes, antequam à naturalibus ad divina ducantur in mathematicis, quæ ad illa tanquam gradus, & scalæ sunt, ut quatenus à materia non separantur, naturalibus: qua vero semoventur, divinis jungantur, necesse est exerceri.

Videnda plura, quæ Ammonius de partibus philosophiæ singillatim differit. Nunc ad Aristotelem, ejusque philosophiam, & philosophicos libros transendum.

Negat Ammonius Logicam, Metaphysicamque inventam ab Aristotele, quod tamen hodieque nonnulli asserunt. Physicam aliqua ex parte auxit. Sunt verba Ammonii in vita Aristotelis: *Logica adjecit. Norant enim veteres demonstrare, ac demonstrationes facere haudquaquam norant.* Hinc

forte dixit Themistius in orationibus audaciam Sophistarum in ordinem redactam ab Aristotele, ne deinceps glaucoma oculis objicere queant.

Pergit Ammonius, & ait physicæ additam ab Aristotele, *quintam essentiam*, scilicet cœlum. *Theologie verò etsi nihil adauxit, nihil tamen de ea tractavit, in quo quicquam desideres.* Audiant & notent hæc verba Averroistæ, qui contendunt Metaphysicam ad solum Aristotelem tanquam inventorem referendam.

Non silet deinceps Ammonius Aristotelem novisse, *primam causam neque per se mobilem & neque per accidens esse*, ex hoc sane indicando *divinitatem supremam ac moderatricem neque corpus esse, neque obnoxium affectibus.* Vides secundum Ammonium Deum non esse naturam. Nam dixerat Aristotelem addidisse quintam essentiam scilicet cœlum. Mox ait Metaphysicam ab eo nequaquam mutilam esse traditam, sed perfectam; quandoquidem egit de *suprema divinitate, deque iis, quæ supra mundum sunt, non de solis iis, quæ mundi ambitu continentur.* Natura intra mundum est, divinitas supra mundum. Ergo divinitas non est natura secundum Aristotelem & Ammonium. Si vero quæras, quidnam norit supra mundum Aristoteles? divinitatem solam nominat Ammonius. Non ergo agnovit Aristoteles infinitum numerum animarum, quæ emanaverint à Deo ab æterno, & singillatim quotidie ex perenni illo statu, in quo secundum nonnullos recentiores Peripati sectatores per infinito tempore fuerint, dimittantur.

Sed videamus, qua ratione partiatur opera Aristotelis Ammonius in præfat. ad præd. Aristot.

Divi-

Dividit opera in particularia & universalia. Particularia ut epistolas. Inter universalia recenset libros de anima & physicam. Quibus addit Respublicas, & historiam animalium. Extitit tamen nostris temporibus præter Nizzolium Franciscus Patritius, qui omnes libros Aristotelis, qui hodie extant, & in quos doctissimi viri, & quidem Antiqui exararunt Commentarios, in controversiam ausus est revocare, suspectosque tanquam non sint Aristotelis reddere. Nizzolius contendit nullum horum librorum esse Aristotelis, sed esse tantum epitomas, & compendia à Nicomacho Aristotelis filio, ex patris libris excerpta, ac contracta, quod miror potuisse dici, cum nihil absurdius videatur posse depromi. Sunt enim in manibus eruditorum Commentarii Alexandri, Simplicii, Themistii, Philoponi, extat paraphrasis Andronici Rhodii in libros Ethicorum, tot tamen doctissimi homines ut integros, germanosque libros Aristotelis exposuerunt.

Sed Franciscus nihilominus Patritius sic loquitur de operibus Aristotelis: *Multæ merationes in dubium adducunt de majore librorum Aristotelicorum parte. Nam ducentos & duos libros liquido constat, non ab ejus profecto calamo. Alii ita dubii, & ambigui sunt, ut Aristotelis esse, nulla certa ratione affirmare possimus.* Hæc audax ille homo, quem prolixè confutare hic non vacat. Satis sit interim testimonium Ammonii, qui agnoscit physicam, de anima, Ethicam, politicam, Oeconomicam, de cœlo, de generatione animalium, de ortu, & interitu, prædicamenta, de interpretatione, priora resolutoria, posteriora reso-

lutoria, Topica, Sophisticos Elenchos, Rhetoricam.

Quod testimonium magni esse faciendum, nec posse rejici ex eo constat, quia testatur ipse consuevisse interpretes Aristotelicorum operum, antequam singillatim exponerent ejusmodi libros, quære an liber ille esset verus, & germanus partus Aristotelis. Quod etiam testatur Philoponus in proœmio commentariorum in libros Analyticorum.

Sic Ammonius in præf. ad prædicamenta: *querimus etiam, an suus legitimusque sit philosophi liber est-que hic prædicamentorum, liber verus legitimusque Aristotelis judicatus ab interpretibus, tum ex sententiis, verbisque tum quod hujusce libri philosophus alibi memin-erit.* Agnoscit librum etiam Porphyrius, & Dexippus, & Simplicius, antiqui & sine controversia doctissimi majorisque faciendi, quam Diogenes Laërtius. Accuratius enim inquirunt in librum interpretes, sciuntque discernere melius, quam simplex historicus, qui cum de plurimorum philosophorum operibus ageret, non potuit de singulis explorare veritatem, liquidoque affirmare esse ejus auctoris, cui vulgo tribuuntur. Ita si quis scire velit, quæ sint germana opera Hippocratis, Galenum cæterosque interpretes potius consulat, quam scriptorem historiarum.

Sed omissa ejusmodi controversia de veris libris Aristotelis, annotemus aliqua ex eodem Ammonio, quæ faciunt ad cognoscenda opera ejusdem philosophi.

Fatetur ipse Aristotelem scripsisse quædam ad Alexandrum de Regis officio, & de deducendis Coloniis. Hinc deducere aliquis conatur, nequaquam scriptum fuisse, librum de Mundo, ab eodem Aristotele ad Alexand. quia ejus meminisset Ammonius. Sed non necesse fuit, tunc eum memorare, quia liber de Mundo est liber universalis, & Syntagmaticus. De Syntagmaticis autem postea agit. Aut si non placet hæc responsio, dicere fas est non voluisse enumerare omnia, quæ ad Alexandrum exarata sunt ab Aristotele. Interim confutatur Dan. Heinsius, qui ideò putat librum de Mundo non esse Aristotelis, quia Aristoteles non est solitus scribere præfationes, & dedicare suos libros. Atqui Ammonius testatur Aristotelem scripsisse ad Alexandrum de Regis officio, & de Coloniis deducendis. Non bene etiam, ut mihi videtur, alius vir doctus ait consuevisse præfari Aristotelem, quia libri de physico auditu, de cælo, Metaphysica, Analitica non carent proœmio. Aliud enim est præfari ad aliquem, dum dedicatur liber; aliud ab effatis late patentibus sternere sibi viam ad tractationem, quam quis suscepit. Aristotelis mos est exordiri opus suum à sententia universali: quod proœmium (si proœmium dici debet) sic cohæret operi, ut deesse non possit, si mutilum nolis esse. At præfatio, qua quis principem aliquem invitat ad legendum, & defendendum librum potest abesse absque eo, quod opus ipsum mancum mutilumque evadat. Ergo verum est Aristotelem fere consuevisse abstinere à talibus proœmiis, hoc est dedicationibus. Non tamen est ve-

rum abstinuisse semper. Nam si secundum Ammonium de Regis officio scripsit ad Alexandrum, verisimile admodum est epistola quadam eum allocutum fuisse.

Syntagmatica opera Aristotelis fuerunt opera accurato ordine, & exacta locutione composita. Quædam fuerunt ex Syntagmaticis Acroamatica, alia Dialogica, sive exoterica, aut dicta ab aliis extranea, & extraria. Vix tamen putârim omnia exoterica fuisse dialogi in morem composita, sed de dialogicis sic loquitur Ammonius: *In collocatoriis, velut ad communem ac multorum utilitatem scriptis, ea quibus assentitur, pronunciat: idque non per demonstrativa, sed simpliciora argumenta, quæque percipi à pluribus valeant.*

Difficultate non caret, quod ait Ammonius Aristotelem in exotericis pronunciare ea, quibus assentitur. Nec enim verisimile est eadem effata reperiri in Acroamaticis & exotericis, & tantum differre argumentationibus non conclusionibus. Cur enim suas peculiare sententias communicasset omnibus? videbantur reservandæ tanquam peculiare libris Acroamaticis, tradendæque legitimis auditoribus.

Respondendum assensisse aliquatenus Aristotelem illis conclusionibus, quas exponebat in exôtericis, at non assensisse ex tota animi sententia, sed tantisper dum deliberaret, & aliquid certi statueret, quod committeret operibus Acroamaticis. Videtur enim Aristoteles admodum caute se gessisse, & cum junior esset exoterica emisisse ad præbendum suæ dili-
gen-

gentiæ specimen, reservasse tamen novissimas suas opiniones commodiori tempore edendas.

Inspice librum de Mundo, quem ego puto esse exotericum, reperiēs sententias, quibus tunc assentiebatur, quia meliores non suppetebant, adultior factus, & doctior in libris de cœlo, & in Theologia non quidem palam rejecit tradita à se in libro de mundo, sed paulo aliter dogmata de tantis rebus explanavit.

In dialogo quem inscripsit Eudemum, animæ immortalitatem exoterice proposuit, in acroamatico postea opere de eadem materia sublimiori visus est sibi loqui ratione, intellectumque agentem sic immortalem adstruere, ut hodieque interpretes super ejus natura digladiantur.

CAP. CXCVIII.

Perpenduntur verba Boëtii de animarum incorporalitate, & earundem lapsu in corpora. Quid Platonici dixerint de descensu animarum in corpora. Explanatur quorundam Veterum Theologorum opinio de præexistentia animarum.

NEscio, an à repugantiæ possit incommodo liberari Boëtius, dum proœmio ad Porphyrium nunc docet Theologiam, quam Aristoteles Metaphysicam appellat, *considerare animi incorporalitatem*: mox tradit partem aliam philosophiæ theoreticæ agere *de conditione animarum, quæ, corporum tactu ad intelligibilia degenerarunt*. Jam enim videtur animæ puram incorporalitatem tribuere, jam eam

facere talem, quæ possit infici, pollui, fœdari corporum tactu, quamvis non statim quod incorporale vocatur sit purus actus, ut Deus, cujus operatio substantia est, mutationis omnis expers.

Idem repugnantia incommodum premere, & urgere videtur eos Peripateticos, qui ajunt tractationem de anima, & naturalis esse, & transnaturalis, sive Metaphysici Philosophi. Naturalis sane agit de caducis, de iis, quæ veniunt in compositionem, quæque separari nequeunt. At Metaphysicus exponit ea, quæ immaterialia sunt, qualis est primus motor, & intelligentia. Hinc Aristoteles non videtur putasse animam esse subjectum Methaphysicæ, quandoquidem in XII. Metaphys. de ea nihil exposuit.

Respondendum nihilominus est Boëtium in verbis prolatis docuisse incorporalem quidem esse animam, sed non pure immaterialem, neque purum actum, ut est Deus, quod jam diximus superius; sed sic esse incorporalem, ut possit coalescere cum corpore, possit discere, beata esse, & non beata, bene operari & secus. Hinc Simplicius in proœmio de anima dixit, animam quatenus *intelligens est, se primæ philosophiæ cognoscendam præbere, neque naturalem pure, atque sincere esse contemplationem de anima: neque simpliciter adscribendam iis, quæ post naturalia dicuntur: sed his ambabus scientiis connexam.* Deinceps docet illud intelligens animæ, non hujusmodi esse: *cujusmodi quæ supra naturam, & quæ purè impartibilia, quæ penitus firma atque stabilia, & quæ exacta atque sincera.* Ergo substantia animæ *media inter naturalia, atque ea, quæ naturam superant, dici potest:*

est: & quia aliquid quidem habet, quod cum iis, quæ naturam superant, ei commune sit: aliquidque quod ad ea quæ natura sunt, vergat.

Quæ satis superque ostendunt (ut obiter hoc colligam) non bene sentire eos, qui contendunt editis integris libris Deum juxta Peripatum, & intelligentias esse naturam. Nam Simplicius hoc soli animæ tribuit, ut sit partim naturalis, partim transnaturalis. Hinc Boëtius tertiam speciem theoreticæ philosophiæ ait dici physiologiam, *& versari circa corpora & eorum passiones; secundam vero intelligibilium substantiam in medio collocatam esse quod habeat, & corporum animationem, & quodammodo vivificationem, & intellectibilium considerationem, cognitionemque.* Viderint verò etiam illi Peripatetici, qui ajunt de anima agere Metaphysicum syncerum, & purum. Certe Aristoteles siluit de anima in XII. Metaphysic. & siquidem anima Metaphysicæ tractationis est, non debuisset eam omittere, cum præsertim sint inter recentiores, qui dicant à Deo ab æterno secundum Peripatum emanasse infinitum numerum animarum, quarum unaquæque, tantum semel jungatur in tempore corpori, nunquamque amplius ad id revertatur, quæ opinio prorsus rejicienda est non solum à schola Christiana, verum etiam Peripatetica.

Quandoquidem autem inquit Boëtius animas incorporeitate præditas dilabi ad corpora, audiamus Macrobius ea de re loquentem lib. I. comment. in Somn. Scip. Cap. XI. Platonici nonnulli docent inter lunam, terrasque locum mortis & inferorum vocari: *ipsamque lunam vitæ esse mortisque consinium,* &
ani-

*animas inde in terras fluentes mori, inde ad supera me-
antes in vitam reverti. Ab Luna enim deorsum natu-
ra incipit caducorum ab hac anima sub numerum dierum
cadere, & sub tempus incipiunt denique illam aetheream
terram physici vocaverunt: quod ita esse plurimis argu-
menti docuerunt. Deinceps subjicit dubitandum
non esse, quin Luna sit mortalium corporum auctor, &
conditrix adeo, ut nulla non corpora sub luminis ejus
accessu patiantur augmenta, & hac decrecente mi-
nuantur.*

Vides quam remotus fuerit Macrobius ab opinio-
ne Aristotelis, qui lunam omnino à caducis eximit,
eique quintam substantiam prorsus à terra diversam
tribuit. Cum Macrobio physici olim senserunt, ca-
ducisque adscripserunt lunam, ut ipse testatur.

Sed videamus, qua ratione putet Macrobius alios
Platonicos secutus animam defluere ad hæc inferio-
ra: *Secundum alios Platonicos, inquit, quodrum sectæ
amicior est ratio animæ beatæ, ab omni cujuscunque
contagione corporis liberæ cælum assident, quæ vero ap-
petentiam corporis, & hujus quam in terris vitam voca-
mus ab illa specula altissima, & perpetua luce despiciens
desiderio latenti, pondere ipso terrenæ cogitationis pau-
latim in inferiora delabitur: Nec subito à perfectâ
incorporalitate luteum corpus induitur, sed sensim
per tacita detrimenta, & longiorem simplicis, & ab-
solutissimæ puritatis recessum, in quadam siderei cor-
poris incrementa turgescit. Hinc pergit: In singu-
lis enim sphaeris, quæ cælo subjectæ sunt, aetherea ob-
volutione vestitur: ut per eas gradatim societati hu-
jus*

jus indumenti testei concilietur, & ideo totidem mortibus, quot sphaeras transfit, ad banc pervenit, quæ interris vita vocitatur.

Vides omnes Platonicos tribuisse incorporealitatem animæ, talem tamen, quæ posset se induere in corpus, ut si consideremus felicitatem, qua fruuntur animæ in cœlo contentæ sua incorporealitate, præter naturam sit status, quem delabendo in hæc inferiora subeunt. Si verò cogitemus incorporealitatem animarum talem esse, ut ipsæ nihilominus possint appetere statum corporeum, & vitam, quam hic degimus, non sit prorsus status iste contrarius naturæ ipsarum.

Sed dicet aliquis, num tu vis Platonice figmentis reddere obnoxium Boetium sapientissimum, Consulem Christianum philosophum? Talia ego ei non adscribo, cum apud ipsum non legantur.

Regeres, fateor, & ego Boëtium non mandasse litterarum monumentis Platonice ejusmodi fictas cogitationes, videtur tamen sensisse animas antequam conjungantur corporibus esse in cœlo, & incorporealitate gaudere, atque adeo videtur agnoscere præexistentiam animarum, quæ tamen rejecta est in Origene: nec enim fas est in christiana schola dicere, animas ab initio esse creatas à Deo, & deinceps quotidie jungi corporibus.

Respondere est apud vetères Theologos christianos fuisse obscurissimam disputationem de origine animarum, quod testatur etiam ipse S. Gregorius Magnus. Nonnulli visi sunt ponere præexistentiam, sed non assentiendo in omnibus Origeni, qui quidem Origenes secundum quorundam narrationem

nem amplexus est transmigrationem Pythagoricam, supponendo quoque mundi æternitatem, quodque careat initio, & cariturus sit fine. Ejusmodi dogmatum cumulus Pythagoræus, & Platonius Origenis magno consensu explosus est.

Nonnulli itaque visi sunt sentire Deum, cum conderet Angelos etiam condidisse tantum numerum animarum immortalium, qui sufficeret animandis corporibus eorum hominum, qui nati sunt, ex quo conditus est mundus, & deinceps nascentur usque ad finem ejusdem mundi. Quæ quidem opinio non ponit transanimationem Pythagoræam, nec adstruit infinitum numerum animarum, cum mundus, & cœperit esse, & tandem hic ordo rerum sit desiturus.

Si quis porro quæsisset ex auctoribus talis opinionis, quis sit status animarum, antequam jungantur corporibus, ubi degant beatæne sint, an secus, forte respondissent obscuriorem esse rem, quam ut sub opertam lucem possit duci. Quæ quidem opinio sic exposita non prorsus, hodieque ut repugnans fidei catholicæ posset respui, & damnari.

Lubenter tamen nunc communiori, & receptissimæ sententiæ Catholicarum scholarum acquiescimus. sentimusque, quod etiam visum olim S. Hieronymo, animas quotidie à Deo creari, & corporibus jungi, talemque sententiam hodiè quoque amplecteretur sapientissimus vir Boëtius, cujus nihilominus verba suo loco sic exposuimus, ut nequaquam sit necesse dicere eum posuisse animarum ante corpora præexistentiam.

CAP. CXCIX.

Adstruitur innocentia Senecæ verbis Boëtii. Obiter aliquid profertur de morte Papiniani.

Senecæ innocentiam, si quis non satis esse defensam putat, & argutatur, cedat Boëtii summæ viri iudicio. Is de Consol. philosophiæ lib. III. profa V. sic loquitur : *Nero Senecam familiarem præceptoremque suum ad eligendæ mortis coëgit arbitrium. Papinianum diu inter aulicos potentem militum gladiis Antoninus objecit. Atqui uterque potentia suâ renunciare voluerunt, quorum Seneca opes etiam suas tradere Neroni, seque in otium conferre conatus est.* Quæ verba lubenti animo à me prolata sunt, non solum Senecæ gratia, sed & memoriæ Papiniani splendidissimi Juris-Consulti causa: dum enim confertur Senecæ extrema calamitas, quæ immerito ipsum afflixit, cum morte Papiniani, eo magis innocentia ejus defenditur, Tyrannicusque Neronis furor jugulatur, & nigro excipitur calculo.

CAP. CC.

Quod philosophiæ finis sit, Deum imitari. Quatenus homo dicatur imitando Deum Deus fieri secundum Boëtium. Explicantur verba S. Dionysii Areopagite.

AN qui beatitudinem consequuntur æternam, Dii sunt? videtur id affirmare Boëtius de Consol. philos. lib. IV. profa III. *Cum ipsum bonum*

bonum beatitudo sit bonos omnes eo ipso, quod boni sunt fieri beatos convenit. Est igitur premium bonorum; Deos fieri. Cui concinere videtur, quod legitur Psalm. XLIX. Deus Deorum Dominus locutus est. Qui enim excellunt virtute & pietate, & Deo quantum fieri potest similes sunt, Dii sunt, & vocantur in S. Litteris. Hinc ait S. Dionysius Cap. XII. de divin. nom. Θεὸς καλεῖ τὰ λόγια, τὰς ἐν ἐκάστοις ἀρχικωτέρας διακοσμήσεις : Deos S. Litteræ appellant præcipuos ordines in unoquoque.

Ergo Dii maxime appellantur illi, qui beati jam magis participes sunt Divinitatis, quam intuentur sicuti est. Ut nomen Deorum tribuatur hominibus aut virtute insigni præditis, aut jam beatitudinem adeptis per similitudinem quandam. Nam similes evadunt Deo, quantum homini licet, per philosophiam veram, per sapientiam, per virtutem cujus fructum tandem percipiunt in cœlo, liberi ab omni rerum corporearum & humanarum labe. Fit scilicet particeps divinæ naturæ, quisquis ad divinæ naturæ accedit puritatem defæcatam per participationem, ut in re tam ardua nostrorum utar Theologorum verbis. Hinc S. Johannes dixit : *Quotquot eum acceperunt, dedit eis potestatem filios Dei fieri, qui non ex sanguinibus, nec ex voluntate, sed ex Deo nati sunt.* Filius Dei Deus est. Sed qui Deum imitantur, sapientiæ inhærent, virtuti incumbunt, humana despiciunt, divinis delectantur, filii Dei evadunt, igitur & Dii, quod cum grano salis est accipiendum. Unicus enim est Dei Filius proprie sic dictus, & Naturalis. Cæteri qui dicuntur Filii Dei, & Dii metaphorice sic appellantur propter

propter similitudinem aliquam, quam habent cum Deo, de qua quidem similitudine sunt verba S. Joh. in Epist. *Similes ei erimus, quoniam videbimus eum sicuti est.*

Ad tantum mysterium licet Gentiles, qui cœci erant, non possent confurgere, non dubitarunt tamen dicere finem philosophiæ, & veræ virtutis esse similitudinem cum Deo adipisci, similem Deo evadere, quantum quidem licet homini. Audiamus Ammonium ad introductionem Porphyrii: *Philosophia (ut tradidit Plato) homini cum Deo similitudo est, quantum homo assequi potest. Philosophus dat operam, ut Deo quam simillimus evadat. Illud autem, quantum homo consequi potest, recte ad definitionem adjungitur, quorum enim cumque vis atque natura diversa est, eorundem quoque perfectiones diversæ sunt.*

Obiter autem ex hac similitudine quam cum Deo sapiens habere dicitur, videtur confutari posse Aristoteles, qui Diis solam contemplationem tribuit, & hominis felicitatem in sola contemplatione collocat. At Ammonius ait duplicem esse Dei actionem, notionem scilicet, qua cuncta cognoscit, & inferiorum providentiam, qua cuncta gubernat. Philosophus operam dat, ut Deo quam simillimus evadat, vult omnia speculari, quod omnia consideret, & providere, quod inferiora gubernet, siquidem & judicat, & leges præscribit, ita fit, ut philosophia sit homini cum Deo similitudo.

Concinit Ammonio Marcus Imperator in Cæsari-bus apud Julianum, quod scilicet finis hominis sit Deum imitari, atque adeo Deo evadere similem.

Καὶ ὁ ἑρμῆς βλέψας πρὸς τὸν Μάρκον, εἶπεν τὸ
 κάλλιστον ἐδόκει τῷ βίε τέλει εἶναι. Τὸ μιμεῖσθαι,
 ἔφη, τὸς Θεὸς. *Respicens Mercurius Marcum, quis,*
inquit, tibi visus est esse vitæ præstantissimus finis?
Deos imitari. Quod responsum mirificè approba-
 tum est à Mercurio. Licet autem Silenus cavillari
 voluerit, visus est tamen optimè dixisse Marcus,
 cum præsertim subjunxerit se existimasse hominem,
 mente animoque imitari Deum debere, non come-
 dendo, & bibendo, & quandoquidem homo quod
 mortalis sit multis indiget, rectè censuit imitationem
 in eo positam esse, ut quisquam paucissimis indige-
 at (ἐλαχίστων δεῖσθαι) & quamplurimis beneficiat
 (εὖ ποιεῖν πλείστους. Hæc igitur prolata sunt ad il-
 lustrandam sententiam Boëtii, qui ait eos, qui beati
 evadunt Deos fieri. Neque enim proprio stricto-
 que significatu sunt ejus accipienda verba.

Objicies ex Epist. II. S. Dionys. Deum esse ἀμίμη-
 τον inimitabilem, ubi S. Maximus asserit Deum, nulla
 imitatione (μιμήσει) attingi posse. Sed facile est
 respondere. Nam ipse Maximus docet nos acce-
 dere πρὸς μίμησιν Θεῷ ad imitationem Dei. Ergo
 imitamur Deum. Pachimeræ quoque interpreta-
 tio, docet nos non rite deificari δεῖσθαι, nisi Deum
 imitemur, & idcirco dixisse imitationem, qui autem
 accedit ad Deum eum imitando, intelligit se tali imi-
 tatione divinitatem attingere non posse. Mox ad-
 dit imitantes, & participantes, per gratiam Deos bo-
 nosque appellari.

CAP. CCI.

Boëtium non disputasse de Controversia, qua quaeritur: An logicè sit philosophiæ instrumentum?

Aliquid in eam rem depromitur ex

Ammonio.

Dialogo primo in Porphyrium dixit Boëtius se alibi acturum de Controversia, qua quaeritur: An logica sit pars, an vero instrumentum philosophiæ, & utriusque partis in medium prolatum rationes. Cum vero id non præstiterit, age consulamus doctissimum Ammonium Hermiæ filium, in præfatione ad prædicamenta, quam disputationem transcripsit ex ipso Philoponus commentario in libros Analyticorum. Sic quidem, ut qui legerit Ammonium non indigeat Philopono, qui etiam cum scriberet in Meteorologicos libros Ammonii dictis se locupletavit. Ergo Stoici putârunt Logicam esse partem philosophiæ, Peripatetici instrumentum, Platonici visi sunt utrumque affirmare, sed diversa ratione. Videtur enim Plato considerasse logicen, jam ut semotam à rebus, jam cum rebus ipsis conjunctam. Cum rebus conjuncta, videtur esse pars philosophiæ. Semota tantum instrumentum. In Phædro sane visus est philosophus eam partem vocare; secus autem in Parmenide, ubi docet juvenes debere præexerceri garrulitate, ut postea verum à falso discernere queant. Ammonius putat nomine garrulitatis intelligere Logicam. Res certe id ipsum ostendere videtur. Nam juvenes, ut primum attingunt Logicæ præcepta audacter argumentantur, & mi-

re se jactant inter æquales, vexantque alios interrogando, & nova subinde, architectando argumenta. Longe aliter se gerunt, qui jam res ipsas, hoc est philosophiam tractant adminiculo logices: jactantiam deponunt, parcius loquuntur, modestiam induunt, nec amant eos, quibuscum loquuntur garriendo obruere. Sed quicquid sit de sententia Platonis, hodie Peripateticorum sententia fere obtinet, hinc fit, ut plerique dicant logicam esse instrumentum dirigens intellectum in cognitione veri. Logica namque non videtur expeti propter se, se propter aliud. Ergo Instrumentum est non pars philosophiæ. Philosophia complectitur Logicam, non Logica philosophiam. Ergo non est pars, sed instrumentum. Nasus certè non continetur in manu, nec manus in pede, plura argumenta jam prodire non jubeo. Non tamen se deserunt Stoici, nam nulla ars instrumentum suum molitur. Sed philosophia architectatur logicen. Peripatetici audacter dicunt artes aliquas sua construere instrumenta. Nonne enim excusoria construit incudem? sic quidem respondent Peripatetici. Sed de tota controversia commodius alibi agam.

CAP. CCII.

Rejicitur Fr. Patritius, qui librum de interpretatione, expositum à Boëtio, & aliis, negat esse Aristotelis. Quatenus Aristoteles intellectionem appellaverit passionem.

REdarguenda hic est infania Fr. Patritii, qui librum Aristotelis de interpretatione rejicit ut spurium. Utemur autem auctoritate Boëtii, & aliorum, ut intelligant lectores, quam parum fidei eidem Patritio sit habendum, quando reliquos quoque libros Aristotelis conatur subvertere.

Igitur quod liber de interpretatione sit verus germanusque partus Aristotelis, primum ostendit Auctoritas Laërtii, quem Patritius quando de libris Aristotelicis agitur maximi faciendum putat. Sic enim de ipso loquitur lib. III. tom. I. discuf. Peripat. *Satis clarè constat libros Aristotelicos indubios, & extra omnem controversiam positos apud Antiquos, eos fuisse, qui à Diogene sunt enumerati.* At fatetur ipse librum de Interpretatione numeratum fuisse. Cur ergo postea p. 21. & præcipue lib. IV. tom. I. p. 45. librum eundem de interpretatione omni conatu Aristoteli detrahere satagit? quid facies homini sibi ipsi non constanti, & nunc hoc, mox illud pronunci-anti?

Post Laërtium prodeat testimonium Ammonii in præfat. Comment. in eundem librum. *An vero, inquit, sit legitimum opus philosophi, nemo in Aristotelis lectione versatus, si tum orationis probabilitatem, artificiosumque & severum, ac familiare philosopho præceptorum genus, quæ in eo traduntur, tum cum aliis libri ejus consensum respiciat, dubitandum existimabit.* Hæc ille, in quibus præter auctoritatem reperire est pondera rationum, quæ auctoritatem fulciunt, & labi non sinunt.

Aspasius & Alexander in hunc librum tanquam germanum commentarios ediderunt, teste Boetho in majoribus commentariis suis. Non ejusmodi suscepissent laborem, si putassent ab Aristotelis non manasse officina de interpretatione librum.

Alexander aliquot rationibus adstruxit libri auctoritatem, nam dicit ea, quæ hic traduntur, continere reliquæ doctrinæ. Non est absimilis stilus, qui brevis obscuritatem præfert. Addit Theophrastum in libro de affirmatione & negatione, iisdem aliquibus verbis uti, quibus usus est Aristoteles in hoc libro, & perstrinxisse nonnulla, breviterque transmississe, quod nollet repetere, quæ à præceptore erant enarrata. Cum enim Theophrastus de iisdem ferè egerit, de quibus Aristoteles, non inhæsit prolixè iis, quæ jam à Magistro erant expedita, sed addebat ex proprio ingenio, ubi animadvertit tacuisse Aristotelem. Sic quidem ratiocinatur Alexander.

Porphyrus quoque amplexus est librum ut verum partum Aristotelei acuminis, cum commentario opus ejusmodi non dubitaverit illustrare. Sic enim Boethius lib. I. majorum Comment. *expositionem* (libri de interpretat.) *nos quam maxime a Porphyrio latina oratione digessimus. Hic enim nobis expositor, & intellectus acumine, & sententiarum dispositione videtur excellere.* Hæc Boethus.

Sed facessit magnum negotium auctoritas Andronici Rhodii; qui putavit librum de interpretatione non esse Aristotelis, sic etenim Boetius: *Andronicus librum hunc Aristotelis esse non putat, quem Alexander verè forti-*

fortiterque redarguit. Quem cum exactum diligentemque Aristotelis librorum, & judicem & repertorem judicarit antiquitas, cur in hujus libri judicio sit falsus, prorsus est admiratione dignissimum. Hæc Boethus.

Ratio qua impulsus est ad rejiciendum librum Andronicus ea est, quia in principio libri de interpretatione intellectus animæ, *παθήματα* *passiones* appellantur, quod nequaquam est consentaneum doctrinæ Aristotelicæ in libris de anima, in quibus *passiones* animæ appellavit tristitiam, vel gaudium, vel cupiditatem, non autem intellectiones. Necesse est igitur alterutrum librum non esse Aristotelis. Andronicus autem suscipit libros de anima, & librum de interpretatione detrahit, negatque esse Aristotelis.

Respondet Boethus Aristotelem *passiones* animæ, in hoc libro non pro *affectionibus*, sed *intellectibus* ponere, quod ideo fecit, quod intellectiones quas sermone dicere, & oratione proferre consuevimus, ex aliqua causa atque utilitate profectæ sunt. Ut enim dispersi homines colligerentur, & legibus vellent esse subiecti, civitatesque condere utilitas quædam fuit, & causa. Quocirca, quæ ex aliqua utilitate veniunt, ex passione quoque venire necesse est. Nam ut divina sine ulla sunt passione, ita nulla illis adjungi, extrinsecus valet utilitas. Quæ vero sunt passibilia, semper aliquam causam atque utilitatem, quibus sustententur inveniunt. Ideo hujusmodi intellectus, qui ad alterum oratione proferendi sunt, quoniam ex aliqua causa atque utilitate videntur esse collecti, recte *passiones* animi appellati sunt. Sic quidem differit Boethus.

At Ammonius alia ratione Andronico occurrit, nodumque satagit dissolvere: Ait namque reperiri locos in commentario de anima, in quibus imaginationem intellectus passivi nomine appellet Philosophus, quod observatum quoque est à Simplicio in Commentario de anima. Sed cur intellectus appellatur imaginatum? respondet Ammonius, quia velut intra seipsam rem quæ cognoscenda est, obtinet eoque differt à sensu, qui quæ foris sunt posita cognoscit, illorum, ut circa ipsa agat, prorsus egens præsentia, quorum simulacra, & formas imitata per sensus imaginatio, ipsa in se habet, iisque absque externarum rerum ope potest incumbere. Hinc fit, ut sensibus feriantibus imaginatio in somno non otietur.

Cur vero dicta est imaginatio intellectus passibilis? quia cum partitione quadam ac separatione cognoscit, perinde quasi essentiam actionemque à corpore separabilem nequaquam obtineat, ac principium quoddam sit sensuum. Aristoteles ergo docet absque intellectu passibili, nihil à nobis intelligi, hinc de phantasmatibus, sine quibus intellectio non constat agit. Ergo conceptus mentis affectus animi appellat. Quin omnes animæ functiones affectuum nomine insignit. Verba Aristotelis in primo de anima sunt tex. XII. ἀπορίαν δὲ ἔχει καὶ τὰ πάθη τῆς ψυχῆς, πλεονὲς ἐστὶ τὶ πᾶντα κοινὰ καὶ ἴδιον ἔχοντος. Ἡ ἐστὶ τὶ καὶ τῆς ψυχῆς ἴδιον αὐτῆς. Dubitationem autem habent, & passiones animæ, utrum sint omnes communes, & habentis, an sit aliqua & ipsius animæ propria. Videtur autem plurimarum nullum sine corpore πάσχειν pati, neque agere: ut irasci, considerare, desiderare, omnino sentire.

Maxime

Maxime autem assimilatur proprio τὸ νοεῖν intelligere. Si autem est & hoc imaginatio quædam φαντασία, aut non sine imaginatione, non continget utique hoc sine corpore esse. Mox XIII. tex. ἔργα, & πανδήμια ψυχῆς, operationes & passionēs animæ, pro iisdem accipit, ita ut quamcunque animæ operationem etiam ipsum intelligere fas sit secundum Aristotelem πάθος, aut πάθημα vocare. Non ergo aliter est locutus in libro de Interpretatione, & in libris de anima, sed utrobique intellectiōnes vocavit πανδήμια, quia non peraguntur absque imaginatione, quæ quidem imaginatio passio quædam est, & in tertio de anima πανθητικὸς νῆς dicta est intellectus, scilicet passibilis.

Ubi etiam reperiuntur hæc verba tex. XII. τὸ νοεῖν πάσχειν τι ἔστιν, dubitavit autem utique aliquis si intellectus simplex est, & impassibilis, & nulli quicquam habet commune, quomodo intelligit, si intelligere pati quoddam est? Hinc Ammonius subjungit in præfat. ad librum de interpret. ex quibus ipse deprehendit animæ quoque rationalis nostræ intellectiōnem, neque si vel absque imaginatione fieret, tamen quia ipsam affectum nominet devitare eo, quod in ipsa vis deducens, actionis cujusque tempore antecedit. Quod perinde est, ac si perfecto imperfectum perire dixeris, quo scilicet ab ejus intellectus actione differat, qui se absolutus vocatur comitemque actionem habet substantiæ. Enimvero intellectum hunc nostrum velut impatibilem impermistumque dicit, atque ab omni corpore separabilem quibus ipsum rebus ab eo discernit, qui passivus proprie vocatur: quique ab imaginatione neutiquam differt. Hæc Ammonius.

Quibustamen meliora censentur ea, quæ traduntur à viris, & doctis, & piis, dum dicunt passibilem intellectum in hoc statu uti quidem imaginatione, differre tamen ab imaginatione, quandoquidem dissoluto composito interit imaginatio: intellectus autem passibilis superest, & imaginatione, ut separatim intelligat, nequaquam indiget.

CAP. CCIII.

An vocabula sint à natura, an ab hominum instituto? perpenduntur rationes Boëtii, & quæ Plato tradit in Cratylo.

Aristoteles de interpret. Cap. II. definit nomen quod sit σηματικὸν καὶ συνήκην significet ex instituto. Ubi Boëtius aliquot argumentis ostendere conatur nomina non esse à natura, sed ab instituto, positioneque hominum. Nam si natura essent nomina eadem apud omnes gentes essent, ut sensus. Ex quo colligit ad ponentium placitum, voluntatemque rebus nomina fuisse imposita. Sæpe eorundem hominum sunt permutata vocabula. Petrus, Cephas. Abram, Abraham. Plato, Aristoteles. Aristoteles, Tirtamus. Maleventum, Beneventum. Si à natura essent nomina, nulla essent synonyma, nulla etiam homonyma: ut enim una res est, unum esset vocabulum, neque unum vocabulum pluribus rebus significandis inserviret. Reprehenduntur qui infausta, & ominosa nomina assument, commendanturque, qui pulchris nominibus insigniuntur, & faustis. Curtii nomen displicet, Victoris placet. Aver-

Aversamur eos, qui sibi à malo nomina assumpserunt: gaudemus iis, qui à Bono appellantur. Ergo à lubitu voluntateque hominum sunt vocabula. Hæc licet sic proferantur, & Plato dixerit in Cratyllo: sapientis esse scire nomina imponere, non desunt tamen rationes, quæ eo nos compellant, ut asseramus à natura esse vocabula. Nam quod peræque viget apud homines id à natura est. At omnes prorsus homines loquuntur: sermo igitur à natura est, non ab instituto. Socrates apud Platonem in Cratyllo decertat adversus Hermogenem asserentem positione esse nomina, affirmatque à natura esse. Licet proferre multa vocabula naturali significantia ratione. Gannire, baubari, rugire, mugire, coaxare, bombus, stilopus, & ejusmodi valde multa nonne partus sunt, & opificium naturæ? plurimorum nominum licet reddere rationes ostendereque. Cur sic significant. Sol dictus, quod sit solus. Nonne natura docuit Solem sic vocandum? sol dicitur masculeo genere, luna foemineo, id certe naturæ ipsi est consentaneum. Innumere Etymologiæ clamare videntur præeunte natura conficta fuisse nomina. Nec pugnare inter se hæc videntur: esse à natura, & esse ab hominum facto. Nonne enim leges naturæ foetus sunt? jus profecto non tantum nititur opinione, sed ipsam sectatur imitaturque naturam; quod vestibis tegimus corpus, quod construimus ædificia, quod cibum potumque assumimus, natura impellente id facimus: sic disserere possumus de sermone, deque vocabulis. Est scilicet natura hominum ratio: at rationi inest varietas, ita quod tegimus corpus, hoc naturæ soboles est, quod hoc potius modo, quam illo hoc proficisci.

ficiscitur ab hominum voluntate. Sic Dantes dixit à natura esse sermonem, sed quod hunc habeat modum aut illum à lubitu pendere humano; Nam si vocabula essent ex mero hominum instituto, posset natio aliqua sermonem à se prorsus remove. Præfertur autem una lingua alteri, quia magis ad naturam accedere videtur: & sapientis est scire nomina excogitare. Nonne enim nos quotidie hunc atque illum aliquo cognomento insignimus, ita ut magnopere ab audientibus approbetur? hoc ideo fit, quia videmur venari vestigia naturæ, & rem ut meretur, signare. Habet igitur natura in impositione vocabulorum suas partes. Legendus vero est, atque iterum legendus Cratylus Platonis, qui dialogus gravissimarum cogitationum plenissimus est, nec meretur rejici assumpto Aristotelis exiguo pronunciatō affirmantis, nomen esse σηματικὸν καὶ οὐ συνθήκην: Significare ex instituto. Cognoscenda etiam sunt, quæ doctissimus Ammonius ad locum Aristotelis recenset, ubi inter alia ait: *quidam ea quæ nominantur naturæ convenientia esse dicunt.* Hinc subjicit fieri, ut sæpe à nominibus pedem referentes, resolventesque conemur earum rerum, quæ ab illis nominantur naturas aucupari, quibus cognitis, imposita rebus nomina tentemus consona iis demonstrare. Animadvertit autem Socratem in Cratylo velut arbitrum in amicitiam fategisse dissidentes vocare Hermogenem atque Heraclitum. Sic ipse putat non dissidere à Platone Aristotelem, quando dicit esse secundum positionem nomina. Nam architectatus est aliquot vocabula concinentia naturæ,
ut

ut ἐντελέχειαν, terminum, figuram, atque alia, de quibus si interrogas, respondebit cur naturam imitando talibus usus fuerit nominibus.

CAP. CCIV.

Proponitur effatum Aristotelis asserentis, de futuris contingentibus non esse definitam veritatem, perpenditurque Boëtii expositio.

Magni ponderis sunt ea, quæ profert Aristoteles de interpret. Cap. IX. de futuris contingentibus, in quibus contendit neutram propositionem esse definite veram, vel falsam, sed omnia manere in suspenso; donec eventus ipse ostendat hanc potius esse veram, quam illam. Nam si definite verum alterutrum esset, id necessario eveniret. Unde sua sponte consequeretur, ut penes nostrum arbitrium nihil esset, & è medio omne consilium, quod respicit, quæ in nostra sunt posita potestate, tolleretur, atque adeo prudentiæ, diligentiaque nullus foret locus. Ergo ne rei involvamus, tam absurdæ necesse est pronunciare de enunciationibus singularibus in futurum collatis, & contingentibus sua natura, nihil veri esse definitum, nihil in utramque partem habere terminum, à quo nequeat removeri.

Id si verum est, quo abit divinatio, quo Dei scientia, qua novit absque eo quod falli possit, quod futurum est? quid sit vaticiniis, quorum veritas asserta est prope innumeris historicorum testimoniis?
quid

quid etiam pronunciandum est de Chaldæorum observationibus, quarum exempla adeo illustria exhibentur ab iis, qui res gestas Regum atque Imperatorum monumentis literarum tradiderunt? quod si assensionem præbeamus effato Aristotelico casus passim locum obtinebit, & eventus plerique omnes sic erunt fortuiti, ut vita humana nullo videatur constare præditaque esse ordine. Quid vero casus est, nisi nihil, & non ens? sed ex rerum universitate non ens eliminandum, exsufflandum.

Hinc mirari lubet Aristotelem cum sublata necessitate tribuisset locum consultationi, & principio rerum futurarum, quod penes homines virtute præditos sit, non fecerit mentionem divinæ prænotionis, vaticiniorum, & divinationis. Certe munus sibi ipsi videbatur imposuisse conciliandi hæc inter sese, ut ostenderet divinationem, & Dei præscientiam nequaquam cum humani arbitrii libertate pugnare. Interim tantum posuit ἀρχὴν τῶν ἐσσομένων, τὸ βέλεσθαι, καὶ τὸ πράττειν, omisitque illud, quod videbatur posse ponere in iis quæ futura sunt definitam veritatem; si namq; omnia in futurum collata indefinita manent, & non magis est verum unum, quam aliud. Quandoquidem, ut ipse ait, ὁμοίως οἱ λόγοι ἀληθεῖς ὥσπερ καὶ πράγματα orationes similiter veræ sint, atque res, an Deus prospicere potest, & scire, quæ nullam habent definitam veritatem? eatenus enim aliquid sciri potest, quatenus est, quodque scitur definitum est.

Boëtius in Comment. proposuit nodum, qui necitur à divinatione, sed videtur eum insolatum reliquisse: *utrum autem, inquit, si omnia futura sciat*

Deus,

*Deus, omnia esse necesse est, ita quæramus: si quis dicat Dei scientiam de futuris eventibus subsequi necessitatem, is profecto conversurus est, si omnia ex necessitate non contingunt, omnia Deum scire non posse. Nam scientiam Dei sequitur eventuum necessitas, si necessitas eventuum non sit, perimitur divina scientia. Impium autem esse faterur, ut de Deo dicere audeat, quod futura non norit, & addit Deum futura nosse, non ut ex necessitate evenientia, sed ut contingenter, ita ut aliud posse fieri non ignoret, quod tamen fiat ex ipsorum hominum, & actuum ratione. Sic docet scientiam Dei non perimere rerum naturam, neque imponere necessitatem iis, quæ necessaria non sunt. Nec est, quod quis regerat Deum posse decipi, si quod prævidet, evenire tanquam contingens non potest; non enim quod contingens est, & non est necessarium se divinæ subtrahit cognitioni. Quod si ea, quæ hic profert Boetius non satis esse videntur, legenda sunt, quæ tradit in opere de Consolat. Philosophiæ. In quinto namque libro prosa III. premit variis interrogationibus divinam providentiam, ut ei annectat eventuum necessitatem pendentem ex infallibili Dei præscientia: Nam tolluntur poenæ, præmia, evertuntur leges, si certa necessitate quisque ad agendum compellitur. Rem autem totam conatur expedire Prosa IV. ita tamen ut fateatur rem esse caligini involutam, quam nullus ex sapientibus hætenus expediverit. O humani ingenii calamitatem. Tam frequenter agitata quæstio inter sapientes non potuit usque ad seculum Boetii, & à Boëtio expediri. Assumit scientiam non immutare res, & inquit: sicut scientia
pra-*

præsentium nihil his, quæ fiunt, ita præscientia futurorum nihil his, quæ ventura sunt, necessitatis importat. Admiratur deinceps divinæ scientiæ, fastigium ad quod pertingere non potest nostra cognitio, ut assequamur, quonam modo, quæ certos exitus non habent, certa tamen videat, ac definita prænotio, neque id sit opinio, sed summæ potius scientiæ nullis terminis inclusa simplicitas. Hæc ibi.

In Commentario autem in librum Aristotelis de interpretatione recenset Stoicorum opinionem, qui omnia fato evenire dicebant, addendo voluntatem nostram in nobis non esse. Hinc igitur petebant divinæ præsentiae certitudinem, quam aiebant intueri nexum rerum fatali ordine inter se coherentium. Cum autem Stoa libertatem arbitrii evertat, cum Astrologi omnia pendere asserant ex vi siderum, quare Aristoteles pro comperto assumpsit penes nos esse hoc vel illud agere? cur non ostendit absurdum esse necessitati subicere eventus rerum humanarum? dicendum est, Stoicos extitisse post Aristotelem contra quos propterea disputare non potuit. Chaldæos omnia neſtentes sideribus indignos judicavit, quibus cum iniretur disceptatio. Non apparet profecto apud Alexandrum fuisse ullum Chaldæum. Quid quod & auguralem, & vaticinia visus est parvifacere. Assumpsit igitur, nec probavit nos ex necessitate non esse bonos, aut malos, cum rem putaret adeo esse claram prorsusque exploratam, ut probatione non indigeret. Hinc Boëtius ait: *hæc in rebus ita constituta putat, ut non de his ulla opus sit demonstratione, sed impossibilis ratio judicetur, quæcunque vel possibile, vel casum,*

casum, vel id quod in nobis est conatur evertere. Hæc ille.

Ne quis autem putet Aristotelem omnia futura dixisse indefinita, deque nullis futuris posse quicquam certi sciri, sic futurorum meminit, ut illa τὰ καὶ ἕκαστα, hoc est singularia, nominarit. Hinc Alexander arbitratur eum sic dixisse de singularibus futuris, tanquam si diceretur, in his futuris, quæ in generatione & corruptione sunt. Sunt enim quædam futura, quæ in generatione & corruptione non sunt, ut quod de sole & luna, & de cæteris cœlestibus pronunciatur.

Quod tamen non videtur sufficere. Nonne enim possum dicere terram daturam fruges hoc anno, mare recipituum suum motum, ventos flaturos, nascitura animalia, morituros homines? sed quæ de elementorum motu dicuntur, videntur debere comprehendendi in illo censu τῶν καὶ ἕκαστα, cum pendent à motu cœli. Dicit autem singularia, ut si sermo sit de morte hujus vel illius hominis, non de morte hominum in genere, de prælio hoc vel illo, de bello, deque cædibus in genere.

Nec absolute negandum est, ullam necessitatem intervenire singularibus: nec enim omnia pendent ex nostro arbitrio, ut non incidere in morbum, non mori. Quandoque enim ingruit contagio, in quamvis omnia diligenter procures, periculum tamen adeas necesse est, nec tua potest præstare diligentia, ut certò evadat ipsam mortem. Hin ait Boetius: *Homines & natura, ut sideribus, & propriae voluntati subjecti sunt. Multa enim natura dominante faci-*

mus vel facimus, vel patimur, ut mortem vel huiusmodi habitudinem corporis. Multa etiam secum rerum ipsarum necessitas trahit, ut ea qua facere volumus, non tamen facere valeamus. Multa autem dat voluntatis liberum arbitrium, qua nobis volentibus fiunt, quae non fierent nisi vellemus.

Adjicit nos quoque à divina pendere voluntate. Hæc providentia sæpe filios ob parentes plectit. Hinc licet maxime cupiant imperare feliciter, involvuntur tamen calamitatibus. Nonne etiam eorum, quos punire vult Deus, consilia corrumpit? Italorum profecto pervulgatum est proverbium, ut dicant alicui à Deo ablatam esse mentem. Nec tamen qui ita peccant, excusantur. Cur ita? quia præterita delicta meruerunt, ut à Deo destituerentur. Sic quoque illabitur animis hominum numinis motus, & actio, ut incolumi hominis libertate, contingatur meta, tangatur scopus, ad quem à Dei occulto judicio dirigebatur homo. Homunciones enim vero sumus res perpusilla, jocus & ludus providentiæ, pilæ in manibus Dei, qui nos pro lubitu huc illuc impellere consuevit, ut tamen nostro arbitrio, nostræque voluntati vis non inferatur. Sic igitur asserendum est arbitrium hominum, ut adstruatur providentia & imperium numinis, sic affirmemus, contingenter multa evenire in vita humana, ne tamen otiosum dicamus esse spectatorem Deum. Ita asserimus eundem Deum scire futura, ut illis non imponat necessitatem, nec tamen eandem prorsus exulare ex orbe jubeat: Admirabili enim ratione in permixto mundo permiscetur causæ, quam missionem nosse & enarrare divinitatis

nitatis potius est, quam humanæ imbecillitatis, cui plurima caligo adhæret individua comes.

*Appendix superioris contemplationis petita ex
Ammonio Hermia filio.*

ADhuc lubet inhærere superiori disceptationi, quandoquidem præsto est doctissimus Ammonius, itidem accurate de effato agens Aristotelico: qui statim observat eos, qui fatalem necessitatem invehunt, ut Stoici, & nostri temporis sectarii, qui præsertim sequuntur Calvinum moralem philosophiam funditus evertere. *In omni, inquit, philosophia, quæ ad mores pertinet necesse est assumamus non esse fierique ex necessitate omnia: Sed nostræ quoque nonnulla esse liberaque voluntatis.* Idem ostendit doctissimus Simplicius ad Enchiridium Epicteti scribens.

Quod verò ait Ammonius, *ea quæ sempiternis insunt ex necessitate fieri*, id nos in christiana schola suscipere nequaquam possumus, neque enim necessario Deus mundum condidit, frustra quoque alibi Ammonius contendit in Deo idem esse velle, posse, & facere. Credimus enim Deum omnia, quæcunque vult, posse, imo facere. Sed non asserimus Deum omnia velle quæ potest, nec facere omnia, quæ potest, quicquid Aristoteles in suo lyceo tradiderit, quem explicare, & tueri satagit in suis operibus Ammonius.

Assumit quoque Ammonius Deum nihil ignorare. Verba ejus sunt: *Verum fieri nequit, ut ex iis, quæ sunt quicquam ignorent, cum procreent omnia concinneque disponant: atque impermixta omnino mentes materia*
Y 2
sint:

sint: imo verò, & supra intellectualem ipsam proprietatem vera sui ipsorum essentia sedem statuerint. Duplex est ratio, quæ ostendit Deum scire omnia. Prima est, quia est causa procreans omnia, & concinne disponens. Absurdum enim est dicere causam rationalem agentem ignorare ea, quæ agit, & circa quæ suam exercet curam. Nostro tempore Cæsar Cremoninus in libris de cœlo non dubitavit dicere non esse necesse, ut causa efficiens etiam rationalis norit suos effectus, exemplumque profert de Duce exercitus qui non novit, quid singuli agant milites. Sed hoc arguit ipsius imbecillitatem, quæ quidem imbecillitas non cadit in Deum. Si quis in exercitu aufugiat ad hostem, prodatque consilia, si quis pulverem tormentarium incendat, tesseram, cui innituntur excubiæ, hostilibus copiis detegat, nonne id poterit totum exercitum in discrimen dare? absque dubio. Dux tamen non potest talia semper vitare, quia non omnia scit. Vides humanam imbecillitatem. At nemo potest divinam fallere providentiam, quæ omnibus numeris absoluta est, quæque omnia palam conspicit & dirigit. Sileat igitur Cremoninus, nec sic inhæreat Aristoteli, ut dicat Deum præter seipsum nihil nosse, nihil contemplari.

At, inquiet Averroista aliquis, aliquisque sectator Cremonini, intellectus divinus vilis fieret, & ex suo fastigio aliquid amitteret, si omnia nosset. Diceret forte etiam Lucretius ambulans in hortis Epicuri, excideret sua felicitate, & perenni beatitudine Numen, si quæ sunt in orbe nosset, laboriosamque eis impenderet curam.

Respon-

Respondere licet cum Ammonio. *Impermistam esse divinam mentem, & supra intellectualem ipsam proprietatem collocatam.* Nihil ergo ei decedere potest, dum novit omnia. An enim sol inficitur, quia radiis suis illustrat sordida loca? nequaquam, cum sol supra omnes sordes sit positus, neque foedari ulla queat ratione. Cum etiam Deus prorsus sit immaterialis, purissimusque actus nihil ei tribuitur à rebus cognitis: neque enim quod summum gradum habet immaterialitatis, atque adeo summè intelligens est aliquid, accipit ab iis quæ novit. Nec ulli labori est obnoxius, non defatigatur cognoscendo, & regendo, temperandoque omnia.

Nostrum est defatigari intelligendo, curando, quia anima & mens corpori conjuncta est, neque est purus actus. Valeant igitur, quicunque negant Deum omnia etiam futura nosse: novit enim omnia etiam futura, quæcunque demum illa sint. Hinc subjicit Ammonius, postquam dixit Deum omnia nosse: *hæc confessa sunt in communibus, nec perversis animorum conceptibus, atque in decimo de legibus plane demonstrata.*

Pronunciat etiam Ammonius cum Timæo, & Parmenide nihil esse apud Deum, neque præteritum, neque futurum, sed omnia sunt apud ipsum in uno instante collocata. Hinc conjecturalem notitiam putat ab ipso esse removendam. In quam rem etiam multa præclare à Boëtio disputantur prolata æternitatis definitione. Repetit autem Ammonius argumentum petatum ex eo, quia Deus est causa efficiens: *In summa si Deos prorsus necesse est auctores rerum omnium, vel causas esse adjunctas: quonam pacto*

consentaneum sit rationi aut opera ab ipsis ignorari sua, vel suorum operum effectus, vel quæ quouomodo ab illis fiunt. Neque conjectura in ipsos cadit, dum currant res humanas, quandoquidem non consilium inuēunt: nam ideo nos homunciones consilium capimus, quia quæ in futurum extenduntur nos latent, neque omnia substant nostræ potentiæ. Ergo consilium, quod obnoxium est ambiguitati opitulatur nostræ incertiæ, nostroque defectui. Hinc intelligimus consilium prorsus à Deo removendum.

Sed urgent nos, qui contingentia, & futura esse indefinita ob suam naturam dicunt, atque adeo tanquam indefinita effugere cognitionem. Respondet Ammonius à Deo cognosci contingentia *potiore modo, quam competat ipsorum contingentium natura.* Quasi dicat etsi contingentia non habeant stabilem veritatem, stabili tamen ratione à Deo cognosci, qui Deus cognoscendo contingentia fluxam ipsorum naturam non perimit: quorum etiam dicitur causa, quæ tamen non evertat mutabilem eorundem naturam, neque efficiat propriè si quid in ipsis est, quod rationi repugnat. Ergo posita divina prænotione futurorum, ponitur infallibilitas non autem necessitas in agentibus liberis, qui si quid male agunt, & defleunt à recto tramite non Deo, sed pravi ipsorum voluntati culpa imputanda. Plura qui nosse vult, totam disputationem legat apud eundem Ammonium.

CAP. CCV.

Prædicamentorum librum, de quo in Logica Boëtius cum interpretibus agit, inepte à quibusdam recentioribus rejici ad Metaphysicam.

Boëtii philosophiam Romanam dum sector cogit me recentiorum quorundam inepta similitudo, qui tamen Peripatetici videri volunt, querere: an prædicamenta in Logicis sunt exponenda, an autem ad Metaphysicam releganda? & quidem Architam si vellemus sequi, qui Pythagoræus primus καθόλου λόγους, sive de generibus Entis librum composuit, oporteret de hujusmodi materia in transnaturali agere philosophia: Quod si lubet prædicamenta, qualia tradita sunt ab Aristotele non relinquere, alia profecto erit ratio ineunda. Et enim quis nescit Organi Aristotelici esse partem Categorias in omnibus quidem editionibus, qui quidem consensus nequaquam rejiciendus temere videtur. Easdem Categorias ad Logicam, non ad Metaphysicam retulerunt antiqui interpretes, quorum expositiones ad nos pervenerunt, Boëtius, Simplicius, Porphyrius, Dexippus, Ammonius, qui omnes sic etiam prædicamenta interpretantur, ut omnes intelligant eos voluisse teneras adhuc mentes Adolescentum præparare ad philosophiam, non vero voluisse desertores studiorum facere proponendo difficiles quæstiones ad novissimam, & prorsus abstrusam philosophiæ partem facientes.

Quod si quædam lubet eorum, quæ tradunt tam docti interpretes, delibare, magis ac magis intelligemus ipsis, ne quidem per somnium venisse in mentem, ut prædicamenta juberent esse partem Metaphysicæ.

Audiamus Porphyrium disertis verbis rejicientem eos, qui audent ordine legitimo spoliare prædicamenta. *Ante topica hic liber absurde inscriberetur. Cur enim ante topica, & non potius ante resolutoria, & ante librum de interpretatione inscribi deberet? non enim ob topicorum doctrinam sunt prædiscenda prædicamenta, sed resolutoriorum etiam, & categoricarum propositionum cognitionem, & reliquas omnes fere disciplinas, quippe cum maxime elementalis, & introductorius ad omnes philosophiæ partes sit liber hic.* Si elementalis, & introductorius est liber hic, nequaquam ad ultimam & difficillimam partem philosophiæ, cum quibusdam recentioribus, quos interest Hurtadus, referendus venit.

Metaphysica agit de rebus, non de vocibus, liber prædicamentorum agit de vocibus, non de rebus, si quidem suscipimus Aristotelis prædicamenta, non autem transilimus ad Architam Pythagoræum, cujus prædicamenta erant pars Metaphysicæ, non vero Logicæ, qualem diu post Architam tradidit imbecillitati adolescentum peripati Princeps. Audiamus Porphyrium reprehendentem eos, qui librum prædicamentorum de generibus Entis, aut de decem generibus inscribebant. *Talis inscriptio, inquit, nullo modo facienda est, quia entia & eorum genera, & species, & differentia res sunt non voces: Aristoteles vero ubi decem*

decem hac enumeravit substantiam, qualitatem, quantitatem, & cetera subjungit: unumquodque ex antedictis ipsum per seipsum in nulla affirmatione dicitur, sed ex horum inter se connexione affirmatio efficitur. Nam si horum connexio affirmationem facit, affirmatio autem in voce significativa, & oratione enunciativa essentiam suam habet, nequaquam de generibus entis esse tractatio hac potest, neque omnino de rebus, quatenus res sunt, sed potius de vocibus quatenus res sunt. Non enim rerum ipsarum connexio affirmatio est, sed vocum quæ res significant. Confutandis iis, qui prædicamenta ad res adque Metaphysicam transferunt, nonne sufficere potest Porphyriana auctoritas?

Auctoritatem Porphyrii lubenter sequitur Dexippus Platonicus, Jamblichi discipulus. Nam Cap. I. inquit: *propositum libri hujus est de primis & simplicibus vocibus, iisque quæ ab ipsis significantur.* Cap. III. postquam aliquamdiu adversus Sosigenem disputavit, ait: *non igitur ipsæ res sunt prædicamenta sed dictiones, quæ notiones, & res significant.*

Jam audiendus est Smplicius, qui diligenter disputavit de proposito libri. Tandem inquit: *perspicuum igitur est ex his dictis, quod intentio propria est logica tractationi, & facultati, de simplicibus, primisque ac generalibus vocibus agere, quatenus significativa rerum & hæc Alexandro, Hermينو, Boetio, Porphyrio videntur, & Jamblichus decernit ac statuit, & Syrius explicat atque indicat, quibus præceptores nostri adsentiunt.*

Sed objicere est verba Simplicii, quæ ibidem leguntur: *simul etiam docet res, & conceptiones, quate-*

nus significantur à vocibus. Ergo in prædicamentis agitur etiam de rebus. Si de rebus agitur, Metaphysica erit tractatio. Respondeo, & dico in Metaphysica agi præcipue de rebus in Logica, de vocibus, de rebus autem secundo, & leviter, quatenus præparandi sunt animi Adolescentum ad formandas propositiones, ad construendos Syllogismos. Quod non agatur præcipue de rebus discere etiam est ex Ammonio, qui ait in prædicamentis agi de vocibus res conceptuum interventu significantibus non de solis conceptibus, aut solis vocibus, aut solis rebus. Et rejicit eos, qui docent agi de rebus. Subjicit prædicamentorum propositum esse disputare de simplicibus vocibus, quæ simplices res per medios simplices conceptus significant: repetit infra in prædicamentorum libro tractari, *de vocibus quæ simplices res conceptuum simplicium interventu significant.*

Boëtius non abit à Porphyrio, atque aliis. Nam ait in prædicamentis agi *de vocibus res significantibus, in eo, quod significantes sunt.* Tractationem appellat introductionem, & simplicem expositionem, in qua ait velle se sequi Porphyrium; Metaphysica nescit introductiones, & simplices expositiones. In Metaphysica, in quam, non manuducimur, ut rudes adolescentes, sed discimus difficillima quæ sunt, atque abstrusa.

Nec negat absolute agi de rebus in prædicamentis Boëtius. Ejus verba sunt: *Hic liber inchoantibus addiscitur. De rebus quoque est aliquatenus tractaturus. Res etenim, & rerum significatio juncta est, sed principalior erit illa disputatio, quæ de sermonibus*

bus est: secundo vero loco illa, quæ de rerum ratione formatur. Hæc Boëtius.

CAP. CCVI.

Sidonium Apollinarem sapientia mystam Romanam fuisse. Ex ejus Epistolis nonnulla ad philosophiam facientia annotantur.

Romæ cum fuerit Sidonius Apollinaris, & nonnullæ ejus complectantur Epistolæ, quæ faciunt ad philosophiam, quid tantum hominem vetat ad Romanam referre philosophiam? Valuit ipse extemporalitate, quam cognationem habere cum philosophia suo loco ostendimus. Gregor. Turon. Hist. Franc. lib. II. *Sidonius tanta facundia erat, ut plerumque ex improvise, quæ voluisset nulli obsistente mora componeret.* Coram Majoriano ex tempore distichon composuit, quod refert ipse lib. I. epist. XI. *retrosum conversus tanquam aquam manibus poscerem, tantumque remoratus, quantum sibi dii circulum celerantia ministeria percurrunt, cubitum toto reddidi.* Et Imperator: *spondere te licentiam scribende satyræ versibus subitis postulaturum.* Tunc ipse recitavit extemporale distichon. Scio Themistium recusasse ex tempore dicere, quod necesse non ei esset extemporalis uti facundia, qua de re orationcula ejus extat, sed non propterea damnavit aliorum celeritatem, cum magna sit ingeniorum varietas, varietque ab ipsis producantur studiorum fructus.

Quod

Quod philosophatus fuerit Sidonius, testatur etiam Epitaphium editum à Savarone :

Hæc inter tamen & philosophando

Scriptis perpetuis habenda sacris.

Coluit amicitiam cum Claudiano Mamercio insigni philosopho , cujus Epistolam ad se scriptam infervit lib. IV. Ep. II. in qua Claudianus petit secum communicari libros à Sidonio compositos. Vide verò quanti faciat Claudianum philosophiæ causa. Ita namque ad ipsum scribit: *lectoris intentionem per eventitata philosophia membra lassatam repente foves.* Ait eum de singulis artibus cum singulis artificibus philosophari. Vide totam epistolam, qua quæ in aliis dividuntur, in Claudiano conjuncta extollit. Scio Themistium, ut quis sit philosophus, poscere ut soli philosophiæ incumbat, audiantur ejus verba orat. I. *Omnibus sit certissimum atque exploratum ad philosophum pertinere non esse in omnibus artibus, ac disciplinis versatum; illud addidit Plato fieri non posse, ut unus rectè in multis artibus se exerceat.* Vide plura quæ ibidem sequuntur. Quæ sic sunt exponenda, ut sciamus non posse nos simul agere philosophum, militem, medicum, Jurisconsultum. Quanta interim fuerit latitudo scientiæ in antiquis sapientibus, nemo ignorat. Quid enim non est amplexus Democritus, Plato, Aristoteles, Chrysippus, Carneades atque alii?

Idem Sidonius lib. IX. Ep. IX. laudat Faustum Regiensem, qui opus de gratia Dei ediderat. Ostendit ipsum doctissime philosophatum: *Te qui lacessiverit, sentiet Ecclesiæ Christi Platonis Academiam militare, teque nobilius philosophari. Quin potius experietur quisquis*

quis tecum conflixerit Stoicos, Cynicos, Peripateticos, Heresiarchas propriis armis, propriis quoque concuti machinamentis. Sectatores eorum si Christiano dogmati repugnaverint mox te Magistro implagabuntur : id est implicabuntur retibus, ac plagis.

Lib. IX. Ep. II. appellat Hieronymum interpretem, Dialecticum Augustinum, Allegoricum Origenem. Qui quidem Origenes nimius fuit in Allegoriis, & meruit ab Ecclesia notari virgula, cum, ut alia omittam, dixerit tandem Dæmonas, & impios eripiendos ex inferis, & salute donandos, quod testatur S. Augustinus dixisse Origenem contra Ecclesiæ dictata. Quid quod mortuorum resurrectionem oppugnavit Origenes, quem prolixè confutat gravissimus vir S. Epiphanius. Euphronio tamen Episcopo, teste Sidonio, Origenes cum Augustino, & Hieronymo *gravidas spiritualium sensuum spicas doctrinæ salubris melle parturiebat.* Euphronius scilicet bona à malis legens Origenem separabat. Nam & Cyprianus assiduus erat in lectione Tertulliani, quem Magistrum subinde vocabat.

Lib. VIII. Epist. XII. deplorat interitum Lampridii eximii oratoris, quem tamen eo nomine gravissime culpat, *quod Mathematicos de vitæ suæ fine consuluit, Africanos scilicet, qui constellatione percunctantis inspecta dixerunt. Addit, temerarium sciscitantem futurorum à tempore, & qualitate prædictæ mortis constrictum fuisse, obstructo anhelitu, obstructo gutture.* Non tacet prædictiones Mathematicorum *maximè esse falsas, ideoque fallentes.* Observat autem & Scipionem Numantinum strangulatum periisse, quod

quod refert Julius Firmicus lib. I. cap. III. Scipio, *intra privatos parietes domesticorum insidiis acerbo mortis cruciatu, & nefariis frangentium gulam manibus oppressus privata quodammodo animadversione confectus est.* Quis non fremat, quando audit virum fortissimum, sapientissimum, de patria optime meritum sic periisse? eant ergo, qui quando tragico exitu aliquem sublatum audiunt, mox sibi causas nescio, quas architectantur, ut ostendant tanquam poenam à Numine inflectam. Nonne à Deo boni exercentur vario calamitatum genere, & morti quoque licet innocui objiciuntur? & mali quandoque tranquillum sortiuntur discessum? ne ergo quis philosophiam spernat, quod Scipio ejus cultor sic sublatus fuerit.

CAP. CCVII.

Theodoricum favisse studiosis sapientiæ, eosque dignitatibus exornasse. Aliquid de Musica & concentu syderum profertur.

SI merito damnatur factum sævum Theodorici, qui Boëtium sustulit è medio, non debent taceri, quæ idem præstitit in gratiam doctrinarum, dum lubenter legitur promovisse, quos videbat sapientiæ radiis esse corruscos. Apud Cassiodorum lib. III. Var. XXXIV. Epist. Senatoria dignitate ornat Armentarium, & Superbum ejus filium, *ut in illa turba indoctorum* (sic puto legendum) *audeat, turba liberam proferre sententiam: nec frenetur imperitiæ terrore, quem hortantur ad vocem jura facundia.*

dia. Gloriosa enim est scientia litterarum: quæ quod primum est in homine purgat mores: quod secundum verborum gratiam subministrat lib. I. Epist. XII. sic scribit Rex ad Euphronium: *Te literati dogmatis studia laudabiliter exequentem ad quaestura culmen elegimus.* Discant Principes à Rege Theodorico, quinam amplissimis sint cohonestandi dignitatibus. Metire etiam Regis erga sapientiam affectum, ejusque studium rerum naturalium, ex eo, quia apud memoratum Cassiodorum lib. II. Ep. XXXIX. Architecto commendat Aponum fontem, & ait merito dicere philosophos: *elementa mutuis complexionibus illigari, & mirabili conjungi fæderatione, quæ inter se contraria intelliguntur varietate pugnare.* Mox graphycè fontis Aponi describit miracula, quorum cumulum videre licet legenti totam Epistolam. Ergo jubet Rex antiquam *adificiorum soliditatem innovari. Et palatium longa senectute quassatum, reparatione assidua corroborari.* Quid memorem Regiam propensionem erga Musicam, quam mirificè commendat Epist. XL. lib. II. ad Boëtium, quem jubet eligere doctum Citharædum, Francorum Regi transmittendum. In qua quidem Epistola plurima ad commendationem Musici concentus perscribuntur, subque finem breviter perstringit controversiam de cœlestium corporum sono, dum ait: *bene arbitrati, si causam cœlestis beatitudinis non in sonis, sed in creatore posuissent.* Plinius rem totam controversiæ mandat, nec ambiguitati subtrahere curat, dum inquit lib. II. cap. III. *An mundus sit immensus, & ideo sensum aurium facile excedens tanta molis rotata vertigi-*

rigine assidua sonitus, non equidem facile dixerim, non hercle magis, quam an dulci suavitate concentus nobis, qui intus agimus tacitus labitur mundus.

CAP. CCVIII.

Ex profapia Felicis Consulis floruisse doctissimum Senatorem. Obiter an Boëtius Athenis videatur audivisse Proclum?

PLura suppetunt, quæ ostendant Theodoricum bene erga sapientiæ studia, eorumque mystas fuisse animatum. Apud Cassiod. lib. II. Ep. III. commendat Candidatum, dum extollitejus patrem his verbis: *literarum studiis dedicatus perpetuam doctissimis disciplinis mancipavit ætatem. Vehementer disputator in libris. Fuit quidam nostrorum temporum Cato. Rerum naturalium causas subtilissime perscrutatus; Cecropii dogmatis Attico semelle saginavit. Digna plane scientia, in qua mens honestissima conquiescat.* Mox convertit se ad filium, quem ait nequaquam à patris degenerare virtutibus, semperque vixisse gravitate Romana, ut sciamus Romanos Procere consuevisse cognitione rerum naturalium pectora incoquere.

Lib. I. Epist. XLV. laudat Boëtium, *quod in ipso disciplinarum fonte potaverit artes, quod Atheniensium scholas longe positus introiverit, & palliatorum choris miscuerit togam.* Incidit absque dubio talis profectio Boëtii Athenas in tempora Zenonis Imperatoris, circa quæ tempora florebat Athenis Proclus, Simplicii præceptor. Ergo verisimile est à Boëtio

Boëtio fuisse auditum tantum philosophum, fuisseque cognitos Simplicium, Ammonium, Philoponum.

Dices, Proclum infensum fuisse Christianis, contraque ipsos strinxisse calamum teste Suida, post rabidum Porphyrium. Non ergo verisimile est Boetium nobilissimum Juvenem, Romani sanguinis Christianum, voluisse ejusmodi homini vacare, operamque impendere.

Respondeo, nequaquam videri esse verum, quod apud Suidam scriptum reperitur. Neque facile est ostendere Proclum declamasse, & scriptitasse contra Christianos, nam carus fuit Imperatori Anastasio, qui nequaquam familiariter usus fuisset homine palam scribendo oppugnante Christianos.

Dices, de æternitate mundi octodecim litteris mandata fuisse argumenta à Proclo contra Christianos, qui liber adhuc extat, saltem ejus pars reperitur apud Philoponum.

Respondeo Proclum composuisse librum contra Democriteos, & Stoicos, qui putabant mundum existisse in tempore, nec præcipue ob Christianos rationes est architectatus: cum præsertim in ejusmodi argumentis nullo verbo oppugnetur creatio mundi ex nihilo, quam nobis tradidit sanctissimus Vates Moses.

CAP. CCIX.

Rursus de affectu Theodorici erga studia sapientie prodeunt Ennodii verba.

SI non sufficerent prolata præcedentibus capitibus, adungere fas foret Ennodii verba in Pannegyrice: *debent tibi veneranda studia quod loquuntur. Amaverunt præcessores tui inscitiam, quia nunquam laudanda gesserunt. Sordebat inter aratra facundissimus, & quod peritia dederat, vis negabat. Muto mærebant auctore tribunalia, nec ulla concedebatur palma dicenti. In casum negotiorum nutabat eventus, quando literis genius non dabatur. Unus ubique ingenia mæror oppresserat, quia atterebant otia eloquentium facultates. Pompam seniorum edax negligentia possidebat, nec accendebatur tyro æmulatione sectanda. Vide divitias seculi tui.*

Dixerat paulo antea: *Par fuit etiam, ut eloquentiam laudis præmiis incitares, ne adoreas tuas silentio perderemus. Nullarum artium cessat industria, solers, ubicunque latet, inquiritur.*

Quis vero non credat floruisse studia artium sub eo, quem idem Ennodius sic alloquitur: *Video insperatum decorem urbium cineribus evenisse, & sub civilitatis plenitudine, palatina ubique tecta rutilare. Video ante perfecta ædificia, quam me contigisset disposita. Illa ipsa mater civitatum Roma juvenescit, marcida senectutis membra refecando.* Non possunt instaurari, adque splendorem revocari urbes si langueant disciplinæ, si muta sit eloquentia, si squallo-ri involvatur Regina artium philosophia. Qui pel-
lit Barbariam, ille idem ad gloriam, ad decus, ad dignitatem invitat Palladis mystagogos. O pulcherrimum fructum, quem colligunt à liberali benignitate

tate Principes, qui dum asserunt doctrinarum Jura, suas florere, augeri vident provincias, hilariter se gerere populos, immensæ lætitiæ fieri compotes cives.

Nec interim ad belli artes ineptus exitit Theodoricus, curando aureæ pacis bona. Nam qualia quamque fortiter gessit adversus occupatores Italiæ Herulos, eorumque Regem Odovacrum. En tibi verba Cassiodori in Chronico: *Theodorico Odovacer ad Isontium pugnam parans victus cum tota gente fugatus est. Eodem anno repetito confictu Veronæ vincitur Odovacer. Ad Ducam suvium Theodoricus Odovacrem tertio certamine superavit.*

CAP. CCX.

*Theodorici res facere ad philosophiam Romanam.
Eum calluisse historiam animalium.*

Qui quæ hætenus tradidimus de Theodorico legit, quæret quid ad philosophiam Romanorum faciat Rex Gothus, in Græcia educatus? imo facit ad Romam, nam Romæ fuit, Romanis aliquot annorum spatio dedit Consules, aliasque dignitates. De ejus adventu Romam quis non novit verba Cassiodori in Chronico: *Hoc anno, (Patritio & Hypotio Consulibus) N. D. Rex Theodoricus Romam cunctorum votis expetitus advenit, & senatum suum mira affabilitate tractans, Romanæ plebi donavit annonas atque admirandis mænibus deputata per annos singulos maxima pecuniæ quantitate subvenit,*

sub cujus felici imperio plurimæ renovantur urbes, munitissima castella conduntur, confurgunt admiranda palatia, magnisque ejus operibus antiqua miracula superantur. Hæc Cassiodorus, in cujus Epistolis legere etiam est, quæ ostendunt historiam de animalibus, quæ physicæ pars, delectatum fuisse Theodoricum. De Ciconia lib. II. Epist. XIV. refert, quod verno tempore parentes senio confectos escis nutrant, & pia vicissitudine juvenes reddant, quod à parentibus parvuli susceperunt.

Perdicibus, inquit ibidem, mos est ova perditæ per alterius matris damna sarcire, sed mox nati nutricem deferentes ovorum suorum genitricem petunt. An non mirum est aviculas scire, quæ sit nutrix impositrix, quæque vera germana mater.

De Chamæleonte scribit lib. V. Ep. XXXIV. *Quod colores suos multifaria qualitate commutet: ut modo Veneta, modo Blattea, modo Cyanea possit reperiri.* Quam bestiam gemmæ Pandiæ subjecit non esse abfimilem, in qua unus non potest se continere fulgor. *Fluctuat aspectibus tremulis, dum lapis teneatur immobilis.*

Ejusdem libri Ep. XXIII. *gementium turturum castissimum est genus: quod si à copula sua fuerit casu intercedente divisum perpetuæ se abstinentiæ lege constringit.*

Mirum non est talia præferri in Epistolis Regis, quæ dictabantur à Cassiodoro viro eruditissimo, nec tamen tam familiariter Rex usus fuisset Cassiodoro, nisi imaginem sui in ipso dilexisset. Eleganter autem Cassiodorus lib. XI. Epist. ult. agit de solertia animalium.

malium. *Lupus, inquit, arenis se mollibus, ut plum-
bati lini insidias, evadat, immergit. Scarus esca pel-
lectus, cum junceum carcerem cæperit introire, mox
in caudam labitur, paulatim se ab angusto subducens.
Sauri se invicem conantur liberare.*

CAP. CCXI.

*De Fausto Seniore, & Juniore Consularibus pe-
ritis disciplinarum. Quatenus Roma
studia viguerint post Barbaricas
irruptiones.*

ANnumeret ornamentis suis Roma Fausti fili-
um consulatus dignitate ornatum, de quo
splendida sunt Ennodii verba lib. I. Epist. V.
*In principio vitæ disciplinis optimis institutus videtur
meruisse, quod adeptus est. Naturæ in decus scholas
& literarum studia consecutus, paternæ perfectionis
emulator. Quicquid Attica, quicquid Romana præci-
puum habet lingua cognovit. Vides etiam post Go-
ticam irruptionem, post cladem non unam à Barba-
ris illatam, Romæ adhuc hæsisse doctrinarum arcana,
linguarum delitias, nec defuisse, qui penetrarent ad
adyta Attici Romanique eloquii. Talem se præsti-
tit Fausti filius, qui florentibus annis Consulari au-
ctus est fastigio.*

Faustum porro virum illustrem lib. IV. Epist.
XXXV. *emendatissimum hominum* appellat. Vide
quid Romanis olim præstiterint studia sapientiæ, ut
scilicet virtutem omnibus numeris absolutam adipi-
ferentur. Sed sunt alia, quæ ostendant non prorsus

spoliata Romam ornamentis doctrinae postquam barbaricorum gladiatorum mucronem sensit. Idem namque Ennodius lib. V. Ep. IX. commendat Fausto Parthenium properantem Romam studiorum causa: *Votorum, inquit, obsidem tradidit honestati, qui ad liberales adspirat disciplinas. Bonarum affectus artium dirum dedignatur ingenium. His Parthenius non incitatus stimulis Romam, in qua est naturalis eruditio, festinat invisere.* In idem argumentum jubet properare litteras ad Symmachum summum Pontificem. *Parthenius ad coronam vestram directus est. Sancta sunt studia litterarum, in quibus ante incrementa peritiae vitia dediscuntur.* Luminoso sic scribit Epist. XI. *Parthenio ad venerabiles disciplinas Romam petenti pro ferratis calcaribus sufficit vos videre.* Fausto Juniori ita: *Parthenius per liberalis studii disciplinas ingenuus vult videri.* Quæ omnia ostendunt non prorsus conclamatas fuisse disciplinas Barbaris Italiae negotium facessentibus.

CAP. CCXII.

De Sylvestro II. Pontifice philosopho eximio. Rejicitur fabula de ejus Magia.

Circa seculum nonum, decimum, & undecimum à Christo, magna regnavit incititia in Italia, qua de re conqueritur magnus Baronius. Mirum ergo non est, si de Sylvestro II. qui sedit an. *Idccccclxxxviii.* sparsa fuerit fabula, quod esset magus. Nam præter Theologiæ, & divinarum rerum cognitionem, Mathematicas etiam artes, & ar-

cana

cana philosophiæ didicerat. Fuit Doctor Othonis III. Imperatoris, cujus favore etiam Pontificatum est adeptus. Facile autem potuit manare in vulgus talis fabula, quia inscitia illorum temporum Astronomiam, & reconditarum rerum cognitionem contemnebat, imo suspectam habebat. Is dicitur Abacum, & figuras barbaricas, quibus Logistæ utuntur, accepisse à Saracenis, & per Europam divulgasse. Sic enim Malmesburiensis: *Abacum certe primus à Saracenis rapiens regulas dedit, quæ à sudantibus Abacistis vix intelliguntur.*

Fabulam porro idem sic describit: *de Gereberto fama dispersit, fuisse sibi statua caput certa inspectione syderum; cum videlicet omnes Planetæ exordia cursus sui meditarentur, quod nonnisi interrogatum loqueretur, sed verum vel affirmativè, vel negativè pronunciaret. V. G. Cum diceret Gerebertus: Ero Apostolicus? responderet statua, etiam. Morior antequam cantem missam in Jerusalem? Non.*

Ejusmodi statuam eadem fama sparfit accepisse Gerebertum ab Hispaniensibus Saracenis. Papirius Massonius sic scribit: *plurimum miramur consuetam de eo fabulam mortalium aures ita penetrasse, ut nunc quoque evelli ex plurimorum mentibus non possit. Ex Synodo Romæ habita Rufo Magno, & Fausto Avieno Coss. hæc verba reperio: dum esset Synodus in Hierusalem, basilica Sessoriani palatii. Quem locum ignoratum fuisse Gereberto viro doctissimo turpe esset dicere. In elogio, quod ei locavit Sergius successor in basilica Laterani, hæc quoque leguntur:*

Obtulit hoc Caesar tertius Otho sibi.

Tempus uterque comit clara virtute sophia.

Vides Gerebertum & Othonem III. dedisse operam philosophiæ. Repete, quæ plura sunt apud eundem Papirium Massonum, ut fabulam de Magia Sylvestri explodere possis. Ergo Pontificis Sylvestri sanctissimæ sapientiæ distichon recitetur:

Fabula Sylvestrum exagitat, tacitosque susurros,

Et Magica impingit murmura Pontifici.

*Nequicquam. Namque historia fax dissipat umbras,
Romuleumque diem non latuisse sinit.*

Peroratio ad Lectorem.

HAtenus illustrem numerum, censumque Sophorum,
Roma Deum sedes quos tulit, expedit.

Nunc Lectorem operis conceptis ambio verbis,

Me facilis venia ne velit esse rudem,

Si somnum libro quandoque obrepere passus

Non semper metam, non tetigique scopum:

Omnis enim in terris mortali semine cretus,

Est potis à recto tramite ferre pedem.

Ad Lectorem incolam urbis Romæ.

Romuleam quicumque pius nunc incolis urbem,

Et Tyberis felix sacra fluente bibis,

Si bonus has chartas jucundo lumine lustrans

Non Brutos, Senecas, non Thraseasque siles,

Dic precor: ingenti Latium Gaudentius orbem

Affectu cultor nunc quoque prosequitur,

Quandoquidem priscos repetens ab origine fastos

Æneadum potuit facta referre Sophum.

AD-

ADDENDA
OPERI,
DE PHILOSOPHIÆ
APVD ROMANOS,
INITIO ET PROGRESSV.

CAP. I.

De Ovidiana narratione asserente Numam profectum ad audiendum Pythagoram. Profertur sententia Pythagoræorum de tempore.

QUOD Numa audiverit, Pythagoram sic explicat Ovidius Metam. lib. XV. ut tradat non quidem Pythagoram se contulisse ad Sabinos, aut Romam, sed è Curibus suis profectum Numam adisse Crotonem, ibique imbutum arcanis sapientiæ à Samio Doctore. Sic enim loquitur Naso: *Non ille (Numa) satis prænosse Sabinæ Gentis habet ritus, animo majora capaci concipit, & quæ sit rerum natura requirit. Hujus amor curæ patria, curibusque relictis fecit, ut Herculei penetraret ad hospitis urbem.* Quis jam dubitet cum Pythagora congressum Numam? quis etiam non perpendat, quæ Ovidius philosophiæ Romanæ alumnus secundum Pythagoram depromit? sic enim loquitur de Pythagoræ

ricis dogmatibus, ut prorsus illis videatur suum addicere punctum. Qua autem ratione veritatem perscrutari instituerit Pythagoras his explicat, exponitque verbis:

Mente Deos adiit, & quæ natura negabat

Visibus humanis, oculis ea pectoris ausit.

Nam Pythagoras non sensu voluit metiri veritatem, sed mente, qua consurgens ad incorporeas substantias, has corporeas, quas oculis nostris usurpamus non tanti fecit. Quod magis, ac magis ostendit inferius dum inquit:

Nihil est toto quod perstet in orbe.

*Cuncta fluunt, omnisque vagans formatur imago
ipsa quoque assiduo labuntur tempora motu.*

*Non secus ac flumen, neque enim consistere flumen
nec levis hora potest.*

*Tempora sic fugiunt pariter, pariterque sequuntur
& nova sunt semper.*

Quod consentaneum est Heraclitæ sententiæ, quam commendat Plato in Cratylo, dum ait: *inspicere mihi Heraclitum videor, jampridem nonnulla sapienter de Rhea atque Saturno tradentem, quæ & Homerus dixerat. Ait enim Heraclitus fluere omnia nihilque manere, rerumque ipsarum progressum amnis fluxui comparans haud fieri posse inquit, ut bis eandem in aquam te mergas.* Vera hæc sunt.

Quæ autem de tempore fluente à Pythagora proferuntur apud Ovidium rectissime intelligi poterunt ex iis, quæ tradidit Architas cujus verba proferuntur à Simplicio, quando agit de prædicamento.

Quando. *Tempus, inquit, proprium habet impartibile,*

*bile, & non subsistens per se, nam dicitur nunc impartibile, cum quo simul intelligitur, & illud quod vocatur præteritum, & non est permanens. Nam quod continue fit idem nequaquam servatum secundum numerum, sed secundum speciem. Nam instans præsens nunc tempus, & futurum non est idem cum præterito. Nam quod factum est, & jam abiit non est amplius. Vide plura, quæ sequuntur, & diligenter lege omnia, quæ tradit ibidem Simplicius adducendo interpretationem Jamblichi. Unde etiam disces primos Pythagoræos egisse de tempore longe ante Aristotelem, qui de æternitate distincta à tempore nihil protulit, cum tamen ex Pythagoræorum doctrina Plato de ipsa magnifice sit locutus, pronunciaritque tempus esse motam imaginem æternitatis. Ut enim tempus metitur generabilia, & fluentia, & permanentem substantiam non habentia, ita æternitas impartibilibus, & immobilibus optime convenit. Debuisset autem Aristoteles loqui de æternitate, quandoquidem in libro I. de cælo tex. C. ait: *Manifestum est, quod neque locus, neque vacuum, neque tempus est extrinsecus, quapropter neque quæ illic sunt, nata sunt in loco esse, neque tempus ipsa facit senescere, sed optimam habentia vitam, & per se sufficientissimam perseverant toto ævo.**

Cum ergo Aristoteles de æternitate non egerit, audiendus est saltem Simplicius secundum Pythagoræos differens, qui inter cætera inquit: *æternitas simul existit cum ente considerata secundum impartibilem ipsius, & immobilem simul totam substantiam. Tempus proprie dicitur in generabilibus, & adest cuique rei generabili secundum motum.*

Æter-

Æternitas igitur est impartibilium, & ingenerabilium, tempus partibilium, & generabilium. Unde porro, queritur de anima, an dicatur de ipsa æternitas, an tempus? quod dicendum sit tempus ex eo colligitur, quia secundum Platonem est partibilis. At eadem est impartibilis, secundum eundem Platonem; respondet ergo Simplicius animam completi, & æternitatem, & tempus, quia est media impartibilis scilicet, & partibilis substantiæ. Hinc nostrates Philosophi non æternitatem, non tempus, sed ævum ei tribuunt.

Dices, si partibilis est anima, mortalis est; respondendum est partibilem dici quatenus defluit ac delabitur ad corpora, unde etiam mori dicitur sed metaphorice, quatenus non habet statum illum priorem & beatum. At quantumcunque conjungatur corporibus anima, & induat corporeas fæces non potest tamen exuere suam naturam impartibilem, immortalem, omnis interitus expertem.

Cum autem tam multa differant Pythagoræi, ac præsertim Architas de tempore, cur inquit postea, ut refert Simplicius, *ipsum vel non omnino esse, vel obsecrum, & vix esse?* quia scilicet ad ea, quæ secundum Pythagoram & Platonem proprie sunt comparatum tempus vix est, nam in fieri esse habet, & præteritum quidem non amplius est, & futurum nondum est. Hinc Simplicius infert: *Verum esse non convenit tempori neque generationi.* Æternitas proprie est, propriæque sunt impartibilia, incorporea.

Sed omissis contemplationibus philosophicis revertamur ad Numam, ut sciamus num Crotonem se
contu-

contulerit ad audiendum Pythagoram? absque dubio ejusmodi profectio figmentum poëticum est Ovidii, qui tamen sic fingendo valde bene meritus est de studiosis Pythagoræ philosophiæ. Peccaverit profectò in sua commoda quisquis scire volens dogmata Pythagoræ, totam dissertationem Ovidii non legerit in XV. Metamorph. ex qua etiam colligere est Pythagoram videri negasse inferos, aut inferos posuisse in corporibus, in quæ migrant animæ aliis corporibus relictis. Repetenda autem sunt verba illa :

Corpora sive rogos flamma seu tæbe vetustas

Abstulerit, mala posse pati non ulla putetis.

Quæ mire videntur prolata esse. Nam dixerat non dari inferos, mox subjicit corpora non posse pati. Atqui Gentiles non loquebantur de corporibus ad inferos detrudendis, sed tantum de animabus, quæ etiam cogebantur oberrare in sepultis corporibus.

Puto sic accipienda illa verba :

Mala posse pati non ulla putetis,

id est nolite putare homines post mortem aliquid pati, quia mox subjicit :

Morte carent animæ.

At etiam Plato docuit non interire animas, & tamen eas plectebat, & purgabat apud inferos. Nonne etiam molestiam ferunt animæ dum migrant in corpora brutorum? quid quod Pythagoras ipse dixit se adiisse inferos, ut est in ipsius vita. Cur apud Ovidium prorsus negat dari inferos, animas nulla mala posse pati?

Responderim, non adeo anxie esse sursum deorsum vertenda verba Pythagoræ, quia à poëta proficiscun-

ficiscuntur: poëtae autem satis suo munere funguntur, si populari modo loquantur.

CAP. II.

An XII. tabulae continerent philosophiam? explicantur verba Ciceronis in lib. de Orat.

(refer ad Cap. V.)

QUOD Decemviri conditores XII. tab. fuerint philosophi, atque aded Romæ tunc fuerit philosophia, ex verbis Tullii videtur posse colligi. Nam apud ipsum in oratore sic Crassus loquitur: *Fremant omnes licet dicam quod sentio: Bibliothecas omnium me hercule philosophorum unus mihi videtur XII. tabularum libellus, si quis legum fontes & capita viderit, & auctoritatis pondere, & utilitatis ubertate superare.*

Respondendum est manasse XII. tabulas à philosophia, nam Solon conditor Atticarum legum philosophus fuit. Eas mutuo sumpserunt Decemviri, non ipsi condiderunt. Quis autem nescit virum prudentem à philosopho posse quædam in usum vitæ civilis assumere, absque eo, quod philosophus ipse sit?

Quod Crassus dicit de XII. tabulis id per exaggerationem prolatum est, respicitque vim, quam habet lex, dum imperat, & cogit parere intentando poenas: philosophia autem non formidine poenarum agit, sed suadet, ratiocinatur. Plebs porro talia præcepta de moribus surdis auribus excipit, metuque bona est, & continetur in officio. Hinc ait summus

mus Pontifex Sixtus V. duo adhibenda esse in regenda plebe panem & fustem.

CAP. III.

De Sulpitio Gallo Romano perito astronomia tempore belli Macedonici.

ANte Panætium saltem Astronomiam excoluit Romæ Sulpitius Gallus, de quo perhonorificè Plinius & Valerius loquuntur. Plinius hæc habet, lib. II. cap. XII. & *rationem quidem defectus utriusque (Solis & Lunæ) primus Romani generis in vulgus extulit Sulpitius Gallus, qui Consul cum M. Marcello fuit, sed cum Tribunus militum sollicitudine exercitu liberato, pridie quam Perseus rex superatus à Paulo est, in concionem ab imperatore perductus, ad prædicendam eclipsin, mox & composito volumine.* Hoc omittendum minus fuit, cum Sulpitius extiterit Romani generis, & rebus sidereis incubuerit, quod rarum fuit in illo seculo apud Quirites.

Valerius porrò lib. VIII. cap. I. testatur jam defecisse Lunam, defectuque perteritum exercitum, quem metum depulit disertatio Sulpitii *peritissime de cæli latione, & siderum ratione* apud milites disputantis. Ita factum, ut Astronomia victoriam Romano Duci largita fuerit. Scio rem paulo aliter à Frontino, & Plutarcho narrari; verum nihil causæ est, cur Plinianam, Valerianamque historiam deseramus.

Nam, & superiori seculo apud Indos eclipsi provisa in rem suam est usus Hispanorum Dux, obtinuitque quod petebat.

CAP.

CAP. IV.

Quam abstinens fuerit Scipio Africanus. Laudatur etiam Marcus Imperator.

Contemptus divitiarum adeo videtur esse conjunctus cum philosophia, ut avari qui sunt prorsus è censu numeroque philosophorum videantur excludendi. Quapropter id quoque ostendit robusta sapientia imbutum fuisse à Panætio Scipionem Africanum juniorem, quandoquidem abstinens admodum fuit. Sic fane laudatur ab ipso Panætio, ut refert Cicero in secundo de officiis, qui ait eum Carthagine everfa nihilo locupletiores fuisse, quam in re imitatus est patrem, qui victor in Macedonia potitus est omni gaza Macedonum, non tamen se suamque ditavit domum, sed ærarium adeo ut tributum, quod in eam diem solitum pendere, deserit solvi. Vides quam utilis sit Reipublicæ philosophia; efficit enim, ut qui Rempublicam moderantur abstinentes sint. Hinc legimus Catonem Uticensem missum Cyprum ad transferendas immensas pecunias Ptolomæi, prorsus nihil in proprium convertisse emolumentum. Quid dicam de Marco philosopho, qui Imperator licet esset pauper tamen domi erat, ne civibus gravis esset? Vere namque de se Marcus ait apud Julianum in Cæsaribus existimasse se Deorum imitationem in eo positam, ut paucissimis indigeamus, & quam plurimis beneficiamus. Addenda narratio Julii Capitolini in vita Marci: *Cum ad bellum Marsomannicum omne ærarium exhausisset suum, neque in animum induceret, ut extra ordinem provin-*
cia-

cialibus aliquid imperaret, in foro Divi Trajani auctionem ornamentorum imperialium fecit, vendiditque aurea pocula, & crystallina, & myrrhina: vasa etiam regia, & vestem uxoriæ sericam, & auratam, gemmasque etiam, quas multas in repostorio sanctiore Adriani repererat, & per duos quidem menses hæc venditio celebrata est. Vide quæ ibi plura sequuntur. Utinam vero seculi nostri Reges, & Principes præ oculis semper haberent, & philosophiam Marci, & ejus summam abstinentiam. Utinam ejus exemplo amarent populos, & à gravitate tributorum, quantum fieri potest, sese continerent. Reges certe pastores sunt populorum. Boni autem pastores non deglubunt oves, sed tondent.

CAP. V.

Qua notione Lælius dictus fuerit sapiens? expenditur definitio Aristotelica sapientie.

(refer ad Cap. IX.)

LÆlio cum gloriatur Romana philosophia, par est, ut ex Cicerone aliquid depromam, quod ostendat, cur ipse sapiens fuerit appellatus. Sic autem apud Ciceronem fere in principio libri de amicitia legitur, dum Fannius Lælium alloquitur: unum te sapientem & appellant, & existimant. Tribuebatur hoc modo M. Catoni. Scimus L. Acilium apud patres nostros appellatum esse sapientem: Sed uterque aliquodam modo. Acilius quia prudens esse in jure civili putabatur. Cato quia multarum rerum usum haberet: multaque ejus, & in senatu, & in foro vel provisæ prudenter, vel acta constanter, vel responsa acute ferebantur.

Te autem alio quodam modo non solum natura, & moribus, verum etiam studio, & doctrina esse sapientem nec sicut vulgus, sed ut eruditi solent, appellare sapientem.

Ergo sapiens apud Romanos ab eruditis dicebatur is, qui contemplatione rerum, & cognitione veritatis valeret.

Apud Arist. in VI. Eth. Cap. VII. sapientia dicitur jam latius accipi, jam angustius. Nam late accepta complectitur omnes scientias, & artes, etiam opificum, ipsamque prudentiam, ejusque genera, ut videre est apud Platonem in Theage, & Thæteto. Angustiore notione est omnium scientiarum princeps, & domina, dicta etiam dialectica à Platone, ab aliis Theologia, ab Aristotele Metaphysica. Sic & σοφὸς quilibet significabatur excellens in eo quod proficeretur, ut Apelles σοφὸς pictor, Polycletus σοφὸς statuarius. Et Romani viros prudentes sive politicos, sive Juris-Consultos nominaverunt, ut jam didicimus ex verbis Fannii apud Ciceronem.

Rursus perpendendum Aristotelem facere duplicem sapientiam unam particularem, alteram universalem, ea ratione, ut proprie videatur accipere significatum sapientiæ. Singularem sapientiam definit singularum artium virtutem; universalem, cujus respectu non in uno aliquo sapientes quosdam dicimus, hinc colligit oportere sapientem universali-ter dictum, & per se sic dictum non quædam quæ cognosci possunt scire, quædam ignorare, sed nosse non minus demonstrata, quam principia.

Ergo tota ratio sapientiæ universalis in contemplatione posita est, & cognitione veritatis, differtque à
pru-

prudencia secundum Aristotelem, nec enim consultat, cum versetur circa ea, quæ aliter se habere non possunt. Audiamus Andronicum Rhodium in paraphrasi: ἡ σοφία τέλος ἔχει τὴν καθόλου ἀλήθειαν. Καὶ ἡ μὲν ὑποκείμενον ἔχει, τὸ καθόλου ἐπιστητόν καὶ τοὺς ἀρχαίους ἀπάσης ἐπιστήμης. *Finis sapientiæ est omnis veritas & ejus subjectum est omne id, quod sciri potest, & principia omnium reliquarum scientiarum.* Male admodum legitur in versione Dan. Heinsii: *sicut subjectum id quod universaliter fieri potest.* Nescio autem, an culpa Typographi sic excusum sit.

Sed num vere Aristoteles separaverit prudentiam à sapientia dubitare possumus. Sapiens enim secundum communem hominum sententiam felix est, & felicitatem adipiscitur. Id si verum est, sapientia à prudentia segregari non potest. Quis enim nescit sapientem illum dici debere, qui novit ea, quæ conducunt ad felicitatem, iisque utitur? Aristoteles autem, quia ponit felicitatem ultimam in contemplatione, sapientiæ tantam habuit rationem, ut in ea tantum collocaverit hominum felicitatem, cum tamen si quis contempleretur verum, careat autem prudentia, reliquisque virtutibus, & affectibus non imperet, felix non sit, atque adeo sapiens dici non mereatur.

Longe ergo aliter senserunt de sapientia, & sapiente Stoici, dixeruntq; sapientiam completi in se summam vitæ humanæ, quæ non tantum cognoscit veritatem, sed & operatur. Audiamus Senecam Ep. LXXXVIII. *Sapientia perfectum bonum est mentis humanæ. Philosophia sapientiæ amor est, & affectatio.* Hac ostendit,

dit, quo illa pervenit. Non tacet quosdam definisse sapientiam, quod norit divina & humana, & horum causas. Alibi ait studia liberalia dicta esse, quod homine libero digna sunt. Cæterum unum studium verè liberale est, quod hominem liberum facit. Hoc sapientiæ studium est, sublime, forte, magnanimum, cætera passibilia, & puerilia sunt: *An tu quicquam credis in istis esse bonum, quorum professores pessimos, & flagitiosissimos cernis?* Imo videtur prudentia plus conferre ad felicitatem, quam contemplatio rerum. Nam Cato Major fuit sapiens, & felix, in contemplatione tamen rerum exiguam operam locavit, quin à philosophis putavit debere Romanos abstinere. Sufficit autem, ut quis sit sapiens nosse ea, sine quibus ad felicitatem non licet homini pertingere. Qui illa novit, & secundum cognitionem dirigit mores, acta, animum absque dubio scopum attinget felicitatis.

Objicit Aristoteles Anaxagoram, & Thaletem fuisse sapientes, sed non fuisse prudentes: *quia quæ ipsis utilia erant, & ad vitam conducebant cum ignorarent, eximia & admiranda, & difficilia quedam sciebant, & divina.*

Imò & prudentes fuerunt, nam magnanimi putarunt negligendam curam divitiarum ne abstraherentur à contemplatione rerum. Sed non est necesse eos in omnibus imitari: heroes enim fuerunt, & extra communem ordinem reliquorum hominum positi. Quod vero nosset ea, quæ conducunt ad vitam satis superque docet vita eorum. Consilio profecto Anaxagoræ in regenda Republica utebatur Pericles. Thales etiam ostendit se posse ditescere

fi

si vellet. Et qui potest fieri, ut quis sapiens evadat, hoc est consequatur omnis veritatis cognitionem secundum quidem Aristotelem, si incumbat rebus domesticis, si divitias satagat conflare? qui vero incensus amore immenso cognoscendæ veritatis minora negligit volens sciens, & ex animi sententia, nequaquam imprudens appellandus est. Ne igitur prudentiam à sapientia sejungamus.

Nunc quæ dixi confirmanda sunt testimonio Philonis, viri gravissimi lib. de Congr. quær. erudit. grat. *sicut liberales artes conferunt ad quærendam philosophiam, ita philosophia ad parandam sapientiam. Est enim philosophia meditatio sapientia, sapientia vero scientia rerum humanarum divinarumque, & causarum insuper. Ergo sicut Encyclopædia philosophiæ servit, sic philosophia sapientiæ: At philosophia docet nos continere linguam, ventrem, & quæ sub ventre sunt. Hæc quamvis per se expetenda, augustiora tamen sunt, quando in honorem Dei, & causa religionis exercentur.*

Adde solere magnos scriptores eundem & sapientem & bonum appellare, neque unum ab altero divellere. Sic Virgilius in Carmine:

Vir bonus, & sapiens.

Cicero in III. de offic. *Hæc est perniciēs, quod alios bonos, alios sapientes existimant.* Si non potest esse sapiens, nisi qui simul sit bonus, sapientia non potest carere prudentia, nec sita est in sola rerum contemplatione; imo consultat, deliberat de iis quæ agenda. Non interim est negandum reperiri viros bonos, qui scientiarum sunt expertes, & indocti, quos tamen nemo exeluserit ab æterna felicitate.

hinc sciunt omnes S. Augustinum cum legisset vitam S. Antonii dixisse: *Surgunt indocti, & rapiunt regnum cælorum.*

CAP. VI.

Controversa jura ex Diogene Stoico proposita.
(refer ad Cap. XII.)

HAbebant Stoici controversa quædam jura, quæ nos hodie vocamus casus conscientiæ. In talibus se exercuit Diogenes Stoicus, ut est apud Ciceronem in III. de Offic. *Si quis adulterinos nummos, acceperit pro bonis, an tanquam bonos expendet?* affirmat Diogenes. Me quidem non habebit assentientem. Nec enim imitari debemus deceptores.

Potestne quis vendere vinum fugiens, hoc est non duraturum silendo non duraturum? affirmat Diogenes. Res est magis ambigua, quam superior. Si sciat mox fugiturum, dicet. Si norit aliquandiu duraturum poterit forte filere, nam nullum ad emptorem redibit detrimentum.

Quando venditur mancipium an dicenda vitia? absque dubio dicenda ea, quæ nisi dixeris redhibebitur mancipium jure civili. Sed alia an possunt dissimulari, quod sit aleator, quod furax, ebriosus? qua de re Diogenes quoque loquebatur. Vix putarim esse necesse. Vide plura apud Ciceronem, & cogita aliquod periculum imminere conscientiæ à nimia subtilitate, quam dum aliqui anxie explicando in re præsertim venerea singula peccatorum discrimina sectantur, utinam non officiant moribus.

CAP.

CAP. VII.

Expenditur disputatio Critolai peripatetici contra Stoicos. Philo in quibusdam rejicitur, in nonnullis approbatur.

Apparet Critolaum, qui cum Diogene, & Carneade legatis Atheniensium Romam se contulit exarasse libros, atque inprimis pro mundi perennitate pugnasse, ne à suo discederet abiretque magistro. Etenim Philo sic de ipso in libro de mundi incorruptibilitate loquitur: *Critolaus musarum amator, & peripateticae sectator philosophiae dogma de mundi sempiternitate approbans, talibus utitur argumentis.*

Oportet profecto inter se disputasse, ut de aliis, sic etiam mundi vel interitu, vel perenni duratione Diogenem Stoicum, & Critolaum Peripateticum, & utrumque non leviter exercitum, vexatumque fuisse à promptissimo Carneade. Etenim Philo antequam loquatur de Critolao, ejusque in medium proferat argumenta, ait: *dicat fortasse aliquis Stoicus disputator verbosior.* Mox subjungit à Stoicis, non tantum appellari sic mundum hunc ornatum, verum & eum, qui post exustionem futurus est, quod à Philone rejicitur.

Sed videamus, quibus argumentis pro perenni duratione mundi pugnet Critolaus. *Si mundus est genitus, ergo & terra, ergo & humanum genus. At hominibus genus ab aeterno subsistit.* Postea subjungit: *quod si homo est aeternus, pars universitatis minima,*

utique mundus quoque ingenuus est, ac proinde incorruptibilis.

Quis non miretur talia à Philone in Critolao approbari potuisse, cum disertis verbis Moses doceat, qua ratione non tantum mundus, sed etiam homo creatus sit? Mavisne Critolao habere fidem, quam divino viro Mosi? sed scio, quid agas. Confugis ad allegoricum sensum, rejicisque historicum in divina Genesi. Atqui omnes, qui periti sunt divinarum litterarum tuam interpretandi, & detorquendi rationem procul à divina Genesi facessere jubent, quin & tua illa verba non absolute suscipiunt: *Moses docet, quod dies & noctes, horæ annique, sol & luna mensores temporum, una cum toto cælo pro immortalis sua natura permanebunt in æternum; ubi quæso Moses sic loquitur? narrat quidem Moses jussisse Deum, ut fierent luminaria, ad lucendum infirmamento cæli, & illuminandam terram, utque præessent dici & nocti.* De immortalis autem eorum natura, & sempiternitate nihil protulit. Nonne vero ipse legeras hæc Davidis verba Psalmo CI. *Initio tu Domine terram fundasti, & opera manum tuarum sunt cæli. Ipsi peribunt, tu autem permanes: & omnes sicut vestimentum veterascent, & sicut opertorium mutabis eos, & mutabuntur.* Quæ tamen verba non de omnimodo interitu accipiunt recte Theologi, sed de quadam mutatione, quam excipiet instauratio ea quidem ratione, quam Deus optimus maximus novit.

Tota autem ejusmodi immutatio, & instauratio, non fiet vi ipsius naturæ, sed sola Dei voluntate, & potentia præter ordinem, præterque vires naturæ.
Et enia

Etenim si perpendamus naturam ipsius mundi putamus recte Philonem ratiocinari adversus Stoicos. Ignis certe de quo loquitur S. Petrus II. Epist. Cap. III. excitabitur divinitus ab ipso Deo, ut fiat instaurationis totius mundi.

Scio aliquos ex veteribus scriptoribus Ecclesiasticis dixisse mundum esse obnoxium senio, & jam consenuisse. Sed refelluntur à sensu: Nam post mille plures annos videmus mundum in eodem statu permanere, & eadem vi naturali præditum esse. Quod si secundum eorum sententiam jam tunc laborasset senio mundus, jam pridem de ipso actum fuisset. Robustior profecto est mundus, quam ut ad siccitatem, & frigiditatem deduci à vetustate temporis queat. Hinc recte Philo eodem libro ostendit terram nequaquam senuisse, cum indefessa continuaque prædita sit fecunditate. Etenim irrigata vel fluminum restagnationibus, vel annuis imbribus, vires reficit, & quiete modica se refovet. Fateor quandoque alicubi sterilem videri, sed ejusmodi sterilitas nec diuturna est, nec totam occupat terram, sed exiguum ejus partem.

CAP. VIII.

De Posidonio discipulo Panatii, qui fuit Romæ tempore Marcelli.

PRÆter Apollonium & Hecatonem habuit Panatius etiam Posidonium discipulum, quem quidem fuisse Romæ dubitandum non est. Hæc enim leguntur apud Suidam: *Posidonius Apamensis*

mensis Syrus, aut Rhodius, philosophus Stoicus cognomento pugil, scholam habuit Rhodi discipulus, & successor Panætii. Ex quibus etiam intelligere est Rhodi docuisse Panætium. Mox ait Suidas: Venit & Romam sub M. Marcello, scripsit multa. Hæc ibi.

Cicero in III. de Officiis. *Scriptum à Discipulo Panætii Possidonio triginta annis vixisse Panætium, postquam libros de officiis scripsisset. Hæc Cicero, qui reprehendit Panætium, qui cum accuratissime disputasset de officiis, nonnulla tamen prorsus necessaria omisisset, nec stetisset promissis, quamvis diu vixisset post compositos libros illos.*

CAP. IX.

De Hecatone Stoico discipulo Panætii, qui Romæ videtur floruisse.

Panætium summum philosophum non ab re sequi jubeamus Hecatone discipulum, quem tamen non possum dicere fuisse, & floruisse Romæ. Cicero ejus meminit in III. de offic. ait enim fuisse Rhodium, Panætii discipulum, & de Officiis scripsisse Q. Tuberoni, quo magis inclino in eam opinionem, ut non negem vixisse etiam & scripsisse Romæ, quandoquidem familiaris fuit Q. Tuberoni nobilissimo Philosopho Stoico, & Juris-Consulto. Quin credibile est ejus fuisse præceptorem.

Ejus laudatur sententia sapientis esse nihil contra mores, leges, instituta facientem habere rationem rei familiaris. Ergo debet res familiaris cedere patriæ atque Reipublicæ, cui maxime omnium ob-

stricti

strikti sumus, magisque quam nobis ipsis. Non enim Respublica est propter nos, sed nos propter rempublicam. Hinc quod Aristoteles dixit nos alios amare propter nos, id de patria non est intelligendum. Amanda enim patria est propter seipsam.

CAP. X.

De Sosigene insigni Astronomo, cujus opera usus est Julius Cæsar.

Immortali beneficio cum affecerit genus humanum Julius Cæsar corrigendo annum, ut suo loco diximus, non est prætereundus ille, cujus opera in re tanti momenti est usus. Audiendus ergo Plinius lib. XVIII. cap. XXV. *His* (scèlis agentibus de digestionem siderum) *addidit apud nos quartam Cæsar dictator, annos ad solis cursum redigens singulos, Sosigene perito scientiæ ejus adhibito.* Mox subjicit: *Et Sosigenes ipse trinis commentationibus quamquam diligentior esset cæteris, non cessavit tamen ad dubitare semet corrigendo.* Pollicetur autem Plinius se secuturum observationem Cæsaris, ut propterea possimus dicere in Pliniano opere adhuc superesse non contemnendum instar observationum Sosigenis. Cum autem testetur Plinius eos, qui digesserunt sidera in noctes, & dies tam varios fuisse in observationibus, mirari desinimus aded discordes esse nostrorum temporum Chronologos. Petavius profecto duobus magnis voluminibus conscriptis innumeros errores ait se deprehendisse in Josepho Scaligero, quem tamen alii ob opus de emendatione temporum suspiciunt.

CAP.

CAP. XI.

*A gravitate philosophica petatum illud: σοφῶς, cu-
jus usus frequens in acclamationibus Roma.*

(refer ad Cap. XVIII.)

QUOD magni apud omnes Romæ fieret sapien-
tia, & gravitas philosophica, ille inter orato-
res videbatur suo munere perbelle fungi, qui
imbutus philosophia graviter, & docte tanquam phi-
losophiæ alumnus disliceret, sententiasque suas pon-
dere rerum instrueret, non vero nugæ canoras, &
inania jactaret verba. Hinc puto factum, ut accla-
maretur recitantibus adhibito adverbio σοφῶς, quod
à σοφία deductum est. Cujus quidem adverbii,
quod videtur abiisse in nomen substantivum, sæpe
facta est mentio à scriptoribus illorum temporum.
Apud Martialem:

Audieris cum grande sophos.

Mercetur alius grande, & insanum sophos.

Non sex paratur aut decem sophos nummis.

*Quod tam grande sophos clamat tibi turba
togata,*

Non tu Pomponi, cœna diserta tua est.

At tibi tergeminum mugiet ille sophos.

Simile est illud apud eundem Martialem: *Graviter.*
Sunt qui sophos confundunt cum euge, belle, bene,
præclare, festivo. Sed nequaquam debent inter se
confundi. Non enim qui acclamabant promiscue
repetebant festivè, belle: sed pro ratione eorum,
quæ proferebantur adhibebant adverbia. Quando
autem

autem aliquid homine gravi, & sapiente exhibat, acclamabant : sophos. Quod sophos extremam laudem complectebatur.

CAP. XII.

T. Livium fuisse philosophum, & de philosophia scripsisse.

Livium non novit plebs nisi historicum, putatque nihil aliud ab ipso emanasse, quam narrationes de rebus gestis Romanorum. Atqui constat Dialogos ad philosophiam facientes ab eodem compositos, qua de re ne quisquam dubitet, legat hæc ex Seneca lib. I. Epist. C. *Nomina adhuc Livium. Scripsit enim & Dialogos, quos non magis philosophia annumerare possis quam historia, & ex professo philosophiam continentes libros.* Dialogi sic philosophici erant, ut possent etiam vocari historici. Sed & libros de philosophia scripsit, qui toti philosophiam complectebantur. Vide quid amiserimus pereuntibus ejusmodi libris. Nam eminebant, quandoquidem Seneca ait eos solis tribus eloquentissimis cedere, Ciceroni, Asinio Pollioni, Fabiano. Miror autem Patavinos de suo Livio scribes tantum decus in ipso præterivisse. Norint igitur inposterum philosophum quoque fuisse Livium.

CAP. XIII.

Stoicos de honestate agentes potuisse aliquid conferre ad Jurisprudentiam.
(refer. ad Cap. XLIII.)

Mul-

Multum contulisse & conferre potuisse ad vitam vicilem, & Jurisprudentiam Stoicos, quicquid dicere de ipsis in adversam partem videatur Cicero in orat. pro Murena, ex eo videtur aperte posse colligi, quia fatetur idem Tullius lib. I. de officiis Stoicos solere bene de honestate disputare contemptis Epicureis, insuper habitis Aristone, Pyrrhone, & Herillo. Quin imò non negat se in tractatione de officiis potissimum Stoicos sequi, & incedere per vestigia Panætii, qui itidem Stoicus fuit. Verba Tulliana recitentur: *propria est ea (de honestate) præceptio Stoicorum. Quoniam Aristonis, Pyrrhonis, Herilli.* Mox ait: *sequemur igitur hoc quidem tempore, & in hac questione potissimum Stoicos,* & statim meminit Panætii, qui quid sit officium non dixerat.

Respondere est tractationem de officiis communem fuisse Stoicis, Peripateticis, & Platoniciis. Nam Brutus Platoniciis scripserat de officio, ut notum est. Quid quod omnis ejusmodi disciplina à Socrate profecta est, derivata etiam ad Peripateticos, tandemque Stoicos quoque complexa. Itaque antiquior erat possessio Platoniorum, & Peripateticorum de officiis disputatio. Verba porro quibus Cicero cum Stoicis conjungit Academicos, & Peripateticos de officiis quando agitur, sunt hæc: *propria est ea præceptio Stoicorum, & Academicorum, & Peripateticorum.* Nam rejecerat Epicureos paulo antea sic loquens: *nam qui summum bonum sic instituit, ut nihil habeat cum virtute conjunctum, idque suis commodis non honestate metitur: sit ut neque amicitiam colere possit*

possit nec justitiam, nec liberalitatem. Sed quæres: Cur Cicero Stoicos sequitur de officiis agens, non Peripateticos, non Academicos? Respondeo placuisse ipsi eo tempore sic se gerere, non enim negat se potuisse sequi Peripateticos & Academicos.

Non igitur absolute negandum est, quin ad Jurisprudentiam aliqua possent conferre scripta Stoicorum. Quod autem in oratione pro Murena ipsos visus est rejicere Cicero, id sic accipiendum, ut intelligamus voluisse eum tunc *δελύειν ὑποθέσει*, conatumque detrahere auctoritati Catonis, qui vehementer adversabatur Murænzæ in petitione Consulatus.

CAP. XIV.

Scholiastes Juvenalis agens de Thrasyllō rejicitur.

Examinanda sunt, quæ minus rectè videtur proferre de Thrasyllō Scholiastes Juvenalis ad VI. Satyram. Ait eum multarum artium scientiam professum, postremo se dedisse Platonicæ philosophiæ, ac deinde Mathesi. Unde habeat quod Thrasyllus fuerit Platonici, fateor me nescire. Certe verisimile non est fuisse Platicum, quandoquidem Platonici vix vacabant Astrologiæ, quam visus est Plato in Timæo damnare. Cum igitur absque controversia Chaldaicæ disciplinæ fuerit doctor Thrasyllus, & quidem insignis, verisimile non est fuisse Platicum. Ait deinceps Scholiastes ob ejusmodi artem Chaldaicam familiariter vixisse cum Tiberio, quem postea idem Tiberius voluerit præcipitare in insula

fula Rhodi, & quod Thrasyllus præsentiens dolum fugerit. Imo veritas habet Tiberium tunc primum cœpisse magnificare, & familiaritate dignari Thrasyllum, cum ejus insignem peritiam Rhodi explorasset. Deinceps enim eum admisit ad arcana semperque carissimum habuit. Falsum igitur est eum fugisse à Tiberio.

CAP. XV.

De Timone, qui illustravit alterius Timonis Sillos sub Tiberio.

Timon Apolloniates Nicæus videtur Romæ fuisse, quandoquidem Commentarium suum in Sillos alterius Timoni Phliasii Imperatori Tiberio dedicavit. Sic enim de ipso Diogenes Laërtius : *Τίμων ἀπολλωνίδης ὁ Νικεὺς, ὁ παρ' ἡμῶν, ἐν τῷ πρώτῳ τῶν εἰς τὰς σίλλας ὑπομνημάτων, ἃ πρὸς Φανεῖ Τιβερίῳ καίσαρι.* Quæ verba sic vertuntur : *Timon Apolloniates Nicæus, qui apud nos, in primo (libro) commentariorum in Sillos, quos quidem commentarios dedicavit Tiberio Imperatori.* Alii male verterunt : *Timon Appolloniates Nicæus, de quo in primo commentariorum in Sillos libro diximus.* Quæ verba significant Diogenem Laërtium scripsisse Commentarios in Sillos. Atqui Timon Nicæus illustravit Sillos alterius Timonis, qui vixit tempore Philadelphi Regis, non Diogenes Laërtius.

CAP. XVI.

De Fabiano Papirio insigni philosopho, quem audivit Seneca.

Fabianus Papirius magnus fuit philosophus, summa cum laude philosophiæ Romanæ accensendus, Romæ philosophatus gloriose. Libri ejus inscribebantur Civilium. Videntur igitur egisse de Morali philosophia. Lucillius tamen, ad quem scribit Seneca, sic eos legit, ut scripserit suæ non respondisse expectationi, quin & stylum ejus accusavit. Hinc Seneca Lucillio respondens lib. I. Ep. C. ait: *Oblitus de philosopho agi, compositionem ejus accusas.* Mox eum tuetur, nec tacet à se cum doceret auditum: *Mores ille non verba composuit, & animis scripsit ista, non auribus.* Ipso dicente non vacasset tibi partes intueri: adeo te summa rapuisset. Vide quæ plura sequuntur in eadem epistola, ubi etiam ait: *Affer quem Fabiano possis præponere.* Dic Ciceronem, cujus libri ad philosophiam pertinentes totidem sunt, quot Fabiani, cedam. Vides quam multa Fabianus scripserit de philosophia, quæ tamen omnia perierunt. Addit Fabianum postponendum etiam Asinio Pollioni, sed post Asinium, & Livium, & Ciceronem omnibus præponendum; quod maximæ laudis est. Vides quam multos antecedit, qui a tribus vincitur, & tribus eloquentissimis. Epist. LVIII. ait Fabianum in suis libris dixisse *essentiam*, & quidem post Ciceronem. *Auctorem hujus verbi habeo, si recentiore queris, Fabianum disertum, & elegan-*

tem orationis etiam ad nostrum fastidium nitida. Videtur igitur Fabianus sub Cajo, aut Claudio floruisse, quem etiam Plinius lib. I. inter scriptores recenset.

CAP. XVII.

Stoicos putasse, sed male animam esse corpoream, licet tenuissimam & dubitasse de ejus immortalitate. Perpenduntur quadam verba Seneca.

SToici tempore Senecæ non putabant prorsus esse immortalem animam, quandoquidem agebant *animam hominis magno pondere extriti perineare non posse, & statim spargi, quia non fuerit illi exitus liber*, ut narrat Seneca lib. I. Epist. LVII. Sic nonnulli putant Homerum putasse animam eorum, qui pereunt in aqua prorsus interire, non quod non possit pertransire, sed quia igneæ dicebatur illis temporibus esse naturæ, atque adeo ab aqua, quæ extinguit ignem, opprimi, & suffocari. Stoicis suis contradicit Seneca, cum putet animam, quamvis eam faciat corpoream adeo esse tenuem, ut incolumis possit pervadere. *Animus qui ex tenuissimo constat, deprehendi non potest, nec intra corpus affligi: Sed beneficio subtilitatis suæ per ipsa quibus premitur erumpit.* Tertullianus, qui & ipse corpoream statuit animam ait tam tenuem esse, ut de corporalitate periclitetur. Quasi dicat eam tantum non esse incorpoream. Veteres sane ante Aristotelem, ut Democritus, Heraclitus, & forte alii, tribus metiebantur animam sensu, motu, & incorpo-

corporeo. Ergo incorporeum vocabant non prorsus corporis expers, omnique quantitate carens, sed subtilissimum, tenuissimum. Nam quod movetur, & sentit id aliquatenus sit corporeum necesse est. Alio autem sensu animam dixit esse incorpoream Aristoteles sensu, nempe quo formam appellat incorpoream, quam opponit materiæ, quæ corporeitatem secum trahit.

Sed revertamur ad Senecam. Ait ipse animam *adhuc igne tenuiorem* esse. Ignis scilicet etiam aëre tenuior est, sed ignis purus, & cœlestis non noster iste, qui terreas partes ob alimentum, quo indiget admixtas habet.

Immortalitas porro animarum non erat prorsus extra controversiam apud Stoicos, quamvis nos de ea prorsus non ambigamus. Panætius sane insignis inter Stoicos immortalitati animorum insensus fuit, ut narrat Cicero, & ego suo loco indicavi. Seneca autem sic: *de animo quærendum est: An possit immortalis esse. Hoc quidem certum est, si superstes est corpori, propter hoc illum nullo genere posse perire, propter quod non perit: quoniam nulla immortalitas cum exceptione est, nec quicquam noxium æterno est.* Quæ verba ostendunt Senecam existimasse animum aut immortalem prorsus esse, omnemque animam nulla excepta esse immortalem, aut omnem animam esse mortalem. Nec videtur ea in re extra ambiguitatem de immortalitate animorum fuisse.

CAP. XVIII.

*Alexandrum Ægæum nequaquam esse auctorem
Commentariorum in Meteora, & Metaphysicam
Aristotelis. Notatur negligentia Diogenis
Laërtii.*

Commentarium in Meteora, & Metaphysicam
Aristotelis Fr. Patritius tom. I. lib. III. discuss.
Peripat. detrahere fatagit Alexandro Aphro-
disæo, & tribuere Alexandro Ægæo, nescio an so-
lidis motus argumentis. Interim seipsum confutat
Patritius, nam ex numero librorum Aristotelicorum
ejicit Meteora, & Metaphysicam, quia ipsorum non
meminit Laërtius. Sed Alexander Ægæus longe
antiquior Laërtio eos tanquam germanos fœtus Ari-
stotelis suscepit, quandoquidem commentarios in
ipsos scripsit. At, inquit, in Commentario in Meteo-
ra Alexander facit mentionem Sosigenis præceptoris.
Is Sosigenes vixit tempore Julii Cæsaris: ergo qui
eum appellat præceptorem est Alexander Ægæus,
non Aphrodisiensis.

Duo possumus regerere. Potest fieri, ut hæc ver-
ba de Sosigene præceptore ab aliquo sciolo inserta
fuerint. Sic enim ipse Patritius, ut solvat nodum, in
quem induitur, dum rejicit Commentarium in Me-
taphysicam, quia in eo fit mentio Alexandri Aphro-
disæi, inquit: *id cur non à sciolo aliquo credamus ap-
positum?*

Possumus etiam dicere Sosigenem alium fuisse
præceptorem Alexandri Aphrodis. ut plures fue-
runt

runt Alexandri philosophi, potuerunt etiam esse plures Sofigenes.

Vix autem credibile est Alexandrum Ægæum, qui vixit sub Nerone fuisse discipulum Sofigenis, cujus opera annum correxit Julius Cæsar. Ferè enim centum anni sunt à Cæsare ad Neronem. Nam si Alexander Ægæus fuisset discipulus Sofigenis floruisset sub Augusto, atque adeò ejus aliqua mentio facta fuisset. Finge autem fuisse viginti quinque saltem annorum, Alexandrum cum occideretur Julius Cæsar. Ad quam decrepitam ætatem pervenisset, ut instrueret Neronem, in quo defuit Cæsarea successio? quot enim annos imperavit Augustus, quot Tiberius? nec Claudii adeo fuit brevis principatus.

Sed ne scrupulus hæreat lectori de auctore Meteororum, quæ tribuuntur Alexandro Aphrodisæo, qui vocat Sofigenem præceptorem, sciendum præter Sofigenem Astronomum, qui vixit tempore Julii Cæsaris, fuisse olim Sofigenem philosophum peripateticum cujus meminit Dexippus in prædic. Arist. cap. III. Is enim scripsit de iis quæ dicuntur: & videtur vixisse circa tempora, ut potuerit esse præceptor Alexandri. Errat igitur Patritius, quia unum Sofigenem novit, qui vixit tempore Julii Cæsaris: cum tamen Dexippus memoret alium peripateticum philosophum, quem putamus fuisse Alexandri Aphrodisæi Magistrum.

Quantopere autem vacillet fides Laërtii in recensendis Aristotelicis libris ex eo disce, ut alia omit- tam, quod magno consensu antiqui libros Metaphysicorum tribuunt Aristoteli, quos tamen per magnam

negligentiam præterivit Laërtius. Longum foret recensere eos, qui Metaphysicam tribuunt Aristoteli.

CAP. XIX.

*A Boëtio inter philosophos recensitum Lucanum.
Agitur de mundi conflagratione, aut renovatione.*

NOli ambigere Lucanum inter philosophos esse referendum. Apud Boëtium lib. IV. prosa sexta sic loquitur philosophia: *Victtricem quidem causam diis, victam vero Catoni placuisse familiaris noster Lucanus admonuit.* Multa profecto prorsus Stoice & graviter prolata legere est apud ipsum, qualia sunt, quæ de conflagratione mundi proferuntur. Adversus quam sententiam accerrime pugnat Philo, ubi etiam ait aliquos ex Stoicis deseruisse talem opinionem, quam tamen adstruit quoque Ovidius in primo Transform.

*Esse quoque in fatis reminiscitur affore tempus
Quo mare, quo tellus, subiectaque regia cæli
Ardeat, & mundi moles operosa laboret.*

Quæ tamen verba non videntur prorsus dare exitio mundum, cum præferant exustionem quandam, qua tantum laboret, non pereat mundus. Nam Plato illuvionibus & incendiis obnoxium faciebat mundum, non tamen aiebat prorsus periturum. Neque est quod quis objiciat verba ex Timæo: *Tempus cum cælo factum, ut simul facta simul etiam dissol-*

dissolvantur; si quando solutio quædam ipsorum futura est. Nam quod de dissolvendo mundo dixerat ex sententia Democriti, & Heracliti protulit, mox quasi revocat, ostenditque, se quando de mundo agitur non velle prorsus obstinatum esse, & mordicus tueri sua dicta. Quamvis ergo existimet non perituum mundum, non tamen putat, ut omnino absurdum rejiciendum esset eorum, qui docuerunt mundum dissolvendum. Magno autem consensu Platonici tradunt mundum non esse perituum, licet ut dixi, *eluvionibus & incendiis* quibusdam eum obnoxium faciant, quæ tamen non totum perdant, neque cælum attingant, ut propterea nesciam an philosophice aut saltem secundum Platonem locutus sit Ovidius, quando dixit:

Correptaque regia Cæli

Ardeat.

Mirum porro est Lucanum Stoicum, quando agit de interitu mundi conflagrationis, & *ἐκπυρώσεως* non meminisse, sed tantum dissolutionem & confusio- nem ob oculos posuisse legantur, & perpendantur ejus verba.

Sed S. Petrus II. Ep. Cap. III. conflagrationem disertis verbis videtur nobis ob oculos ponere, dum ait: *Cælum istud, quod nunc est, & terra igni reposta sunt in die judicii, in qua cæli fluminis instar præteribunt, elementa autem incensa resolventur: & terra, & quæ in ea sunt, colliquefcent, & cæli inflammati, & elementa liquescent.* Hæc S. Petrus, qui sic exponit *ἀέρις* doctis, ut nomine cæli non intelligatur *ἀέρις*, sed æreum, neque putemus mundum

peritulum sed renovandum. Videnda prorsus sunt, quæ ex S. Patribus congerit vir doctissimus Sixtus Senensis lib. VI. biblioth. Sanctæ annot. CCCXL. ubi tamen non præteriri velim S. Epiphanium existimasse homines beato habitaturos post iudicium hanc terram. & quidem perpetuo tempore, de qua quidem sententia videndus est etiam eruditissimus Petavius, qui recte monet non eo modo id asseruisse S. Epiphanium, ut asserabant Millennarii. Quod autem secundum Platonem mundus non interiturus sit, ostendit Philo his verbis prolatis ex Timæo : *ex his quatuor singula integra mundus in suam recipit substantiam. Ex omni quippe igni, aëre, aqua, terra, ipsius faber eum ita composuit, ut nullam cujusque partem aut vim extra relinqueret, idque hac ratione fecit, primum ut totum hoc animal quam maxime perfectum ex perfectis partibus esset, dein ut esset unum, cum nihil extra relictum fuerit, ex quo generetur alterum, denique ne quis id morbus, ne quod senium attingeret.* Vide plura ibidem.

Quæres cur tanta contentione defenderit mundi incorruptibilitatem Philo, si Romæ congressus est, & locutus familiariter cum S. Petro, cujus tamen verba prorsus contraria Philonianæ disputationi? Respondendum est Philonem, si congressus est cum S. Petro, absque dubio non amplexum fuisse omnia, quæ ab ipso proferebantur. Nam Philoni scripta Platonis doctrinam, non Evangelicam sapientiam olent.

CAP. XX.

In quem locum transferat animam Pompeji Lucanus more, ut videtur Stoico. De sede animarum quid prodiderint Poëta.

Stoicum se esse ostendit Lucanus, quando lib. IX. in principio de anima Pompeji sic scribit:

Sequitur convexa Tonantis

Qua niger astriferis connectitur axibus ær,

Quodque tetet terras inter, lunaque meatus,

Semidei omnes habitant, quos ignea virtus

Innocuos vita patientes ætheris ini

Fecit, & æternos animam collegit in orbes.

Stoicorum namque sententia fuit circa lunam habitare animas, quod discere est ex Tertull. de anima cap. LIV. *In æthere dormitio cum puerariis Platonis, aut in aëre cum Ario, aut circa lunam, cum Endymionibus Zenonis.* Sed nescio, annon Lucanus voluerit dicere animam Pompeji in circulo lacteo fuisse collocatam. Nam Cicero in VI. de Republ. ibi Heroum animas degere affirmat, cui concinit Manilius. At præter aliorum opinionem lacteum circulum collocat idem Lucanus inter terras & lunam, quæ in re forte voluit sequi Aristotelem, cui circulus lacteus in aëre est contra Astronomorum consensionem, quibus quidem Astronomis magis est habenda fides.

Nescio porro, an sibi constet Lucanus, nam ait animam Pompeji pervenisse ad spatium, quod est inter

B b 5

terras,

terras, & lunam, in quo spatio degunt Heroes. Mox subjungit animam collectam fuisse in æternos orbes, & se implevisse verò lumine cœpisseque mirari vagas stellas, & astra vixæ polis. Ergo necesse est aëri subductam animam, usque ad supremum pervenisse ætherem. Nec enim aër æternorum orbium potest habere nomen. Videant eruditi, qua ratione debeant explicari Lucani verba.

Sed quærere jam lubet, cur Lucanus animam Pompeji transmittat in cœlum, cum tamen sub Republica non esset in usu cujusquam hominis *ἀνεστῶτος*. Respondendum non in usu fuisse morem *ἀποθεώσεως*, ausum tamen Tullium in VI. de Republica dicere animas eorum, qui bene essent meriti de republica avolare ad circulum lacteum, ne dicam Romanos credidisse Romulum repositum in cœtu Deorum immortalium, quamvis id singulare fuerit in Romulo, qui natus fuit ex Marte.

Postquam autem Cæsaris anima credita est ad sidera abiisse ob fidus crinitum, quod ipso interfecto apparuit, deinceps cœperunt adscribi publico ritu imperatores, hinc poëtæ blandientes iisdem Imperatoribus multa dixerunt de ipsorum animabus recipiendis suo tempore inter sidera. Virg. Eccl. IV.

Ille Deum vitam accipiet, divisque videbit permixtos Heroas; quod à nonnullis refertur ad Augustum. Alibi:

Sub pedibusque videt nubes, & sidera Daphnis.

Id à quibusdam transfertur ad Julium Cæsarem. Ovidius ult. Transform. de anima Cæsaris ait, quod Venus

nus non passa fuerit solvi in aëra, sed intulerit coelestibus astris.

Simul evolat altius illa

Flammiferumque trahens spatioſo limite crinem
Stella micat. Sub finem de Augusto sic loquitur :

Tarda ſit illa dies, & noſtro ſerior ævo

Qua caput Auguſtum, quem temperat orbe relicto
Accedat cælo.

Virgilius in primo Georg. accurate de futura apotheoſi Auguſti agit :

Anne novum tardis ſidus te menſibus addas, qua locus

Erigonem inter, chelaſque ſequentes panditur.

Ad quem locum notat Servius voluiſſe majores in his ſignis eſſe Deorum domicilia.

Dices, Manilium de circulo lacteo locutum, ut Deorum domicilium inveniret. Respondendum, aliam videri ſedem Deorum, aliam Heroum : Heroes enim cenſebantur illi, qui ex hominibus facti erant dii. Ovidius tamen in l. Transform. circulum lacteum docet eſſe viam, qua tenditur ad ſedem Jovis.

Eſt via ſublimis cælo manifeſta ſereno

Lactea nomen habet.

Hæc iter eſt ſuperis ad magni teſta Tonantis,

Regalemque Domum.

Innuit Jovem degere in ſublimiori loco, ſupra ſedem ſemideorum, ſive Heroum. Ut vero ad Virgilium de Auguſto loquentem revertamur, recte ipſe Cæſari locum tribuit inter Virginem, & Scorpionem, inter juſticiam & virtutem.

Lucanus quoque licet odisset Neronem, ei tamen blandiendo pollicetur cœlum, & amplioribus quidem verbis quam Virgilius:

Astra petes serus, prælati regia cœli

Excipiet gaudente polo.

Tibi numine ab omni

Cedetur.

Non omnia transcribo. Statius non minus blanditur Domitiano.

Licet ætior omnis

Limes agat stellas.

Ne miremur si Lucanus, si Statius, si Virgilius non loquantur de via lactea, ubi collocantur Cicerone, & Manilio Heroes: nam Cæsares inter Deos non semideos satagunt referre. Dubitandum autem non est apotheosin Imperatorum, & morem referendi eos inter divos ortum habuisse ex eo, quia post Cæsaris cædem apparuit stella, quam Romani sunt interpretati animam Imperatoris occisi, volueruntque credi Imperatorum animas fieri Deos, & mundum regere.

CAP. XXI.

Libertate quadam philosophica videri Lucanum appellasse Alexandrum prædonem. Quid dici possit ad defensionem Alexandri?

Philosophicam in scribendo libertatem præfert Lucanus, dum lib. X. Alexandrum vocat *felicem prædonem*. Quod ipsi objectum à maritimo prædone, quem vocant piratam. Philosophia profecto

fectò, quæ vult nos paucissimis esse contentos omnes imperiorum fundatores videtur perstringere, ut prædones. Quo referenda sententia S. Augustini: *Magna imperia, magna latrocinia.* Cur enim invasit Persas & Indos Alexander? ut prædaretur regiones illas. Hinc Lucanus ait:

Non utile mundo

Editus exemplum, terras tot posse sub uno esse viro.

Putat ergo magna imperia Lucanus perniciofa esse humano generi. Cur ita? quia necesse, ut Rex procul sit à provinciis; Hinc fit ut præfides vexent miseros populos. Quam vero longum suscipiendum est iter, ut quis querelas ipsi Regi exponat? Reperti tamen nostra tempestate homines profectò inepti, qui cuperent totum terrarum orbem uni subesse. Id nunquam fuit, nec unquam erit. Nam magnorum Regum exercitus ad remotas admodum regiones profecti vix proficiunt adversus populos, qui suis latebris, suisque propugnaculis muniti, & tecti magna cum difficultate subjugari possunt. Sed revertamur ad Alexandrum, quem aliquis forte sic tuebitur. Nam Persas ulcisci voluit ob injurias, & damna illata Græciæ. Voluit etiam eos expellere ex locis, quæ tunc detinebant; nam & pater Philippus meditabatur bellum Persicum, quando interemtus est. Eadem mens erat Julii Cæsari. Sic se gessit Julianus Imp. dices nullum esse bellum justum nisi necessarium. Sed tempore Alexandri, Julii Cæsaris, & Juliani Persæ, & Parthi pacem colebant. Non erant ergo aliqua afficiendi molestia.

Re-

Respondendum est, non semper posse nos ulcisci hostem. Cogimur quandoque ob imbecillitatem, & temporum iniquitatem differre repetitionem rerum nostrarum. Quando ergo succedit aliquis Patri, non tenetur stare pactis initis ab ipso sed potest, si velit, experiri bello, & conari ablatas urbes recuperare: isque censetur gerere bellum necessarium. Omne enim bellum, quo recuperantur res ablatæ, iustum est, & necessarium censetur. Sic ergo defendi posse videtur Alexander militans contra Persas.

Atqua injuria, inquires, affecti fuerant Græci ab Indis? Indorum tamen Regem Porus lacessivit & oppugnavit Alexander libidine imperandi, morus, & inflammatus. Quid ad ejus defensionem dici queat vix habeo. Nam locus nullus est ultioni, ubi non illatæ sunt injuriæ, cum præsertim sciamus Alexandrum ided invasisse Indos, ut æquaret gloriam Liberi patris, & inter Deos tandem referretur. Hinc ergo factum, ut puto, ut Lucanus prædonem ipsum nominaverit. Nam & de Romulo sic locutus est Juvenalis, in fine Sat. X.

Aut pastor fuit, aut illud quod dicere nolo.

Vult enim dicere prædonem, & latronem fuisse Romulum, qui pessimos homines convocavit, ut regnum fundaret.

CAP. XXII.

*De alio Canio non philosopho.
(refer ad Cap. LVI.)*

Philo-

Philosophus severus & arduus Canius, de quo loquitur Seneca nequaquam confundendus cum alio Canio Gaditano, qui vixit tempore Domitiani, quique fuit vir jocosus, & Martiali junctus amicitia. Sic enim Martialis lib. I. Epigr. LXII.

Gaudent jocosæ Canio suo Gades.

Quodque Canius fuerit jocosus discere est lib. I. Ep. LXX. quod Epigramma ostendit eum velut satyrum aliquem frequenter admodum ridere. Gades porro dictæ sunt jocosæ, quod Gaditanæ puellæ ad voluptatem facerent, luderentque mirificè. Hinc factum ut idem poeta alibi eas *improbas* appellaverit. Aptè autem jocosas vocavit Gades Martialis, cum de Canio loqueretur illinc oriundo, cum dignus admodum esset sua patria vir jocosus, & sale multo abundans. Non erat ergò quod Ramirez reprehenderet Radearum, quod putarit jocosas dictas Gades à Martiali etiam Canii, qui facetus admodum & urbanus erat, causa. Gades scilicet erant dignæ Canio, & Canius honore suis salibus afficiebat patriam.

CAP. XXIII.

*Adhuc describitur Stoicismus Deciani oriundi
Emerita.*

(refer ad Cap. LXXXIII.)

Is quæ de Deciano prolata sunt, addenda est patria Emerita. Emerita, inquam, fuit oriundus Decianus; testatur id Martialis lib. I. Ep. LXII.

*Gaudent jocosæ Canio suo Gades,
Emerita Deciano meo.*

Qui

Qui quidem Decianus & probus, & doctus admodum fuit. Nam lib. I. Ep. XL. sic eum laudat Martialis, ut dicat esse *Cecropia Latiaeque Minervæ artibus madidum, recti custodem, imitatore honesti, & nihil arcani, qui roget ore Deos, magnæ subnixum robore mentis.* Nonne hæc ostendunt Decianum ad Stoicam sapientiam composuisse mores, nec contentum fuisse cortice Zenonii dogmatis? Certè Persius, qui Stoicus & ipse fuit invehitur in sui seculi homines, qui claris verbis videbantur à Diis petere *mentem bonam, famam, fidem*, cum interim introrsum alia optarent. Vir scilicet sapiens, verusque Stoicus non petit ea, non cupit nisi quæ palam efferi possunt, damnatque eos, qui quasi seductis Diis committunt sua vota, ut scilicet ille, *cujus bonis inhiant, quamprimum moriatur.*

CAP. XXIV.

De quodam Pannico qui differens de philosophia turpiter vivebat.

(refer ad Cap. LXXXIV.)

Non meretur inter philosophos recenseri, qui de decretis philosophorum differit, ut sua vitia tegat. Tales multi erant Romæ, qui turpem notam inurebant philosophicæ sapientiæ, in quos gravissimè invehitur Juvenalis satyra quæ incipit:

Ultra Sauromatas fugere hinc libet.

Inter hujusmodi philosophiæ carcinomata, & de honestamenta referendus est quidam turpissimus Pannicus, de quo Martialis scribit lib. IX. Ep. XLVIII.

Demo-

*Democritos, Zenonas, inexplicitosque Platonas,
Quicquid & hirsutis squalet imaginibus,
Sic quasi Pythagoræ loqueris successor & heres,
Præpendet mento nec tibi barba minor.*

Mox eum inter hircosos, & pilosos recenset, ei-
que foedissimam objicit voluptatem, de qua fileri
debet inter modestos homines. Vult autem sibi re-
sponderi à Pannico quod dogma sit præcidi, quam
interrogationem proponit, quia dixerat :

Tu qui sectarum causas, & pondera nosti.

Alludit ad vocabulum sectæ, quod dictum est à secan-
do. Hinc quærit: præcidi quod dogma est? nam si tu
nostis quid sibi velint sectæ, scies etiam, quodnam sit
decretum, quæ sententia, quæ agit de præcidendo.
Sed abeat Pannicus iste procul à sapientiæ theatro.

CAP. XXV.

*De Adriano Imperatore addicto vanitati Astro-
logica. Quantopere Roma ea in re ab homini-
bus insaniretur.*

A Elii Spartiani de Hadriano sunt verba: *Ma-
thesin sic scire sibi visus est, ut sero Calendis Ja-
nuarii scripserit, quod ei toto anno posset eveni-
re: ita, ut eo anno, quo periit usque ad illam qua est mor-
tuis scripserit, quid acturus esset.*

Aded invaluerat Romæ mos habendi fidem Astro-
logis, ut valde multi ephemerides sibi juberent
conscribi, quas subinde inspiciebant, nec quicquam
temere suscipiebant talibus ephemeridibus non in-
spectis. Vocantur enim ephemerides scripta Astro-

logorum, quibus indicant, quid ei, à quo consulti sunt, quoque anno, & mense, imò & die even-
turum sit. Adrianus porrò tantum profecerat in
ejusmodi arte, ut opera Astrologi non indiguerit,
sed ipse sibi Ephemeridem composuerit.

Infaniam porrò ipsarum etiam scëminarum cre-
dentium Astrologis perstringit gravissimè Juvenalis
Satyra VI.

Illius occursum etiam vitare memento

In cujus manibus, ceu pingua succina, tritas

Cernis ephemeridas: quæ nullum consulit, & jam

Consulitur: quæ castra viro patriamque petente,

Non ibit pariter numeris revocata Thrasylly.

Ubi vides Romæ solitas ipsas etiam mulieres Astro-
logiæ dare operam, & exercere Mathesin. Tan-
topere occupaverat animos ejusmodi superstitio.
Igitur ipsæ mulieres conjectrices erat, & sydera in-
spiciebant, eventusque hominum scrutabantur.
Scholiastes interpretatur nomen ephemeridum.
Membrana Mathematicorum actus diurnos scilicet
continens. Ne ergo miremur Adrianum Imperato-
rem sibi conscripsisse Ephemeridem, si ipse mulie-
res Romæ ejusmodi membranas sibi parabant. Sa-
pientiores autem philosophi Astrologiam apoteles-
maticam sive judiciariam visi sunt improbare, deque
talibus Astrologis visus est loqui Plato in Timæo: *in*
aves homines transeunt illi, qui simplices, & innocentes
cam sint, leves tamen sunt, & frustra in rebus sublimibus
curiosi: quique adeo fatui sunt, ut oculorum judicio con-
fisi, hoc altissima quæque firmiter demonstrari posse non
dubitent. Quibus verbis nequaquam existimandus

est Plato damnaſſe legitimam Aſtronomiam, quæ curſum cœleſtium corporum metitur, ſed eam, quæ inventa eſt ab Indis, & Chaldæis ad proſpiciendos actus hominum aut felices, aut adverſæ obnoxios fortunæ. Contra quos Chaldæos diſputat etiam vir ſapiens Plotinus, in libro :

Utrum ſtella aliquid agant.

Concinnit Plotino doctiſſimus Simplicius in Enchiridion Epicteti cap. III. ejus verba lubet tranſcribere : *Contra eos, qui cœli motus certos atque orbes non actiones ſolum noſtras, ſed & electiones etiam cogere nibilque in nobis relinquere, verum tantum nomen eſſe hoc, quod liberum arbitrium appellamus, dicendum eſt. Si ingenuſ incorruptibilis que eſt animus rationalis, quod nunc tanquam ſuppoſitum accipiat, cum alibi demonſtratum ſit, licet Stoici aliud de eo opinati ſunt, ſi igitur ingenuſ eſt, & incorruptibilis animus rationalis, ipſe quidem ſub motis cauſis ſubſiſtere non dicatur. Vide apud eundem totam diſputationem eamque accuratè perpende, ut intelligas quatenus aliquid ex aſtris de humana vita cognosci poteſt.*

Nam quod ingenuſ ait eſſe animum, ut oſtendat eſſe incorruptibilem contra Stoicos, qui corruptioni faciebant eum obnoxium, id ſic explica, dicque putaffe Simplicium ab æterno fuiſſe animum, non quod careat cauſa. Nam veteres illi omne, quod gignitur nunc & producit, putabant eſſe corruptibile. Nos verò aſſerimus animum eſſe immortalem, quia à Deo quotidie creatur, non autem ſit ex cauſis naturalibus. Etſi autem non idem dicamus cum Simplicio de origine animæ, nec aſſeramus fuiſſe ab

æterno, cum ipso tamen ejus immortalitatem tuemur adversus Stoicos, & contra Astrologos negamus eam cogi, & carere sua libertate.

Platonicum porrò agit Simplicius, dum ait: *quoties forma puniens divina bonitatis cum hoc loco certa habitudinis respectusque convenerit, tunc in illum locum animi punitione indigentes demittuntur. Omnibus enim in rebus similitudo, & familiaritas conciliatrix est.*

Talem demissionem ex astris, talemque punitionem nos nequaquam agnoscimus, interim accipimus, ut vera hæc verba Simplicii: *ut autem bene vel male utantur vita, in seipsis potestatem habent.*

Pergit & inquit: *vivendi modos ac species, veluti rusticanam vel Mercatoriam, vel Musicam animi ipsi secundum priorem habitum eligunt, & Deus ipsis pro dignitate distribuit.* Hoc itidem Platonicum est præ-existentiamque supponit animorum, quam præ-existentiam non agnoscimus. Mox recte ait, *vivendi qualitatem ab ipsis animis adjici,* ne quis putet à Fato cogi, nosque arbitrii carere libertate. Nunc versiculis alloquamur Adrianum Imperatorem deditum vanitati Astrologicæ.

Cur curiosus, Adriane, suspicis

Orbes, & astrorum vias

Motusque siderum notas vagantium?

Quin quæ remota sunt polo

Toto, Deum celsa domo, domo Jovis

Relinque, & imminetia

Gnavus sagaxque sustine negotia.

Sic inclytum perennibus

Te Principem canent Camæna versibus,

Morique Phæbus non finet.

CAP. XXVI.

*De Plotini præceptore Ammonio, quem Porphyrius
dicit fuisse Gentilem, fuisse Christianum
contra Porphyrium testantur S. Hieronymus & Eusebius.*

Plotinum diximus profecisse sub Ammonio, imò tredecim annorum spatio apud ipsum vixisse. Quis autem non miretur discipulum, qui tantopere mirabatur præceptorem, non fuisse illustratum lumine sapientiæ Christianæ, sed hæsisse in dogmatibus Platonicis, eaque porro aliis tradidisse, & monumentis litterarum mandasse? nam S. Hieronymus, & Eusebius disertis verbis docent Christianum fuisse Ammonium, quin addit Eusebius ab eo exaratum librum de consensione Mosis & Jesu. Porphyrius fatetur Ammonium Christianum fuisse, cum puer esset, sed spreta Christiana religione adhæsisse gentilibus philosophis: cui fidem habere quia non possumus, rursus miramur ex ejusdem schola Platonica dogmata Origenem sic hausisse, ut ipsa ad intervertendam interpolandam religionem christianam transtulerit, qua de re conqueritur Justinianus Imperator, conqueruntur alii. Auditum etiam non est unquam sedisse in Cathedra philosophica Alexandrina philosophum Christianum. Nam Origenes Alexandriæ non docuit è Cathedra philosophica; sed Cathechista fuit, docuitque Christianos adolescentes, licet privatim de philosophorum dogmatibus differeret, omnibusque sui copiam faceret. An

ergo negandum est Ammonium præceptorem Plotini, & Origenis fuisse Christianum? negandum id nequaquam est propter auctoritatem S. Hieronymi, & Eusebii, quicquid dixerit Porphyrius in vita Plotini. Non igitur contradicimus affirmantibus de religione Christiana Ammonii, quem tamen testatur Hierocles conatum conciliare Aristotelem cum Platone, & induxisse talis concordie rationem. Cur quæso Christianus philosophus fuit sollicitus de concordia illorum philosophorum, cum qui scribebant illa tempestate pro religione christiana de discordia duorum philosophorum gloriarentur, eaque ad confutandos gentiles uterentur? Cur etiam Ammonius cum Christianus esset à sede celsa Platonis dogmata interpretabatur, quæ tamen contraria sunt veritati Christianæ plurimis in rebus? Huic objectioni sic forte occurrere licet, ut dicas etiam Boëtium, qui tamen Christianus erat, conatum ad concordiam revocare Platonem & Aristotelem, atque etiam interpretatum sententias Aristotelicas, quæ tamen nostræ religioni in multis adversantur.

CAP. XXVII.

De Origenis Romam adventu. De ejus aut defensione, aut damnatione proferuntur nonnulla.

A Liquid deesset Progressui philosophiæ apud urbem Romam, si Origenes omitteretur, de cujus adventu sine dubio sibi gloriata est urbs regina

regina rerum. Quantus enim fuerit in philosophia, quam latè patuerit ejus cognitio, quanta facilitate pervaserit omnia Philosophorum latifundia, ad omnium scholarum penetrarit hypotheses, pertigerit arcana nos satis superque docent verba Porphyrii in vita Plotini, quæ cum notissima sint, non hic à me repetuntur. Quod verò urbem Romam adiverit Origenes, tradit Eusebius lib. VI. cap. XIV. *Adamantius verò* (nam & id nominis erat Origeni) *Roma se sub Zephyrino tum temporis Romana Ecclesia præside alicubi scribit* (Alexander) *quod videlicet antiquissimam Romanorum ecclesiam videre optaverit, ibique non diu moratus.* Contigit id sub Antonino filio Severi. Quod non diu hæserit Romæ id ut puto causæ fuit, quia cupiebat quamprimum Alexandriam reverti, multosque instruere in Christiana fide, ad quam quidem juvenes alliciebat tradendo philosophiam. Hinc scribit idem Eusebius lib. VI. cap. XVIII. *& hæreticorum quoque innumeri, & philosophorum præsertim illustrium non pauci studiose illum audiverunt, & non solum in divinis, sed & in externa philosophia ab illo instituti sunt ad philosophicas disciplinas, quotquot ingeniosos videbat, induxit, illisque Geometriam, & Arithmeticam, & reliquas artes liberales tradidit.* Hæc ille. Sed cur Adamantius vocatus est Origenes? forte ob indefessum laborem, quem exantlavit in conscribendis tot voluminibus. Rufinus Apol. in D. Hieronymum, sic scribit: *& is quem modò Chalcenterum tuum vocas, & pro meo* ^{Id. sym.} *dabilis laboris ait Adamantium nominatum.* Id. ^{sym.} Chalcenterus fuit appellatus propter li-

brorum multitudinem, & Hesichastes Ferratus est dictus.

Cæterum ob Origenem, ejusque scripta gravissima diffidia extiterunt inter viros Ecclesiasticos, aliquibus eum tuentibus, aliis & quidem pluribus damnantibus. Nam qui eum tuebantur non defendebant omnia, quæ in ipsius scriptis extabant, sed agebant ab hæreticis fuisse opera tanti viri depravata, & non debere commenta sectariorum summo homini impingi. Pro Origene itaque certarunt Pamphilus Martyr, cujus adhuc extat Apologia, Eusebiusque nec S. Chrysostomus potuit induci, ut Origeni nigrum theta apponeret. Ruffinus acerrime se gessit pro eodem contra D. Hieronymum. Negat autem Pamphilus ab Origene negatam mortuorum resurrectionem, aut traditam animarum transmigrationem.

Attamen Synodus Alexandrina Origenem damnavit, de qua Synodo scribit S. Epiphanius ad S. Hieronymum, & Socrates, & Sozomenus, quin & Synodus VI. oecumenica in ejus memoriam telum anathematis strinxit.

Et tamen nostris temporibus Origenis defensionem non dubitarunt aliqui suscipere, Picus Mirandulæ Princeps, nonnulli Parisienses, & novissimè Genebrardus.

Apud Sidonium Apollinarem lib. II. Ep. IX. hæc leguntur verba: *simili scientia viri lectitabantur, quos inter Origenes Adamantius Turrano Ruffino interpretatus sedulo fidei nostræ lectoribus inspiciebatur. Et prout singulis cordi diversa censentes sermocinabantur: Cur à quibusdam prothomystarum tanquam ven-*

vendus tractator improbaretur? quamquam sic esset ad verbum sententiamque translatus, ut nec Apulejus Phadonem sic Platonis, neque Tullius Ctesiphontem sic Demosthenis in usum regulamque Romani sermonis exscripserint. Vides quantopere probaverit versionem Ruffini Sidonius. Gennadius sanè Cap. XVII. ait non rationibus, sed factionibus damnatum fuisse Ruffinum. Sed major est auctoritas Pontificis Gelasii, qui opuscula quædam non omnia Ruffini repudiavit dist. XV. c. Romana Ecclesia. De alterationibus Origenis causa inter S. Hieronymum, & Ruffinum exoritur videnda, quæ accuratè summus vir Baronius exposuit, & expedivit.

Ut vero ad Origenem revertar, & imponam finem iis, quæ de ipso protuli, fateor me mirari tanta contentione à Genebrardo susceptam Origenis defensionem, cum tamen sciret à VI. Synodo oecumenica dictum illi fuisse anathema. An enim nos absolvemus eum quem Concilium oecumenicum damnavit?

CAP. XXVIII.

Mammæa erga philosophiam propensa ad se jubet venire Origenem.

Tanto affectu prosecuta est Mammæa Imperatoris Alexandri mater philosophiam, ut licet ipsa non esset prorsus christiana, tamen cum audiret quantus esset in omni scientiarum genere Origenes, quodque omnes philosophorum opiniones apprimè nosset, eum ad se venire jussit, diuque detinu-

it. Quo tempore absque dubio multa non tantum de philosophia audivit, sed & auribus excepit arcana divinarum literarum. Audiamus Eusebium

lib. VI. histor. Eccles. cap. XXI. *Mammæa Imperatoris Alexandri mater, mulier, si quæpiam alia pientissima, ac moribus religiosa, cum de Origene passim rumor vulgaretur, ita ut ad ipsius aures veniret, optatissimum ducebat, si viri illius aspectu digna haberetur, & sapientiæ ejus circa divina, quam omnes admirabantur, experimentum caperet, Antiochia commorata misso satellitio ad se illum vocat. Apud hanc cum aliquandiu egisset, & plurima in gloriam Domini, ac divine doctrinæ virtutem prestitisset, ad consuetam scholam revertitur.*

Videat jam lector, an verisimile sit adeo insensum fuisse Christianis Ulpianum, cum ejus consilio in omnibus uteretur Mammæa. Nam quis credat sceminam pendentem ex consilio hominis Gentilis, qui magno odio prosequeretur Christianos voluisse ad se venire præcipuum ac clarissimum doctrinæ Christianæ interpretem, eumque aliquandiu honorifice detinuisse, exque ejus ore multa de arcanis Christianorum dogmatum audivisse? Apparet autem tunc Mameam ad se vocasse Origenem, quando Alexander Antiochiam exercitum adduxit, cum prius magna clade fuisset affectus à Persis, qua de re agit Herodianus lib. VI. histor. ubi etiam videtur indicare plus nimio indulgisse delitiis in ea urbe Imperatorem. *Ἀνεμίνης αὐτῷ τῆς περὶ τὰ μολεμικὰ φροντίδος, ταῖς τῆς πόλεως ἐχόλαζε τρυφαίς.* Potens scilicet

cet erat urbs illa ad emolliendos animos suis delitiis, qua de renon pauca congeri possent.

CAP. XXIX.

Ob Philosophiam extitisse mitem etiam erga Christianos Alexandrum Imperatorem. Defenditur Ulpianus.

(refer ad Cap. CLIX.)

PRæceptis philosophiæ cum abundaverit Alexander Severus, electatusque fuerit sapientum Virorum consuetudine, mirari nequaquam debemus, si nequaquam fuso sanguine innocentum hominum scedaverit manus, quam laudem ei tribuunt historici, qui simul non dissimulant eum bene erga Christianam religionem fuisse affectum, cum privatim in larario coleret Christum, cum laudaret sententiam illam profectam à Christianis: *Quod tibi non vis fieri, alteri ne feceris*. Cum locum iisdem Christianis tribuerit, in quo possent Ecclesiam construere. Hanc lenitatem, mansuetudinemque absque dubio hausit à monitis sapientissimi Juris-Consulti Ulpiani, qui ei extitit tutor, cum anno XVI. suæ ætatis, Imperator fuisset renunciatus. Non ergo credibile est, quod tamen magnus Annalium Conditor Baronius asserit, Ulpianum fuisse averso prorsus animo erga Christianos eosque odio profecutum internecino.

Dices, si aded mitis in omnes fuit Alexander, cur Severus appellatus est? Responsio in promptu est, quia severum se præbuit ergo prætorianos petulantem se gerentes, quam petulantiam induerant sub infano Heliogabalo, quique tandem optimum Principem

pem Alexandrum, cujus severitatem ferre non volebant, impie trucidârunt. Sed quod dixi de Ulpiano, lubet exprimere versiculis.

An Ulpianus Christiani dogmatis,

Dicendus hostis efferus,

Qui tot severa edicta trux conflaverit

Contra fidem, contra polum,

Et innocentum homuncionum fuderit

Sanguen cruento acinace?

Vix hoc mihi persuadet inclytus senex,

Lux purpura Baronius.

Nam Caesar ille, natus in Syro solo,

Cui sancta Jura condidit

Usque Ulpianus, extitit velut parens

Benignus, expers cadum;

Quo more, quave mente Princeps optimus

Ab Ulpiano imbutus est.

CAP. XXX.

Rursus de Lunæ globo, & cujus substantiæ sit.

(refer ad Cap. CLXXXI.)

AD Lunæ substantiam naturamque cognoscendam sequentia adhuc conferre poterunt.

Porphyrius in Epist. ad Anebuntem Ægyptium teste D. Augustino de C. D. lib. X. cap. XI. ait dæmones trahere humidum vaporem, & ideo non in æthere esse, sed in ipso globo Lunæ. Vides Porphyrium putasse Lunam non ambiri ab æthere, neque esse in æthereâ regione.

Addit Lunam Magicis artibus cogi ad imperata facienda, ut scilicet despumet. Existimavit ergo Porphyrius obnoxiam esse Lunam alicui alterationi, præter perfectivam.

S.

S. Augustinus enarratione in psalmum X. docet probabile esse lunam carere proprio lumine. *Dua, inquit, sunt de luna opiniones probabiles. Harum autem quæ vera sit, aut non omnino, aut difficillime arbitrari posse hominem scire, alii dicunt non habere lumen proprium, sed à sole illustrari.* Si probabile est Lunam carere proprio lumine, crede eam simillimam esse terræ, terrestrisque esse naturæ.

Macrobius in somnium Scip. cap. XI. *A Luna deorsum natura incipit caducorum. Illam ætheream terram physici vocaverunt, & habitatores ejus lunares populos nuncupaverunt: quod ita esse plurimis argumentis, quæ nunc longum est enumerare, docuerunt.* Vides physicos Veteres nequaquam stetisse à partibus Aristotelis, neque mutationes substantiales quæ fiunt in Luna, illi globo detraxisse.

Non hic dicat aliquis me lunares homines adstruere, nam tantum historicum ago, ostendoque quintam substantiam peripateticorum habuisse contradictores Physicos Veteres, qui non paucis se muniverunt argumentis, teste quidem Macrobio.

Idem scriptor plura nobis suppeditat lib. I. in somnium Scip. cap. XIX. *Luna propria luce caret, & de Sole mutuatur. Hinc necesse est fonti luminis sui esse subjectam. Hæc enim ratio facit Lunam non habere lumen proprium. Mox subjicit, Lunam, quia sola ipsa sub Sole est, & caducorum jam regione luce sua carenti proxima, lucem nisi de superposito Sole, cui resplendet habere non potuit. Lunam terram ætheream vocaverunt.*

Idem tradit calorem infundi à lumine solari Lunæ, licet ejusmodi calor ad nos non deferatur. *Encis*

radius, inquit, cum in Lunæ corpus infunditur, & inde resplendet: solam refundit claritudinem non calorem: nam & speculum cum splendorem de se vi oppositi eminens ignis emittit, solam ignis similitudinem carentem sensu caloris ostendit.

Laërtius in vita Anaxagoræ ait eum docuisse Lunam habitacula in se habere, & colles, & valles.

Plinius lib. II. cap. IX. non videtur ambigere Lunam accipere à terra humorem, imo ex eo colligit reliqua quoque sydera. & Solem ipsum pasci terreno humore: *Sydera haud dubie humore terreno pasci, quia orbe dimidio maculosa cernatur, scilicet nondum suppetente ad hauriendum ultra iusta vi. Maculas enim non aliud esse, quam terra raptas cum humore sordes.* Idem Plin. lib. II. cap. LXVIII. de Oceano: *Sydera ipsa tot hac tanta magnitudinis pascens.* Seneca quæst. Nat. lib. II. cap. V. tradit Sydera ait à terra. Lucr. unde *æther sydera pascit* Lucan. *Nec non Oceano pasci cælumque polumque credimus.*

Mire profectò obdurant hac tempestate Peripatetici in neganda inæqualitate partium Lunæ, inque summo lævore ejus asserendo, cum tamen adminiculo telescopii deprehensa sit ingens diversitas, eminentibus nonnullis partibus, aliis depressis vallium in modum. An enim licet in tanta luce negare umbras jaci in orbe lunari? quæ quidem umbræ varietatem experiuntur prorsus qualem in excelsis Alpibus oculis usurpamus: à cacuminibus enim jacitur lux in adversos vertices oriente sole, vallibus interim destitutis nitore radiorum, qui jaciuntur à sole, dum paulatim sole progrediente, & consurgente decreverunt umbræ, donec illustratis ipsis quoque vallibus

pror-

prorsus tollantur, & aufugiant. Eundem progressum lucis, & decrementum umbrarum, tibi quicumque es, si modò non respuas tubum opticum, in Luna observare licebit, ut intelligas quanta sit inter terram, Lunamque similitudo.

CAP. XXXI.

De Sopatri morte. Rejicitur quedam narratio apud Suidam.

Sopatri in mortem obdurat fera Caesaris ira.

Quid mirum? Natum sustulit illa prius.

AN verisimile est Sopatrum magicis dedisse operam artibus, & utribus clausisse ventos, ne possent spirare? non deest vir notissimus, qui plerisque omnibus philosophis Magiam vetitam imputat. Quod an jure faciat, doctorum hominum esto judicium. Plotinum ex eo colligit fuisse Magum, quia ei apparuit Genius, passus se videri humanis oculis. Atqui & Brutus vidit Genium, nec tamen quisquam Magum fuisse testatur Brutum. Constat namque unicuique à nativitate adesse Angelum custodem. An si quis eum videat, continuò Magus est appellandus? Nequaquam. Ille demum magicis dicetur esse obnoxius præstigiis, si quis magico murmure, adhibitis ritibus, humano sanguine sparso cogat adesse genium, aut animam, eamque interroget, & respondere cogat. Nihil autem hujusmodi legitur vel de Sopatro, vel Plotino.

Quod vero apud Suidam legitur Constantinus ideo interemisse Sopatrum, ut ostenderet se non amplius Gentili esse addictum superstitioni, id etiam nescio, an sit consentaneum veritati, nam antequam Byzantium se

se conferret imperator ille, palam religionem christianam est professus, quod non minus Gentiles scriptores testantur quam Christiani. Caute igitur suscipienda sunt, quæ prostant in collectaneis Suidæ, quandoquidem absque delectu undique ex scriptoribus sive dignis fide, sive sequioris notæ volumen illud conflatum est.

Probabilius autem ideo Sopatrum interemtum fuisse à Constantino, quia Credulus Imperator fidem habuit subdolis aulicis calumniatoribus, accusantibus Sopatrum clausorum in utribus ventorum, ne catapulus posset Alexandrinus apellere Byzantium, frumentumque deferre.

Apud eundem Suidam improbatum factum Constantini occidentis Sopatrum; nam dixerat à Constantino occisum eximium philosophum, ut ostenderet Cæsar, se non amplius esse addictum religioni Gentilium. Hinc subditur apud Suidam. *Sopatrum Constantinus non juste occidit. Bonus enim est non necessario, sed ex charitate, & Christus non vi cogit, sed charitate allicit.* Alii dixerunt fidem non imperari, sed suaderi. Sed ut dixi nequaquam credendum est religionis causa à Constantino cæsum fuisse Sopatrum.

*Gratias tibi, ô Deus omnium rerum conditor,
& sospitator.*

P I S I S,

Typis Amatoris Massæ, & Laurentii de Landis.
Superiorum Permissu, MDCXLIII.

INDEX

INDEX I.

Continens reliqua Capita Pagan. Gaudentii de Philosophia apud Romanos.

- Cap. CV. de Apulejo Madaurenfi, philosopho Platonico. P. 1.
- CVI. an Apulejus putarit Aristotelem scripsisse librum de mundo ad Alexandrum? 2
- CVII. Aristotelem apud Apulejum docuisse licet male, Deum sua substantia esse tantum in cœlo. 6
- CVIII. an Autor libri de Mundo versi ab Apulejo, dum vocat cœlum quintam substantiam senserit cum Platone. 7.
- CIX. illustratur dictum Apulei narrantis etiam fœminas sub disciplina Platonis Philosophatas 11.
- CX. de libro Apuleji, quo descripsit Medicamenta ex viribus herbarum. Agitur de antiquitate Medicinæ, & quod Medicina non debeat confundi cum Medicis. 12
- CXI. de Crescente philosopho Cynico, qui Romæ accusavit S. Justinum. Perpenditur quoddam edictum Trajani adversus Christianos 18.
- CXII. quid impulerit Justinum ut relicta philosophia Platonis, & veteri superstitione transfret ad Christianos? proferuntur nonnulla Philosophica ex ejus scriptis. 21.
- CXIII. de ἀδιαφορία, (lat. indifferentia) Crescentis 218
- (3) D d

INDEX I.

- tis Cynici quid scripserit S. Justinus? plura de
 Rebus indifferentibus proferuntur. 24.
- Cap. CXIV. de Veritate Christiana nitente Mosaica
 antiquitate quid differat S. Justinus contra gen-
 tes? agitur rursus de auctoritate antiquita-
 tum quas scripsit Iosephus. 27.
- CXV. de Disputationibus S. Justini contra Aristo-
 telem. Perpenduntur duo loci apud Aristo-
 telem de coelo. 31.
- CXVI. de quadam repugnantia, quam tribuit Pla-
 toni loquenti in Timæo S. Justinus. Perpen-
 ditur generica divisio Entis secundum Plato-
 nem. 33.
- CXVII. Perpenduntur adhuc verba Platonis Dii
 Deorum quorum ego opifex prolata a S. Ju-
 stino. 37.
- CXVIII. ut magis intelligantur verba Platonis
 prolata a S. Justino, queritur, an & quate-
 nus voluntas Dei corporum mundanorum
 vinculum sit? 41.
- CXIX. quid de Anima genita, vel ingenita secun-
 dum Platonem, imo de mundo vel genito,
 vel ingenito nonnulli protulerint, ut repu-
 gnantia nodum tollerent. 46.
- CXX. de argumentatione S. Justini, qua colligit
 Aristotelem docuisse animam esse mortalem.
 De *Εντελεχίαις* non pauca proferuntur 54.
- CXXI. non pauca alia de Entelechia Aristotelica;
 de qua præcedenti capite prolata est argumen-
 tatio S. Justini, depromuntur. 59.
- CXXII. de versione LXX. Interpretum, qua usus
 est

CAPITULUM.

- est in suis operibus. S. Justinus, non pauca nota depromuntur. 72.
- Cap. CXXIII. perpenduntur quædam quæstiones propositæ Gentilibus philosophis à quodam authore inter opera S. Justinii. 76.
- CXXIV. de duobus principiis Manichæorum quid tradatur, ab authore quæstionum, quæ reperiuntur inter opera S. Justinii? 80.
- CXXV. centum, & quadraginta sex responsiones ad orthodoxos non esse Justinii, nec quandam expositionem fidei. 84.
- CXXVI. repetuntur verba quædam ex Timæo Platonis facientia ad repugnantiam de mundo genito, & ingenito, quam objecit eidem Platoni S. Justinus. 86.
- CXXVII. de Verbis quibusdam, quæ objecit Aristoteli S. Justinus, in quibus agitur de natura cæli. 91.
- CXXVIII. novissimè cum S. Justino objiciente Aristoteli perpenduntur duo loci ex tertio de cælo. 95.
- CXXIX. de iis qui pravo more architectati sunt opiniones ex S. Scriptura mala intellecta, & detorta philosophia, Romæ se inferentes 102.
- CXXX. de Marci Antonini summa diligentia in discenda philosophia. Agitur de ejus præceptoribus. 105.
- CXXXI. quantus in philosophia fuerit Marcus Antonius, quantus item in gerenda Republica 108.
- Cap.
- D d 2

INDEX I.

- Cap. CXXXII. valde multos sub Antonio assumpſiſſe
formam philoſophorum, ut diſceſcerent. 111.
- CXXXIII. nonnulla ex libris Marci Imperatoris
de vita ſua depromuntur & explicantur. 112.
- CXXXIV. de Ariano, qui compoſuit Enchiridium
Epiſceti. 119.
- CXXXV. de Arnuphi philoſopho, vel Mago reji-
citur quædam narratio, quæ reperitur apud
Suidam. 121.
- CXXXVI. non parum Romæ auctam philoſophiam
opera Galeni. Quando hîc floruerit. 122.
- CXXXVII. refertur, & aliquatenus rejicitur ſen-
tentia Galeni de pulchritudine. 128.
- CXXXVIII. an Medicina ſit ſcientia, & quidem ſe-
cundum Galenum? 131.
- CXXXIX. denuo quædam de Galeni omnimoda
cognitione depromuntur. Notantur aliqui
Medici, qui Galenum jaſtant. Agitur de
cognitione linguæ Græcæ, & aliarum lingua-
rum. 134.
- CXL. de Cauſa dierum Criticorum, quid protulerit
Galenus? An Ariſtoteles videatur numeris
tribuiſſe aliquam viam? 138.
- CXLI. An ſit conſentanea doctrinæ Galenicæ divi-
ſio Medicinæ in Theoricam & Practicam? 139.
- CXLII. de Laurentio imitante Luculleam magni-
ficentiam in excipiendis viris doctis ſub Mar-
co Imperatore. 141.
- CXLIII. de Athenæo ſcriptore Dipnoſophiſtarum.
Enumerantur aliquod convivia. De iis, qui
adſtant Principibus cœnantibus. 142.
- CXLIV.

CAPITUM.

- Cap. CXLIV. de Ulpiano Tyrio Dipnosophista sub Marco. Deque aliis tribus Ulpianis. 145.
- CXLV. de Masurio Juris-Consulto, qui floruit sub Marco, fuitque Dipnosophista. 148.
- CXLVI. de Cynulco Cynico philosopho, qui tanquam Dipnosophista interfuit cœnis Laurentianis. 149.
- CXLVII. de Medicis inter Dipnosophistas Laurentianos. An & quatenus in convivio liceat de Morbis loqui? 152.
- CXLVIII. ob Dipnosophisticam materiam commendatur Martialis, & quædam ex ipso reputantur & illustrantur? 155.
- CXLIX. EXERCITATIO DIPNOSOPHISTICA: An testamenta sint Juris Gentium, an Civilis? 161.
- CL. alia exercitatio Dipnosophistica, in qua agitur de dissidio nationum in aliquo more, ut intelligamus quænam dicantur esse Juris Gentium. 171.
- CLI. ad superiorem diatribam appendix, in qua agitur de populis, qui spreverunt Conjugia cum peregrinis. 173.
- CLII. de commodo contemptore philosophiæ. 174.
- CLIII. de Maximo Tyrio, ejusque Dissertationibus. Item de Alcino. 175.
- CLIV. de Septimii Severi doctrina. Quod de Vita sua scripserit Commentarium 177.
- CLV. de Julia uxore Imperatoris Severi favente philosophis. Extemporalitatis osiores, ho-

INDEX I.

- munciones obscuri & ignari in ordinem redi-
guntur. 179.
- Cap. CLVI. de Alexandro Aphrodisiensi. Aliquid
additur de Oppiniano Poëta. 184.
- CLVII. de Heliogabolo persequente eos, qui A-
lexandrum in disciplinis erudiebant. 185.
- CLVIII. de Mamma, quæ filium Alexandrum
sapientiæ præceptis curavit imbui. 187.
- CLIX. de Alexandri Severi philosophico studio.
Quod coluerit Apollonium Tyanæum, de
quo plura proferuntur. 189.
- CLX. de Gordiani Imperatoris philosophia. De
Sammonico Sereno, patre & filio, quorum hic
fuit præceptor Gordiani. 190.
- CLXI. de Plotino, quando se contulerit Romam,
quamdiu ibi vixerit? 192.
- CLXII. de Amelio Gentiliano, qui fuit Familiaris
Plotino. 194.
- CLXIII. de Longini Vita, scriptis & morte. Au-
reliani gloriam non parum obscuratam tanti
viri cade. 195.
- CLXIV. Romæ fuisse Porphyrium non semel, pro-
fecisse sub Plotino, vixisse usque ad Probum.
197
- CLXV. examinatur & confutatur paradoxum
Porphyrii docentis hominem esu carni-
um pollui. Agitur etiam de hæresi Ene-
cratitarum. 199
- CLXVI. putasse Porphyrium, consentire inter se
Platonem & Aristotelem. Adversus ejusmo-
di opinionem inferitur huic libro exercitatio.
205
- CLXVII.

- Cap. CLXVII. de Memoria Philosophorum celebrari
solita quorannis. 226
- CLXVIII. de Bibliothecis in urbe Roma. Quot
fuerint, qua ratione sublata? 227
- CLXIX. concussam philosophiam Romæ post-
quam Constantinus migravit Byzantium. A-
liqua de Themistio proferuntur. 228
- CLXX. expenditur ex Epistola Juliani Imperato-
ris sententia Themisti præferentis actuosam
philosophiam contemplanti. Et num Juris-
prudencia possit vocari philosophia? 231
- CLXXI. de Sopatro, qui præfuit scholæ Plotinia-
næ, & occisus fuit à Constantino. 235
- CLXXII. de honore, quo summum philosophum
Proæresium affecerunt Romani tempore Con-
stantis Imperatoris. 239
- CLXXIII. de lege philosophica, quæ reperitur
in Commentariis Servii Mauri Honorati. 240
- CLXXIV. de magno anno Platonis expositio Ser-
vii. Rejicitur quorundam opinio de regno
Christi, per mille annos duraturo in terris. 242
- CLXXV. perpenditur sententia Servii, atque alio-
rum, qui videntur rationem tribuere animali-
bus. • Ejusmodi opinio rejicitur. 245
- CLXXVI. existimasse Servium cum Stoicis supe-
riora corpora aliquid accipere ab inferioribus,
qua occasione quæritur: an repugnet Lunam
aliquid accipere à terra? 250
- CLXXVII. definitio mortis à Servio petita ex Pla-
tone expenditur, & magis ac magis adstruitur
animarum humanarum immortalitas. 256

INDEX I.

- Cap. CLXXVIII. quid de fabulis cum philosophia
conjunctis Servius proferat? Notatur nimium
allegoriarū studium in Philone & Origene. 259
- CLXXIX. de quibusdam ominosis signis, quid Ser-
vius referat ex suorum temporum anili su-
perstitione? 261
- CLXXX. Servium cum Virgilio docere Deum,
nequaquam includi cœlo. Argumentatio-
nem Aristotelis pro incorruptibilitate cœli
petitam à sede Deorum imbecillam esse. 263
- CLXXXI. de conjunctione animæ cum corpore,
quid ex sententia Platonis proferat Servius?
Explicatur Christiana sententia. 265
- CLXXXII. quando Macrobius videatur vixisse.
Non ab ipso neglectam philosophiam. Fit
mentio Disarii Medici. 268
- CLXXXIII. an Macrobius rectè tutatus sit concen-
tum cœlestium corporum, de quo Pythagoras
primus est locutus? 269
- XXXIV. de Animarum immortalitate, & sede
in cœlo, quid Scipio apud Ciceronem dicat,
& quomodo ea exponat Macrobius; cuncta
tamen esse exigenda ad theologiam christia-
nam. 273
- CLXXXV. de studio publico philosophiæ in urbe
Roma sub Christianis Imperatoribus. 277
- CLXXXVI. de Boëthio Romano Consule, qui bene
de Aristotelis meritis est philosophia. Non
præteritur Symmachus ejus Socer. 277
- CLXXXVII. laudandos esse Proceres Christianos
doctrina & eruditione conspicuos, qualis fuit
Boë-

- Boëthius. Laudantur Nicolaus de Antella, & Cardinalis de Richelieu nuper mortuus. 281
- Cap. CLXXXVIII. Boëtium non locutum de Categoriæ vocabulò detorto ad alium significatum. An liceat philosophis nova vocabula architectari? 283
- CLXXXIX. ad Boetium exponentem Ciceronis definitionem de Æquitate proponitur controversia, an nulla æquitas sit scripta? 285
- CXC. de statu animarum exponuntur verba Boetii. Explicatur etiam Petrarcha. 288
- CXCI. prædicamenta, quæ interpretatur Boetius, tradita fuisse ante Aristotelem ab Archita Pythagoræo. Confutatur quædam narratio Themistii. 289
- CXCII. existimasse Boetium Naturam secundum Aristotelem tantum dici de corporeis substantiis. De tota quæstione aliquid profertur. 291
- CXCIII. quatenus videatur Boetius definivisse hominem animal rationale mortale. 295
- CXCIV. an tantum fuerint tres modi conferendæ libertatis tempore Boetii? 295
- CXCV. nonnulla de philosophiæ divisione Platonica, & Aristotelica observantur ad ea, quæ profert Boetius? 297
- CXCVI. de divisione sectarum, & librorum Aristotelicorum, quam omisit Boetius, quædam depromuntur ex Simplicio, & illustrantur. 301
- CXCVII. de divisione philosophiæ, & de operibus Aristotelis plura depromuntur ex Ammonio, & rejicitur paradoxum Fr. Patritii. 305
- Dd 5
- CXCVIII.

- Cap. CXCVIII. perpenduntur verba Boetii de animarum incorporalitate, & earundem lapsu in corpora. Quid Platonici dixerint de descensu animarum in corpora. Explanatur quorundam veterum Theologorum opinio de præexistentia animarum. 313
- CXCIX. adstruitur innocentia Seneca verbis Boetii. Obiter aliquid profertur de morte Papiani. 319
- CC. quod philosophiæ finis sit, Deum imitari. Quatenus homo dicatur imitando Deum Deus fieri secundum Boetium. Explicantur verba S. Dionysii Areopagite. 322
- CCI. Boetium non disputasse de controversia, qua quaeritur: An logice sit philosophiæ Instrumentum? Aliquid in eam rem depromitur ex Ammonio. 323
- CCII. rejicitur Fr. Patritius, qui librum de interpretatione expositum à Boetio, & aliis, negat esse Aristotelis. Quatenus Aristoteles intellecti-
onem appellaverit passionem. 324
- CCIII. an Vocabula sint a natura, an ab hominum instituto? perpenduntur rationes Boetii, & quæ Plato tradit in Cratylo. 330
- CCIV. proponitur effatum Aristotelis asserentis, de futuris contingentibus non esse definitam veritatem, perpenditurque Boetii expositio. 332
- CCV. prædicamentorum librum, de quo in logica Boetius cum interpretibus agit, inepte à quibusdam recentioribus rejici ad Metaphysicam. 343
- CCVI.

CAPITUM.

- Cap. CCVI. Sidonium Apollinarem sapientiae mystam
Romae fuisse. Ex ejus Epistolis nonnulla ad
philosophiam facientia annotantur. 347.
- CCVII. Theodoricum favisse studiosis sapientiae,
eosque dignitatibus exornasse. Aliquid de
Musica & concentu syderum profertur. 350.
- CCVIII. ex prosapia Felicis Consulis floruisse do-
ctissimum Senatorem. Obiter an Boëtius
Athenis videatur audivisse Proclum? 352.
- CCIX. rursus de affectu Theodorici erga studia,
sapientiae prodeunt Ennodii verba. 353.
- CCX. Theodorici res facere ad Philosophiam
Romanam. Eum caluisse historiana anima-
lium 355
- CCXI. de Fauſto Seniore, & Juniore Consulari-
bus peritis disciplinarum. Quatenus Romae
studia viguerint post Barbar. irruptiones 357.
- CCXII. de Sylvestro II. Pontifice philosopho exi-
mio. Rejicitur fabula de ejus Magia. 358.

A D D E N D A . O P E R I DE PHILOSOPHIAE APUD ROMANOS, INI- TIO ET PROGRESSU.

- Cap. I. de Ovidiana narratione asserente Numam
profectum an audiendum Pythagoram. Pro-
fertur sententia Pythagoreor. de tempore. 361.
- II. an XII. tabulae continerent Philosophiam? ex-
plicantur verba Ciceronis in lib. de Orat. 366.
- III. de Sulpitio Gallo Romano perito Astronomiae
tempore belli Macedonici. 367.
- IV. quam abstinens fuerit Scipio Africanus. Lau-
datur etiam Marcus Imperator. 368.
- Cap. V.

INDEX I.

- Cap. V. qua notione Lælius dictus fuerit sapiens? ex-
penditur definitio Aristotelica sapientiæ. 369.
- VI. controversa Jura ex Diogene Stoico propo-
sita. 374.
- VII. expenditur disputatio Critolai peripatetici
contra Stoicos. Philo in quibusdam rejicitur,
in nonnullis approbatur. 375.
- VIII. de Posidonio discipulo qui fuit Romæ
tempore Marcelli. 377.
- IX. de Hecatone Stoico discipulo Panætii, qui Ro-
mæ videtur floruisse. 378.
- X. de Sosigene insigni Astronomo, cujus opera
usus est Julius Cæsar. 379.
- XI. a gravitate philosophica petitum illud: Σοφῶς,
cujus usus frequens in acclamationibus Romæ.
380.
- XII. T. Livium fuisse Philosophum, & de philoso-
phia scripsisse. 381.
- XIII. Stoicos de honestate agentes potuisse aliquid
conferre ad Jurisprudentiam. 381.
- XIV. Scholiastes Juvenalis agens de Trasyllo re-
jicitur. 383.
- XV. de Timone, qui illustravit alterius Timonis
Sillos sub Tiberio. 384.
- XVI. de Fabiano Papirio insigni philosopho,
quem audivit Seneca. 385.
- XVII. Stoicos putasse sed male animam esse corpo-
ream, licet tenuissimam & dubitasse de ejus
immortalitate. Perpenduntur quædam ver-
ba Senecæ. 386.
- XVIII. Alexandrum Ægeum nequaquam esse
auctorem Commentariorum in Meteorea, &
Meta-

CAPITUM.

- Methaphysicam Aristotelis. Notatur negligentia Diogenis Laërtii. 388.
- Cap. XIX. a Boetio inter philosophos recensitum Lucanum. Agitur de Mundi conflagratione, aut renovatione. 390.
- XX. in quem locum transferat animam Pompeji Lucanus more, ut videtur Stoico. De fede animarum quid prodiderint Poëtæ. 393.
- XXI. Libertate quadam philosophica videri Lucanum appellasse Alexandrum prædonem. Quid dici possit ad defensionem Alexandri? 396.
- XXII. de alio Canio non philosopho. 398.
- XXIII. ad huc describitur Stoicismus Deciani oriundi Emerita. 399.
- XXIV. de quodam Pannico qui differens de Philosophia turpiter vivebat. 400.
- XXV. de Adriano Imperatore addicto vanitati Astrologicæ. Quantopere Romæ ea in re ab hominibus insaniretur. 401.
- XXVI. de Plotini præceptore Ammonio, quem Porphyrius dicit fuisse Gentilem, fuisse Christianum contra Porphyrium testantur S. Hieronymus & Eusebius. 405.
- XXVII. de Origenis Romam adventu. De ejus aut defensione, aut damnatione proferuntur nonnulla. 406.
- XXVIII. Mammæa erga philosophiam propensa ad se jubet venire Origenem. 409.
- XXIX. ob Philosophiam extitisse mitem etiam erga Christianos Alexandrum Imperatorem. Defenditur Ulpianus. 411.
- XXX. rursus de lunæ globo, & cujus subst. sit. 412
- XXXI.

INDEX II.

Cap. XXXI. de Sopatri morte. Rejicitur quædam narratio apud Suidam. Sopatri in mortem, obdurat fera Cæsaris ira. Quid mirum? Natum sustulit illa prius.

415.

INDEX II.

AUTORUM.

A Cciajulus (<i>editor Egin-</i> <i>bardi,</i>)	3	Cicero (<i>de amicitia,</i>)	369
Alcinous.	8	<i>ad Atticum.</i>	26
Alexander Aphrodisæus.	263	<i>de fin.</i>	304
Ambrosius	85	<i>in Lucullo.</i>	35
Apulejus. 2. 5. 6. 9. 12.		<i>de republ.</i>	393
Aristoteles (<i>de cælo</i>)	50. 67	Claudianus,	196
<i>de anima.</i>	55. 62. 63	Cornelius Nep.	172
<i>Eth.</i>	332	Cyrillus Alex.	35
<i>Phys.</i>	88	Dalecampius,	15
Polit.	234	Dexippus,	345. 389
Asinius Pollio.	227	Diacetius,	97
Athenæus	19. 226. 135. 200	Dionysius Halicarn.	200
ejus epitomator,	149	Diodorus Siculus,	15
Averroës.	68. 254. 294	Dio Prulæus	176
Augustinus,	397. 412	E Nnodius.	354. 357
B oethius (<i>de consol. phil.</i>)	48. 49	Epiphanius.	82. 204
Bessario, (<i>pro Platone,</i>)	49	Eunapius.	189. 196. 197.
C apitolinus, (<i>Jul.</i>)	190		236. 238.
Cassiodorus	350. 352.	Eusebius,	410
	355	Eustathius.	28
Chalcidius, (<i>in Tim. Plat.</i>)	83	F Oxius,	8. 40. 47. 59
Ciaconus, (<i>Petr. de Tricli-</i> <i>nio.</i>)	143	Firmius. (<i>Jul.</i>)	350
		G alenus,	246
		Gaudensis (<i>Jac. de ara-</i> <i>rio.</i>)	86
		Gelasius (<i>pontif.</i>)	409
		H Einflus,	2
		Herodianus.	109. 111.
			410.

A U T O R U M.

H ieronymus, <u>410. 174</u> <u>18. 181</u>	P apirius Massonus <u>359</u>
Hilarius, <u>73</u>	Patritius, <u>388</u>
Hippocrates, <u>16</u>	Petavius, (<i>Dion.</i>) <u>379</u>
Homerus, <u>14. 15. 265. 275</u>	Petronius, <u>188</u>
I esaias, (<i>Cap. IX.</i>) <u>244</u>	Philo (<i>de mundi irrupti-</i> <i>bilit.</i>) <u>41. 43. 375</u>
Josephus <u>73</u>	(<i>de opificio Dei</i>) <u>52</u>
Julianus (<i>Imp.</i>) <u>205</u>	(<i>de vita Moſis,</i>) <u>73</u>
Julius Capitolinus.	(<i>de ſpecial. Leg.</i>) <u>172.</u>
Juſtinus Martyr. (<i>exhort.</i> <i>ad gent.</i>) <u>18. 22</u>	<u>173.</u>
(<i>apol.</i>) <u>77</u>	Philoſtratus <u>179. 180</u>
<i>diſput. cum Tryph.</i> <u>75</u>	Photius, (<i>Biblioth.</i>) <u>18. 34</u>
Juvenalis (<i>Scholiaſtes</i>) <u>383</u>	<u>231</u>
Juvenalis (<i>Satyric.</i>) <u>18. 400</u>	Plato, <u>362</u>
L actantius <u>244</u>	Plinius, <u>14. 15. 16. 129. 367.</u>
Laërtius <u>25. 26. 325.</u>	<u>379. 414</u>
Lampridius <u>189</u>	Plutarchus. <u>252</u>
Lucanus, <u>20. 396</u>	Porphyrus. <u>199. 246. 412</u>
Lucilius Philalthæus <u>97</u>	Proclus, <u>88</u>
Lucretius, <u>93</u>	Q uintilianus, <u>181</u>
M acrobius <u>192. 263.</u>	S acriſberienſis <u>228</u>
<u>316. 413</u>	S alluſtius (<i>philof.</i>) <u>37. 263</u>
Malmesburienſis, <u>359</u>	Seneca, <u>247. 385</u>
Manilius <u>252. 263</u>	Servius (<i>in Virgil.</i>) <u>247.</u>
Marcellinus (<i>Amm.</i>) <u>201</u>	<u>248. 250</u>
Marcus (<i>Imper.</i>)	Sidonius Apollinaris, <u>408</u>
Martialis. <u>157. 159. 328.</u>	Simplicius, (<i>ad lib. de calo.</i>)
<u>400</u>	<u>86. 89. 92.</u>
Maſſonius (<i>Papirius</i>) <u>359</u>	(<i>in Enchir. Epicteti</i>) <u>403</u>
Mazzoneus (<i>de vita activa</i> & contempl.) <u>208</u>	Sixtus Senenſis, <u>28. 85</u>
N icephorus Calliſtus. <u>18</u>	Sozomenus, <u>235</u>
O vidius <u>361. 394</u>	Spartianus, <u>191</u>
	Statius, <u>306</u>
	Strabo, <u>183</u>
	Stuchius, <u>143</u>
	Suetonius <u>181. 200</u>
	Suidas

INDEX III.

Suidas, 121.194.196.235. 236.238.416	Ulpianus (<i>de offic. procons.</i>) 112
Synesius, 12	Vopiscus, (<i>Flav.</i>) 189.195
Tacitus, 127.181	Xenophon 166.167
Tertullianus, 19.49	Xiphilinus, 121
Valerius, Maximus, 367	Zosimus, 195
Varro, 304	
Virgilius, 243.259	

INDEX III. RERUM.

A <i>Bacus</i> logistarum quomodo in Europam pervenerit, 359	<i>Æquitas</i> quid sit non venit inter Jctos & Ethicos, 286
<i>Abracatabra</i> amuletum contra febrim tertianam, 192	scripta num detur, 286
<i>Abstinentia</i> veri philosophi Character, 308	non scripta religioni iudicis committenda, 287
<i>Academia</i> Furfuraceorum & Humoristarum Romæ, 176	<i>Æsculapii</i> remedia morborum ridicula 114
<i>Acciajulus</i> edidit Eginhardum eumque tuum fecit, 3	<i>Ætheris</i> natura num sit ignea, 93
<i>Achilles</i> apud Homerum optat interesse hominibus, 275	<i>Affectus</i> mentis Aristoteli quid? 328
<i>Acilius</i> cur sapiens audiat, 189	<i>Agricultura</i> neglectus taxatur, 160.161
<i>Acclamationes</i> veter. 380.	<i>Alcinous</i> quando floruerit, 9.176
<i>Adia Popta</i> quid? 26	æternitatem mundi negat, 176
<i>Adia Popta</i> Crescentis Cyn. taxatur à S. Justino, 24	<i>Alexander</i> Ægeus nequam autor commentariorum in metaph Arist. 388
<i>Adulterium</i> Romæ ludus & jocus esse cœpit, 20	num fuerit discipulus Sotigenis, 389
<i>Ægyptii</i> medicinæ peritissimi, 14	<i>Alexander</i> Aphrodisiensis quando floruerit, 184
	præstat Averroë, 185
	<i>Alexan-</i>

Alexander M. an prædo
vocandus. 396. 397

Alexander Severus Imp.
ob philosophiam mitis
fuit erga Christianos 411
cur audiat Severus, 411

Allegoria Philonis & Ori-
genis 261

Allium pro Deo cultum
Ægyptiis 161

Amelius Gentianus præ-
ceptor Porphyrii, 194
secutus vestigia Plotini
præceptoris, 195

Amicæ obsequendum in I-
talia. 158
quibus titulis insigniun-
tur, ibid.

Ammonius num fuerit
Christianus. 405
qua mente Platonem &
Arist. conciliare studue-
rit. 23. 405
ejus divisio philosophiæ,
306

Amuletum contra hemitri-
tæum, 192

Anaxagora dogma de luna,
414

Andronicus Rhodius puta-
vit librum de interpreta-
tione non esse Aristotelis.
326

Angelus custos non com-
miscendus cum anima, 117

(3)

Anguis num creetur ex me-
dulla ovis spinali, 241

Anima an sit subiectum
metaphysices, 314

Aristoteli audit ἐντελέ-
χεια. 59

cur non ἐνέργεια aut δύ-
ναμις 63

cur non εἶδος, μορφή, vel
ιδέα, 65

ἀντικίνησις juxta Plato-
nem, 65

comparatur scientiæ ab
Aristot. 55

ingenita est secundum
Platonem, 46. 51

corporalis secundum Stoi-
cos. 56

mundi an musicam nu-
meris contextam efficiat,
271

quatenus dicatur mori,
264

quo pacto jungatur cor-
pori, 265

quotuplex juxta Aristot.
241

Anima definitio Aristote-
lica, 59

prolixè excolitur, 60. sqq.

genus num perfectio, 64

corpori junctæ status
num sit naturalis, 267

heroum quo collocentur
ab Homero, 235

Ec

INDEX III.

- incorporalitas qualis cre-
dita Boëtio, 314
mortalitas num recte tri-
buatur Aristoteli à S. Ju-
stino, 54
prædicatum num sit tem-
pus, an æternitas. 364
Animam in aquis perire
creditum tempore Ho-
meri, 386
Animarum præexistentia
nonnullis credita. 318
Animas olim fuisse beatas
in cœlo, num docuerit
Boëtius, 289
Animalia cur quædam in V.
T. fuerint impura, 201
202
num polleant ratione. 246
Apes num ratione polleant.
245
Ἀποθέωσις sub republica
Rom. fuit inusitata, 394
Apulejus quo tempore flo-
ruerit. I
ejus fata & doctrina. ibid.
librum Aristotelis de
mundo latine reddidit, 2
at multa de suo adiecit, 4
& Aristotelis mentem non
ubique affecutus est. 5. sqq.
nam ei Platonis senten-
tiam de cœlo affingit, 8
quare hunc librum sibi
tribuat, 4
Arbitrii libertas in quan-
tum restricta, 338
Archagatus primus medi-
cus Romæ, 13
Architas prædicamento-
rum autor, 289
falso perhibetur peripa-
tericus, 290
Aristoteles an libri de mun-
do autor sit, 2. 318
num cœli substantiam
crediderit ignitam, 5
num docuerit animas esse
æternas, 266
num prælegendus juven-
tuti, 212. 223
num semper abstinuerit à
dedicationibus, 311
num substantiam Dei tan-
tum collocet in cœlo, 6
num vere concinat Plato-
ni, 206
quare theologiam suam
dixerit metaphysic. 300
Geographiæ haud fatis-
gnarus fuit, 68
non egit de Deo mundi
opifice, 79
nec de æternitate, 363
plagii arguitur, 213
quid per naturam intelli-
gat, 206. seqq.
sæpius sine causa impu-
gnat præceptorum, 225
Aristotelis libri quinam a-
croamatici, quinam exo-
terici. 3. 303
pro suppositiis habentur
à qui-

à quibusdam	309	ferre damnata à Platonis,	383
imbecilla argumentatio de		<i>Atheismi</i> absurditas,	118
mundi incorruptibil. peti-		<i>Athenaus</i> dipnosophista-	
ta à se de Deorum, 263. sqq.		rum scriptor,	142
licentia in fabricandis vo-	65	<i>Averroës</i> quo tempore flo-	
cibus,		ruerit.	68
contradictiones à Justino		qualiter Aristotelem ex-	
mart. ostense.	31. 96	plicaverit.	184
multiplex dissensus à Pla-		Valde vellicat Platonis de-	
tone,	23	creta,	207
optimus interpres.	184	<i>Augusti</i> Imp. extemporalit-	
sententia de cœlo non		tas dicendi.	181
confundenda cum sen-		<i>Aureliani</i> gloria Longini	
tentia Platonis.	7	morte obscurata.	192
<i>Aristotelicorum</i> audacia in		<i>Αὐτοχρησίας</i> frequentia	
asserendis rerum natura-		unde	167
lium causis,	116	B arbaries in occidente,	388
<i>Arnuphis</i> philosophus Æ-		<i>Barronius</i> Carolus, sancti-	
gyptius.	121	tate clarus,	119
num pluviam ac tonitrua		<i>Basiliandi</i> consuetudo.	159
concitaverit,	ibid.	<i>Bellum</i> quodnam necessa-	
<i>Arrianus</i> Nicomediensis,		rium.	398
laudatus,	119	<i>Bibliotheca</i> in urbe Roma	
illustravit <i>Enchiridium</i> E-		quot fuerint,	227
picteti,	119	qua ratione sublata,	228
quando claruerit.	120	<i>Boëtius</i> consul de philos.	
<i>Ars</i> quid,	286	Arist. meritis,	277
<i>Aspasius</i> commentator libri		num omnia scripserit in	
Arist. de interpret.	316	carcere,	278
<i>Astrologia</i> apotelesmatica		carmine decantatus	280
sive judiciaria improba-		ejus verba de animabus	
ta sanioribus,	502	quomodo explicanda,	285
<i>Astrologiæ</i> culmen apud		naturæ vocabulum noluit	
Romanos,	401	Ec 2	tribuere
<i>Astronomia</i> exulta ante			
Panetium,	367		

INDEX III.

tribuere Deo,	292	<i>Censu</i> quomodo olim colla-	
an putarit angelos esse ani-		ta libertas,	296
malia,	295	<i>Cepe</i> inter Deos numera-	
quando profectus Athenas,		tum ab Ægyptiis,	160
	325	<i>Cerdonis</i> error,	103
<i>Bonum</i> summum quodnam.		<i>Chaldeorum</i> philosophia	
	81	num probata Platoni.	237
C æsaris anima quo collo-		<i>Chamaleontis</i> mutabilitas,	
cata a Virgilio,	395		356
<i>Cæsar</i> Cremoninus negat o-		<i>Christiana</i> veritas quo po-	
mnipræsentiam Dei,	340	tissimum argumento ad-	
<i>Canis</i> arduus philos.	399	struatur a S. Justino,	27
in <i>Cathedra</i> philosophi-		<i>Chiliasmus</i> Lactantii,	244
ca nullus unquam docuit		<i>Chronologia</i> absoluta adhuc	
Christianus.	405	desideratur,	30
<i>Cantu</i> cur mortuos prosecu-		cur tam sedulo exulta a	
tæ sint gentes,	271	Christianis,	28
<i>Capitatum</i> quid Porphyrio.		<i>Cicero</i> unde didicerit, ani-	
	285	mas cœlesti donari sede,	274
<i>Carnium</i> esus num inqui-		<i>Ciconia</i> pietas,	356
net,	200. 201	<i>Cleombrotus</i> cur se inter-	
cur prohibitus ab ecclesia,		emerit,	267
	203	<i>Circe</i> herbarum gnara,	13
<i>Carpocrates</i> syncretista,	103.	<i>Clearchus</i> docuisse dicitur in	
	104	orbe Lunæ,	252
<i>Categoriæ</i> vocabulum num		<i>Cleopatra</i> nupsit fratri,	172
recte tribuatur universali-		<i>Cælum</i> an sit quintum ele-	
bus,	284	mentum secundum Plato-	
num teste tractentur in		nem,	7
logica.	343	an exemptum à contrariis	
<i>Catonis</i> Uticensis abstin-		juxta Arist.	32
tia,	368	an animatum ac mente	
<i>Cato</i> cur sapiens audiat,	369	præditum secundum eum-	
num damnaverit medici-		dem,	33
nam.	13	cur	

RERUM.

cur dicatur Dei domici- lium, 80	nimum credulus, 238
an igneæ sit naturæ, 29. seq.	cur interemerit Sopatrum 415
an sit compositum ex 4. elementis. 96	<i>Convivia</i> docta. 143
an accipiendum pro toto mundo. 98	<i>Conviviorum</i> scriptores, 144
num sit in alterabile, 253	<i>Corneliæ</i> legis actione pul- sandi essent medici imperiti, 17
cur intueantur orantes, 264	<i>Corpora</i> veterum Romano- rum qualia fuerint, 128
Cœnæ philos. institutæ. 141	<i>Corpus</i> num animæ carcer sit, 267
Combustio cadaverum quan- do cessaverit, 268	<i>Corvi</i> quo Sensu dicantur Deum invocare, 240. 247.
<i>Commodus</i> Imp. philoso- phiæ contemtor, 175	<i>Cratylus</i> Platonis commen- datur, 332
Concentus fiderum contro- versus, 351	<i>Crescens</i> Cynicus insidias struit S. Justino. 18. 19
eiusdem assertores, 259	cur <i>ἀδίαφοποι</i> extende- rit ad veritatis cognitio- nem, 25
cur non audiat a terri- colis. 270	<i>Critolai</i> disputatio pro mundi perennitate.
<i>Conjectura</i> non cadit in Deum, 342	<i>Cujacius</i> audacior in mu- tandis lectionibus pande- ctarum, 97
<i>Conjugium</i> fratrum & foro- rum licitum apud Æ- gyptios. 172	<i>Cutis</i> mollis indicium inge- niositas, 129
uterinorum num licitum fuerit apud Judæos. 172	<i>Cynici</i> num dipnosophistæ. 149
cum mulieribus peregri- nis à quibus spretum, 173	
<i>Consilium</i> à Deo removen- dum, 342	
<i>Constantinus</i> quo pacto probarit, se non amplius esse gentilem, 238	

INDEX III.

<i>Cynicorum</i> finis diversus à ferma institutionis. 302	secundum eundem 58
<i>Cynuleus</i> philosophus Cyni- cus. 149	immobilis, 58
<i>Cyrus</i> an condiderit testa- mentum. 167	quatenus sit ἀμίμητος, 322
Δάμων Platoniorum ac Stoicorum, 117	num sit causa motus sec. Arist. 225
<i>Daphnus</i> Ephesius, medicus & Gymnosophista, 153	<i>Dei</i> naturæ quædam repu- gnant, 39
<i>Deciani</i> patria. 399	infinitatem num credide- rit Aristoteles, 6.7
laus. 400	voluntas an & quatenus rerum creatarum vin- culum sit, 41. seqq.
Declamationes sophistarum extemporales, 180	existentia probata, 118
<i>Dedicationes</i> num factæ ab Aristotele, 311	infinitas credita gentili- bus, 263
<i>Definitiones</i> an sint male, quæ non congruunt cum logica Aristot. 133	<i>Deum</i> destruere posse mun- dum evincitur contra Proclum, 38. seq.
<i>Deificatio</i> Platonica. 320	<i>Dii</i> metaphorici, 320
<i>Demestianus</i> dipnosophista, 146	mortales ex mente Plato- nis, 34
<i>Democriti</i> sententia de ori- gine mundi. 243	Διαθήκη quid significet, 168
<i>Democritus</i> an fuerit me- dicus, 140	Diæteticae regulæ. 126
<i>Demonstrationes</i> num den- tur in physicis 299. 300	<i>Dialectica</i> Platoni regina philosophiæ 298
<i>Deus</i> quo sensu dicatur Do- minus ex tempore, 49.	postponitur physicae ab Arist. 299
& habitare in cælo 80	<i>Dierum</i> criticorum causa secundum Galenum. 138
ab Aristotele dicitur ἐντελέχεια 57	Dipnosophistæ qui, 140. 143
	officium, 161. 269
	<i>Dionysius</i> Metathemenus unde

RERUM.

unde sic dictus.	26	usi sint.	ibid.
<i>Disciplina</i> unica num dispe-		<i>Elementa</i> num sint animalia	
ci possit in theoreticam &		sec. Arist.	40
practicam.	140	<i>Elementum</i> cœlesti quid.	100
<i>Divinitas</i> non pugnat cum		<i>Elephantam</i> dotes,	71
libertate arbitrii humani	343	terra natalitia,	74
<i>Divitiarum</i> contemptus		<i>Empirici</i> vere fuerunt me-	
conjunctus cum philosophia,	368	dici,	132
<i>Domini</i> vocis fata apud Ro-		<i>Encraticarum</i> error da-	
manos,	157	mnatus,	203
<i>Domitiani</i> cura in reparan-		Endymiones Stoicorum	
dis Bibliothecis,	227	quinam?	393
Donatus Veronenlis conte-		<i>Εὐτελέχεια</i> Aristotelis	
rit Aristotelem,	207	quid?	54. seq.
<i>Donne</i> vocantur fœminæ		ignoravit Cicero,	59
nobiles in Italia	156	opponitur <i>δυνάμει</i>	55
<i>Dubitationis</i> utilitas.	220	an excusare queat,	285
<i>Δύναμις</i> Aristoteli quoque		an recte à Cicerone pro	
significat substantiam,	63	ea substituaturs <i>Εὐδε-</i>	
		<i>λέχεια</i> .	56. 57
		hœc nomine quo sensu	
<i>Æbra</i> lingua olim non		Deum insigniverit Ari-	
ita crepita ut hodie,	47	stoteles,	58
ad eam non provocarunt		ejus varii significatus	60
patres concilii Niceni.	75	qui latine exprimi non	
ejus nimium studium		possit.	60
taxatur.	137	varie vertitur,	61
<i>Eclipsium</i> ratio a quonam		perfecti habia redditur a	
primum evulgata,	367	Porphyrio,	285
quinam iis in rem suam		male constituitur genus	
		animæ,	60
		<i>Ephemerides</i> quid?	403
		earum	

INDEX III.

earum frequentia apud Romanos,	401	quid ad eam requiratur	18
<i>Epicteti</i> Enchiridii lectio proficua,	119	cur à Themistio recufata	34
<i>Epicurei</i> defenfi a Simplicio.	302	<i>Fatum</i> Stoicum M. Antoini Imp.	117
<i>Eristrati</i> fama,	132	<i>Faufti</i> (Sen. & Jun.) periti disciplinarum.	357
<i>Eristratai</i> num fuerint medici,	133	<i>Febres</i> num materia possint effe conviviorum,	153
<i>Ethica</i> Arist. num fit acroamaticæ vel exotérica.	303	<i>Feuda</i> & fidei commiffa perpetua num injuriam faciunt minoribus,	167
præstat physica & astro nomia	115	<i>Finis</i> hominis Deum imitari,	321
<i>Evigilatio</i> repentina ex fomno num ominosa,	261	<i>Fæminæ</i> philosophæ ,	111.
<i>Exoterici</i> libri Arist. num omnes per modum dialogi compositi,	312	<i>Fæminarum</i> Rom. astrologis credentium infania.	402
<i>Ezechias</i> num condiderit testamentum.	162. 167	<i>Forma</i> Aristotel. variis vocibus insignitur.	65
F <i>Aber</i> (Anton.) JC. audacior in corrigendis JCtorum verbis,	96	<i>Foxius</i> (Seb.) Aristotelem & Platonem conciliare annitur.	208
<i>Fabianus</i> (Papius) insignis philosophus,	356	<i>Futurorum</i> contingentium an fit definita veritas.	333
<i>Fabule</i> num Poëtis propriæ,	260	<i>Futurum</i> non datur respectu Dei.	341
<i>Fabularum</i> gentilium sensus,	260	G <i>Aleni</i> vira ac merita.	123
<i>Facundia</i> extemporalis apud Romanos,	181		123
hodie negligitur,	182		multiplex

<p> multiplex rerum cogni- tio, 134 num putarit Aristotelem 134 Logicæ esse parentem, 124 fuit eclecticus, 124. 177 refertur inter dipnoso- phistas, 134 num recte judicavit de pulchritudine. 128 Garrere in aurem signum familiaritatis. 156 Gaudentii præceptores, 115 Genarum candor num fa- ciat ad pulchritudinem, 129 Geneseos explicatio detorta, 376 Genius Platoniorum ac Stoicorum, 116. 117 Gentilium scita nosse quid prosit, 276. 277 Geographia veteribus pa- rum cognita, 68 Gereberti statua loquens. 359 Germanorum excelsa cor- pora contempta à Roma- nis. 128 Gorgias Leontinus sophista 180 Gordiani Imp. philosophia, 190 Græcæ linguæ neglectus reprehenditur, 96 </p>	<p> ejus peritia quam neces- sario medico, 134 Grammatica num pars phi- losophiæ. 306 Gravitas philosophica apud Romanos, 380 Graviter sibi acclamabant Romani. 380 H Adrianus Imp. addictus vanitati astrologicæ 401 Heresium multitudinis an- te Constantinum M. cau- sa, 102 Hecato, num Romæ vixerit & quando. 378 Heinsius quibus argumen- tis evincere tentet, li- brum de mundo non esse Aristotelis. 311 Helena medicinæ perita, 14 Henogabali tyrannis ac infamia. 185. seq. Heracliti sententia de fati- mundi, 242 Herculis columnæ juxta Aristotelem haud longe inter se distant, 68 cur positæ, 69 de iis quid senserit Aver- roës, 69 per eas quid intelligi de- beat olim disputatum, 70 </p>
---	---

INDEX III.

<i>Heroum</i> sedes juxta gentiles,	395	<i>Incorporalitas</i> qualis tribu-	
<i>Hieronymi</i> sententia de ori-		ta animæ à Platonis.	317
gine animarum,	318	<i>Incorporea</i> non possunt esse	
<i>Hippocrates</i> num medicinæ		inordinata,	89
inventor,	15	<i>Indifferentia</i> crescentis Cy-	
<i>Hispani</i> geniculati salutant		nici taxatur à S. Justino,	23
amicas.	158	non involvit indolenti-	
<i>Homicidium</i> non capitale in		am,	26
Italia,	20	<i>Indos</i> haud longe distare ab	
<i>Hominis</i> differentia a brutis,		Hispanis, cur putarit Ari-	
247. seq.		stoteles.	70
<i>Hypatia</i> philosopha,	11	<i>Ingenium</i> quid sit Platoni,	
Alexandriæ Platonem ex-			53
plicans jussu S. Cyrilli		<i>Intellectibile</i> & intelligibi-	
occiditur,	12	le quid sit Aristoteli.	300.
			301
		<i>Intellectus</i> passibilis quid	
		eidem,	259
		animæ num passionēs.	
			326
<i>Jacobus</i> num condiderit		<i>Interpretum</i> LXX. labor	
testamentum, 162. 168		& concentus in vertendis	
<i>Jamblicii</i> fama philoso-		Bibliis,	73
phiæ,	235. 236	<i>Josephi</i> antiquitates Jud.	
<i>Imaginatio</i> quid Aristoteli,		quo loco habendæ.	28.
	328		29
<i>Imitari</i> Deum finem esse		<i>Josephus</i> an condiderit te-	
philosophiæ,	319	stamentum.	162. 168
per hanc imitationem nos		<i>Ira</i> fugienda aulicis,	152
Deos fieri,	320	<i>Iracundi</i> deridendos se pro-	
<i>Immortalitas</i> animæ minus		pinant,	152
explorata Aristoteli.	257	<i>Italorum</i> mores.	159
<i>Imperia</i> vasta num perni-			
ciosa.	397		
<i>Incorporeum</i> quid vocarint			
Stoici,	387.		

<i>Judei</i> cur Ægypto expulsi secundum Tacitum, 161	tem Cyn. invehens ab hoc accusatur, 18
cur porcinum Numen ado- rare dicantur a Petronio. 160	& martyrii gloriam obti- net, 20
<i>Juliani</i> Imp. benevolentia erga Themistium. 229	fuit philosophus Platon- icus. 21
facundia, 181	quo argumento motus christianus factus, 21. 72
<i>Julianus</i> prætulit vitam actuofam, contemplationi, 231	quando floruit, 77
num didicerit astrologiam, 237	quomodo evincat, Ari- stotelem statuisse mor- talitatem animæ. 54. seq.
<i>Julia</i> Imp. Severi uxor phi- losopha, 179	num solide refutarit A- ristotelem. 67
an fuerit Caracallæ ma- ter, 179	Platoni objicit æpagnan- tiam, 33
<i>Julius</i> Cæsar quo sit usus in corrigendo anno, 379	objicit gentilibus discor- diam in dogmatibus, 22
<i>Jurisconsulti</i> multarum re- rum scientia imbuti, 148	quid dicat de antiqui- tate Mosaica contra gentiles, 27
<i>Juris gentium</i> quæ dican- tur, 172	exagitat duo loca Ari- stotelis de cælo, 31
<i>Jurisprudentia</i> num vaca- re possit philosophia, 332	perpendit verba Plato- nis & <i>Dii Deorum</i> &c. 31
augeri potest ex scriptis Stoicorum, 382	quanti fecerit versionem LXX. interpr. 75
valde immutata sub qui- bus Imp. 297	opera quædam ei adscri- pta sunt, quæ ipsius non sunt. 77
<i>Justiniani</i> lapsus, 249	ejus quæstiones Crescen- ti Cyn. propositæ. 77
<i>Justinus</i> martyr. in crescen-	<i>Ju-</i>

Juvenalis scholiastes de
Thrasyllo agens rejicitur,

383

K *Abbala* num investita a
LXX.

73

Kabbalistarum somnia non
attingunt tempora Philo-
nis,

74

L *Astantius* chiliasta,

244

Lalius cur audiat sapi-
ens,

369

Laërtii (Diog.) negligentia,

389

Latini omnes fere alias
linguas contempserunt.

137

Laurentius Luculli imita-
tor,

141

habuit instructissimam
Bibliothecam,

142

Lecti veterum lucubratorii.

106

Leges excrefcere cur nolue-
rint Athenienses.

256

XII. Tabb. an contineant
philosophiam.

366

Legumlatores dicti philo-
sophi,

234

Libertas philosophandi
commendata,

67. 224

quot modis collata tem-
pore Boëtii,

296

Lingua una cur præfere-
tur alteri,

33

Linguarum studium nimi-
um,

13

Litterarum scientia glorio-
sa,

35

studia quatenus etiam
post barbaricas irruptio-
nes Romæ viguerint

35

Livius fuit philosophus

38

Logica an ortum suum
debeat soli Aristoteli

124. 28

num pars philosophia

29

an saltim instrumentum

32

ejus differentia a Dia-
lectica juxta Platonem

29

Longini vita, fama & mor-
es

195. 19

Longinus dictus vivum mu-
seum & spirans Biblio-
theca,

19

Lucanus num referendu-
inter philosophos,

39

fuit Stoicus,

39

quo collocarit, animam

39

Pampeji.

cu

RERUM.

cur eam transmittat ad cœlos. 394	buitur stellis 83
blanditur Neroni, 395	aut materiæ, ibid.
qui Alexandrum dixerit prædonem. 396	<i>Malum</i> summum quodnam 87
<i>Luullus</i> cœnas philosophis instituit, 141	<i>Mamercus</i> (Claud.) magni habitus a Sidonio, 340
<i>Luna</i> num quid accipiat a terra. 250.414	<i>Mammae</i> sapientia inelyta 187
perficitur a sole, 253	ad se accersit Origenem, 409
num similis sit terræ. 253	<i>Manichæus</i> error Zoroastro debet originem, 80
eur generis fœminini, 331	quomodo refutatus à Ju- stino, 80
eius globus cujus sit sub- stantiæ. 412	<i>Manichæi</i> an posuerint duas species summi mali, 81
an magicis artibus cogi possit, ut imperata fa- ciat, 412	<i>Manumissio</i> quotuplex tem- pore Ciceronis 296
caret proprio lumine, 413	quotuplex tempore Boë- tii. 296
montibus referta, 414	duo genera esse anima- rum docuerunt, 82
<i>Lapi</i> solertia. 357	<i>Marcionis</i> error, 103
M <i>Acrobis</i> quando vixe- rit, 268	<i>Mareus Antoninus</i> Imp. amans philosophiæ, 105
an accensendus philoso- phis, 268	ideoque pallium assumit græcicum, 106
an recte tutatus sit con- centum corporum cœ- lestium, 269	eius præceptores, 106
<i>Magus</i> quis? 415	carmine honoratur, 108
<i>Mala</i> culpæ ac pœnæ unde, 48	sapientiam suam moribus expresit, 109
<i>Malorum</i> causâ falso tri-	vicit Marcomannos, 110

INDEX III.

- fuit admodum modera-
tus, **110**
multos æmulatores na-
ctus, **111**
ejus constitutio contra
pseudophilosophos, **112**
ejus judicium de Rhetori-
ca & Poëtica **113**
non fuit suspicax erga
uxorem impudicam, **114**
numini acceptum fert,
quod non inciderit in
sophistam, **115**
num magorum consortio
usus sit, **121**
Mariti an debeant esse su-
spicaces; **114**
Martialis ob materiam dip-
nosophistis commenda-
tur, **153**
Masurius J. Ct. & dipno-
sophista quando floruerit, **148**
Materia Aristoteli æterna. **50**
falso mali causa reputatur, **84**
αἰδὶς καὶ αἰδέειν
ju. *αἰδὶς* roclum, **83**
an unquam fuerit absque
formis, **90**
Matheſeos definitio, **307**
in culcanda juvenibus,
ibid.
- Maximus Tyrius* quando
vixerit, **175**
cujus ſectæ fuerit, **176**
Medicamina in ſomniis in-
dicari putarunt gentiles. **114**
Medicina num damnata a
Catone, **13**
ejus antiquitas, **14. 15**
diviſio in theoreticam &
practicam num tribu-
enda Galeno, **140**
ratio quænam apud vete-
res, **133**
num ſit ſcientia, **131**
Medicus primus in urbe Ro-
ma, **13**
differt a medicinæ perito,
14. 132
contemnere debet pecu-
niam, **125**
Medici ſuperioris ſæculi ce-
lebres, **134**
dipnoſophiſtæ. **152**
num adhiberi poſſint in
conviviis. **153**
Medicorum imperitia im-
punis, **16**
diſſenſiones, **17**
avaritia taxata, **125**
Metaphyſica cur dicta theo-
logia ab Ariſt. quomo-
do differat à phyſica, **300**
ejus

eius inventor num solus Aristoteles.	308	Platonicorum,	276
objectum non sunt voces sed res,	344	conflagratio dubii expers.	391
Milites optimi unde peten- di,	131	senii expers,	377
Monarchia universalis est non ens,	397	Muscaria Pavonina.	160
de Morbis an inter pranden- dum differere liceat,	154	Natales philosophorum celebrati,	226
Mortis definitio Servi ex Platone petita,	256	Natura an tantum compe- tat substantiis corporeis sec. Arist.	292
Aristotelis,	256	quid sit Aristoteli,	293
Moses antiquissimus histo- ricus & philosophus,	27	hominum quid,	338
Motor primus Aristoteli quis?	221	de ejus significatulis inter Licetum & Liliolum.	294
Motus causa num sit Deus sec. eund.	225	Naucralita quando floue- rit.	143
Mundus an sit ingenuus juxta Platonem,	36	Nepenthes Helenæ,	14
& Deo coæternus,	49	Neronis facundia,	181
an sit animatus sec. Arist.	40	Nizzolii opinio de libris Arist.	309
an necessario interitu ob- noxius.	45	Numa an audiverit Pytha- goram,	361
eius fata sec. Heraclitum,	243	ejus profectio figmentum est Ovidii.	365
renovatio futura,	244	Numeris num vis quædam insit,	139
interitus qualis intelligen- gendus.	376	de Officiis tractatio qui- bus communis.	382
mutabilis & immutabilis			

INDEX III.

Omina num dentur, 261.

262

Omniscientia Dei unde nobis potescat. 240

Operatio inseparabilis ab anima. 66

Ὁμοῖον ☉ vox tempore
*S. Justin*i adhuc incognita, 85

in *Opinione* omnia sita esse, quomodo intellexerit M. Antoninus. 118

Oppianus Poëta de piscibus differuit. 185

Orbis lacteus quid Manlio 274

Origenis errores ex philosophia Platonica orti, 103

vasta eruditio. 406

cognomina, 407

cur negarit corporum resurrectionem, 267

virgula notatus ab ecclesia, 349. 408

quando Romam advenit. 407

Oscula olim infligebantur ori, nunc manui, vestigiis pedibus. 158

fignum amoris, 159

Ovidii figmentum de profectioe Numæ ad Py-

thagoram, 30

Pallium græcicum 1

Pamphili martyris apologia pro Origene, 4

Panætius qui immortalitatem animæ negavit, 26

reprehensus a Cicerone 38

Pannicus philosophiæ canticoma. 4

Papiniani mors, 3

Passiones animæ quid Aristoteli, 3

Παθήματα quid sint Aristoteli, 32

Patritii (Franc.) opinio de libb. Aristot. 30

Pavonum quondam magister copia, 10

Perdicum solertia. 35

Pertinax Imp. historiam & philosophiæ peritum 10

Petrarcha sententia de anima, 28

Petronius cur dixerit Judæum porcinum numquam adorare, 16

Phi

<i>Philo</i> cur in corruptibilitatem mundi defenderit,	392	Platone,	299
<i>Philosophia</i> abusus hæresium causa,	103	perhibetur apodictica ab Arist.	299
fastigium sub M. Anton. Imp.	109	<i>Physici</i> antiqui an docuerint, mundum semper fuisse.	90
fata in fausta sub Imp. commodo.	175	<i>Physiologia</i> num tertia species philosophiæ theoreticæ.	315
Rem. concussio post mutatam sedem Imp.	228.229	<i>Plagium</i> Aristotelis.	291
veræ finis,	232	<i>Plato</i> à Mose multa mutatus est.	27
encomia,	240	quo pacto a contradictione liberandus in doctrina de anima,	47. seqq.
divisio Platonica & Arist.	297	quo sensu animæ principium denegaverit.	53 seq.
<i>Ammoniacæ</i> ,	306	& Aristoteles num vere inter se concinant.	105
carcinomata ac dehonestamenta.	400	conciliari neutiquam possunt,	220
<i>Philosophia</i> medicis necessaria,	125	num animalibus tribuerit rationem.	248
practica præstat theoretica,	332	<i>Platonis</i> multiplex dissensus ab Aristot.	23
a principibus excolenda,	281	contradictiones	34. seq.
quam utilis reipublicæ,	368	verba : <i>Dii Deorum</i> , quorum opifex ego &c. explicantur.	
<i>Philosophorum</i> dissensiones.	23	<i>Plotinus</i> scripsit adversus abusum philosophia.	105
<i>Photii</i> iudicium de Justino martyre,	31	optimus	
<i>Physica</i> quomodo differat a theologia sive postphysica,	300		
contemta a Socrate &			

INDEX III.

optimus Aristotelis interpres.	184	tribuit.	246
quando Romam venerit.	193	<i>Posidonius</i> philosophus	
XXI. libros scripsit per decennium,	193	quando claruerit.	378
magna auctoritate polluit,	194	<i>Præceptorem</i> sapientem	
<i>Pœna</i> contra hæreticos sanctæ ab Impp. Christianis.	85	nancisci felicitatis est,	115
<i>Politici</i> dicti philosophi,	234	<i>Prædicamenta</i> tradita ante	
<i>Pompenii</i> anima. quo collocata a Lucano,	293	Aristotelem ab Archita	
<i>Porcorum</i> tempus fatale,	160	Pythagoræo,	289
<i>Porphyrius</i> Aristotelem cum Platone conciliare tentabit,	23	an ad Metaphysicam releganda.	343
sed hi libri interiere,	200	<i>Præscientia</i> Dei non perimit naturam rei.	335
esum carnem rejecit.	200	<i>Præteritum</i> non datur respectu Dei,	341
bis Romam profectus est.	147	<i>Proaresius</i> summo honore affectus a Romanis.	239
præceptorem Plotinum superasse videtur.	198	<i>Proceritas</i> corporis num apta ad militiam,	128
quo tempore vixerit,	199	<i>Providentia</i> Dei consilia nostra intervertit.	338
sacrificia amalis geniis esse excogitata putavit.	237	<i>Pseudophilosophi</i> sub M. Antonino	111
animantibus sermonem		<i>Pulebritudo</i> quid Galeno,	128
		ad <i>Pulchritudinem</i> corporis fœminei quid requiratur,	128
		de <i>Pulchritudine</i> judicare quorum sit.	131
		<i>Pythagoræorum</i> fabulæ de nume-	

numerorum vi & efficacia	tii,	244
139	<i>Sapiens</i> quis dictus Roma-	
scientia physicae.	nis,	370
252	<i>Sapientia</i> definitio Aristo-	
<i>Pythagoras</i> quomodo ve-	telica,	370
ritatem sit percrutatus.	divisio ejusdem in univers-	
362	& particularem.	370
quid de fluxu temporum	<i>Scaligeri</i> (Josephi) erro-	
fit philosophatus, 362	res chronologici,	379
<i>Pyroë</i> solis equus,	<i>Scari</i> solertia.	375
93	<i>Schola</i> Photiniana.	235
Q uestiones Justini mart.	<i>Scientia</i> latitudo apud ve-	
adv. philosophos Pa-	teres,	348
ganos.	<i>Scipio</i> apud Ciceronem quid	
78	dicat de animæ immorta-	
R abbinorum somnia re-	litate,	273
centiora sunt tempo-	ejus abstinencia.	368
ribus Philchis & Josephi,	<i>Scriptores</i> authentici legen-	
74	di,	161
<i>Ratio</i> num homini sit pro-	<i>Sectarum</i> divisio.	302
pria,	<i>Seneca</i> innocentia,	319
276. 247	<i>Septimii</i> Severi vita & do-	
<i>Responsiones</i> CXLVI. ad	ctrina,	177. 178
orthodoxos non esse Ju-	<i>Septuaginta</i> interpretum	
stini Mart.	doctrina.	72
85	labor & concentus in ver-	
theologis tantum prodesse	sione bibl.	73
possunt,	autoritas usque ad tem-	
85	pora Hieronymi,	74
<i>Resurrectio</i> corporum cur	num interpretis officio	
negata ab Origene,	rite functi,	75
267	quanti faciendi.	76
<i>Rhetorica</i> num pars philoso-	<i>Sereni</i> Ammonici ambo	
phicæ,	191	
306	ipso-	
<i>Richelieu</i> Card. epicedia,		
282		
<i>Romanorum</i> veterum cor-		
pora qualia fuerint.		
128		
S acrificia a malis dæmo-		
niis excogitata esse pu-		
tavit Porphyrius,		
237		
cui originem debeant,		
ibid.		
<i>Saculum</i> aureum Lactan-		

INDEX III.

- ipforum scripta interiere, [192](#) cur sit masculinum, [332](#)
Sermo num competat brutis, [246](#) ejus equos ignem efflare, [94](#)
 quatenus sit à natura, [332](#) *Solon* an autor testamentorum, [163](#)
Servi appellatio quodnam argumentum, [157](#) *Somnia* à gentilibus captata ad discenda morborum remedia, [114](#)
Servius Virgilii interpres, [240](#) *Soni* cur sacrificiis adhibiti, [271](#)
 ejus expositio de magno anno Platonico bestiis tribuit rationem, [246](#) *Sopater* scholæ Plotinianæ praepositus, [235](#)
 ejus lapsus in definitione mortis, [257](#) interemtus à Constantino M. [238. 416](#)
Sextus Chæronensis quis fuerit, [106](#) ejus scripta & fama, [236](#)
Pseudo-Sextus, [107](#) num fuerit magus, [415](#)
Sybille Cumanæ vaticinium dicendi, [180](#)
 de Christo, [243](#) *Σοφῶς* adverbii usus frequens in acclamationibus Romæ, [380](#)
Erythrae vaticinium chiliaristicum, [244](#)
Sidera num pascantur aquis marinis, [250](#) *Sofigenes* insignis astronomus, [379](#)
Sidonius Apollinaris sapientia mysta fuit Romæ, [347](#) *Statura* procera minus apta ad labores militares sec. Galenum, [128](#)
 magnificet Claudium Mamercurum, [340](#) excelsa Germanorum contempta à Romanis, [128](#)
Simplicius quatenus Aristotelem & Platonem conciliare annifus sit, [224. 225](#) *Stelle* non sunt malorum causae, [83](#)
 minus recte dispescuit philosophorum sectas, [302](#) nec sapientia praeditae, [83](#)
 tueretur Epicureos, [302](#) *Stoici* num rationem tribuerint bestiis, [229](#)
Sirenas singulis orbibus infidere credidit Plato, [271](#) libertatem arbitrii evertunt, [336](#)
Sol unde dictus, [331](#) multa conferre potuerunt ad

ad Jurisprudentiam, 382	su dicantur. 161
<i>Stoicismus</i> imputatus Calvi- ni nis. 339	<i>Testamentorum</i> nulla fit mentio in scriptura. 168
<i>Sues</i> quomodo sapidiores reddantur in Italia 160	non <i>Testari</i> Germanicae li- bertatis signum fuit. 168
<i>Suida</i> collectaneâ caute le- genda. 416	<i>Themistius</i> carus imperato- ribus Christianis. 229
<i>Sulpitius</i> celebris astrono- mus. 360	Valentis Imp. rabiem o- ratione compefeit. 230
<i>Superciliorum</i> pulchritudo. 130	quantum polluerit philo- sophia. 230
<i>Superstitio</i> veterum 261 . 262	relatus inter sacerdotes. 231
<i>Sylvester II.</i> Pontif. eximi- us philosophus. 358	<i>Theodoricus</i> Rex Goth. Meca- enas philosophorum. 350
magiae falso arguitur. 359	delectatus historia anima- lium. 356
<i>Syncretismus</i> Carpoeratia- norum. 104	ejus epistola ad Boërium. 278
<i>Syncretista</i> philosophici, 207. seqq.	in eundem & Symmachum tyrannis. 280
T <i>Asiani</i> haeresis damna- ta. 202.203	ejus res quid faciant ad phi- losophiam Romanor. 355
<i>Telescopiorum</i> usus. 270	<i>Theodosius</i> Imp. num phi- losophiam spreverit. 277
<i>Tempus</i> quid? 88	<i>Theologia</i> cur audiat Meta- physica Aristoteli. 300
semper fuisse Plato puta- vit. ibid.	<i>Thomas Aquinas</i> Aristotel. cum Platone conciliare la- borat. 207
<i>Terra</i> expers senii. 254	<i>Thrasyllus</i> num fuerit Pla- tonicus. 383
parvae molis credita Ari- stoteli. 68	<i>Tiberii</i> Imp. saevitia. 287
quibus argumentis. 70	<i>Timon</i> Appolloniades Ni- cæus illustravit Sillos alte- rius Timonis. 384
<i>Testamenta</i> ejus juris sint. 161. 162	<i>Titi</i>
<i>Testamentum</i> Patriarcha- rum apocryphum. 168	
vetus ac novum quo sen-	

INDEX III. RERUM.

<i>Titi</i> Imp. facultas dicendi,	181	<i>Vindicta</i> quomodo olim collata libertas	296
<i>Trajanus</i> cur noluerit christianos inquiri, sed saltem oblatos puniri.	19	<i>Vita</i> a multis abbreviatur qui eam prolongare satagunt.	127
ejus corporis dignitas.	129	<i>Ulpianus</i> Tyrius dipnosophista.	146
<i>Trapezuntinus</i> acriter invehit in Platonem.	207	num insensus fuerit Christianis	410
<i>Trinitatis</i> mysterium Saec. I. & II. non ita diserte expositum, ac postea.	85	defenditur.	410
<i>Turturum</i> abstinentia.	356	fuit tutor Alexandri Severi.	411
V <i>Alentinianus</i> num philosophiam spreverit.	277	Cynicos exagitat	151
<i>Valeriani</i> saevitia.	281	<i>Vocabula</i> an significant a natura, an ex hominum instituto.	330
<i>Vasalli</i> tantum domini fructuum.	167	nova architectari quatenus liceat philosophis.	284
<i>Vaticinia</i> cur parvi pensâ ab Alexandro M.	336	<i>Voluntas</i> Dei quo sensu dicatur vinculum creaturarum.	37
Sibyllina.	243. 244	<i>Voluptas</i> quo sensu ab Epicuro habita pro summo bono.	302
<i>Versio</i> LXX. interpret. à Justino usurpata.	72	<i>Uterini</i> conjugium inire poterant apud Lacedaemonios	172
licet calluerit ebraice	76	X <i>Erxis</i> pulchritudo	129
authentica fuit usque ad Hieronymi tempora,	75	Z <i>Oroaster</i> Manichaei erroris primus autor	80
num corrupta sit.	75		
quid de ea senserit Justinus.	75		
<i>Versio</i> nis vulgatæ autoritas non minuitur autoritate LXX. interpr.	75		
<i>Vicomercutius</i> (Franc.) audacior in corrigendo Arist.	96		



INDEX III. RERUM.

<i>Titi</i> Imp. facultas dicendi,	181	<i>Vindicta</i> quomodo olim collata libertas	296
<i>Trajanus</i> cur noluerit christianos inquiri, sed saltim oblatos puniri.	19	<i>Vita</i> a multis abbreviatur qui eam prolongare satagunt.	127
eius corporis dignitas.	129	<i>Ulpianus</i> Tyrius dipnosophista.	146
<i>Trapezuntius</i> acriter inventus in Platonem.	207	num insensus fuerit Christianis	410
<i>Trinitatis</i> mysterium Sacc. I. & II. non ita diserte expositum, ac postea.	85	defenditur.	410
<i>Turturum</i> abstinencia.	356	fuit tutor Alexandri Severi.	411
<i>Valentinianus</i> num philosophiam spreverit.	277	Cynicos exagitat	151
<i>Valeriani</i> saevitia.	281	<i>Vocabula</i> an significant a natura, an ex hominum instituto.	330
<i>Vasalli</i> tantum domini fructuum.	167	nova architectari quatenus liceat philosophis.	284
<i>Vaticinia</i> cur parvi pensata ab Alexandro M.	336	<i>Voluntas</i> Dei quo sensu dicatur vinculum creaturarum.	37
Sibyllina.	243. 244	<i>Voluptas</i> quo sensu ab Epicuro habita pro summo bono.	302
<i>Versio</i> LXX. interpret. à Justino usurpata.	72	<i>Uterini</i> conjugium inire poterant apud Lacedaemonios	172
licet calluerit ebraice	76	<i>Xerxis</i> pulchritudo	129
authentica fuit usque ad Hieronymi tempora.	75	<i>Zoroaster</i> Manichaei erroris primus autor	80
num corrupta sit.	75		
quid de ea senserit Justinus.	75		
<i>Versio</i> nis vulgatæ autoritas non minuitur autoritate LXX. interpr.	75		
<i>Vicomercutius</i> (Franc.) audacior in corrigendo Arist.	96		



